

Т. А. С А Р И М С О Қ О В

**ҲАҚИҚИЙ ҮЗГАРУВЧИНИНГ  
ФУНКЦИЯЛАРИ НАЗАРИЯСИ**

Т. А. САРИМСОҚОВ

# ҲАҚИҚИЙ ЎЗГАРУВЧИНИНГ ФУНКЦИЯЛАРИ НАЗАРИЯСИ

ЎзССР Олий ва махсус ўрта таълим вазирлиги  
университетларнинг ва пединститутларнинг  
механика-математика, физика-математика  
факультетлари учун дарслик сифатида рухсат этган

«ЎҚИТУВЧИ» НАШРИЕТИ  
ТОШКЕНТ — 1968

ОПИСАНО

На узбекском языке  
САРЫМСАКОВ ТАШМУХАММАД АЛИЕВИЧ  
ТЕОРИЯ ФУНКЦИЙ ВЕЩЕСТВЕННОЙ ПЕРЕМЕННОЙ  
Учебник для студентов университетов и педагогических  
институтов

Спец. редактор кандидат физико-математических наук  
Хаджиев Джавват

Издательство „Ўқитувчи“  
Ташкент — 1968

Махсус редактор Ж. Хожиев  
Редактор И. Аҳмаджоёв  
Муқова расоми С. Владимиров  
Бадий редактор И. Митибеёв  
Техн. редактор Н. Сорокина  
Корректор. Х. Зоирова

Тертишга берилди 25|1-1968 й. Босишга рухсат этилди 26|VI-1968 й. Қоғози  
60×90|16. Физик л. 15,0. Нашр. л. 10,94. Тиражи 10000. Р. 15097.

„Ўқитувчи“ нашриёти. Тошкент, Навоий кўчаси,  
30. Шартнома 269-67. Баҳоси 31 т. Муқоваси 18 т.

Ўзбекистон ССР Министрлар Совети Матбуот Давлат комитетининг  
3- босмаҳонасида тертилиб, 1- босмаҳонасида босилди. Тошкент, Ҳамза  
кўчаси, 21. 1968. Заказ № 724.

Набрано в типографии № 3, отпечатано в типографии № 1 Государственного  
комитета Совета Министров УзССР по печати Ташкент, Ҳамза, 21.

## СЎЗ БОШИ

Мавкур китобни ёзишда В. И. Ленин номидаги Тошкент Давлат университетининг физика-математика (кейинчароқ эса механика-математика) факультетларида бир неча йиллар давомида ўқилган лекциялардан фойдаланиб:

1. Дарсликнинг илмий жиҳатдан жиддий бўлиши;
2. Унинг ҳажми деярли катта бўлмай, университетларнинг механика-математика ва педагогика институтларининг физика-математика факультетларининг программалари асосида тузилиши;
3. Методологик масалаларни фаннинг тарихий ривожланиши билан узвийлаштириб берилиши каби принципларга риоя қилишни лозим топдик.

Биринчи принцип ўз навбатида «Ҳақиқий ўзгарувчининг функциялари назарияси» дарслиги ўз ичига қандай илмий материалларни олиши зарур, деган масалага бевожуб бегина асосан П. С. Александров ва А. Н. Колмогоровлар томонидан тузилган ва 1938 йилда биринчи марта нашр этилган «Теория функций действительного переменного» китобида қониқарли ҳал

қилинган. Шунинг учун ҳам методологик жиҳатдан юқоридаги 1 ва 2-принципларни бажаришда кўрсатилган дарсликнинг ва бошқа мавжуд манбаларнинг ижобий хислатларидан фойдаландик.

3-принципга келганда эса бу китобда баён этилган илмий фактларни ёритишда биз уларнинг тарихий ривожланиши масаласини кўпроқ назарда тутдик.

Бу дарсликдан педагогика институтларининг физика-математика факультетлари студентлари ҳам фойдалана олишлари учун биз қўшимча XI бобни, асосан педагогика институтларининг программаларига кирган бўлиб, университет программаларига кирмаган материалларга бағишладик.

Юқорида баён этилган принциплар китобда асосан акс этирилган бўлса, автор мамнун бўлар эди. Қўл ёзmani нашрга тайёрлашда физика-математика фанлари кандидати Ж. Хожиев ўз устига китобнинг илмий муҳаррирлигини олиб, кўп қимматбаҳо маслаҳатлар берди. Унга самимий миннатдорчилигимни билдираман.

*Т. А. САРИМСОҚОВ*

Тошкент, 1967 йил, август.

## А Д А Б И Е Т

[1] П. С. Александров, Введение в общую теорию множеств и функций, Гостехиздат, 1948.

[2] П. С. Александров и А. Н. Колмогоров, Введение в теорию функций действительного переменного, ГОНТИ, 1938.

1 Б О Б

## ТЎПЛАМЛАР НАЗАРИЯСИДАН АСОСИЙ МАЪЛУМОТЛАР

### 1- §. Тўплам тушунчаси

Тўплам тушунчаси математиканинг бошланғич тушунчаларидан биридир. Одатда бу тушунча таърифсиз қабул қилинади. Бунинг сабаби шундаки, бу тушунчага бериладиган таърифнинг ўзи ҳам янада соддароқ тушунчага асосланган бўлиши керак; аммо биз бундай тушунчага эга эмасмиз. Шунинг учун тўплам таърифини қидирмасдан, уни мисоллар билан тушунтирамиз.

Масалан, ўзбек алфавитининг барча ҳарфлари тўплам ҳосил қилади, дейиш мумкин; шунингдек, Тошкент шаҳридаги ҳамма ўрта ва бошланғич мактаблар, ҳамма бутун мусбат сонлар, ҳамма узлуксиз функциялар, бирор китобнинг саҳифалари, тўғри чизиқдаги барча нуқталар ҳам тўплам ташкил этади. Бундай мисолларни чексиз кўп келтириш мумкин. Умуман, тўплам тушунчасини англашда унинг турли нарсаларнинг бирлашмаси (мажмуаси) эканлигини унутмаслик керак.

Берилган тўпламни ҳосил қилган нарсаларни тўпламнинг элементлари дейилади. Тўпламнинг элементлари турли нарсалардан, масалан, функциялар, сонлар, мактаблар ва ҳоказолардан иборат бўлиши мумкинлигини юқоридаги мисоллардан кўриб турибмиз. Одатда тўплам берилганда унинг элементлари бир ёки бир неча белгиларга мувофиқ аниқланган бўлади. Бу белгиларга асосланиб, ҳар бир нарса берилган тўпламнинг элементи эканлиги ёки элементи эмаслигини айта олиш мумкин.

Тўплам тушунчаси янада аёниyroқ бўлиши учун шунни айтиб ўтиш керакки, тўпламда бир хил (бир-биридан фарқ қилиб бўлмайдиган) элементлар бўлмайди. Масалан,

$$(x - 1)^2 (x + 1)^3 = 0$$

тенгламанинг барча илдизлари тўплами  $1, 1, -1, -1, -1$  элементлардан иборат бўлмасдан, балки  $1$  ва  $-1$  элементлардан иборат.

Бундан буён қулайлик учун бўш тўплам тушунчасини киритамиз: *агар тўпламнинг бирорта ҳам элементи бўлмаса, ундай*

*тўплам бўш тўплам дейилади.* Бўш тўплам  $\emptyset$  (баъзан эса  $\Lambda$  ёки  $O$ ) билан белгиланади.

Бундан буён тўпламларни латин алфавитининг  $A, B, C, \dots, X, Y, Z$  сингари бош ҳарфлари билан, тўпламларнинг элементларини эса  $a, b, c, \dots, x, y, z$  каби кичик ҳарфлари билан белгилаймиз. Бирор  $a$  нарса  $A$  тўпламнинг элементи эканлигини

$$a \in A$$

шаклда ёзиш қабул қилинган;  $a$  нарса  $A$  тўпламга тегишли эмаслиги

$$a \notin A$$

кўринишда ёзилади. Ҳар қандай  $a$  нарса учун юқоридаги муносабатлардан бири, албатта, ўринли бўлиши табиийдир.

Тўпламлар назариясининг тарихи деярли узоқ эмас. Бу соҳадаги *биринчи* жиддий ишлар XIX асрнинг иккинчи ярмида қилинган. Шунга қарамай, ҳозирги вақтда тўпламлар назарияси математиканинг жуда ҳам кенг ва чуқур ишланган қисмларидан бири бўлиб, бу назария мазкур курснинг (ва ҳатто бутун математиканинг) асосий пойдевори ҳисобланади.

## 2- §. Тўпламнинг қисмлари ва тўпламлар устида амаллар

Бундан кейин доимо қуйидаги асосий тушунчалар ва амаллар билан иш олиб боришга тўғри келади.

1-таъриф. Агар  $A$  тўпламнинг ҳар бир элементи  $B$  тўпламнинг ҳам элементи бўлса,  $A$  тўплам  $B$  тўпламнинг қисми дейилади ва бу муносабат

$$A \subset B$$

шаклда ёзилади!

Таърифдан ҳар қандай  $A$  тўпламнинг ўзи ўзининг қисми, яъни

$$A \subset A$$

экани бевосита кўринади.

Бўш  $\emptyset$  тўплам эса ҳар қандай тўпламнинг қисмидир.

$A$  ва  $\emptyset$  тўпламлар  $A$  тўпламнинг хосмас қисмлари дейилади;  $A$  тўпламнинг ҳамма бошқа қисмлари эса унинг хос қисмлари дейилади.

Мисоллар: 1.  $A$  тўплам 1 ва 2 рақамлардан,  $B$  тўплам эса 1, 2, 3, 4, 5 рақамлардан иборат бўлсин, яъни

$$A = \{1, 2\}, \quad B = \{1, 2, 3, 4, 5\}$$

бўлсин, у ҳолда  $A$  тўплам  $B$  нинг хос қисми бўлади.

2.  $A = \{1, 2, 5, 6\}$  ва  $B = \{1, 2, 3, 4, 5\}$  тўпламларнинг ҳеч бири иккинчисининг қисми эмас.

3. Ҳамма тоқ сонлар тўплами барча бутун сонлар тўпламининг хос қисмидир.

4.  $A$  тўплам

$$x^2 - 1 = 0$$

тенгламининг илдизларидан,  $B$  тўплам эса

$$x^4 - 1 = 0$$

тенгламининг ҳақиқий илдизларидан иборат бўлса,  $A$  тўплам  $B$  нинг хосмас қисми бўлади.

2-таъриф.  $X$  ихтиёрий тўплам бўлиб,  $A$  тўплам унинг бирор қисми бўлсин.  $X$  тўпламнинг  $A$  га кирмаган барча элементларидан иборат тўпламни  $A$  нинг  $X$  га қадар тўлдирувчи тўплами дейилади.

Тўлдирувчи тўпламни  $C_X(A)$  каби белгилаймиз. Мисол учун, агар

$$A = \{1, 2\}, \quad B = \{1, 2, 3, 4, 5\}$$

бўлса, у ҳолда

$$C_B(A) = \{3, 4, 5\}$$

бўлади.

3-таъриф. Агар  $A$  тўплам  $B$  тўпламнинг қисми бўлса ва  $B$  тўплам  $A$  нинг қисми бўлса,  $A$  тўплам  $B$  тўпламга тенг дейилади ва бу муносабат

$$A = B$$

шаклда ёзилади; демак,  $A = B$  тенглик икки  $A \subset B$  ва  $B \subset A$  муносабатларнинг биргаликда бажарилишига эквивалентдир.

Масалан,  $A$  тўплам  $1$  ва  $-1$  элементлардан,  $B$  эса ушбу

$$(x - 1)^2(x + 1)^2 = 0$$

тенгламининг барча илдизларидан иборат бўлса,  $A$  тўплам  $B$  тўпламга тенг бўлади.

4-таъриф.  $A$  ва  $B$  икки ихтиёрий тўплам бўлсин. Агар  $C$  тўплам  $A$  ва  $B$  тўпламларнинг барча элементларидан иборат бўлиб, бошқа элементлари бўлмаса, у ҳолда  $C$  тўплам  $A$  ва  $B$  тўпламларнинг йиғиндиси дейилади ва

$$A \cup B = C$$

кўринишида ёзилади (1-шакл).

Шуни қайд қилиб ўтиш керакки, агар бирор элемент  $A$  тўпламга ҳам,  $B$  тўпламга ҳам кирса, бу элемент  $C$  тўпламда бир марта ҳисобланади.

Агар  $A \subset B$  бўлса, бу ҳолда  $A \cup B = B$ , хусусий ҳолда  $A \cup A = A$  бўлади.

Мисоллар: 1.  $A$  тўплам  $1, 2, 3, 4, 5$  рақамлардан,  $B$  тўплам эса  $0, 2, 4, 6, 8$  рақамлардан иборат бўлса, бу тўпламларнинг



Йиғиндиси бўлмиш  $C$  тўпلام 0, 1, 2, 3, 4, 5, 6, 8 рақамлардан иборатдир, яъни:


$$\{1, 2, 3, 4, 5\} \cup \{0, 2, 4, 6, 8\} = \{0, 1, 2, 3, 4, 5, 6, 8\}$$

2.  $A$  тўпلام ҳамма жуфт бутун сонлардан,  $B$  тўпلام эса 3 га бўлинадиган барча бутун сонлардан иборат, яъни


$$A = \{\pm 2, \pm 4, \pm 6, \dots\}, \quad B = \{\pm 3, \pm 6, \pm 9, \pm 12, \dots\}$$

бўлса, у ҳолда:

$$C = A \cup B = \{\pm 2, \pm 3, \pm 4, \pm 6, \pm 8, \pm 9, \dots\}.$$



1- шакл.



2- шакл.

5-таъриф. Икки  $A$  ва  $B$  тўпلامларнинг умумий элементларидан тuzилган  $C$  тўпلام  $A$  ва  $B$  тўпلامларнинг умумий қисми ёки кўпайтмаси дейилади (2-шакл) ва

$$C = A \cap B \text{ ёки } C = A \cdot B$$

кўринишида ёзилади.

Мисоллар: 1. Агар

$$A = \{1, 2, 3, 4, 5\}, \quad B = \{0, 2, 4, 6, 8\}$$

бўлса, у ҳолда

$$A \cap B = \{2, 4\}$$

бўлади.

2. Агар

$$A = \{\pm 2, \pm 4, \pm 6, \pm 8, \pm 10, \pm 12, \dots\},$$

$$B = \{\pm 3, \pm 6, \pm 9, \pm 12, \dots\}$$

бўлса, у ҳолда

$$A \cap B = \{\pm 6, \pm 12, \pm 18, \pm 24, \dots\}$$

бўлади.

Хусусий ҳолда, ё  $A \subset B$ , ё  $A = B$ , ё  $A \cdot B = \emptyset$  бўлса, у ҳолда шунга мос равишда  $A \cap B = A$ ,  $A \cap A = A$ ,  $A \cap \emptyset = \emptyset$  бўлади.

Агар  $A$  ва  $B$  тўпلامларнинг умумий элементлари бўлмаса, у ҳолда  $A \cap B = \emptyset$  бўлади.

6-таъриф.  $A$  тўпلامнинг  $B$  тўпلامга кирмаган барча элементларидан тузилган  $C$  тўпلام  $A$  ва  $B$  тўпلامларнинг айирмаси дейилади ва унинг учун

$$C = A \setminus B$$

белги ишлатилади (3-шакл).

Мисоллар: 1. Агар

$$A = \{1, 2, 3, 4, 5\},$$

$$B = \{0, 2, 4, 6, 8\}$$

бўлса, у ҳолда

$$A \setminus B = \{1, 3, 5\}$$

бўлади.

2. Агар

$$A = \{\pm 2, \pm 4, \pm 6, \pm 8, \pm 10, \pm 12, \pm 14, \dots\},$$

$$B = \{\pm 3, \pm 6, \pm 9, \pm 12, \dots\}$$

бўлса, у ҳолда

$$A \setminus B = \{\pm 2, \pm 4, \pm 8, \pm 10, \pm 14, \dots\}$$

бўлади.

7-таъриф. Биринчи элементи  $X$  тўпلامга ва иккинчи элементи  $Y$  тўпلامга кирган барча  $(x, y)$  жуфтлардан иборат тўпلام  $X$  ва  $Y$  тўпلامларнинг Декарт (тўғри) кўпайтмаси дейилади, бу кўпайтма одатда

$$[X, Y].$$

каби белгиланади.

Мисоллар: 1.  $R$  — ҳақиқий сонлар тўпلامي бўлиб,  $X = R$  ва  $Y = R$  бўлса, у ҳолда  $[R, R]$  — текисликдаги барча нуқталар тўпلامي бўлади.

2.  $N$  — барча бутун сонлар тўпلامي бўлиб,  $X = N$ ,  $Y = N$  бўлса,  $[N, N]$  — текисликдаги координатлари бутун бўлган барча нуқталар тўпلامидир.

3. Агар  $R^n$  фазо  $n$  ўлчовли фазо бўлиб,  $X = R^k$ ,  $Y = R^l$  бўлса, у ҳолда

$$[R^k, R^l] = R^{k+l}$$


бўлади.

Тўпلامлар устидаги юқорида киритилган амаллар ушбу хоссаларга эга:

$$1. A \cup B = B \cup A;$$

$$2. A \cup B \cup C = (A \cup B) \cup C = A \cup (B \cup C);$$

$$3. A \cap (B \cap C) = (A \cap B) \cap C;$$



3-шакл.

$$4. (A \cup B) \cap C = (A \cap C) \cup (B \cap C).$$

$$5. (A \setminus B) \cap C = (B \cap C) \setminus (B \cap C).$$

Бу тенгликларнинг исботлари бир-бирига ўхшаш бўлгани сабабли, уларнинг биттасини, масалан, 4-тенгликни исбот қилиш билан чекланамиз. 4-тенгликни исбот этиш учун чап томондаги  $(A \cup B) \cap C$  тўпламнинг ҳар бир элементи ўнг томондаги  $(A \cap C) \cup (B \cap C)$  тўпламнинг ҳам элементи эканлигини ва, аксинча,  $(A \cap C) \cup (B \cap C)$  нинг ҳар бир элементи  $(A \cup B) \cap C$  тўпламнинг ҳам элементи эканлигини кўрсатиш керак.

$a \in (A \cup B) \cap C$  бўлсин деб фараз қилайлик. Бундан, кўпайтманинг таърифига мувофиқ,  $a \in A \cup B$  ва  $a \in C$  муносабатлар келиб чиқади;  $a \in A \cup B$  муносабатдан эса  $a \in A$  ёки  $a \in B$  муносабатлардан камида биттасининг ўринлилиги келиб чиқади; агар  $a \in A$  муносабат ўринли бўлса, у ҳолда  $a \in A \cap C$  бўлади, агар  $a \in B$  муносабат ўринли бўлса, у ҳолда  $a \in B \cap C$  бўлади. Демак, ҳар иккала ҳолда ҳам  $a \in (A \cap C) \cup (B \cap C)$  муносабат келиб чиқади, яъни 4-тенгликнинг чап томонидаги тўпламнинг ихтиёрий элементи ўнг томондаги тўпламнинг ҳам элементи экан.

Энди  $a \in (A \cap C) \cup (B \cap C)$  бўлсин деб фараз қилайлик. У ҳолда, йиғиндининг таърифига асосан,  $a \in A \cap C$  ёки  $a \in B \cap C$  муносабатларнинг камида биттаси ўринли: агар  $a \in A \cap C$  бўлса, бундан  $a \in A$  ва  $a \in C$  муносабатлар келиб чиқади, агар  $a \in B \cap C$  бўлса, бундан  $a \in B$  ва  $a \in C$  муносабатлар келиб чиқали. Демак,  $a \in A \cup B$  ва  $a \in C$  муносабатлар ҳамма вақт ўринли. Булардан эса  $a \in (A \cup B) \cap C$  муносабат келиб чиқади, яъни 4-тенгликнинг ўнг томонидаги тўпламнинг ихтиёрий элементи чап томондаги тўпламнинг ҳам элементи экан. Шу билан 4-тенглик исбот этилди.

### 3- §. Тўпламлар системаси.

#### Тўпламни синфларга ажратиш

Энди  $x$  бирор ўзгарувчи бўлиб, унинг қийматлари бирор  $X$  тўпламни ташкил этсин ва ҳар бир  $x$  га  $A_x$  тўплам мос келтирилган бўлсин. Элементлари  $A_x$  тўпламлардан иборат  $H$  тўпламга тўпламлар тўплами ёки тўпламлар системаси дейилади. Келгусида тўпламлар системасини

$$H = \{A_x\}, \quad (x \in X)$$

шаклда ёзамиз.

Мисоллар: 1. Агар

$$X = \{1, 2, 3, \dots, n\}$$

бўлса, у ҳолда

$$H = \{A_1, A_2, A_3, \dots, A_n\}$$

бўлади.

## 2. Агар

$$X = \{1, 2, 3, \dots, n, \dots\}$$

бўлса, у ҳолда

$$H = \{A_1, A_2, A_3, \dots, A_n, \dots\}$$

бўлади. Одатда бундай тўпламлар системаси тўпламлар кетма-кетлиги дейилади.

3. Агар  $xOy$  текисликни олиб,  $X$  тўплам деб,  $Ox$  ўқни ва  $A_x$  тўплам деб  $Ox$  ўқни  $x$  нуқтада кесиб ўтувчи вертикал тўғри чизиқни олсак, у ҳолда  $H$  тўпламлар системаси текисликдаги барча вертикал тўғри чизиқлардан иборат бўлади.

Икки тўпламнинг йиғиндиси ва кўпайтмаси каби, ихтиёрий тўпламлар системаси  $H = \{A_x\}$ , ( $x \in X$ ) ни ҳосил қилувчи  $A_x$  тўпламларнинг йиғиндиси ва кўпайтмаси тушунчаларини киритиш мумкин.

$H = \{A_x\}$ , ( $x \in X$ ) тўпламлар системасини ташкил этувчи  $A_x$  тўпламларнинг йиғиндиси (қисқароқ, тўпламлар системасининг йиғиндиси) деб шундай  $C$  тўпламга айтиладики,  $A_x$  тўпламларнинг ҳар бири  $C$  тўпламнинг қисми бўлиб,  $C$  тўпламнинг ҳар бир элементи  $A_x$  тўпламларнинг камида биттасига қарашли бўлади. Тўпламлар системасининг йиғиндиси учун

$$C = \bigcup_{x \in X} A_x$$

белги ишлатилади.

Масалан, тўпламлар системаси учун юқорида берилган учинчи мисолда тўпламлар системасининг йиғиндиси текисликдаги барча нуқталардан иборат.

$H = \{A_x\}$ , ( $x \in X$ ) тўпламлар системасининг кўпайтмаси деб, шундай  $C$  тўпламга айтиладики,  $C$  тўпламнинг ҳар бир элементи барча  $A_x$  тўпламларга киради ва  $A_x$  тўпламларнинг барчасига кирувчи ҳар қандай элемент  $C$  тўпламга ҳам киради. Тўпламлар системасининг кўпайтмаси қуйидагича белгиланади:

$$C = \bigcap_{x \in X} A_x$$

Масалан,  $X$  тўплам деб  $I$  дан катта бўлган барча ҳақиқий сонларни ва  $A_x$  тўплам деб

$$|z| < x$$

тенгсизликни қаноатлантирувчи барча комплекс сонларни олсак, у ҳолда  $C = \bigcap_{x \in X} A_x$  тўплам қуйидаги

$$|z| \leq 1$$

тенгсизликни қаноатлантирувчи барча комплекс сонлардан иборат бўлади.

Тўпламлар системасининг Декарт кўпайтмаси таърифини, соддалик учун, тўпламлар кетма-кетлиги учун берамиз.  $H = \{A_1, A_2, \dots,$

$A_n, \dots$ ) тўпламлар кетма-кетлигининг Декарт (тўғри) кўпайтмаси деб, элементлари барча

$$(a_1, a_2, a_3, \dots, a_n, \dots), \quad a_i \in A_i, \quad i = 1, 2, 3, \dots, n, \dots$$

кетма-кетликлардан иборат тўламга айтилади. Тўпламлар кетма-кетлигининг Декарт кўпайтмаси қуйидагидек белгиланади:

$$\prod_{x=1}^{\infty} A_x.$$

Мисоллар: 1. Агар  $R$  ҳақиқий сонлар тўлами бўлиб,

$$A_i = R, \quad 1 \leq i \leq n \quad \text{ва} \quad A_i = \emptyset, \quad i > n$$

бўлса, у ҳолда

$$\prod_{i=1}^{\infty} A_i = \prod_{i=1}^n A_i = R^n,$$

$n$  ўлчовли фазодан иборат.

2. Агар  $A_i = R, i = 1, 2, 3, \dots, n, \dots$  бўлса, у ҳолда

$$\prod_{i=1}^{\infty} A_i = R^{\infty},$$

яъни координаталарининг сони саноқли (6- § га қаранг) бўлган фазодан иборат.

Агар  $H = \{A_x\}, (x \in X)$  тўпламлар системаси берилиб, бу системага кирувчи ҳар қандай икки тўламнинг умумий элементлари бўлмаса ва бу системанинг йиғиндиси  $M$  бўлса, у ҳолда  $M$  тўлам қисмларга (ёки синфларга) бўлинган дейилади;  $A_x$  тўпламлар  $M$  тўламнинг синфлари дейилади. Масалан, натурал сонлар тўлами жуфт ва тоқ сонлардан иборат икки синфга бўлинади.

$M$  тўлам синфларга бўлинган бўлсин. Агар бу тўламнинг икки  $a$  ва  $b$  элементлари бир синфга тегишли бўлса, уларни берилган бўлинмага нисбатан эквивалент дейилади ва  $a \sim b$  шаклда ёзилади.

Эквивалентлик муносабати қуйидаги хоссаларга эга:

1. Симметриклик хоссаси. Агар  $a \sim b$  бўлса, у ҳолда  $b \sim a$ .

2. Транзитивлик хоссаси. Агар  $a \sim b, b \sim c$  бўлса, у ҳолда  $a \sim c$  бўлади.

3. Рефлексивлик хоссаси. Ҳар қандай  $a$  элемент ўз-ўзига эквивалент, яъни:  $a \sim a$ .

Энди  $M$  тўламда бирор қоидага мувофиқ тўламнинг баъзи элементларини эквивалент дейиш мумкин бўлсин ва бу эквивалентлик симметриклик, транзитивлик ва рефлексивлик хоссаларига эга бўлсин деб фараз қилайлик. У ҳолда бу эквивалентлик муносабати  $M$  тўламни синфларга бўлади.

Шундай эканини исботлаймиз.  $M(a)$  синфи деб,  $M$  тўпламда  $a$  га эквивалент бўлган барча элементлардан иборат тўпламни айтамыз. Рефлексивлик хоссасига кўра, ҳар бир  $a$  элемент ўз синфига кирилади. Энди, агар  $M(a) \cap M(b) \neq \emptyset$  бўлса,  $M(a) = M(b)$  муносабат ўринли бўлишини кўрсатамиз.

$M(a)$  ва  $M(b)$  синфлар умумий  $c$  элементга эга бўлсин, деб фараз қилайлик. У ҳолда, синфларнинг таърифига асосан,  $a \sim c$ ,  $b \sim c$ ; демак, симметриклик хоссасига биноан  $c \sim b$ , булардан эса, транзитивликка кўра,  $a \sim b$ .

Энди  $b'$  элемент  $M(b)$  синфнинг ихтиёрий элементи бўлсин. У ҳолда  $a \sim b \sim b'$  ва транзитивликка кўра  $a \sim b'$ , яъни  $b' \in M(a)$ . Демак,  $M(b) \subseteq M(a)$ .  $a'$  элемент  $M(a)$  синфнинг ихтиёрий элементи бўлсин деб фараз қилайлик. У ҳолда  $a \sim a'$ , симметриклик хоссасига асосан  $a' \sim a$  ва  $a \sim b$  бўлгани учун, транзитивликка кўра,  $a' \sim b$ , бундан эса  $b \sim a'$ , яъни  $a' \in M(b)$ ; демак,  $M(a) \subseteq M(b)$ . Шундай қилиб,  $M(b) \subseteq M(a)$  ва  $M(a) \subseteq M(b)$ , яъни:  $M(a) = M(b)$ .

Мисол.  $M$  сифатида барча натурал сонлар тўпламини оламиз. Агар иккита  $a$  ва  $b$  натурал сонни  $3$  га бўлганда улар тенг қолдиққа эга бўлса, бу сонларни эквивалент деймиз. Бу эквивалентлик муносабати  $M$  тўпламни  $3$  та  $M_0$ ,  $M_1$  ва  $M_2$  қисмларга бўлади. Бу ерда  $M_i$  ( $i = 0, 1, 2$ ) тўплам  $3$  га бўлганда қолдиғи  $i$  бўлган барча натурал сонлардан иборат.

#### 4-§. Тўпламларни бир-бирига акс эттириш

Турли тўпламлар орасидаги боғланиш акс эттириш тушунчаси орқали ўрнатилади.

1-таъриф. Иккита  $X$  ва  $Y$  тўплам берилган бўлсин. Агар маълум бир қоида бўйича  $X$  тўпламнинг ҳар бир элементига  $Y$  тўпламнинг биргина элементи мос қўйилган бўлса,  $X$  тўплам  $Y$  га акс эттирилган дейилади ва бу муносабат

$$f: X \rightarrow Y$$

шаклда ёзилади.

Баъзан

$$f: X \rightarrow Y$$

акс эттиришни  $X$  тўпламда аниқланган ва қийматлари  $Y$  да бўлган функция деб ҳам аталади. Жумладан,  $Y$  деб ҳақиқий (комплекс) сонлар тўпамини олсак, у ҳолда

$$f: X \rightarrow Y$$

акс эттиришни  $X$  тўпламдаги ҳақиқий (комплекс) функция дейилади.

Мисоллар: 1. Агар  $R$  ҳақиқий сонлар тўплами бўлса, у ҳолда

$$y = f(x) = x^3$$

функция  $R$  ни  $R$  га акс эттиради.

## 2. Дирихле функцияси

$$y = \chi(x) = \begin{cases} \text{агар } x \text{ — рационал бўлса, } 1. \\ \text{агар } x \text{ — иррационал бўлса, } 0 \end{cases}$$

ҳақиқий сонлар тўпламини 0 ва 1 сонларидан иборат тўпламга акс эттиради.

3. Агар  $C_{[a, b]}$  билан  $[a, b]$  сегментдаги<sup>1</sup> барча узлуксиз функциялар тўпламини белгиласак, у ҳолда

$$f(x) \rightarrow \int_a^b f(x) dx$$

мослик  $C_{[a, b]}$  ни  $R$  га акс эттиради.

$X$  тўпламнинг  $Y$  тўпламга барча акс эттиришларининг ўзи тўплам ҳосил қилади. Бу тўплам  $Y^x$  билан белгиланади.

Мисоллар: 1.  $\{1, 2\}$  тўпламнинг  $\{a, b\}$  тўпламга барча акс эттиришлари тўплами қуйидаги элементлардан иборат:

$$(1 \rightarrow a, 2 \rightarrow a), (1 \rightarrow a, 2 \rightarrow b), (1 \rightarrow b, 2 \rightarrow a), (1 \rightarrow b, 2 \rightarrow b).$$

2. Ҳақиқий сонлар тўпламининг ўзини ўзига барча акс эттиришлар тўплами ҳақиқий сонлар тўпламида аниқланган барча ҳақиқий функциялардан иборат.

Берилган  $f: X \rightarrow Y$  акс эттиришда  $x$  элементга мос келувчи  $y$  элемент учун  $y = f(x)$  белги ишлатилади ва уни  $x$  нинг тасвири дейилади. Масалан, юқорида келтирилган  $y = x^3$  акс эттиришни олсак, бунда 2 сонининг тасвири 8 га тенг,  $\pm 3$  нинг тасвири  $\pm 27$  га тенг ва ҳоказо. Умуман,  $X$  тўпламнинг бирор  $P$  қисми берилган бўлса,  $P$  тўплам барча элементларининг  $Y$  даги тасвирларидан иборат бўлган тўплам  $P$  тўпламнинг  $f$  акс эттиришдаги тасвири дейилади ва у  $f(P)$  билан белгиланади.

$Y$  тўпламнинг ихтиёрий  $y$  элементи берилган бўлсин.  $X$  тўпламнинг  $y$  га ўтувчи барча элементларидан иборат қисми  $y$  элементининг асли дейилади ва у  $f^{-1}(y)$  шаклда ёзилади. Умуман,  $Y$  нинг  $Q$  қисми берилса,  $X$  нинг  $Q$  тўпламга ўтувчи қисми  $Q$  нинг асли деб аталади ва  $f^{-1}(Q)$  каби ёзилади. Масалан, юқоридаги Дирихле функцияси билан берилган акс эттиришда 0 элементнинг асли барча иррационал сонлар тўплами, 1 элементининг асли эса барча рационал сонлар тўпламидан иборатдир.

<sup>1</sup> Иккита  $a$  ҳамда  $b$  нуқта ва улар орасидаги ҳамма нуқталардан иборат тўплам сегмент дейилади ва  $[a, b]$  кўринишда ёзилади; агар тўпламга  $a$  кириб,  $b$  кирмаса ёки  $b$  кириб,  $a$  кирмаса ва улар орасидаги ҳамма нуқталар кирса ҳамда тўпламнинг бошқа элементлари бўлмаса, бундай тўплам ярим сегмент (ярим интервал, ярим ораллик) дейилади ва мос равишда  $[a, b)$  ва  $(a, b]$  кўринишда ёзилади. Агар тўпламга  $a$  ва  $b$  нуқталар кирмай, улар орасидаги ҳамма нуқталар кирса ҳамда тўпламнинг бошқа элементлари бўлмаса, бу тўплам интервал (ораллик) дейилади ва  $(a, b)$  кўринишда ёзилади.

Агар  $Y$  тўпламнинг ҳар бир элементи  $X$  тўпламнинг камида бир элементига мос қўйилган бўлса, у ҳолда  $X$  тўплам  $Y$  тўпламнинг устига акс эттирилган дейилади. Агар  $Y$  тўпламда шундай элемент мавжуд бўлсаки, бу элементнинг асли бўш тўплам бўлса, у ҳолда  $X$  тўплам  $Y$  тўпламнинг ичига акс эттирилган дейилади. Мисол учун, ҳақиқий сонлар тўпламини ўзини ўзига акс эттирувчи қуйидаги икки функцияни олайлик:

$$y = x^3, \quad y = x^2.$$

Равшанки, буларнинг биринчиси устига акс эттириш, иккинчиси эса ичига акс эттиришдир.

Ичига акс эттиришни доим устига акс эттиришга келтириш мумкин; бунинг учун бу акс эттиришда  $Y$  тўпламни  $X$  тўпламининг тасвири билан алмаштириш керак. Шундай қилиб, керак бўлганда, ихтиёрий акс эттиришни устига акс эттириш деб олиш мумкин.

Энди муҳим бир таърифни киритамиз.

2-таъриф.  $f: X \rightarrow Y$  устига акс эттириш берилган бўлсин. Агар  $Y$  даги ҳар бир элементнинг асли ягона бир элементдан иборат бўлса, у ҳолда бу акс эттириш ўзаро бир қийматли акс эттириш (мослик) дейилади.

Мисоллар: 1.  $y = x^3$  функция ҳақиқий сонлар тўпламини ўзини ўзига бир қийматли акс эттиради.

2.  $R_+$  манфий бўлмаган барча ҳақиқий сонлар тўплами бўлсин. Ушбу

$$y = x^2$$

функция  $R$  ни  $R_+$  устига акс эттиради. Бу акс эттириш ўзаро бир қийматли эмас, чунки, масалан, 1 сонининг асли иккита элементдан: 1 ва  $-1$  сонларидан иборат.

Ихтиёрий

$$f: X \rightarrow Y$$

устига акс эттириш берилган бўлсин. Бу акс эттириш  $X$  тўпламни синфларга ажратади; бу синфлар  $Y$  тўплам элементларининг асларидан (яъни  $f^{-1}(y)$  лардан) иборат. Ҳосил бўлган синфлар тўпламини  $Z$  билан белгилаймиз. Қуйидаги

$$f^{-1}(y) \rightarrow y$$

мослик  $Z$  тўпламни  $Y$  тўпламга акс эттиради. Равшанки, бу акс эттириш ўзаро бир қийматлидир.

## 5-§. Тўпламнинг қуввати

Одатда чекли ва чексиз тўпламларни бир-биридан фарқ қиладилар. Элементларининг сони чекли бўлган тўплам чекли тўплам дейилади. Математикада кўпинча чексиз тўпламлар билан иш кўришга тўғри келади. Умуман чексиз тўплам дейилганда шундай тўпламни кўзда тутиш керакки, бу тўпламдан битта, иккита ва



ҳоказо элементларни олганда, унда яна элементлар қолаверади. Масалан, натурал сонлар тўплами, ҳамма тоқ сонлар тўплами, тўғри чизиқдаги ҳамма нуқталар, ҳамма узлуксиз функциялар тўпламининг ҳар бири чексиз тўпландир.

Энди иккита чекли  $A$  ва  $B$  тўпламлар берилган бўлиб, уларни сон жиҳатдан солиштириш керак бўлсин. Бу масалани қуйидаги икки усул билан ечиш мумкин:

1) бу тўпламлар элементларининг сонини ҳисоблаб чиқиб, чиққан сонларни солиштириш;

2) агар шундай бир қоида мавжуд бўлсаки, бу қоидага мувофиқ  $A$  тўпламнинг ҳар бир элементига  $B$  тўпламдан биргина элементни мос келтирилганда  $B$  тўпламнинг ҳар бир элементига  $A$  тўпламда ҳам биргина элемент мос келса, яъни  $A$  ва  $B$  тўпламлар орасида ўзаро бир қийматли мослик мавжуд бўлса, у ҳолда бу тўпламлар элементларининг сони жиҳатидан бир хил бўлади.

Иккинчи усулни яхшироқ тушуниш учун мисол кўрамиз. Маълум бир аудиториядаги барча стуллар  $A$  тўплам ва бу аудиториядаги барча студентлар  $B$  тўпламни ҳосил қилсин. Агар ҳар бир студентга битта стул тўғри келса ва, аксинча, ҳар бир стулга битта студент тўғри келса, у ҳолда бу аудиториядаги студентлар сони стуллар сонига тенг деймиз ёки стуллардан иборат бўлган  $A$  тўплам билан студентлардан иборат бўлган  $B$  тўплам орасида ўзаро бир қийматли муносабат мавжуд деймиз.

Келтирилган усулларнинг фарқи чексиз тўпламларни солиштирилганда кўринади. Биринчи усул бўйича чексиз тўпламларни фарқ қилиб бўлмайди. Аммо иккинчи усул билан, масалан, натурал сонлар тўпламининг барча ҳақиқий сонлар тўпламидан фарқли эканлигини, яъни бу тўпламлар орасида ўзаро бир қийматли муносабат мавжуд эмаслигини кўрсатиш мумкин (7- § га қаранг).

1- таъриф. Агар  $A$  ва  $B$  тўпламлар орасида ўзаро бир қийматли муносабат мавжуд бўлса, у ҳолда бу тўпламлар эквивалент ёки тенг қувватли тўпламлар дейилади ва

$$A \sim B$$

кўришида ёзилади.


Одатда  $A$  тўпламга эквивалент бўлган тўпламлар синфи  $\bar{A}$  билан белгиланади ва  $\bar{A}$  ни  $A$  тўпламнинг қуввати ёки кардинал сони деб аталади. Чекли тўпламнинг қуввати (кардинал сони) сифатида одатда бу тўплам элементларининг сони олинади.

Тўпламларнинг эквивалентлиги, эквивалентлик тушунчасининг (3- § га қаранг) рефлексивлик, симметрик ва транзитивлик хоссаларига эгаллиги бевосита текширилади. Тўпламларнинг эквивалентлигига оид мисоллар келтирамиз.

1. Агар  $A$  тўплам ҳамма бутун мусбат сонлардан,  $B$  тўплам эса ҳамма бутун манфий сонлардан иборат бўлса, бу тўпламлар эквивалент бўлади. Эквивалентлик, масалан, қуйидагича ўрнатилади: мусбат  $n$  сонига манфий  $-n$  сони мос қўйилади.

2. Агар  $A$  тўплам натурал сонлардан ва  $B$  тўплам  $\frac{1}{n}$  ( $n$  — натурал сон) кўринишидаги сонлардан иборат бўлса, бу тўпламлар ўзаро эквивалент бўлади. Эквивалентлик натурал  $n$  сонига  $\frac{1}{n}$  сонини мос қилиш билан ўрнатилади.

3. Агар  $A$  ва  $B$  иккита радиуслари турлича бўлган айланаларнинг нуқталаридан иборат бўлса, бу тўпламлар эквивалент бўлади. Эквивалентликни, мисол учун, қуйидагича ўрнатиш мумкин: бу айланаларни концентрик жойлаштириб, уларнинг бир радиусда ётган нуқталарини бир-бирига мос келтирамиз; бу мослик айланалар орасида ўзаро бир қийматли муносабат ўрнатади (4-шакл).



4-шакл.

Чекли тўпламларнинг қуввати сон бўлгани учун уларнинг қувватларини бир-бири билан солиштириш мумкин. Шунингдек, ихтиёрий тўплам қувватларини солиштириш учун қуйидаги таърифни киритамиз.

2-таъриф. Қувватлари  $\alpha$  ва  $\beta$  бўлган  $A$  ва  $B$  тўпламлар берилган бўлсин:

$$\bar{A} = \alpha, \quad \bar{B} = \beta.$$

Агар  $A$  ва  $B$  тўпламлар эквивалент бўлмаса ва  $B$  тўпламда  $A$  тўпламга эквивалент  $B'$  қисм mavжуд бўлса,  $B$  тўпламнинг қуввати  $A$  нинг қувватидан катта,  $A$  тўпламнинг қуввати эса  $B$  тўпламнинг қувватидан кичик дейилади ва

$$\alpha < \beta \text{ ёки } \beta > \alpha$$

шаклда ёзилади.

Масалан, агар

$$A = \{2, 4, 6, 8, \dots, 200\}, \quad \bar{A} = 100,$$

$$B = \{1, 2, 3, 4, 5, \dots, 150\}, \quad \bar{B} = 150$$

бўлса, у ҳолда  $A$  тўплам  $B$  тўпламга эквивалент эмас, аммо унинг  $B' = \{1, 2, \dots, 100\}$  қисмига эквивалент. Демак,

$$\bar{A} = 100 < \bar{B} = 150.$$

Раванлики, ҳар қандай чекли тўпламнинг қуввати ҳар қандай чексиз тўпламнинг қувватидан кичик.

Энди чекли тўпламларнинг баъзи хоссаларини келтирамиз.

118870

1) Ихтиёрый икки  $A$  ва  $B$  чекли тўплamlарнинг қувватлари солиштириш мумкин, яъни уларнинг қувватлари учун қуйидаги муносабатдан бири албатта ўринлидир:

$$\bar{A} = \bar{B}, \bar{A} < \bar{B}, \bar{A} > \bar{B}.$$

2) Агар  $\{1, 2, 3, \dots, n\}$  тўплам  $N_n$  билан белгиланса, у ҳолда  $N_1, N_2, N_3, \dots, N_n, \dots$

тўплamlар барча чекли «эталон» тўплamlарни беради, яъни ихтиёрый чекли тўплам  $N_1, N_2, \dots, N_n, \dots$  тўплamlарнинг биригагина эквивалент бўлади.

3) Икки  $A$  ва  $B$  чекли тўплamlар йиғиндисининг қуввати чекли бўлиб,

$$\overline{(A \cup B)} = \bar{A} + \bar{B} - (\bar{A} \cap \bar{B})$$

формула орқали топилади.

Бу фикрларни чексиз тўплamlарга умумлаштириш учун қуйидаги саволларга жавоб бериш керак:

1) Бир-бирига эквивалент бўлмаган чексиз тўплamlар мавжудми?

2) Ихтиёрый иккита чексиз тўплamlани ўзаро солиштириш мумкинми, яъни ихтиёрый икки  $A$  ва  $B$  чексиз тўплamlар учун

$$\bar{A} = \bar{B}, \bar{A} > \bar{B}, \bar{A} < \bar{B}$$

муносабатларнинг бири албатта ўринли бўладими?

3) Чексиз «эталон» тўплamlар системасини тузиш мумкинми?

4) Агар чексиз  $A$  ва  $B$  тўплamlар берилган бўлса, бу тўплamlар йиғиндисининг қуввати нимага тенг?

Ҳозирча биринчи саволгагина ижобий жавоб олинган: масалан, барча натурал сонлар тўплами ва барча ҳақиқий сонлар тўплами ўзаро эквивалент эмас (7-§ га қаранг).

Иккинчи савол фақат маълум шартни қаноатлантирувчи (тўла тартибланган) тўплamlар учунгина ижобий ҳал қилинган ([1] нинг III бобига қаранг).

Учинчи масала ҳали ҳал қилинмаган. Бу саволнинг бир қисми бўлган қуйидаги савол яқин кунларгача континуум проблемаси номи билан машҳур эди:  $N$  — натурал сонлар тўплами ва  $R$  — ҳақиқий сонлар тўплами бўлсин. Қуввати  $\bar{N} < \bar{A} < \bar{R}$  тенгсизликларни қаноатлантирувчи  $A$  тўплам мавжудми? Бу проблема 1963 — 1964 йилларда америка олими П. Д. Коэн томонидан ҳал қилинди. Коэннинг олган натижаси анча мураккаб бўлгани учун унинг устида тўхтаб ўтирмаймиз.

Тўртинчи савол ҳам иккинчи савол каби маълум шартни қаноатлантирувчи тўплamlар учун ечилган ([1] нинг III бобига қаранг); аниқроғи, бундай тўплamlар учун қуйидаги теорема исботланган: **агар**

$$\bar{A} \leq \alpha, \bar{B} \leq \alpha$$

**бўлса, у ҳолда**  $\overline{(A \cup B)} \leq \alpha$ . Бу китобда айtilган теореманинг баъзи бир хусусий ҳолларигина исботланади (6, 7-§ га қаранг).

## 6-§. Саноқли тўпламлар

Чексиз тўпламларнинг энг соддаси натурал сонлар тўпламидир. Шунга асосан қуйидаги таърифни киритамиз.

1-таъриф. *Натурал сонлар тўплами ва унга эквивалент бўлган тўпламларга саноқли тўпламлар дейлади.*

Бу таърифдан кўринадики, ҳар қандай саноқли тўпламнинг элементларини барча натурал сонлар билан номерлаб чиқиш имконияти бор; демак, саноқли тўпламни қуйидаги чексиз кетма-кетлик шаклида ёзишимиз мумкин:

$$a_1, a_2, a_3, \dots, a_n, \dots$$

Энди саноқли тўпламларга оид бир неча теоремаларни исбот қиламиз.

**6. 1. Теорема.** *Чекли ёки саноқли тўпламларнинг сони чекли ёки саноқли йиғиндиси ҳам чекли ёки саноқли тўпламдир.*

Теореманинг мазмунини тушунишни осонлаштириш учун уни бир неча қисмга ажратамиз:

а) *ҳадларининг сони чекли бўлган чекли тўпламларнинг йиғиндиси чеклидир;*

б) *ҳадларининг сони чекли бўлган саноқли тўпламларнинг йиғиндиси саноқли тўпламдир;*

в) *ҳадларининг сони саноқли бўлган чекли тўпламларнинг йиғиндиси чекли ёки саноқлидир;*

г) *ҳадларининг сони саноқли бўлган саноқли тўпламларнинг йиғиндиси саноқли тўпламдир.*

Исбот. Биринчи қисм ўз-ўзидан равшан. Қолганларининг ҳаммасини исботламасдан, улардан бирини, масалан, тўртинчисини исботлаймиз; иккинчи ва учинчи қисмларнинг исботи шунга ўхшаш бўлади.

Ушбу

$$A_1, A_2, A_3, \dots, A_k, \dots$$

саноқли тўпламлар берилган бўлсин. Бу тўпламлардан ҳар бирининг элементларини натурал сонлар билан номерлаб чиқамиз:

$$\left. \begin{array}{l} A_1 : a_1^{(1)}, a_2^{(1)}, a_3^{(1)}, \dots \\ A_2 : a_1^{(2)}, a_2^{(2)}, a_3^{(2)}, \dots \\ A_3 : a_1^{(3)}, a_2^{(3)}, a_3^{(3)}, \dots \\ \dots \\ A_k : a_1^{(k)}, a_2^{(k)}, a_3^{(k)}, \dots \\ \dots \end{array} \right\} \quad (1)$$

Бу жадвалдаги элементларни қуйидаги тартибда ёзамиз:

$$b_1 = a_1^{(1)}, b_2 = a_1^{(2)}, b_3 = a_2^{(1)}, b_4 = a_1^{(3)}, b_5 = a_2^{(2)}, b_6 = a_3^{(1)}, \dots \quad (2)$$

Бу кетма-кетлик қўйидаги қоида бўйича тузилди: агар  $i + k < j + l$  бўлса, у ҳолда  $a_i^{(k)}$  элемент  $a_j^{(l)}$  дан илгари ёзилади; агар  $i + k = j + l$  ва  $i < j$  бўлса, у ҳолда  $a_i^{(k)}$  элемент  $a_j^{(l)}$  дан илгари ёзилади.

Энди (2) кетма-кетликда бир хил элементлар учраса, уларнинг биттасини олиб қолиб, қолганини ўчирамиз. Натижада янги кетма-кетлик ҳосил бўлади:

$$c_1 = b_{n_1}, \quad c_2 = b_{n_2}, \quad \dots, \quad c_s = b_{n_s} \dots \dots \quad (3)$$

Бу кетма-кетлик чекли ёки чексиз бўлади. Охириги кетма-кетликнинг элементларидан тузилган тўпلام

$$A = \bigcup_{k=1}^{\infty} A_k$$

тўпламга тенг, чунки  $A$  нинг ҳар бир  $a_i^{(j)}$  элементи (3) кетма-кетликда камида бир марта учрайди ва, аксинча, ҳар бир  $c_s$  элемент (2) кетма-кетликда учрайди, демак,  $A$  тўпламга киради. (3) кетма-кетликдан  $A$  нинг sanoqli тўплам эканлиги кўринади.

**6. 2. Теорема. Ҳар қандай чексиз тўпламнинг sanoqli тўпламдан иборат қисми мавжуд.**

Бу теорема sanoqli тўпламларнинг чексиз тўпламлар орасида энг соддаси эканлигини кўрсатади.

Исбот.  $E$  ихтиёрий чексиз тўплам бўлсин. Бу тўпламдан бирор элемент олиб, уни  $a_1$  билан белгилаймиз. Бунинг натижасида  $E$  бўш бўлиб қолмайди, шунинг учун ундан иккинчи бошқа бир элементни олиш мумкин; бу элементни  $a_2$  билан белгилаймиз ва ҳоказо.  $E$  тўпламдан элементларни бу тарзда ажратишни чексиз давом эттириш мумкин, чунки  $E$  чексиз тўплам. Шундай қилиб, турли элементлардан иборат бўлган ушбу

$$a_1, a_2, a_3, \dots, a_n, \dots$$

кетма-кетликка эга бўламиз. Бу кетма-кетликнинг элементларидан иборат тўплам  $E$  тўпламнинг sanoqli қисмидир.

**6. 3. Теорема. Агар чексиз  $E$  тўпламга чекли ёки sanoqli  $A$  тўплам қўшилса, у ҳолда  $E \cup A$  тўплам  $E$  тўпламга эквивалент бўлади, яъни:  $E \cup A \sim E$ .**

Исбот. 6.2- теоремага асосланиб, тўпламдан бирорта sanoqli  $D$  қисмини оламиз ва  $E \setminus D$  тўпламни  $P$  билан белгилаймиз. У ҳолда:

$$E = P \cup D, \quad E \cup A = P \cup (D \cup A)$$

тенгликлар ўринли бўлади. 6.1- теоремага асосан,  $D$  ва  $D \cup A$  лар sanoqli тўплам бўлгани учун  $D \sim D \cup A$  муносабат ўринли. Бундан ва  $P \sim P$  муносабатдан  $P \cup D \sim P \cup (D \cup A)$  ёки  $E \sim E \cup A$  муносабат келиб чиқади.

**6. 4. Теорема.** Агар чексиз  $E$  тўплам саноксиз бўлса ва  $A$  унинг чекли ёки санокли қисми бўлса, у ҳолда  $E \setminus A$  тўплам  $E$  тўпламга эквивалент бўлади.

Исбот. Ҳақиқатан ҳам  $E \setminus A = M$  тўплам чекли ёки санокли бўлиши мумкин эмас, чунки акс ҳолда  $E$  тўплам ҳам чекли ёки санокли бўлар эди. 6.3- теоремага асосан,  $M \cup A \sim M$ ; бундан  $E \sim E \setminus A$  муносабат келиб чиқади.

6.1 ва 6.3- теоремалардан ҳар қандай чексиз тўплам ўзига эквивалент хос қисмга эга экани кўринади.

Маълумки, чекли тўпламларнинг бундай хоссаси йўқ. Шунинг учун қуйидаги таърифни қабул қилиш мумкин.

2- таъриф. (Дедекинд таърифи.) Агар  $E$  тўплам ўзининг бирор хос қисмига эквивалент бўлса,  $E$  тўплам чексиз дейилади. Аммо бу таъриф кейинроқ бирмунча танқидий мулоҳазаларга учради.

Энди амалда кўп учрайдиган баъзи бир тўпламларнинг қувватларини топишга ўтамиз.

**6. 5. Теорема.** Рационал сонлар тўплами саноклидир.

Исбот.  $R_+$  билан мусбат рационал сонлар тўпламини,  $R_-$  билан эса манфий рационал сонлар тўпламини белгилаймиз. У ҳолда ҳамма рационал сонлар тўпламини қуйидаги кўринишда ёзишимиз мумкин:

$$R = R_+ \cup \{0\} \cup R_-$$

бу ерда  $\{0\}$  билан биргина ноль сонидан иборат тўпламни белгиладик.

Агар  $R_+$  ва  $R_-$  тўпламларнинг санокли эканлиги кўрсатилса, у ҳолда 6.1- теоремага мувофиқ,  $R$  ҳам санокли бўлади.

$R_-$  тўплам  $R_+$  тўпламга эквивалент бўлганлиги учун  $R_+$  нинг санокли эканлигини исботлаш kifоя.

Маълумки, ҳар қандай мусбат рационал сонни  $\frac{p}{q}$  кўринишида ёзиш мумкин ( $p$  ва  $q$  бутун мусбат сонлардир, бу сонларни ҳатто ўзаро туб деб ҳисоблаш мумкин).  $R_+$  тўпламнинг элементларини номерлашда қуйидаги қоидага амал қиламиз.

Аввал махражи ва суратининг йиғиндиси иккига тенг бўлган рационал сонларни номерлаймиз, сўнг махражи ва суратининг йиғиндиси 3 га тенг сонларни номерлаймиз ва ҳоказо; бу номерлашда икки рационал соннинг махражи ва суратининг йиғиндиси бир-бирига тенг бўлса, у ҳолда сурати кичик бўлган рационал сон кичикроқ номерга эга бўлади.

Бу қоидага мувофиқ мусбат рационал сонларни номерлаб чиқсак,

$$a_1 = \frac{1}{1}, \quad a_2 = \frac{1}{2}, \quad a_3 = \frac{2}{1}, \quad a_4 = \frac{1}{3}, \quad a_5 = \frac{3}{1}, \quad a_6 = \frac{1}{4}, \quad a_7 = \frac{2}{3}, \dots$$

кетма-кетликка эга бўламиз. Натижада ҳар бир мусбат рационал сон биргина номерга эга бўлади ва бу кетма-кетликда аниқ бир ўринни эгаллайди. Демак,  $R_+$  саноқли тўплам.

Қуйидаги жумлалар 6.5-теоремага ўхшаш исбот қилинади:

а) координатлари рационал сонлардан иборат бўлган текисликнинг ҳамма нуқталари саноқли тўплам ҳосил қилади;

б) координатлари рационал сонлар бўлган  $n$  ўлчовли Эвклид фазосидаги барча нуқталар тўплами саноқлидир.

## 7-§. Саноқсиз тўпламлар

Тўғри чизиқ нуқталаридан иборат тўплам натурал сонлар тўплами каби кўп учраб турадиган чексиз тўпламлар жумласидандир. Шуниси таажжублики, тўғри чизиқ нуқталари тўплами (ва ҳатто  $[0, 1]$  сегментдаги нуқталар тўплами) натурал сонлар тўпламига эквивалент эмас, яъни тўғри чизиқ нуқталарини номерлаб чиқиш мумкин эмас. Бу фикр қуйидаги теоремада исботланади.

**7. 1. Теорема.**  *$[0, 1]$  сегментнинг нуқталаридан иборат тўплам саноқсиздир.*

Бу теорема 5-§ да келтирилган тўпламларни солиштириш усуллариининг иккинчиси биринчисидан қулайроқ эканлигини кўрсатади. Биз қуйида бу теореманиннг икки хил исботини келтирамыз.

Биринчи исботи:  $E = [0, 1]$  сегментнинг нуқталаридан иборат тўплам саноқли деб фараз қилайлик. У ҳолда  $E$  нинг барча элементларини номерлаб чиқиш мумкин:

$$x_1, x_2, x_3, \dots, x_n, \dots, \quad (1)$$


яъни:

$$E = \{x_1, x_2, x_3, \dots, x_n, \dots\}.$$

$E$  ни  $\frac{1}{3}$  ва  $\frac{2}{3}$  нуқталар билан учта тенг сегментга бўламиз:

$$\left[0, \frac{1}{3}\right], \left[\frac{1}{3}, \frac{2}{3}\right], \left[\frac{2}{3}, 1\right].$$

Равшанки,  $x_1$  элемент бу учала сегментнинг ҳар бирига тегишли бўлолмайди. Демак, уларнинг камида биттасига кирмайди. Ўша сегментни  $E_1$  билан белгилаймиз (агар бундай сегментлардан иккита бўлса, уларнинг чапроқдагисини  $E_1$  билан белгилаймиз) (5-шакл). Энди  $E_1$  сегментни учта тенг сегментга бўламиз. Бу сегментларнинг камида биттасига  $x_2$  нуқта кирмайди; ўша сегментни  $E_2$  билан белгилаймиз (бундай тўпламлар иккита бўлса, чапроқдагисини



5-шакл.

$E_2$  билан белгилаймиз).  $E_2$  сегментни ўз навбатида яна учта тенг сегментга бўламиз; буларнинг орасида  $x_3$  нуқта кирмаганини  $E_3$  билан белгилаймиз ва ҳоказо.

Натижада бири иккинчисининг ичига жойлашган

$$E \supset E_1 \supset E_2 \supset E_3 \dots \supset E_n \supset \dots$$

сегментлар кетма-кетлигига эга бўламиз. Бу тўпламларнинг ясашишига кўра,  $x_n$  нуқта  $E_n$  сегментга кирмайди.

$E_n$  сегментнинг узунлиги  $\frac{1}{3^n}$  бўлиб,  $n$  ортганда нолга интилади.

Лимитлар назариясидаги маълум теоремага асосан,  $E_n$  сегментларнинг барчасига кирувчи биргина  $y$  нуқта мавжуд:

$$y \in E_n \quad (n = 1, 2, 3, \dots).$$

Бу  $y$  нуқта  $E$  тўпламга тегишли бўлгани учун (1) кетма-кетликда учрайди, яъни шундай  $m$  топиладики, бу  $m$  учун  $y = x_m$  бўлади. Иккинчи томондан,

$$x_m \notin E_m, \quad y \in E_m$$

муносабатлардан  $y \neq x_m$  келиб чиқади. Бу қарама-қаршилик теоремани исботлайди.

Теореманинг иккинчи исботи.  $[0, 1]$  сегментдаги нуқталар тўплами саноқли бўлсин, деб фараз қилайлик; у ҳолда бу тўпламнинг элементларини натурал сонлар билан номерлаб чиқиш мумкин. Номерлаш натижасини (1) кетма-кетлик шаклида ёзамиз. Фаразимизга мувофиқ,  $x_k \in [0, 1]$  ва  $[0, 1]$  сегментнинг ҳар бир элементи (1) кетма-кетликда бўлади. (1) кетма-кетликдаги ҳар бир сонни чексиз ўнли каср кўринишида ёзамиз<sup>1</sup>:

$$x_1 = 0, \quad a_1^{(1)} a_2^{(1)} a_3^{(1)} \dots a_n^{(1)} \dots$$

$$x_2 = 0, \quad a_1^{(2)} a_2^{(2)} a_3^{(2)} \dots a_n^{(2)} \dots$$

$$x_3 = 0, \quad a_1^{(3)} a_2^{(3)} a_3^{(3)} \dots a_n^{(3)} \dots$$

$$\dots$$

$$x_m = 0, \quad a_1^{(m)} a_2^{(m)} a_3^{(m)} \dots a_n^{(m)} \dots$$

$$\dots$$

Энди  $[0, 1]$  сегментда бўлиб, (1) кетма-кетликка кирмайдиган бирор  $x_0$  сонни топа олсак, у ҳолда  $[0, 1]$  сегментдаги ҳақиқий сонлар тўпламининг саноқсизлигини исбот этган бўламиз.  $x_0$  сифатида  $x_0 = 0, \quad b_1 b_2 b_3 \dots b_m \dots \quad (b_1 \neq a_1^{(1)}, b_2 \neq a_2^{(2)}, \dots, b_m \neq a_m^{(m)}, \dots)$  чексиз ўнли касрни олиб, бу каср (1) кетма-кетликка киради деб фараз қилайлик. Бу ҳолда  $x_0$  (1) кетма-кетликдаги бирор  $x_k$  сонга тенг, яъни  $x_0 = x_k$  бўлиши керак. Аммо бу тенгликнинг бажарилиши мумкин эмас, чунки  $b_k \neq a_k^{(k)}$ . Бошқача айтганда, бу натижа қил-

<sup>1</sup> Ҳақиқий сонларни чексиз ўнли касрга ёйишнинг мумкинлиги ҳақида 59- § га қаранг.



ган фаразимизга зид. Демак,  $[0, 1]$  сегментдаги сонлар тўплами саноксиз тўплам экан.

**7.2. Таъриф.**  $[0, 1]$  сегментдаги нуқталар тўпламига эквивалент бўлган тўпламларни континуум қувватли тўпламлар дейилади. Табиий, албатта, континуум қувватига эга бўлган ҳар қандай тўплам саноксиз тўпламдир.

Энди континуум қувватли тўпламлар ҳақида бир неча теорема исбот қиламиз.

**7.2. Теорема.** *Ҳар қандай  $[a, b]$  сегмент континуум қувватга эга.*

Исбот. Ҳақиқатан ҳам, агар  $[a, b]$  сегментнинг ўзгарувчи элементини  $z$  билан,  $[0, 1]$  сегментнинг ўзгарувчи элементини  $x$  билан белгиласак,  $y$  ҳолда  $z = a + (b - a)x$  алмаштириш бу сегментларни бир-бирига ўзаро бир қийматли акс эттиради. Демак,  $[a, b]$  сегмент континуум қувватга эга.

Бу теоремадан ва 6.4-теоремадан бевосита қуйидаги натижа келиб чиқади:

**7.3. Натижа.** *Ҳар қандай  $[a, b]$  ёки  $(a, b)$  ярим оралиқлар ва  $(a, b)$  оралиқ континуум қувватга эга.*

**7.4. Теорема.** *Континуум қувватга эга бўлган икки  $E_1$  ва  $E_2$  ( $E_1 \cap E_2 = \emptyset$ ) тўпламларнинг йиғиндиси ҳам континуум қувватга эга.*

Исбот.  $E_1$  тўплам континуум қувватга эга бўлгани сабабли  $[0, 1]$  сегментга эквивалент ва  $E_2$  тўплам эса  $[1, 2]$  ярим оралиққа эквивалент, натижада  $E_1$  ва  $E_2$  тўпламларнинг йиғиндиси  $[0, 2]$  сегментга эквивалент бўлади. 7.1-теоремага асосан,  $[0, 2]$  сегмент континуум қувватга эга. Демак,  $E_1 \cup E_2$  тўплам ҳам континуум қувватга эга.

**7.5. Теорема.** *Агар  $E$  тўплам  $E_1, E_2, E_3, \dots, E_k, \dots$  ( $E_k \cap E_{k'} = \emptyset, k \neq k'$ ) тўпламларнинг йиғиндисидан иборат бўлиб,  $E_k (k = 1, 2, 3, \dots)$  тўпламларнинг ҳар бири континуум қувватга эга бўлса,  $y$  ҳолда  $E$  тўплам ҳам континуум қувватга эга бўлади.*

Исбот. Ўсиб борувчи ва яқинлашувчи сонларнинг қуйидаги кетма-кетлигини оламиз:

$$a = a_1 \leq a_2 < a_3 < \dots < a_n < a_{n+1} < \dots \rightarrow b < +\infty$$

$E_1$  тўплам  $(a_1, a_2]$  ярим оралиққа эквивалент,  $E_2$  тўплам  $(a_2, a_3]$  га эквивалент ва ҳоказо.  $E_n$  тўплам  $(a_n, a_{n+1}]$  ярим оралиққа эквивалент ва ҳоказо. Натижада  $E$  тўплам  $[a, b]$  оралиққа эквивалент бўлади; бу оралиқ эса континуум қувватга эга. Демак,  $E$  тўплам ҳам континуум қувватга эга.

**7.6. Изоҳ.** 7.4 ва 7.5-теоремаларда  $E_1 \cap E_2 = \emptyset$  ва  $E_k \cap E_{k'} = \emptyset (k \neq k')$  шартлар талаб қилинган эди. Аммо бу теоремалар юқоридаги шартларсиз ҳам ўринлидир; буни исботлашни ўқувчиларнинг ўзларига қолдирамиз.

Охирги теоремадан қуйидаги натижалар келиб чиқади:

**7. 7. Натижа. Ҳамма ҳақиқий сонлар тўплами континуум қувватга эга.**

Бу натижадан ҳамда 6.4 ва 6.5-теоремалардан бевосита қуйидаги натижани оламиз:

**7. 8. Натижа. Ҳамма иррационал сонлар тўплами континуум қувватга эга.**

### **8- §. Тўплamlарнинг қувватларини солиштириш**

Икки  $A$  ва  $B$  тўплamlар берилган бўлса, улар ҳақида қуйидаги мулоҳазаларни юритиш мумкин:

1) бу тўплamlар ўзаро эквивалент;

2)  $A$  тўплам  $B$  тўпламнинг бирор  $B_1 (\subset B)$  қисмига эквивалент, аммо  $B$  тўплам  $A$  нинг ҳеч қандай қисмига эквивалент эмас (ёки  $B \sim A_1 (\subset A)$  ва  $A$  тўплам  $B$  нинг ҳеч қандай қисмига эквивалент эмас).

3)  $A \sim B_1$ , ( $B_1 \subset B$ ) ва  $B \sim A_1$ , ( $A_1 \subset A$ );

4)  $A$  тўплам  $B$  нинг ҳеч қандай қисмига эквивалент эмас ва  $B$  тўплам  $A$  нинг ҳеч қандай қисмига эквивалент эмас.

Агар  $A$  ва  $B$  тўплamlар чекли бўлса, учинчи ва ўртинчи ҳоллар рўй бермайди.  $A$  ва  $B$  тўплamlар баъзи бир шартларни қаноатлантирганда чексиз тўплamlар учун ҳам тўртинчи ҳолнинг ўринли бўлмаслигини кўрсатиш мумкин (масалан, [1] нинг III бобига қarang).

Биринчи ҳолнинг чекли ва чексиз тўплamlар учун рўй бериши мумкинлиги олдинги параграфларда келтирилган мисолларда кўрилди. Иккинчи ва учинчи ҳолларнинг содир бўлиши мумкинлиги қуйидаги мисоллардан кўринади.

Иккинчи ҳолга мисол.  $A$  — рационал сонлар тўплами ва  $B$  — ҳақиқий сонлар тўплами бўлсин. Агар  $B_1$  сифатида  $B$  тўпламнинг бирор sanoқли қисмини олсак, у ҳолда  $A \sim B_1$  бўлиб,  $B$  тўплам  $A$  нинг ҳеч бир қисмига эквивалент эмас (7.1-теоремага асосан).

Учинчи ҳолга мисол.  $A$  ва  $B$  sanoқли тўплamlар бўлсин. Агар  $A$  дан sanoқли  $A_1$  қисмини ва  $B$  дан sanoқли  $B_1$  қисмини олсак, у ҳолда  $A \sim B_1$  ва  $B \sim A_1$  бўлади.

Охирги мисолда  $A \sim B$ . Бу тасодифий нарса эмас, балки умумий қонуниятдир.

**Теорема (Кантор — Бернштейн теоремаси).** Агар икки  $A$  ва  $B$  тўплamlарнинг ҳар бири иккинчисининг қисмига эквивалент бўлса, у ҳолда улар ўзаро эквивалент бўлади.

Исбот. Теореманинг шартларига бивоан:

$$A \sim B_1 (B_1 \subset B) \text{ ва } B \sim A_1 (A_1 \subset A).$$

$A_1$  ва  $B_1$  тўпламлар мос равишда  $A$  ва  $B$  тўпламларнинг хос қисмлари бўлсин, деб фараз қилайлик, чунки акс ҳолда, масалан,  $A_1 = A$  бўлса, у ҳолда  $B \sim A_1$  дан  $B \sim A$  муносабат келиб чиқади.

$B$  ва  $A_1$  тўпламлар эквивалент бўлгани сабабли бирор  $f: B \rightarrow A_1$  ўзаро бир қийматли акс эттириш мавжуд. Бу акс эттириш  $B_1 (\subset B)$  тўпламни  $A_1$  нинг бирор  $A_2$  қисмига акс эттиради. Натижада  $A_2 \subset A_1 \subset A$  ва  $A \sim B_1$ , демак,  $A_2 \sim A$ .

Агар  $A_1$  нинг  $A$  га эквивалентлиги исбот этилса, у ҳолда  $A_1 \sim B$  бўлганидан,  $A$  нинг  $B$  га ҳам эквивалентлиги келиб чиқади.

Ўзаро бир қийматли  $f$  акс эттириш билан  $A$  ни  $A_2$  га акс эттирганимизда  $A_1 (\subset A)$  бирор  $A_3 (\subset A_2)$  тўпламга,  $A_2 (\subset A_1)$  эса бирор  $A_4$  тўпламга акс эттирилади ва ҳоказо. Бу ўзаро бир қийматли акс эттиришлардан қуйидаги муносабатлар келиб чиқади:

$$\begin{aligned} A \setminus A_1 &\sim A_2 \setminus A_3 \\ A_1 \setminus A_2 &\sim A_3 \setminus A_4 \\ A_2 \setminus A_3 &\sim A_4 \setminus A_5 \\ A_3 \setminus A_4 &\sim A_5 \setminus A_6 \\ &\dots \\ &\dots \end{aligned}$$

Бу муносабатларнинг тоқ ўриндагиларини оламиз:

$$\begin{aligned} A \setminus A_1 &\sim A_2 \setminus A_3 \\ A_2 \setminus A_3 &\sim A_4 \setminus A_5 \\ A_4 \setminus A_5 &\sim A_6 \setminus A_7 \\ &\dots \\ &\dots \end{aligned}$$

Бу муносабатларнинг чап ва ўнг томонидаги тўпламларни алоҳида қўшиб, ушбу

$$(A \setminus A_1) \cup (A_2 \setminus A_3) \cup (A_4 \setminus A_5) \cup \dots \sim (A_2 \setminus A_3) \cup (A_4 \setminus A_5) \cup (A_6 \setminus A_7) \cup \dots \quad (1)$$

эквивалентликка эга бўламиз.

Энди қуйидаги айниятларнинг ўринли эканини исбот қиламиз:

$$\left. \begin{aligned} A &= P \cup (A \setminus A_1) \cup (A_1 \setminus A_2) \cup (A_2 \setminus A_3) \cup \dots \\ A_1 &= P \cup (A_1 \setminus A_2) \cup (A_2 \setminus A_3) \cup (A_3 \setminus A_4) \cup \dots \end{aligned} \right\} \quad (2)$$

бу ерда  $P = \bigcap_{k=1}^{\infty} A_k$ . Булардан бирини, масалан, биринчисини исбот этамиз; иккинчисининг исботи шунга ўхшашдир.  $A$  тўпламнинг бирор  $a$  элементини оламиз ва уни (1) айниятнинг ўнг томонига киришини кўрсатамиз. Бу элемент  $A_k$  ( $k = 1, 2, 3, \dots$ ) тўпламларнинг ҳар бирига кириши мумкин, ёки  $a \in A_n$ , лекин  $a \notin A_{n+1}$ . Агар  $a \in A_k$  ( $k = 1, 2, 3, \dots$ ) бўлса, у ҳолда  $a \in P$ ; агар  $a \in A_n$  бўлса-ю,

лекин  $a \notin A_{n+1}$  бўлса, у ҳолда  $a \in A_n \setminus A_{n+1}$ . Демак, иккала ҳолда ҳам  $a$  элемент биринчи айниятнинг ўнг томонидаги тўпламга киради.

Агар  $a$  ўнг томоннинг элементи бўлса, у ҳолда  $a \in A$ , чунки  $P \subset A$  ва  $(A_n \setminus A_{n+1}) \subset A$ .

Айният исбот бўлди.

(2) айниятларни ушбу

$$\begin{aligned} A &= [P \cup (A_1 \setminus A_2) \cup (A_3 \setminus A_4) \cup (A_5 \setminus A_6) \cup \dots] \cup \\ &\quad \cup [(A \setminus A_1) \cup (A_2 \setminus A_3) \cup (A_4 \setminus A_5) \cup \dots]; \quad (3) \\ A_1 &= [P \cup (A_1 \setminus A_2) \cup (A_3 \setminus A_4) \cup (A_5 \setminus A_6) \cup \dots] \cup \\ &\quad \cup [(A_2 \setminus A_3) \cup (A_4 \setminus A_5) \cup \dots] \end{aligned}$$

кўринишда ёзамиз.

Бу айниятларнинг ўнг томонларини солиштирсак, ҳар бирининг биринчи ўрта қавсдаги ифодалари айнан бир-бирига тенг, иккинчи ўрта қавсдаги ифодалари эса (1) муносабатга мувофиқ ўзаро эквивалент. Модомики, (3) айниятларнинг ўнг томонидаги тўпламлар ўзаро эквивалент экан, уларнинг чап томонидаги  $A$  ва  $A_1$  тўпламлар ҳам ўзаро эквивалент. Шу билан теорема исбот этилди.

Ихтиёрий икки  $A$  ва  $B$  тўпламларни солиштиришда тўртинчи ҳол истисно этилса, теоремага асосланиб, ушбу натижани айтишимиз мумкин:

$A$  ва  $B$  тўпламлар ўзаро эквивалент, демак, улар тенг қувватлидир, ёки булардан бири, масалан,  $A$  тўплам иккинчисининг хос қисмига эквивалент, аммо шу билан бирга  $B$  тўплам  $A$  нинг ва на ўзига, ва на унинг бирор қисмига эквивалент эмас, бу ҳолда  $A$  нинг қуввати  $B$  нинг қувватидан кичик бўлади.

#### МАШҚ УЧУН МАСАЛАЛАР

1. а)  $X$  — бирор тўплам бўлиб,  $A_1$  ва  $A_2$  тўпламлар унинг ихтиёрий қисмлари бўлсин. У ҳолда қуйидаги айниятлар ўринли:

$$X \setminus (A_1 \cap A_2) = (X \setminus A_1) \cup (X \setminus A_2),$$

$$X \setminus (A_1 \cup A_2) = (X \setminus A_1) \cap (X \setminus A_2).$$

б)  $X$  — бирор тўплам бўлиб,  $A_\alpha (\alpha \in I)$  тўпламлар унинг ихтиёрий қисмлари бўлсин. У ҳолда қуйидаги айниятлар исботлансин:

$$X \setminus \bigcap_{\alpha} A_{\alpha} = \bigcup_{\alpha} (X \setminus A_{\alpha}),$$

$$X \setminus \bigcup_{\alpha} A_{\alpha} = \bigcap_{\alpha} (X \setminus A_{\alpha}).$$

2. Агар  $A$  тўпламда  $n$  та,  $B$  тўпламда  $m$  та элемент бўлса, уларнинг  $[A, B]$  Декарт кўпайтмасида нечта элемент бор?

3. Қандай  $A$  ва  $B$  тўпламлар учун  $[A, B]$  ва  $[B, A]$  тўпламлар тенг бўлади?

4. Учта элементдан иборат барча ўрнига қўйишлар тўпламини  $S_3$  билан белгилаймиз. Чизиқли алгебрада ўрнига қўйишларни ўзаро кўпайтириш амали киритилган. Иккита  $a$  ва  $b$  ўрнига қўйишлар берилганда шундай учинчи бир  $c$  ўрнига қўйиш топилиб, натижада

$$ac = cb,$$

яъни

$$c^{-1}ac = b$$

муносабат ўринли бўлса, бу икки  $a$  ва  $b$  ўрнига қўйишларни эквивалент ўрнига қўйишлар деймиз.

а) Киритилган эквивалентлик муносабати рефлексивлик, транзитивлик ва симметриклик хоссаларига эгаллиги исботлансин.

б) Киритилган эквивалентлик муносабати  $S_3$  тўпламини синфларга ажратади.  $S_3$  тўплам нечта синфга ажралади? Ҳар бир синфда нечта элемент бор? Ҳар бир синфга кирувчи элементларни топинг.

5.  $n$  та элементдан иборат барча ўрнига қўйишлар тўпламини  $S_n$  билан белгилаймиз.  $S_n$  тўплам учун 4-масаладаги саволларни ҳал қилинг.

6.  $A$  тўплам  $\{1, 2, 3\}$  элементлардан,  $B$  тўплам эса  $\{a, b\}$  элементлардан иборат.  $A$  тўпламини  $B$  тўпламга неча усул билан акс эттириш мумкин, яъни  $B^A$  тўплам нечта элементдан иборат?

7.  $A$  тўплам  $n$  та элементдан,  $B$  тўплам  $m$  та элементдан иборат бўлса,  $B^A$  тўплам нечта элементдан иборат бўлади?

8. Агар  $A$  ва  $B$  саноқли тўпламлар бўлса, у ҳолда уларнинг  $[A, B]$  Декарт кўпайтмаси ҳам саноқлидир. Шунинг исботланг.

9. Агар  $A_1, A_2, A_3, \dots, A_n, \dots$  — саноқли тўпламлар кетма-кетлиги бўлса, у ҳолда уларнинг Декарт кўпайтмаси континуум қувватга эгаллиги исботлансин.

10. Монотон функциянинг узилиш нуқталари тўплами кўпи билан саноқли эканини исботланг.

11.  $(0, 1)$  ва  $[0, 1]$  тўпламлар орасида ўзаро бир қийматли муносабат ўрнатинг.

12. Агар  $A$  ва  $B$  тўпламлар континуум қувватга эга бўлса, у ҳолда уларнинг Декарт кўпайтмаси ҳам континуум қувватга эга бўлишини исботланг.

13. Агар  $A_1, A_2, A_3, \dots, A_n, \dots$  континуум қувватга эга бўлган тўпламлар кетма-кетлиги бўлса, у ҳолда уларнинг Декарт кўпайтмаси ҳам континуум қувватга эгаллиги исботлансин.

14.  $[0, 1]$  сегментдаги барча узлуксиз функциялар тўплами континуум қувватга эгаллиги исботлансин.

15.  $[0, 1]$  сегментдаги барча монотон функциялар тўплами континуум қувватга эгаллиги исботлансин.

16. Коэффициентлари рационал бўлган ҳамма кўп ҳаддилардан иборат тўпламнинг саноқлилиги исботлансин.

17.  $[0, 1)$  ярим сегмент нуқталари билан  $[0, +\infty)$  тўпламнинг нуқталари орасида ўзаро бир қийматли мослик ўрнатилсин.

## НУҚТАЛИ ТЎПЛАМЛАР

Бу бобда элементлари тўғри чизиқ нуқталаридан иборат тўпламлар билан шуғулланамиз. Келажакда бу тўпламлар нуқталли тўпламлар дейилади.

### 9- §. Лимит нуқта

Тўғри чизиқдаги  $\xi$  нуқтанинг атрофи деб шу нуқтани ўз ичига олган оралиққа айтилади. Ҳар бир нуқта чексиз кўп атрофга эга.

1- таъриф. Агар  $\xi$  нинг ҳар қандай атрофида  $E$  тўпламнинг камида битта  $\xi$  дан фарқли нуқтаси бўлса,  $\xi$  нуқта  $E$  тўпламнинг **лимит нуқтаси** дейилади.

Агар  $E$  тўпламнинг  $\xi$  элементининг бирор атрофида бошқа элементи бўлмаса, у ҳолда  $\xi$  ёлғиз нуқта дейилади.

9. 1. Изоҳлар: а) Агар  $\xi$  нуқта  $E$  тўпламнинг лимит нуқтаси бўлса, у  $E$  тўпламга кириши ҳам, кирмаслиги ҳам мумкин (шу параграфдаги 2 ва 4 мисолларга қаранг).

б)  $\xi$  нуқта  $E$  тўпламнинг лимит нуқтаси бўлса, у ҳолда  $\xi$  нинг ихтиёрий атрофида  $E$  тўпламнинг чексиз кўп нуқталари мавжуд. Буни кўрсатиш учун тескарисини фараз қиламиз, яъни  $\xi$  нуқтанинг шундай атрофи мавжудки, бу атрофга  $E$  тўпламнинг сони чекли элементларигина киради. Шу элементларни, масалан,  $x_1, x_2, x_3, \dots, x_n$  билан белгилаймиз.

Бу ҳолда  $\xi$  нинг лимит нуқта эмаслигини кўрсатамиз.  $x_i$  ( $i = \neq 1, n$ ) нуқталар орасида  $\xi$  га энг яқин нуқта битта ёки кўпи билан иккита бўлиши мумкин.  $\xi$  га энг яқин нуқтагача бўлган масофани  $\delta$  билан белгилаймиз, у ҳолда ( $\xi - \delta, \xi + \delta$ ) оралиқ  $\xi$  дан бошқа (агар  $\xi \in E$  бўлса)  $E$  тўпламга кирадиган бирорта ҳам нуқтани ўз ичига олмайди. Демак,  $\xi$  нуқта  $E$  тўплам учун лимит нуқта бўла олмайди.

в) Агар  $E_0 \subset E$  ва  $\xi$  нуқта  $E_0$  тўпламнинг лимит нуқтаси бўлса, у ҳолда  $\xi$  нуқта  $E$  нинг ҳам лимит нуқтаси бўлади.

г) Чекли тўплам бирорта ҳам лимит нуқтага эга эмас; унинг ҳар бир нуқтаси ёлғиз нуқта бўлади.

Мисоллар: 1.  $E_1$  тўплам натурал сонлардан иборат. Бу тўпламнинг бирорта ҳам лимит нуқтаси йўқ. Чунки ихтиёрий ҳақиқий  $a$  сонни олиб, унинг  $(a - \frac{1}{2}, a + \frac{1}{2})$  атрофи олинса, бунда  $E_1$  нинг (агар  $a \in E_1$  бўлса,  $a$  дан бошқа) бирорта ҳам элементи бўлмайди.

2.  $E_2$  тўплам  $\frac{1}{n}$  ( $n = 1, 2, 3, \dots$ ) кўринишдаги сонлардан иборат. Бу тўпламнинг биргина  $\xi = 0$  лимит нуқтаси бор ва  $0 \in E_2$ .

3.  $E_3$  тўплам  $(0, 1)$  оралиқдан иборат.  $[0, 1]$  сегментнинг ҳамма нуқталари  $E_3$  нинг лимит нуқталаридир.

4.  $E_4$  тўплам  $[0, 1]$  сегментдан иборат. Бу тўпламнинг лимит нуқталари ҳам  $[0, 1]$  сегментдан иборат.

5.  $E_5$  тўплам  $(0, 1)$  оралиқдаги ҳамма рационал сонлардан иборат. Бу тўпламнинг лимит нуқталари ҳам  $[0, 1]$  сегментни ҳосил қилади.

Дарҳақиқат,  $[0, 1]$  сегментнинг ҳар қандай  $\xi$  нуқтасининг ихтиёрий атрофида чексиз кўп рационал сонлар мавжуддир, чунки рационал сонлар тўғри чизиқда зич жойлашган (бу ўқувчига анализ курсидан маълум).

Демак, таърифга мувофиқ  $[0, 1]$  сегментнинг ҳар бир нуқтаси  $E_5$  тўплам учун ҳам лимит нуқта бўлади.

6.  $E_6$  тўплам  $E_1$  ва  $E_4$  тўпламларнинг йиғиндисидан иборат, яъни  $E_6 = E_1 \cup E_4$ . Бу тўпламнинг лимит нуқталари ҳам  $[0, 1]$  сегментдан иборат.

$E$  тўпламнинг ҳамма лимит нуқталаридан иборат бўлган тўплам ҳосила тўплам дейилади. Уни  $E'$  билан белгилаймиз. Юқоридagi мисолларда келтирилган тўпламларнинг ҳосила тўпламлари қуйидагилардан иборат:

$$E'_1 = \emptyset, E'_2 = \{0\}, E'_3 = [0, 1], \\ E'_4 = [0, 1], E'_5 = [0, 1], E'_6 = [0, 1].$$

Бу мисоллардан кўринадики, берилган  $E$  тўплам билан унинг  $E'$  ҳосила тўплами орасида турли муносабатлар бўлиши мумкин.

Масалан, юқоридagi мисоллар учун қуйидаги муносабатлар бажарилади:

$$E'_1 \subset E_1, E_3 \subset E'_3, E_4 = E'_4, E_5 \subset E'_5, E'_6 \subset E_6.$$

Аmmo  $E_2$  билан  $E'_2$  орасида бу муносабатлардан бирортаси ҳам бажарилмайди.

Агар тўплам ёлғиз нуқталардангина иборат бўлса, бундай тўплам ёлғиз (дискрет) тўплам дейилади.

Юқоридagi мисолларда келтирилган  $E_1$  ва  $E_2$  тўпламлар ёлғиз тўпламлардир.

Агар тўпламнинг бирорта ҳам ёлғиз нуқтаси бўлмаса, бундай тўпламни ўзида зич тўплам деймиз; мисолларимиздаги  $E_3$ ,  $E_4$ ,  $E_5$  тўпламлар ўзида зич тўпламлардир.

Агар  $E \subset E'$  бўлса,  $E$  тўплам ўзида зич тўплам бўлади ва, аксинча.

2- таъриф. Агар  $E$  нинг ҳамма лимит нуқталари ўзига тегишли бўлса (яъни  $E' \subset E$  бўлса), у ҳолда  $E$  тўплам ёпиқ тўплам дейилади.

Бу таърифга мувофиқ, чекли (шу жумладан бўш) тўплам, лимит нуқталари бўлмагани сабабли, ёпиқ бўлади.

Масалан, юқоридagi мисолларимизда  $E_1$ ,  $E_4$ ,  $E_6$  тўпламлар ёпиқ тўпламлардир.

Агар  $E = E'$  бўлса, у ҳолда  $E$  тўплам мукаммал тўплам дейилади. Масалан,  $E_4$  мукаммал тўпламдир. Равшанки, мукаммал тўплам ҳам ёпиқ, ҳам ўзида зич тўпламдир.

$\bar{E} = E \cup E'$  тўплам  $E$  тўпламнинг ёпиғи дейилади.

Энди қуйидаги масалани кўрамиз. Қандай шарт бажарилганда чексиз тўплам лимит нуқтага эга бўлади?

Масалан, натурал сонлардан иборат бўлган  $E_1$  чексиз тўплам бўлса-да, бирорта ҳам лимит нуқтага эга эмас.

**9. 2. Теорема.** (Больцано-Вейерштрасс теоремаси). *Ҳар қандай чегараланган<sup>1</sup> чексиз  $E$  тўплам ҳеч бўлмаганда битта лимит нуқтага эга.*

Исбот.  $E$  тўплам чегараланганлиги сабабли шундай  $[a, b]$  сегмент мавжудки,  $E$  тўплам бу сегментда жойлашган бўлади.  $[a, b]$  сегментни  $\frac{a+b}{2} = c$  нуқта орқали тенг иккига бўлиб,  $[a, c]$  ва  $[c, b]$  сегментларни ҳосил қиламиз. Бу сегментлардан ҳеч бўлмаганда биттасида  $E$  тўпламнинг чексиз кўп элементлари бўлади. Ҳақиқатан, агар бу сегментларнинг ҳар бирида  $E$  тўпламнинг фақат сони чекли элементларигина бўлганда эди,  $[a, b]$  сегментда ҳам  $E$  нинг фақат сони чекли элементлари бўлар эди. Бу эса  $E$  тўпламнинг чексизлигига зид.

Шундай қилиб,  $[a, c]$  ва  $[c, b]$  сегментларнинг камида бирида  $E$  нинг чексиз кўп элементи жойлашган. Шу сегментни (бундай сегментлар иккита бўлса, чапдагисини)  $[a_1, b_1]$  билан белгилаймиз.  $[a_1, b_1]$  сегментни яна  $[a_1, c_1]$  ва  $[c_1, b_1]$  ( $c_1 = \frac{a_1 + b_1}{2}$ ) иккита сегментларга бўламиз. Бу сегментларнинг ҳам ҳеч бўлмаганда бирида  $E$  нинг чексиз кўп элементи ётади. Ўша сегментни (бундай сегментлар иккита бўлса, чапдагисини)  $[a_2, b_2]$  билан белгилаймиз.

Бу процессни чексиз давом эттириб, ҳар бирида  $E$  нинг чексиз кўп элементлари ётадиган ушбу

$$[a, b] \supset [a_1, b_1] \supset [a_2, b_2] \supset \dots \quad (1)$$

сегментлар кетма-кетлигини ҳосил қиламиз.  $[a_n, b_n]$  сегментнинг узунлиги  $\frac{b-a}{2^n}$  га тенг ва у  $n \rightarrow \infty$  да нолга интилади.

Демак, лимитлар назариясидаги маълум теоремага асосан, бу сегментлар кетма-кетлиги биргина умумий  $\xi$  нуқтага эга бўлади, яъни:

$$\lim_{n \rightarrow \infty} a_n = \lim_{n \rightarrow \infty} b_n = \xi. \quad (2)$$

Энди  $\xi$  нуқта  $E$  нинг лимит нуқтаси эканлигини исбот этамиз. Бунинг учун  $\xi$  нинг ихтиёрый  $(\alpha, \beta)$  атрофини олиб, унда  $E$  нинг чексиз кўп элементлари борлигини кўрсатамиз.

<sup>1</sup> Бирор сегмент ичига жойлаштириш мумкин бўлган тўпламни чегараланган тўплам дейилади.



Модомики,  $\xi \in (\alpha, \beta)$  бўлган экан, (2) га мувофиқ, шундай  $[a_n, b_n]$  сегментни топиш мумкинки,  $n$  етарлича катта бўлганда,  $[a_n, b_n] \subset \subset (\alpha, \beta)$  муносабат бажарилади.  $[a_n, b_n]$  сегмент  $E$  тўпламнинг чексиз кўп элементларига эга бўлгани учун  $(\alpha, \beta)$  оралиқ ҳам  $E$  нинг чексиз кўп элементларига эга, яъни  $\xi$  нуқта  $E$  тўпламнинг лимит нуқтаси.

9. 3. Изоҳ. Агар чексиз  $E$  тўплам лимит нуқтага эга бўлса, у ҳолда  $E$  тўплам чегараланган ва чексиз  $E_0 (\subset E)$  қисмга эга. Бу фикрнинг исботини ўқувчиларга қолдирамиз.

### 10- §. Яқинлашувчи тўпламлар ва кетма-кетликлар

$E$  чегараланган тўплам бўлиб, унинг ҳосила тўплами  $E'$  бўлсин, у ҳолда, равшанки,  $E'$  ҳам чегараланган тўплам бўлади.  $E'$  чегараланганлиги учун унинг аниқ юқори  $\beta_E$  ва аниқ қуйи  $\alpha_E$  чегаралари мавжуд. Бу чегаралар мос равишда  $E$  нинг юқори ва қуйи лимитлари дейилади.

Бошқача айтганда,  $E$  тўпламнинг юқори (қуйи) лимити деб  $E'$  тўпламнинг юқори (қуйи) чегарасини айтамиз. Одатда  $E$  тўпламнинг юқори (қуйи) лимити

$$\beta_E = \overline{\lim} E (\alpha_E = \underline{\lim} E)$$

кўринишда ёзилади.

$E$  тўпламнинг ҳамма лимит нуқталари  $[\alpha_E, \beta_E]$  сегментда жойлашганлиги ўз-ўзидан тушунарли.

Агар чегараланган  $E$  тўплам биргина  $\xi$  лимит нуқтага эга бўлса, у ҳолда  $E$  ни яқинлашувчи тўплам деймиз ва  $E$  нинг  $\xi$  га яқинлашишини  $E \rightarrow \xi$  кўринишда ёзамиз. Қуйида яқинлашувчи тўпламларга оид икки теоремани исбот қиламиз.

**10. 1. Теорема.** 1) *Агар чегараланган  $E$  тўплам  $\xi$  га яқинлашса, у ҳолда  $\xi$  нинг ихтиёрий  $(x_1, x_2)$  атрофидан ташқарида  $E$  тўпламнинг кўпи билан сонли чекли элементларигина бўлиши мумкин.*

2) *Аксинча, агар  $\xi$  нинг ихтиёрий  $(x_1, x_2)$  атрофидан ташқарида чексиз  $E$  тўпламнинг кўпи билан сонли чекли элементлари бўлса, у ҳолда  $E = \xi$ .*

Исбот. 1)  $(x_1, x_2)$  оралиқ  $\xi$  нинг ихтиёрий атрофи бўлсин ҳамда  $E = \xi$  ўрилин бўлсин. Чегараланган  $E$  тўпламнинг  $(x_1, x_2)$  оралиқдан ташқарида чексиз кўп элементлари мавжуд деб, фараз қилайлик. У ҳолда бу элементлардан иборат  $E_0 (\subset E)$  тўплам Больцано-Вейерштрасс теоремасига мосан, энг камида битта лимит нуқтага эга бўлади, ана шу лимит нуқта  $\eta$  бўлсин. Бу нуқта  $E$  учун ҳам лимит нуқта бўлади.

Демак,  $E$  тўплам иккита лимит нуқтага эга, бу эса теореманинг шартига зид.

2) Аксинчасини исбот этамиз. Бу мақсадда  $\xi$  нинг  $E$  тўплам учун лимит нуқта эканлигини ва  $\xi$  нинг ягона лимит нуқталигини кўрсатиш кифоя.

$\xi$  нуқта  $E$  тўпламнинг лимит нуқтаси, чунки  $\xi$  нинг ихтиёрий атрофида  $E$  нинг чексиз кўп элементлари мавжуд.

Энди  $\xi$  нинг ягона лимит нуқта эканлигини кўрсатамиз. Ҳақиқатан ҳам,  $E$  тўплам  $\xi$  дан бсшқа яна бирорта  $\eta$  лимит нуқтага эга деб фараз қилайлик; масалан,  $\eta < \xi$  бўлсин.

Ушбу  $x_1 < \eta < x_2 < \xi < x_3$  тенгсизликларни қаноатлантирувчи учта  $x_1, x_2, x_3$  нуқталарни оламиз.  $\eta$  лимит нуқта бўлганлиги учун унинг  $(x_1, x_2)$  атрофида  $E$  тўпламнинг чексиз кўп нуқталари бор. Демак,  $\xi$  нинг  $(x_2, x_3)$  : офидан ташқарида  $E$  нинг чексиз кўп элементлари мавжуд, бу эса теореманинг шартига зид. Демак,  $E$  тўплам биргина лимит нуқтага эга.

**10. 2-теорема. Ҳар қандай яқинлашувчи  $E$  тўплам саноқлидир.**

Исбот. 10. 1. Теоремага мувофиқ,

$$(\xi - 1, \xi + 1), \left(\xi - \frac{1}{2}, \xi + \frac{1}{2}\right), \dots, \left(\xi - \frac{1}{n}, \xi + \frac{1}{n}\right), \dots$$

оралиқларнинг ҳар биридан ташқарида  $E$  тўпламнинг сони чекли элементлари бор.  $E$  нинг  $\left(\xi - \frac{1}{n}, \xi + \frac{1}{n}\right)$  оралиқдан ташқаридаги элементларидан иборат тўпламни  $E_n$  билан белгиласак, у ҳолда

$$E = \bigcup_{n=1}^{\infty} E_n \text{ ёки } E = \left(\bigcup_{n=1}^{\infty} E_n\right) \cup \{\xi\}$$

муносабат ўринли, чунки  $E_n \subset E$  ва, аксинча,  $E$  нинг ихтиёрий элементи  $E_n$  тўпламларнинг бирортасига киради.  $E_n$  тўпламларнинг ҳар бири чекли; демак,  $E$  тўплам кўпи билан саноқли (6. 4-теорема). Энди яқинлашувчи тўплам тушунчасига яқин бўлган яқинлашувчи кетма-кетлик тушунчасини киритамиз.

Агар ҳар бир  $n$  учун аниқ  $x_n$  сон мос келтирилса, у ҳолда  $x_1, x_2, \dots, x_n, \dots$  сонлар кетма-кетлиги берилган дейилади. Бу кетма-кетлик қисқача  $\{x_n\}$  кўринишда ёзилади. Берилган кетма-кетликдаги турли номерли ҳадлар бир-бирига тенг бўлиши ҳам мумкин.

Агар бирор номердан бошлаб кетма-кетликнинг ҳамма элементлари  $a$  сонининг ихтиёрий  $\varepsilon > 0$  атрофида, яъни  $|x_n - a| < \varepsilon$  ( $n \geq n_0$ ) бўлса, у ҳолда  $\{x_n\}$  кетма-кетлик  $a$  сонига яқинлашувчи кетма-кетлик дейилади. (Бу таъриф анализдан маълум.)

Мисоллар. 1. Ушбу

$$1, 2, 1, 2, 1, 2, \dots$$

кетма-кетликни олайлик; бу кетма-кетлик яқинлашувчи эмас, бироқ тўплам маъносида икки элементдангина иборат.

## 2. Ушбу

0, 1, 2, 3, 4, 5, 5, 5, ...

кетма-кетлик яқинлашувчи, лекин тўплам маъносида 6 элементдан иборат. Бу икки кетма-кетлик тўплам маъносида лимит нуқталарга эга эмас, шунинг учун бу мисоллардаги тўпламларнинг яқинлашувчилиги ҳақида гапиришнинг ҳожати йўқ.

## 3. Ушбу

$1, \frac{1}{2}, \frac{1}{3}, \frac{1}{4}, \dots, \frac{1}{n}, \dots$

кетма-кетлик эса тўплам маъносида ҳам, кетма-кетлик маъносида ҳам яқинлашувчи. Сонлар кетма-кетлиги учун Больцано — Вейерштрасс теоремасини қуйидагича ифодалаш мумкин:

**Ҳар қандай чегараланган  $\{x_n\}$  кетма-кетликдан яқинлашувчи  $\{x_{n_k}\}$  кетма-кетликни ажратиш мумкин.**

Бунинг исботини ўқувчиларнинг ўзларига қолдирамиз.

## 11-§. Ёпиқ тўплам

### ва ҳосила тўпламларнинг хоссалари

Энди ёпиқ ва ҳосила тўпламларнинг содда хоссалари билан та-нишамиз.

**11. 1. Теорема. Ҳар қандай  $E$  тўпламнинг  $E'$  ҳосила тўплами ёпиқ тўпландир.**

Исбот. Агар  $E'$  тўпламнинг лимит нуқталари бўлмаса, теоремани исботлаб ўтиришнинг ҳожати йўқ. Энди  $E'$  учун  $x_0$  бирор лимит нуқта бўлсин; бу нуқтанинг  $E'$  га киришини кўрсатамиз. Бунинг учун  $x_0$  нуқтани ўз ичига олган ихтиёрий  $(x_1, x_2)$  оралиқни оламиз. Бу оралиқда  $E'$  нинг ҳеч бўлмаганда битта  $\xi (\neq x_0)$  элементи бўлади, чунки  $x_0$  нуқта  $E'$  учун лимит нуқта. Бу  $\xi$  нуқта  $E$  тўплам учун лимит нуқта бўлади, чунки  $\xi \in E'$ . Шунинг учун  $(x_1, x_2)$  оралиқда  $E$  тўпламнинг чексиз кўп элементлари бўлади. Демак,  $x_0$  нуқтанинг ихтиёрий  $(x_1, x_2)$  атрофида ҳам  $E$  тўпламнинг чексиз кўп элементлари мавжуд. Бу эса  $x_0$  нинг  $E$  учун лимит нуқта эканлигини кўрсатади, яъни:  $x_0 \in E'$ .

**11. 2. Теорема. Агар  $E_1 \subset E_2$  бўлса,  $E'_1 \subset E'_2$ .** Бу теорема 9. 1-даги в) изоҳнинг бевосита натижасидир.

**11. 3. Теорема. Ҳар қандай  $E$  тўпламнинг  $\bar{E} (= E \cup E')$  ёпиғи ёпиқ тўпландир.**

Исбот.  $x_0$  нуқта  $\bar{E}$  тўпламнинг лимит нуқтаси бўлсин. Агар  $x_0 \in \bar{E}$  муносабат кўрсатилса, теорема исбот этилган бўлади.  $x_0$  нуқтанинг ихтиёрий атрофида  $\bar{E}$  нинг ҳеч бўлмаганда битта  $\xi (\neq x_0)$  нуқтаси бўлади.

Бу ерда қуйидаги икки ҳол бўлиши мумкин:

1)  $\xi \in E$ ; 2)  $\xi \in E'$ .

Биринчи ҳолда  $x_0$  нинг ихтиёрий атрофида  $E$  нинг ҳеч бўлмаганда битта элементи мавжуд бўлади; демак,  $E$  учун  $x_0$  лимит нуқта бўлади, яъни:  $x_0 \in E' \subset \bar{E}$ .

Агар  $\xi \in E'$  бўлса, у ҳолда  $\xi$  нинг ихтиёрий ( $x'$ ,  $x''$ ) атрофида  $E$  тўпламнинг чексиз кўп элементлари бўлади, бундан эса  $x_0$  нинг ихтиёрий атрофида  $E$  тўпламнинг чексиз кўп элементлари борлиги келиб чиқади. Демак,  $\bar{E}$  нинг ҳар бир лимит нуқтаси  $E$  учун ҳам лимит нуқта экан, яъни  $x_0 \in E' \subset \bar{E}$ .

Агар  $E$  тўпламнинг ўзи ёпиқ тўплам бўлса, у ҳолда  $E' \subset E$ , демак,  $\bar{E} = E \cup E' = E$ , яъни ёпиқ тўпламнинг ёпиғи ўзига тенг.

Қуйидаги теорема бевосита исботланади.

**11. 4. Теорема.**  *$E$  тўпламнинг ёпиғи бўлган  $\bar{E}$  тўплам ўзининг ёпиғи  $\bar{\bar{E}}$  га тенг, яъни:*

$$\bar{E} = \bar{\bar{E}}.$$

**11. 5. Теорема.** *Икки тўплам йиғиндисининг ҳосила тўплами уларнинг ҳосила тўпламларининг йиғиндисига тенг, яъни:  $(A \cup B)' = A' \cup B'$ .*

Исбот. Агар  $A' \cup B' \subset (A \cup B)'$ ,  $(A \cup B)' \subset A' \cup B'$  муносабатлар бажарилса, теорема исбот бўлади. Бирор  $\xi$  нуқта  $A$  ва  $B$  тўпламларнинг камида бирининг лимит нуқтаси бўлса,  $A \cup B$  нинг ҳам лимит нуқтаси бўлади. Шу билан биринчи муносабат исботланди.

Иккинчи муносабатни исбот этиш учун  $A \cup B$  нинг бирор  $\xi$  лимит нуқтасини оламиз. У ҳолда  $\xi$  нинг ихтиёрий атрофида  $A$  ва  $B$  тўпламлардан камида биттасининг чексиз кўп элементлари бўлади.

Бундан кўринадики, доимо  $\xi$  нуқта бу тўпламлардан камида бирининг лимит нуқтаси бўлади, яъни:  $\xi \in A' \cup B'$ .

**11. 6. Натижа.** *Ҳадларининг сони чекли бўлган тўпламлар йиғиндисининг ҳосила тўплами уларнинг ҳосила тўпламларининг йиғиндисига тенг, яъни:*

$$(A_1 \cup A_2 \cup \dots \cup A_n)' = A_1' \cup A_2' \cup \dots \cup A_n'$$

**7. Изоҳ.** Бу натижа, умуман, ҳадларининг сони чексиз бўлган тўпламлар учун ўринли эмас. Бунга мисол келтиришни ўқувчига қолдирамиз.

**11. 8. Теорема.** *Сони чекли ёпиқ тўпламларнинг йиғиндисига ҳам ёпиқ тўпламдир.*

Бу теорема икки ёпиқ тўплам учун исбот этилса кифоя, чунки индукция йўли билан умумий ҳол ҳам шу ҳолга келтирилиши мумкин.

$F_1$  ва  $F_2$  ёпиқ тўпламлар бўлсин. Бу тўпламларнинг ёпиқ эканлигидан ва 11. 5-теоремадан

$$(F_1 \cup F_2)' = F_1' \cup F_2' \subset F_1 \cup F_2$$

муносабат бевосита келиб чиқади. Бу эса  $F_1 \cup F_2$  тўпламнинг ёпиқ эканлигини кўрсатади.

Лекин тўплам ҳадларининг сони чексиз бўлган ҳолда теорема ўринли бўлмаслиги мумкин.

Масалан,

$$F_1 = \left[0, \frac{1}{2}\right], \quad F_2 = \left[\frac{1}{2}, \frac{2}{3}\right], \quad F_3 = \left[\frac{2}{3}, \frac{3}{4}\right], \quad \dots$$

$$F_n = \left[\frac{n-1}{n}, \frac{n}{n+1}\right], \quad \dots$$

тўпламларнинг ҳар бири ёпиқ тўпламдир. Аммо уларнинг йиғиндиси  $[0, 1)$  ярим оралиққа тенг; бу тўплам эса ёпиқ эмас, чунки 1 нуқта бу тўплам учун лимит нуқта бўлиб, тўпламнинг ўзига кирмайди.

**11. 9. Теорема. Ҳадларнинг сони ихтиёрий бўлган (чекли ёки чексиз) ёпиқ тўпламларнинг кўпайтмаси (умумий қисми) ҳам ёпиқ тўпламдир<sup>1</sup>.**

Исбот.  $F_\xi$  ёпиқ тўплам бўлиб, унинг индекси  $\xi$  бирор  $\Gamma$  тўпламнинг элементлари бўйича ўзгарсин, яъни  $\xi$  нинг қийматлари  $\Gamma$  тўпламнинг элементи бўлсин, деб фараз қиламиз.

Ушбу

$$\Phi = \bigcap_{\xi \in \Gamma} F_\xi \quad (1)$$

тўпламни тузиб, унинг ёпиқ эканлигини исбот этамиз.

Теореманинг шартига мувофиқ  $\xi$  нинг  $\Gamma$  даги ҳар бир қийматида  $F_\xi$  тўплам ёпиқдир. (1) муносабатдан  $\Phi \subset F_\xi$  ( $\xi \in \Gamma$ ) муносабат бевосита келиб чиқади. Бундан эса  $\Phi' \subset F'_\xi \subset F_\xi$  бўлади (чунки  $F_\xi$  ёпиқ). Бу муносабат  $\xi$  нинг  $\Gamma$  даги ҳар қандай қийматида ўринли бўлганлиги учун

$$\Phi' \subset \bigcap_{\xi} F'_\xi = \Phi$$

муносабат келиб чиқади. Бу эса  $\Phi$  тўпламнинг ёпиқ эканини кўрсатади.

**11. 10. Теорема. (Кантор теоремаси). Фараз қилайлик**

$$F_1, F_2, \dots, F_n, \dots \quad (2)$$

**чегараланган, ёпиқ ва бўш бўлмаган тўпламлар кетма-кетлиги бўлсин. Агар  $F_{n+1} \subset F_n$  ( $n = 1, 2, \dots$ ) бўлса, у ҳолда бу тўпламларнинг кўпайтмаси  $\Phi = \bigcap_{\xi=1}^{\infty} F_\xi$  бўш бўлмаган ёпиқ тўплам бўлади.**

Бу теорема анализдаги бир-бирининг ичига жойлашган кесмалар ҳақидаги лемманинг умумлашмасидир.

Исбот.  $\Phi$  тўпламнинг ёпиқ экани 11. 9 - теоремадан келиб чиқади. Агар  $\Phi$  нинг ҳеч бўлмаганда битта элементи борлиги кўрсатилса, теорема исбот этилган бўлади.

<sup>1</sup> Шунинг эса тутиш керакки, бўш тўплам ҳам ёпиқ тўплам ҳисобланади.

Аввал (2) кетма-кетликдаги ўзаро тенг тўпламлардан биттасини қолдириб, бошқаларини чиқариб ташлаймиз. Бунинг натижасида  $\Phi$  тўплам ўзгармайди. (2) кетма-кетликда қолган тўпламларни

$$F_{n_1}, F_{n_2}, \dots, F_{n_k}, \dots (F_{n_{k+1}} \subset F_{n_k}; n_1 = 1) \quad (3)$$

кўринишда ёзамиз.

Бунда икки ҳол бўлиши мумкин:

1. (3) кетма-кетликдаги тўпламларнинг сони чекли.
2. (3) кетма-кетликдаги тўпламларнинг сони чексиз.

Биринчи ҳолда  $\Phi$  тўплам (3) кетма-кетликдаги сўнги тўпламга тенг бўлади ва теореманинг шартига мувофиқ у бўш тўплам бўлмайди. Демак, бу ҳол учун теорема исбот бўлди.

Иккинчи ҳолда  $F_{n_1}$  тўпламдан  $F_{n_2}$  тўпламга кирмайдиган  $x_1$  элементини оламиз,  $F_{n_2}$  тўпламдан  $F_{n_3}$  тўпламига кирмайдиган  $x_2$  элементни оламиз ва ҳоказо.

Натижада

$$x_1, x_2, \dots, x_k, \dots (x_k \in F_{n_k}) \quad (4)$$

элементлар кетма-кетлиги ҳосил бўлади ва бу элементларнинг ихтиёрий иккитаси бир-бирига тенг эмас.

(2) кетма-кетликдаги тўпламларнинг ҳар бири чегараланган, демак, (4) кетма-кетлик ҳам чексиз ва чегараланган тўпламни ташкил этади. Бу тўпламни  $M$  билан белгилаймиз. Больцано—Вейерштрасс теоремасига асосан,  $M$  тўпламнинг камида битта лимит нуқтаси бор. Бу лимит нуқталардан бири  $x_0$  бўлсин. Бу лимит нуқта  $\Phi$  тўпламнинг элементи эканлигини кўрсатамиз. Бунинг учун  $x_0$  нуқтанинг  $F_n$  тўпламларнинг ҳар бири учун ҳам элемент эканлиги исбот этилса kifоя.

Энди  $F_n$  тўплам (2) кетма-кетликдан олинган ихтиёрий тўплам бўлсин.

(3) кетма-кетликнинг тузилишига мувофиқ  $F_n = F_{n_k}$  ( $F_{n_k}$  — (3) кетма-кетликдаги тўпламлардан бири).

$F_{n_{k+1}} \subset F_{n_k}$  муносабатдан

$$x_k, x_{k+1}, \dots \quad (5)$$

кетма-кетликнинг ҳамма элементлари  $F_{n_k} = F_n$  тўпламга кирази, деган хулосани чиқариш мумкин. (5) кетма-кетликнинг элементларидан иборат тўпламни  $M_k$  билан белгилаймиз.

$M$  ва  $M_k$  тўпламларнинг фарқи  $k - 1$  элементдан иборат бўлгани учун  $x_0$  нуқта  $M_k$  тўплам учун ҳам лимит нуқта бўлади. Демак,  $x_0$  нуқта  $F_n$  тўплам учун ҳам лимит нуқта бўлади, чунки  $M_k \subset F_n$ . Лекин  $F_n$  ёпиқ тўплам бўлганлиги учун  $x_0 \in F_n$ , яъни  $x_0$  (2) кетма-кетликдан олинган ихтиёрий  $F_n$  тўпламнинг элементи экан, демак,  $x_0$  нуқта, кўпайтманинг таърифига мувофиқ,  $\Phi$  тўплам учун ҳам элемент бўлади.

**11. 11.** Изох. Агар  $F_k$  тўпламларнинг чегараланганлиги талаб қилинмаса, теорема ўз кучини йўқотиши мумкин; масалан,  $F_k =$

$= [k + \infty)$  ( $k = 1, 2, 3, \dots$ ) тўпламларнинг ҳар бири ёпиқ бўлиб, уларнинг умумий қисми бўш тўплам бўлади.

Энди яна тўпламларнинг юқори ва қуйи чегаралари, юқори ва қуйи лимитлари тушунчаларига қайтамиз.

**11. 12. Теорема.** *Агар  $E$  тўпламнинг аниқ юқори (аниқ қуйи) чегараси  $\xi$  ўзига кирмаса, у ҳолда  $\xi$  нуқта  $E$  тўпламнинг лимит нуқтаси бўлади.*

Исбот. Дарҳақиқат,  $\xi$  нуқта  $E$  тўпламининг аниқ юқори чегараси бўлсин ва  $\xi \notin E$  муносабат ўринли бўлсин. У ҳолда аниқ юқори чегара таърифига мувофиқ ҳар қандай  $\varepsilon (> 0)$  учун ( $\xi - \varepsilon; \xi$ ) оралиқда  $E$  тўпламнинг ҳеч бўлмаганда битта элементи мавжуд бўлади.  $\varepsilon (> 0)$  ихтиёрий сон бўлганлиги учун  $\xi$  нуқта  $E$  тўпламнинг лимит нуқтаси бўлади.  $\xi$  нуқта аниқ қуйи чегара бўлган ҳолда ҳам бу теорема шунга ўхшаш исбот этилади.

**11. 13. Натига.** *Ҳар қандай бўш бўлмаган, чегараланган, ёпиқ тўпламнинг аниқ юқори ва аниқ қуйи чегаралари ўзига киради.*

**11. 14. Теорема.** *Ҳар қандай бўш бўлмаган  $E$  тўпламнинг аниқ юқори (аниқ қуйи) чегараси  $\bar{E}$  учун энг ўнг (чап) нуқта бўлади.*

Исбот. Дарҳақиқат,  $b_E$  нуқта  $E$  тўпламнинг аниқ юқори чегараси бўлса, у ҳолда  $b_E$  дан ўнгда  $E$  нинг бирорта ҳам элементи бўлмайди.

Демак,  $E'$  нинг ҳам  $b_E$  дан ўнгда бирорта элементи бўлиши мумкин эмас. Шунинг учун  $b_E$  нуқта  $\bar{E}$  тўпламнинг энг ўнг элементи бўлади, чунки  $b_E$  дан ўнгда  $\bar{E} = E \cup E'$  тўпламнинг бирорта ҳам элементи йўқ. Шунга ўхшаш, агар  $a_E$  нуқта  $E$  тўпламнинг аниқ қуйи чегараси бўлса, у ҳолда  $a_E$  нуқта  $\bar{E}$  тўпламнинг энг чап элементи бўлади.

Юқори ва қуйи лимитларнинг таърифига мувофиқ,  $E$  тўпламнинг юқори (қуйи) лимити  $E'$  тўпламнинг энг ўнг (энг чап) элементи бўлади.

Агар  $b_E$  аниқ юқори ( $a_E$  аниқ қуйи) чегара бўлиб,  $E$  учун лимит нуқта бўлса, у ҳолда  $b_E$  ( $a_E$ ) нуқта  $E$  учун юқори (қуйи) лимит бўлади, яъни  $E$  тўпламнинг аниқ юқори (аниқ қуйи) чегараси ўзининг юқори (қуйи) лимитига тенг.

## 12- §. Борель — Лебег теоремаси

**Таъриф.**  $E$  бирор нуқтали тўплам ва  $M$  бирор оралиқлар системаси бўлсин. Агар  $E$  нинг ҳар бир нуқтаси учун  $M$  системада бу нуқтани ўз ичига оладиган оралиқ мавжуд бўлса, у ҳолда  $M$  оралиқлар системаси  $E$  тўпламни қоплайди дейилади.

12. 1. Теорема. (Борель—Лебег теоремаси). Агар ёпиқ ва чегараланган  $F$  тўплам сони чексиз оралиқлар системаси билан қопланган бўлса, у ҳолда бу системадан  $F$  ни қоплайдиган сони чекли оралиқлар системасини ажратиш олиш мумкин.

Исбот. Ёпиқ ва чегараланган  $F$  тўпламни қоплайдиган сони чексиз тўпламлар системасини  $M$  билан белгилаймиз ва  $M$  системада  $F$  ни қоплайдиган сони чекли оралиқлар системаси йўқ, деб фараз қиламиз. Бундан  $F$  нинг чексиз тўплам эканлиги келиб чиқади. Модомики,  $F$  чегараланган тўплам экан, демак, шундай  $[a, b]$  сегмент мавжудки, бу сегмент  $F$  тўпламни ўз ичига олади, яъни  $F \subseteq [a, b]$ .  $c = \frac{a+b}{2}$  нуқтани олиб  $F_1 = F \cap [a, c]$  ва  $\Phi_1 = F \cap [c, b]$  тўпламларни тузамиз.

Фаразимишга мувофиқ, бу тўпламларнинг иккаласини бирданига  $M$  системадан олинган сони чекли оралиқлар системаси билан қоплаб бўлмайди, чунки акс ҳолда  $F$  тўплам ҳам  $M$  системадан олинган сони чекли оралиқлар системаси билан қопланган бўлар эди.

Агар  $F_1$  (ёки  $\Phi_1$ ) тўплам  $M$  дан олинган сони чекли оралиқлар системаси билан қопланмаган бўлса, у ҳолда  $[a_1, b_1]$  билан  $[a, c]$  (ёки  $[c, b]$ ) сегментни белгилаймиз. Агар  $F_1$  тўплам ҳам,  $\Phi_1$  тўплам ҳам  $M$  дан олинган сони чекли оралиқлар системаси билан қопланмаган бўлса, у ҳолда  $[a_1, b_1]$  сифатида  $[a, c]$  ва  $[c, b]$  сегментлардан ихтиёрий биттасини олишимиз мумкин.

Равшанки,  $F \cap [a_1, b_1]$  тўплам чексиз бўлади. Энди  $c_1 = \frac{a_1+b_1}{2}$  нуқтани олиб,  $F_2 = F \cap [a_1, c_1]$  ва  $\Phi_2 = F \cap [c_1, b_1]$  тўпламларни тузамиз. Агар  $F_2$  (ёки  $\Phi_2$ ) тўплам  $M$  дан олинган сони чекли оралиқлар системаси билан қопланмаган бўлса (фаразимишга мувофиқ ёки  $F_2$ , ёки  $\Phi_2$  тўплам  $M$  дан олинган сони чекли оралиқлар системаси билан қопланмайди),  $[a_2, b_2]$  билан  $[a_1, c_1]$  (ёки  $[c_1, b_1]$ ) сегментни белгилаймиз.

Бу процессни давом эттириш натижасида

$$[a, b] \supseteq [a_1, b_1] \supseteq [a_2, b_2] \supseteq \dots \quad (1)$$

сегментлар кетма-кетлиги ҳосил бўлади ва  $F \cap [a_n, b_n] = F_n$  ( $n = 1, 2, 3, \dots$ ) тўплам фаразимишга мувофиқ  $M$  системадан олинган ҳеч қандай сони чекли оралиқлар системаси билан қопланмайди; демак, бу тўпламларнинг ҳар бири чексиз тўплам бўлади. (1) сегментлар кетма-кетлигида  $[a_n, b_n]$  сегментнинг  $b_n - a_n = \frac{b-a}{2^n}$  узунлиги  $n$  чексизликка интилганда нолга интилади. Демак, бу сегментлар кетма-кетлиги (Кантор теоремасига асосан) сегментларнинг ҳаммаси учун умумий бўлган биргина нуқтага эга бўлади. Бу нуқтани  $x_0$  билан белгилаймиз ва унинг  $F$  тўплам элементи эканлигини исбот қиламиз. Бунинг учун  $F \cap [a_1, b_1]$



тўпلامдан  $x_1$  нуқтани,  $F \cap [a_2, b_2]$  тўпلامдан  $x_2$  нуқтани ( $x_2 \neq x_1$ ),  $F \cap [a_3, b_3]$  тўпلامдан  $x_3$  нуқтани ( $x_3 \neq x_1, x_3 \neq x_2$ ) ва ҳоказо нуқталарни оламиз.

Энди, (1) га асосан,  $\lim_{n \rightarrow \infty} x_n = x_0$  бўлиши кўринади; демак,  $x_0$  нуқта  $F$  тўпلام учун лимит нуқта бўлади. Лекин  $F$  ёпиқ тўпلام бўлганлиги учун  $x_0 \in F$ . Бундан фойдаланиб теоремани исбот қиламиз. Бунинг учун юқорида қилган фаразимизга зид натижа келтириб чиқарилса кифоя.

Дарҳақиқат, теореманинг шартига мувофиқ,  $x_0$  нуқтани  $M$  системадаги бирор  $\delta = (\alpha, \beta)$  оралиқ қоплайди.  $n$  деярли катта бўлганда  $[a_n, b_n]$  сегментнинг узунлиги исталганча кичик қилиниши мумкинлигидан ва  $[a_n, b_n]$  сегмент  $x_0$  нуқтани ўз ичига олганлиги сабабли  $[a_n, b_n] \subset \delta$  муносабатнинг бажарилиши келиб чиқади. Бу муносабатдан эса  $F \cap [a_n, b_n] \subset \delta$  муносабат бевосита келиб чиқади; демак,  $F \cap [a_n, b_n]$  тўпلام  $M$  системадан олинган биргина  $\delta$  оралиқ билан қопланди. Бу натижа эса  $[a_n, b_n]$  сегментларнинг юқорида айтилган хоссасига зид<sup>1</sup>.

**12. 2. Изоҳ.** Агар теореманинг шартда  $F$  тўпلامнинг ёпиқ эканлиги ёки чегараланганлиги бажарилмаса, Борель—Лебег теоремаси ўз кучини йўқотади.

Бу изоҳнинг тўғрилигини мисолларда кўриш мумкин. Тегишли мисолларни тузиш ўқувчига тавсия этилади<sup>2</sup>.

### 13-§. Қуюқланиш нуқталари

**1-таъриф.** Агар  $\xi$  нуқтанинг ихтиёрий атрофида  $E$  тўпلامнинг sanoқсиз элементлари мавжуд бўлса,  $\xi$  нуқта  $E$  тўпلامнинг қуюқланиш нуқтаси дейилади.

**Мисол.** 9- параграфда мисол сифатида келтирилган  $E_3, E_4$  ва  $E_6$  тўпلامларининг қуюқланиш нуқталари  $[0, 1]$  сегментдан иборат;  $E_1, E_2$  ва  $E_5$  тўпلامларнинг эса бирорта ҳам қуюқланиш нуқтаси йўқ.

Ҳар қандай қуюқланиш нуқтаси лимит нуқталлиги ҳамда sanoқсиз тўпلامларгина қуюқланиш нуқтасига эга бўлиши мумкинлиги таърифдан бевосита келиб чиқади.

Агар  $(x', x'')$  оралиқнинг чегара нуқталари  $x'$  ва  $x''$  рационал сонлар бўлса, бу оралиқни рационал оралиқ деймиз.

Бундан кейин баъзан қуйидаги теоремалардан фойдаланамиз.

**13. 1. Теорема.** *Элементлари рационал оралиқлардан иборат бўлган система sanoқли тўпلامдир.* Бу теорема 6. 5- теореманинг натижасидир.

<sup>1</sup> Бундан кейин теореманинг исбот бўлганини қисқалик учун \* белгини қўйиш билан кўрсатамиз. Бу белги сатрдан бир о: пастга қўйилади.

<sup>2</sup> Мазкур бобнинг охирида келтирилган машқларга мурожаат қилинса ҳам бўлади.

13. 2. Теорема.  $(x', x'')$  оралиқ ихтиёрий  $\xi$  нуқтанинг бирор атрофи бўлсин. У ҳолда  $\xi$  нуқтани ўз ичига олган ва  $(x', x'')$  оралиқда жойлашган  $(y', y'')$  рационал оралиқ тузиш мумкин.

Исбот. Дарҳақиқат, агар  $y'$  ва  $y''$  рационал сонлар  $x' < y' < \xi$  ва  $\xi < y'' < x''$  тенгсизликларни қаноатлантирадиган қилиб олинса, у ҳолда  $(y', y'')$  оралиқ теореманинг шартларини қаноатлантирган бўлади.\*

13. 3. Теорема (Линделёф теоремаси). *Ҳар қандай саноксиз  $E$  тўпламнинг қуюқланишмас нуқталаридан иборат бўлган тўплам энг кўпи билан санокли тўпламдир (хусусан,  $E$  нинг қуюқланиш нуқталаридан иборат тўплам саноксиз тўплам бўлади).*

Исбот.  $\xi$  нуқта  $E$  тўпламнинг қуюқланишмайдиган нуқтаси бўлсин. У ҳолда  $E$  тўпламнинг кўпи билан санокли элементларини ўз ичига олган  $\xi$  нуқтанинг  $(x', x'')$  атрофи мавжуд. Иккинчи теоремага мувофиқ  $\xi$  нинг  $(y', y'')$ , яъни  $(x' < y' < \xi < y'' < x'')$  рационал атрофи ҳам мавжуд ва бу атроф ҳам  $E$  тўпламнинг кўпи билан санокли элементларини ўз ичига олади.

13. 1-теоремага мувофиқ, ҳамма рационал оралиқлардан иборат тўплам санокли тўпламдир.

Демак, уларни номерлаб чиқиш мумкин.

$$\delta_1, \delta_2, \dots, \delta_n, \dots \quad (1)$$

ҳамма рационал оралиқлар бўлсин. Юқоридаги мулоҳазага мувофиқ,  $E$  тўпламнинг қуюқланишмас ҳар бир нуқтаси (1) кетма-кетликдаги шундай рационал оралиқда жойлашган бўладик, бу оралиқда  $E$  тўпламнинг кўпи билан санокли элементлари бўлади. Фараз қилайлик,

$$\delta_{i_1}, \delta_{i_2}, \delta_{i_3}, \dots, \delta_{i_n}, \dots \quad (2)$$

ана шундай рационал оралиқлар кетма-кетлиги бўлсин.

Натижада, 6. 1-теоремага мувофиқ, (2) кетма-кетликдаги ҳамма рационал оралиқларда  $E$  тўпламнинг кўпи билан санокли элементлари бўлади.

Теорема исбот бўлди, чунки  $E$  тўпламнинг ҳар бир қуюқланишмас нуқтаси (2) кетма-кетликдаги рационал оралиқларнинг бирига, албатта киради ва бу оралиқларнинг ҳар бирида  $E$  тўпламнинг кўпи билан санокли элементлари бўлади.\*

13. 4. Теорема. *Ҳар қандай  $E$  тўпламнинг қуюқланиш нуқталаридан иборат тўплам мукамал тўплам бўлади.*

Исботи.  $E$  тўпламнинг қуюқланиш нуқталаридан иборат тўпламни  $Q$  билан белгилаймиз.

Аввало,  $E$  тўплам чекли ёки санокли бўлса, у ҳолда  $E$  тўплам (биринчи таърифга мувофиқ) бирорта ҳам қуюқланиш нуқта-

сига эга бўла олмайди. Демак,  $Q$  бўш тўплам бўлади; бўш тўплам учун эса теорема ўринлидир.

Энди  $E$  тўплам sanoқсиз бўлсин. Теоремани исбот қилиш учун  $Q$  нинг ёпиқ эканини ва ўзида зичлигини исботлаш керак.

Дастлаб  $Q$  тўпламнинг ёпиқ эканлигини исбот қиламиз.  $x_0$  нуқта  $Q$  тўпламнинг ихтиёрий лимит нуқтаси ва  $(x', x'')$  унинг ихтиёрий атрофи бўлсин, деб фараз қилайлик.  $U$  ҳолда  $(x', x'')$  оралиқда  $Q$  нинг ҳеч бўлмаганда битта  $\xi$  нуқтаси бўлади ва бу нуқта  $E$  тўплам учун қуюқланиш нуқтаси бўлади; демак,  $\xi$  нуқтанинг ихтиёрий атрофида ва, шу жумладан,  $(x', x'')$  оралиқда  $E$  тўпламнинг sanoқсиз элементлари мавжуд.

Бундан кўринадики,  $x_0$  нуқта  $E$  тўплам учун қуюқланиш нуқтаси, яъни:  $x_0 \in Q$ . Демак,  $Q$  ёпиқ тўплам.

Энди  $Q$  нинг ўзида зич тўплам эканини исбот қиламиз.  $Q$  ўзида зич бўлмасин, деб фараз қиламиз.  $U$  ҳолда  $Q$  тўпламнинг камида битта ёлғиз нуқтаси бўлади; бу нуқтани  $\xi_0$  билан (агар бу нуқталар сони бирдан ортиқ бўлса, уларнинг бирортасини  $\xi_0$  билан) белгилаймиз. Бир томондан  $\xi_0$  нинг шундай  $(x', x'')$  атрофи мавжудки, бу атрофда  $Q$  нинг  $\xi_0$  дан бошқа бирорта ҳам нуқтаси бўлмайди. Аммо, иккинчи томондан  $\xi_0$  нуқта  $E$  тўпламнинг қуюқланиш нуқтаси бўлганлиги учун унинг ихтиёрий атрофида, шу жумладан,  $(x', x'')$  оралиқда  $E$  тўпламнинг sanoқсиз элементлари мавжуд. Линделёф теоремасига мувофиқ  $E$  тўпламнинг  $(x', x'')$  оралиқдаги қуюқланишмас нуқталари кўпи билан sanoқли тўпламни ташкил этади; демак,  $(x', x'')$  оралиқда  $E$  тўпламнинг sanoқсиз қуюқланиш нуқталари мавжуд, яъни  $\xi_0$  нуқтанинг ихтиёрий  $(x', x'')$  атрофида  $Q$  тўпламнинг sanoқсиз элементлари мавжуд экан. Бу натижа эса юқоридаги фаразимизга зид. Демак,  $Q$  ўзида зич тўплам экан.\*

13. 3 ва 13. 4- теоремалардан қуйидаги теорема бевосита келиб чиқади.

**13.5. Теорема (Кантор—Бендиксон теоремаси).** *Ҳар қандай ёпиқ  $E$  тўпламни  $E = Q \cup M$  кўринишда ёзиш мумкин.*

Бу ерда  $Q$  мукамал тўплам ва  $E$  тўпламнинг ҳамма қуюқланиш нуқталаридан иборат,  $M$  эса sanoқли тўплам бўлиб,  $E$  тўпламнинг қуюқланишмас нуқталаридан иборат.

2- таъриф. Агар  $E$  тўпламни иккита ёпиқ, бўшмас ва умумий нуқталарга эга бўлмаган тўпламларнинг йиғиндиси шаклида ёзиш мумкин бўлмаса,  $E$  тўпламни *туташиган тўплам* деймиз.

**13.6. Теорема Сегмент туташиган тўпламдир.**

Исбот. Ихтиёрий  $[a, b]$  сегмент берилган бўлсин. Бу сегментни туташимаган тўплам деб фараз қиламиз.  $U$  ҳолда таърифга мувофиқ уни

$$[a, b] = F_1 \cup F_2 \quad (F_1 \cap F_2 = \emptyset)$$

кўринишда ёзиш мумкин; бунда  $F_1$  ва  $F_2$  тўпламлар ёпиқ, бўшмас тўпламлар.

$a$  нуқта  $F_1$  тўпламнинг элементи ва  $\xi$  нуқта  $F_2$  тўпламнинг қуйи чегараси бўлсин. Агар  $\xi = a$  бўлса, у ҳолда  $\xi \in F_1$ , аммо  $\xi$  нуқта  $F_2$  тўпламга ҳам киради, натижада:  $F_1 \cap F_2 \neq \emptyset$ , бу эса шартимизга зид.

Агар  $\xi \neq a$  бўлса, у ҳолда  $[a, \xi)$  ярим оралиқ бутунлай  $F_1$  тўпламга киради; бундан эса  $\xi$  нуқта  $[a, \xi)$  ярим оралиқнинг лимит нуқтаси ва, демак,  $F_1$  нинг ҳам лимит нуқтаси эканлиги келиб чиқади. Яна шартимизга зид бўлган  $F_1 \cap F_2 \neq \emptyset$  натижага келдик.\*

#### 14-§. Ички нуқталар ва очиқ тўпламлар

Энди ёпиқ тўпламлар билан узвий боғланган очиқ тўпламларни ўрганишга ўтамиз.

1-таъриф. Агар  $\xi$  нуқтани ўз ичига олган ва  $E$  тўпламга бутунлай кирган ( $x', x''$ ) оралиқ мавжуд бўлса,  $\xi$  нуқта  $E$  тўпламнинг ички нуқтаси дейилади.

2-таъриф. Агар  $E$  тўпламнинг ҳамма нуқталари ички нуқталардан иборат бўлса, у ҳолда  $E$  тўплам очиқ тўплам дейилади. Бўш тўпламни ҳам очиқ тўплам деб ҳисоблаймиз.

Мисоллар: 1. Ҳар қандай  $(a, b)$  оралиқ очиқ тўпламдир.

2. Ҳамма ҳақиқий сонлар тўплами очиқ тўплам ҳосил қилади.

Лекин  $[a, b]$  сегмент очиқ тўплам ҳосил қилмайди, чунки  $a$  ва  $b$  нуқталар ички нуқталар эмас.

14. 1. Теорема. *Сони ихтиёрий бўлган очиқ тўпламларнинг йиғиндиси ҳам очиқ тўпламдир.*

Исбот.  $G = \bigcup_{\xi \in \Gamma} G_\xi$  тўплам очиқ  $G_\xi$  тўпламларнинг йиғиндиси бўлсин ( $\Gamma$  ихтиёрий қувватга эга бўлган тўплам).  $G$  тўпламнинг ихтиёрий  $x$  элементининг ички нуқта эканлигини кўрсатсак теорема исботланади.

Модомики,  $x \in G$  экан, демак,  $x$  нуқта  $G_\xi$  тўпламларнинг биронтасига киради;  $G_{\xi_0}$  шу тўпламларнинг бири бўлсин, яъни  $x \in G_{\xi_0}$ . Лекин  $G_{\xi_0}$  очиқ тўплам бўлганлиги учун шундай  $(\alpha, \beta)$  оралиқ мавжудки, бу оралиқ бутунлай  $G_{\xi_0}$  га киради, яъни  $(\alpha, \beta) \subset G_{\xi_0}$  ва  $x \in (\alpha, \beta) \subset G_{\xi_0}$ .

Демак,  $(\alpha, \beta) \subset G$  ва  $x$  нуқта  $G$  тўплам учун ҳам ички нуқта бўлади.\*

14. 2. Теорема. *Сони чекли очиқ тўпламларнинг кўпайтмаси очиқ тўпламдир.*

Исбот.  $P = \bigcap_{\eta=1}^n G_\eta$  тўплам очиқ  $G_\eta$  тўпламларнинг кўпайтмаси бўлсин. Агар  $P$  бўш тўплам бўлса, у ҳолда таърифга биноан, у

очиқ тўпلام.  $P$  бўш бўлмаса, унинг ихтиёрий  $x_0$  элементини ола-  
миз.  $U$  ҳолда кўпайтманинг таърифига мувофиқ,  $x_0 \in G_k$  ( $k = 1, 2, \dots, n$ ) ва ҳар бир  $k$  учун шундай  $(\alpha_k, \beta_k)$  оралиқ топиладики, бу  
оралиқ бутунлай  $G_k$  тўпلامга киради, яъни:

$$(\alpha_k, \beta_k) \subset G_k \quad \text{ва} \quad x_0 \in (\alpha_k, \beta_k).$$

Энди  $\alpha = \max(\alpha_1, \alpha_2, \dots, \alpha_n)$  ва  $\beta = \min(\beta_1, \beta_2, \dots, \beta_n)$  сон-  
ларни олиб,  $(\alpha, \beta)$  оралиқни тузамиз; бу оралиқ учун қуйидаги  
муносабатлар бажарилади:

$$x_0 \in (\alpha, \beta) \subset (\alpha_k, \beta_k) \subset G_k \quad (k = 1, 2, \dots, n).$$

Демак,  $(\alpha, \beta) \subset \bigcap_{i=1}^n G_i = P$  ва  $x_0$  нуқта  $P$  тўпلامнинг ички нуқ-  
тасидир.\*

Агар сони чексиз очиқ тўпلامларнинг кўпайтмаси олинса, у  
ҳолда теорема ўз кучини йўқотиши мумкин.

Масалан,

$$G_n = \left(-\frac{1}{n} - \frac{1}{2}, \frac{1}{2} + \frac{1}{n}\right) \quad (n = 1, 2, \dots)$$

тўпلامларнинг ҳар бири очиқ тўпلام, лекин уларнинг кўпайтмаси

$$G = \bigcap_{n=1}^{\infty} G_n = \left[-\frac{1}{2}, \frac{1}{2}\right]$$

ёпиқ тўпلامдир.

**14. 3. Теорема. Агар  $G$  тўпلام очиқ бўлса, у ҳол-  
да унинг  $CG$  тўлдирувчиси ёпиқ бўлади.**

Исбот.  $CG$  тўпلامни ёпиқ эмас деб фараз қилайлик. У ҳол-  
да  $CG$  га кирмайдиган унинг  $x_0$  лимит нуқтаси мавжуд. Демак,  
 $x_0 \in G$ ;  $G$  очиқ тўпلام бўлганлиги учун  $x_0$  нуқтанинг шундай  
 $(\alpha, \beta)$  атрофи мавжудки, бу атрофнинг ҳамма нуқталари  $G$  тўпلامга  
киради, яъни  $(\alpha, \beta) \subset G$  ва  $x_0 \in (\alpha, \beta)$ .

Бундан кўринадики,  $(\alpha, \beta)$  оралиқда  $CG$  тўпلامнинг бирорта  
ҳам элементи йўқ, бинобарин  $x_0$  нуқта  $CG$  тўпلامнинг лимит нуқ-  
таси бўла олмайди. Бу натижа эса фаразимизга зид.\*

**14. 4. Теорема. Агар  $F$  ёпиқ тўпلام бўлса, унинг  
 $CF$  тўлдирувчиси очиқ тўпلام бўлади.**

Исбот.  $CF$  тўпلامнинг ихтиёрий  $x_0$  нуқтасини олиб, унинг  
ички нуқта эканлигини кўрсатамиз.

$F$  ёпиқ тўпلام бўлганлиги учун  $x_0$  нуқта  $F$  нинг лимит нуқ-  
таси бўла олмайди, чунки  $x_0 \in CF$ . Шунинг учун  $x_0$  нуқтани ўз  
ичига олган ва  $F$  тўпلامнинг бирорта ҳам нуқтасини ўз ичига  
олмаган  $(x', x'')$  оралиқ мавжуддир. Демак, бу оралиқнинг ҳамма  
нуқталари  $CF$  тўпلامга киради, яъни  $x_0$  нуқта  $CF$  тўпلامнинг  
ички нуқтас бўлади.\*

$E$  чегараланган тўпلام ва  $a = \inf E$  ва  $b = \sup E$  бўлсин. У  
ҳолда  $S = [a, b]$  сегмент  $E$  ни ўз ичига олган энг кичик сег-  
мент дейилади,

14. 5. Теорема. Агар  $F$  чегараланган ёпиқ тўплам бўлиб,  $S$  уни ўз ичига олган энг кичик сегмент бўлса, у ҳолда  $C_s F (= [ab] \setminus F)$  тўплам очиқ бўлади.

Исбот. Бу теорема 14. 2, 14. 4-теоремалардан ва ушбу  $C_s F = (a, b) \cap CF$  айниятдан бевосита келиб чиқади. Бу айниятни исбот қиламиз.  $x_0 \in C_s F$  бўлсин; бундан  $x_0 \notin F$ , аммо  $a \in F$  ва  $b \in F$  (бу муносабатлар 11. 13- натижадан келиб чиқади), шунинг учун  $x_0 \neq a$ ,  $x_0 \neq b$ . Бундан  $x_0 \in (a, b)$  экани кўринади; иккинчи томондан,  $x_0 \in CF$ .

Демак,

$$x_0 \in (a, b) \cap CF.$$

Аксинча,  $x_0 \in (a, b) \cap CF$  бўлсин; у ҳолда  $x_0 \in CF$ , демак,  $x_0 \in F$  бундан ва  $x_0 \in (a, b)$  муносабатдан  $x_0 \in C_s F$  экани келиб чиқади.

14. 6. Натижа. Агар очиқ  $G$  тўплам  $[a, b]$  сегментнинг қисми бўлса, у ҳолда  $[a, b] \setminus G$  тўплам ёпиқ тўплам бўлади; агар ёпиқ  $F$  тўплам  $(a, b)$  оралиқнинг қисми бўлса, у ҳолда  $(a, b) \setminus F$  тўплам очиқ тўплам бўлади.

Лекин  $F$  ёпиқ тўплам бўлиб,  $[a, b]$  сегментда жойлашган бўлса, у ҳолда  $[a, b] \setminus F$  тўплам ёпиқ ҳам, очиқ ҳам бўлмаслиги мумкин.

Масалан,  $F = [-1, +1]$ ;  $[a, b] = [-2, 2]$  бўлсин, у ҳолда  $[a, b] \setminus F = [-2, -1) \cup (1, +2]$  бўлади.  $[-2, -1)$  ва  $(1, 2]$  тўпламларнинг ҳар бири ёпиқ ҳам эмас, очиқ ҳам эмас, чунки  $-1$  лимит нуқта бўлиб  $[-2, -1)$  тўпламга кирмайди ва  $-2$  бу тўпламнинг ички нуқтаси эмас;  $(1, 2]$  тўплам шунга ўхшаш текширилади.

## 15- §. Чегараланган очиқ — ва ёпиқ тўпламларнинг тузилиши

Чегараланган очиқ ва ёпиқ тўпламларнинг тузилишини ўрганиш келгуси боблар учун катта аҳамиятга эга.

Очиқ  $G$  тўплам берилган бўлсин. Агар  $(\alpha, \beta) \subset G$  ва  $\alpha \notin G$ ,  $\beta \notin G$  бўлса,  $(\alpha, \beta)$  оралиқни  $G$  тўпламнинг тузувчи оралиғи дейилади.

15. 1. Теорема. Очиқ  $G$  тўпламга нисбатан тузувчи турли  $(\alpha_1, \beta_1)$  ва  $(\alpha_2, \beta_2)$  оралиқлар умумий нуқтага эга эмас.

Исбот.  $(\alpha_1, \beta_1)$  ва  $(\alpha_2, \beta_2)$  оралиқлар тўплам маъносида турлича (яъни  $\alpha_1 \neq \alpha_2$ ,  $\beta_1 \neq \beta_2$  ларнинг камида бири ўринли) бўлиб, умумий  $\xi$  нуқтага эга бўлсин; у ҳолда

$$\alpha_1 < \xi < \beta_1, \quad \alpha_2 < \xi < \beta_2$$

тенгсизликлар ўринли бўлади.

Бу тенгсизликлардан

$$\alpha_2 < \xi < \beta_1, \quad \alpha_1 < \xi < \beta_2$$

тенгсизликлар бевосита келиб чиқади.

Бунда икки ҳол бўлиши мумкин:

$$\text{ё } \alpha_2 < \alpha_1 \quad \text{ёки } \alpha_2 > \alpha_1.$$

Агар  $\alpha_2 < \alpha_1$  бўлса, у ҳолда  $\alpha_1 \in (\alpha_2, \beta_2) \subset G$ ; сўнги муносабатлар эса бир вақтда бажарилиши мумкин эмас, чунки  $\alpha_1 \notin G$ . Зиддият келиб чиқди.

Агар  $\alpha_2 > \alpha_1$  бўлса, у ҳолда  $\alpha_2 \in (\alpha_1, \beta_1) \subset G$ ; бу муносабатлар ҳам бир вақтда бажарилиши мумкин эмас, чунки  $\alpha_2 \notin G$ . яна зиддият келиб чиқди.\*

Бу теоремадан бевосита қуйидаги натижа келиб чиқади.

**15. 2. Натижа.** *Агар очиқ  $G$  тўпلامга нисбатан икки тузувчи ораликлар умумий нуқтага эга бўлса, у ҳолда бу ораликлар бир-бирига айнан тенг бўлади.*

**15. 3. Натижа.** *Бўш бўлмаган очиқ  $G$  тўпلامга нисбатан тузувчи турли ораликлар системаси чекли ёки саноклидир.*

Исбот. Ҳақиқатан ҳам, агар ҳар бир тузувчи ораликдан биттадан рационал нуқта олинса, у ҳолда бу нуқталардан тузилган  $M$  тўплам энг кўпи билан санокли бўлади ва  $G$  га нисбатан тузувчи турли ораликлар системаси  $M$  билан бир қийматли муносабатда бўлади.\*

**15. 4. Теорема.** *Агар  $G$  бўш бўлмаган очиқ ва чегараланган тўплам бўлса, у ҳолда  $G$  нинг ҳар бир нуқтаси  $G$  га нисбатан тузувчи бирорта ораликқа киради.*

Исбот.  $a$  нуқта  $G$  тўпламнинг ихтиёрий элементи бўлсин. Ушбу  $F = [a, +\infty) \cap CG$  тўпламни тузамиз.  $[a, +\infty)$  ва  $CG$  тўпламларнинг ҳар бири ёпиқ бўлганлиги учун  $F$  тўплам ҳам ёпиқ.  $F$  тўпламнинг тузилишидан унинг қуйидан чегараланганлиги ва бўш эмаслиги бевосита кўринади.  $F$  нинг қуйи чегарасини  $\alpha$  билан белгилаймиз;  $\alpha \in F$ , чунки  $F$  ёпиқ тўплам.  $\alpha > a$ , чунки  $a$  ва ундан чапдаги ҳамма нуқталар  $F$  тўпламга кирмайди. \*

Бундан ташқари,  $[a, \alpha) \subset G$ . Акс ҳолда, яъни  $[a, \alpha) \not\subset G$  бўлганда, шундай  $b$  нуқта мавжудки,  $b \in [a, \alpha)$  ва  $b \notin G$  муносабатлар ўринли бўлади. Бу муносабатлардан кўринадики,  $b \in F$  ва  $b < \alpha$ ; сўнги тенгсизлик  $\alpha$  нинг  $F$  учун қуйи чегара эканига зид.

Натижада,  $\alpha$  учун

$$1) \alpha > a, \quad 2) \alpha \notin G, \quad 3) [a, \alpha) \subset G \quad (A)$$

муносабатларнинг ўринли эканлиги кўрсатилди.

Худди шунга ўхшаш, қуйидаги муносабатларни қаноатлантирадиган  $\beta$  нуқтанинг мавжудлигини кўрсатиш мумкин:

$$1) \beta < a, \quad 2) \beta \notin G, \quad 3) (\beta, a] \subset G. \quad (B)$$

Бунинг учун  $F = [-\infty, a] \cap CG$  тўпламни тузиб, юқоридагига ўшаш мулоҳазалардан фойдаланиш керак.

(A) ва (B) муносабатлардан  $(\beta, \alpha)$  оралиқнинг  $G$  га нисбатан тузувчи оралиқ эканлиги ва  $a \in (\beta, \alpha)$  экани бевосита кўринади.\*

Шу параграфдаги теоремалардан ва уларнинг натижаларидан қуйидаги теоремалар келиб чиқади.

**15. 5. Теорема.** *G* **очиқ, чегараланган ва бўш бўлмаган тўпلام бўлиб,  $(\alpha, \beta)$  оралиқ  $G$  га бутунлай кирган бўлса, у ҳолда  $G$  нинг тузувчи оралиқлари орасида  $(\alpha, \beta)$  оралиқни бутунлай ўз ичига олган оралиқ мавжуддир.**

**15. 6. Теорема.** *Чегараланган ҳар қандай очиқ  $G (\neq \emptyset)$  тўпламни  $G = \sum_k \delta_k$ ,  $\delta_k = (\alpha_k, \beta_k)$  ( $\alpha_k \in G$ ,  $\beta_k \in G$ ) кўриниши*

*да ёзиш мумкин; бу ерда  $\delta_k$  лар  $G$  нинг тузувчи оралиқлари  $\delta_k \cap \delta_{k'} = \emptyset$  (агар  $k \neq k'$  бўлса) ва  $\delta_k$  оралиқлардан иборат система энг кўпи билан саноқли бўлади.*

Энди бўш бўлмаган, чегараланган, ёпиқ тўпلامларнинг тузилишини текширишга ўтамиз.

$F$  чегараланган ёпиқ тўпلام бўлиб,  $S$  уни ўз ичига олган энг кичик сегмент бўлсин. У ҳолда 14. 5-теоремага асосан,  $C_S F$  очиқ тўпلام бўлади. Агар  $C_S F$  бўш тўпلام бўлмаса, унга юқоридаги 15.6-теоремани татбиқ қилиш мумкин. Натижада қуйидаги теоремага келамиз.

**15. 7. Теорема.** *Ҳар қандай чегараланган ёпиқ  $F$  тўпلام  $\delta$  сегментдир, ёки бирор сегментдан сони чекли ёки саноқли оралиқлар системасини чиқариб ташлаш натижасида ҳосил бўлган тўпلامдир.*

Чиқариб ташланган оралиқларнинг чегара нуқталари  $F$  тўпلامда қолади.

Аксинча, бирорта сегментдан сони чекли ёки саноқли оралиқлар системаси чиқариб ташланса, у ҳолда ҳосил бўлган тўпلام ёпиқдир.

Очиқ  $C_S F$  тўпلامнинг тузувчи оралиқларини  $F$  тўпلامни тўлдирувчи оралиқлари деймиз.

Юқоридаги мулоҳазалардан бевосита кўринадики, чегараланган ёпиқ  $F (\neq \emptyset)$  тўпلامнинг ёлғиз нуқталарни фақат икки турли бўлиши, яъни бири тўлдирувчи икки оралиқнинг умумий чегараси, иккинчиси эса  $a$  ва  $b$  нуқталар (агар бу нуқталар тўлдирувчи оралиқнинг чегара нуқталари бўлса) дан иборат бўлиши мумкин, бу нуқталарнинг бири айтилгандек бўлиб, иккинчиси шундай бўлмаслиги ҳам мумкин.

Бу жумладан қуйидаги теоремани чиқариш мумкин.

**15. 8. Теорема.** *Ҳар қандай чегараланган мукамал  $P (\neq \emptyset)$  тўпلام, ёки сегментдан иборат, ёки бирорта сегментдан ўзаро кесишмаган, умумий чегара нуқтага эга бўлмаган ва чегаралари шу сегментнинг учларига*




тенг бўлмаган, сони чекли ёки саноқли оралиқларни чиқариб ташлаш натижасида ҳосил бўлган тўпладан иборат.

### 16-§. Кантор тўпламлари

$\Delta_0 = [0, 1]$  сегментни олиб, унинг устида қуйидаги амалларни бажарамиз.

Аввал бу сегментни  $\frac{1}{3}$  ва  $\frac{2}{3}$  нуқталар билан уч қисмга бўлиб, ундан  $(\frac{1}{3}, \frac{2}{3})$  оралиқни олиб ташлаймиз. Натижада  $[0, \frac{1}{3}]$  ва  $[\frac{2}{3}, 1]$  сегментлар ҳосил бўлади.  $\Delta_{00} = [0, \frac{1}{3}]$  ва  $\Delta_{01} = [\frac{2}{3}, 1]$  сегментларнинг ҳар бирини яна тенг уч қисмга бўламиз, улардан  $(\frac{1}{9}, \frac{2}{9})$  ва  $(\frac{7}{9}, \frac{8}{9})$  оралиқларни олиб ташлаймиз.

Натижада  $\Delta_{000} = [0, \frac{1}{9}]$ ,  $\Delta_{001} = [\frac{2}{9}, \frac{1}{3}]$ ,  $\Delta_{010} = [\frac{2}{3}, \frac{7}{9}]$ ,  $\Delta_{011} = [\frac{8}{9}, 1]$  сегментлар ҳосил бўлади. Бу сегментларнинг ҳар бирини яна тенг уч қисмга бўлиб, улардан тегишлича 4 та оралиқни олиб ташлаймиз; натижада 8 та сегмент ҳосил бўлади. Бу процессни чексиз давом эттирамиз (6-шакл).



6-шакл.

Юқоридаги процессни чексиз давом эттириш натижасида  $\Delta_0 = [0, 1]$  сегментдан ушбу

$$G_0 = \left(\frac{1}{3}, \frac{2}{3}\right) \cup \left\{ \left(\frac{1}{9}, \frac{2}{9}\right) \cup \left(\frac{7}{9}, \frac{8}{9}\right) \right\} \cup \left\{ \left(\frac{1}{27}, \frac{2}{27}\right) \cup \left(\frac{7}{27}, \frac{8}{27}\right) \cup \left(\frac{19}{27}, \frac{20}{27}\right) \cup \left(\frac{25}{27}, \frac{26}{27}\right) \right\} \cup \dots$$

очиқ тўплам олиб ташланган бўлади. 15.8-теоремага мувофиқ, қолган  $P_0 (= \Delta_0 \setminus G_0)$  тўплам мукамал тўпламдир.

$G_0$  ва  $P_0$  тўплamlар Кантор тўплamlари дейилади.

Энди бу тўплamlар элементларининг арифметик характеристикасини берамиз. Бунинг учун сонларнинг учли каср шаклида ёзилишига мурожаат қиламиз.

Маълумки<sup>1</sup>,  $[0,1]$  сегмент орасидаги ҳар бир сонни қуйидаги учли каср шаклида ёзишимиз мумкин:

$$0, a_1, a_2 \dots a_n \dots \quad (a_i = 0, 1, 2; \quad i = 1, 2, \dots).$$

Лекин  $\frac{l}{3^k}$  ( $l = 1, 2; k = 1, 2, \dots$ ) кўринишдаги сонларни, яъни юқоридаги амалларни бажаришда бўлиш нуқталарига тегишли сонларни икки кўринишда ёзишимиз мумкин:

$$\frac{1}{3^k} = \left\{ \begin{array}{l} 0, 0 \dots \underbrace{010000}_{k-1} \dots \\ 0, 0 \dots \underbrace{02222}_{k} \dots \end{array} \right\} \quad (1)$$

$$\frac{2}{3^k} = \left\{ \begin{array}{l} 0, 0 \dots \underbrace{020000}_{k-1} \dots \\ 0, 0 \dots \underbrace{01222}_{k-1} \dots \end{array} \right\}$$

Бу икки кўринишдан бир рақами учрамайдиганини қабул қиламиз. Бошқа ҳар қандай сон учли каср шаклида биргина кўринишда ёзилади.

Юқоридаги амалларни бажаришда  $\Delta_0 = [0,1]$  сегментдан  $(\frac{1}{3}, \frac{2}{3})$  оралиқни олиб ташлаган эдик; яъни биринчи амал натижасида  $[0,1]$  сегментдан шундай сонлар олиб ташландики, уларни учли каср шаклида ёзганимизда биринчи учли рақами бирга тенг, иккинчи амални бажарганимизда  $\Delta_{00} = [0, \frac{1}{3}]$  ва  $\Delta_{01} = [\frac{2}{3}, 1]$  сегментлардан тегишлича  $(\frac{1}{9}, \frac{2}{9})$ ,  $(\frac{7}{9}, \frac{8}{9})$  оралиқларни олиб ташлаган эдик; яъни иккинчи амал натижасида шундай сонлар олиб ташланадими, уларни учли каср шаклида ёзганимизда иккинчи учли рақами бирга тенг бўлар эди ва ҳоказо.  $k$ - амал бажариш натижасида  $[0,1]$  сегментдан шундай сонлар олиб ташланадими, уларни учли каср шаклида ёзганимизда  $k$ -учли рақами бирга тенг бўлади. Демак, юқоридаги амалларни бажариш натижасида  $[0,1]$  сегментдан бирорта учли рақами бирга тенг бўлган ҳамма сонлар чиқариб ташланган бўлади.

Агар  $[0,1]$  сегментдан олинган ихтиёрий  $x$  сонининг бирор учли каср рақами бирга тенг бўлса, у  $G_0$  тўпلامга киради, акс ҳолда у сон  $P_0$  тўпلامга киради, яъни  $P_0$  тўпلامга кирган сонларнинг учли рақамлари 0 ва 2 дан иборат.

**Теорема.**  $P_0$  тўпلام континуум қувватга эга.

<sup>1</sup> Сонларни учли, умуман  $p$  ли касрларга ёйиш ҳақида 59- параграфга қаранг.

Теореманинг биринчи исботи.  $P_0$  тўплам саноқли бўлсин, деб фараз қилайлик, у ҳолда  $P_0$  тўплам

$$\{x_1, x_2, \dots, x_n, \dots\} \quad (1)$$

кўринишда ёзилади. Бунда икки ҳол бўлиши мумкин:  $x_1$  нуқта ё  $\Delta_{00}$  да, ёки  $\Delta_{01}$  да ётади ( $\Delta_{i_1, i_2, \dots, i_k}$  сегментлар юқорида киритилган);  $x_1$  нуқта ётмаган  $\Delta_{0j}$  ни  $\sigma_1$  билан белгилаймиз.  $\sigma_1$  га кирувчи ҳамда  $x_2$  ни олмаган  $\Delta_{0j}$  ни  $\sigma_2$  билан белгилаймиз ва ҳоказо. Натижада бир-бирининг ичига жойлашган ҳамда  $n$ -си  $x_n$  нуқтани ўз ичига олмаган

$$\sigma_1, \sigma_2, \sigma_3, \dots, \sigma_n, \dots \quad (2)$$

сегментлар кетма-кетлигига эга бўламиз. 11. 10-теоремага асосан буларнинг умумий қисми бўш эмас ҳамда  $P_0$  тўпламнинг ясалишига кўра бу кесишма  $P_0$  га тегишли. Демак, умумий қисмининг барча элементлари (1) кетма-кетликда учраши керак, масалан, умумий қисмининг  $y$  элементи (1) кетма-кетликда  $n$ -ўринда учрасин, яъни  $y = x_n$ . Аммо  $\sigma_n$  нинг ясалишига кўра,  $x_n$  нуқта  $\sigma_n$  га кирмайди, демак, умумий қисмига ҳам кирмайди. Зиддиятлик келиб чиқди.

Теореманинг иккинчи исботи.  $[0,1]$  даги ҳар бир сонни ўнли касрга ёйиш мумкин бўлгандек, бу сегментдаги ҳар бир сонни иккили касрга ёйиш мумкин:

$$x = 0, i_1 i_2 i_3 \dots i_n \dots, i_s = 0, 1.$$

Аксинча, бу кўринишдаги ҳар бир иккили касрга  $[0,1]$  даги битта нуқтани мос қўйиш мумкин. Ўнли касрдаги каби  $[0,1]$  даги  $\frac{N}{2^k}$  сонлар икки усул билан, қолган сонлар эса бир усул билан иккили касрга ёйилади.

Иккинчи томондан, юқорида кўрсатилганидек,  $P_0$  тўпламнинг ҳар бир элементини қуйидаги учли каср шаклида ёйиш мумкин:

$$\xi = 0, j_1 j_2 \dots j_n \dots, j_s = 0, 2.$$

Аксинча, бу кўринишдаги ҳар бир учли касрга  $P_0$  нинг битта нуқтаси мос келади;  $P_0$  даги  $\frac{N}{3^k}$  нуқталар икки усул билан, қолган нуқталар эса бир усул билан бу кўринишдаги учли касрга ёйилади.

Энди  $[0,1]$  сегмент билан  $P_0$  орасида ўзаро бир қийматли мосликни ўрнатамиз:  $[0,1]$  сегментдан

$$x = 0, i_1 i_2 i_3 \dots i_n \dots$$

нуқтани (иккили каср шаклида ёзилган) олиб, унга  $P_0$  тўпламнинг қуйидаги элементини мос қўямиз:

$$\xi = 0, j_1 j_2 j_3 \dots j_n \dots,$$

бу ерда  $j_s = 0$ , агар  $i_s = 0$  бўлса ва  $j_s = 2$ , агар  $i_s = 1$  бўлса. Бундан,  $[0,1]$  сегменти континуум қувватга эга бўлгани учун,  $P_0$  тўпламнинг ҳам континуум қувватга эгаллиги келиб чиқади.\*

1. Бирор  $E$  тўплам ва унга тегишли бўлмаган  $\xi$  нуқта берилган бўлсин.  $E$  тўпламдан  $\xi$  нуқтагача бўлган масофа  $\rho(\xi, E)$  деб  $\rho(\xi, x)$  ( $x \in E$ ) сонларнинг қуйи чегарасига айтилади.  $\rho(\xi, E)$  соннинг нолга тенг бўлиши учун  $\xi$  нуқта  $E$  учун лимит нуқта бўлиши зарур ва кифоялиги исботлансин.

2.  $E$ —ёпиқ тўплам бўлиб,  $\xi$  унга тегишли бўлмасин. У ҳолда шундай  $x \in E$  нуқта мавжудки, унинг учун:  $\rho(\xi, x) = \rho(\xi, E)$  тенглик ўринли бўлади, бу ерда  $\rho(\xi, x)$  сон  $\xi$  нуқтадан  $x$  гача бўлган масофа. Шунини исботланг.

3. Саноқсиз тўпламнинг камида битта қуюқланиш нуқтаси мавжудлиги исботлансин.

4.  $K, M, N$  тўпламларнинг қуюқланиш нуқталарининг тўпламларини мос равишда  $K^0, M^0, N^0$  орқали белгилаймиз. Агар  $K = M \cup N$  бўлса,  $K^0 = M^0 \cup N^0$  тенглик исботлансин.

5. Ҳар қандай ёпиқ тўплам сони саноқли очиқ тўпламларнинг кўпайтмасига тенглиги исботлансин.

6.  $(a, b)$  интервалнинг сони саноқли ўзаро кесишмайдиган ёпиқ тўпламларининг йиғиндисига тенг бўлолмаслиги кўрсатилсин.

7.  $[0, 1]$  сегмент ҳақларининг сони континуум қувватга эга, ўзаро кесишмайдиган мукамал тўпламларнинг йиғиндисига ёйилсин.

8. Шундай  $M$  тўплам тузингки,  $M^{(n)} \neq M^{(n+1)}$ ,  $n = 0, 1, 2, \dots$  тенгсизлик ўринли бўлсин.

9. Шундай  $M$  тўплам тузингки,  $M^{(i)} \neq M^{(i+1)}$ ,  $i = 0, 1, 2, \dots, n$ , ammo  $M^{(i+1)} = \emptyset$ ,  $i > n$  бўлсин.

10. Борель—Лебег теоремасига тескари теорема ўринлими?

11.  $M'$  тўплами  $[0, 1]$  даги барча рационал нуқталар тўпламидан иборат бўладиган  $M$  тўплам мавжудми?

12.  $[0, 1]$  да шундай иккита умумий нуқтаси бўлмаган  $M_1$  ва  $M_2$  тўпламлар топилсинки, уларнинг ҳар бири  $[0, 1]$  нинг ҳамма ерида зич, континуум қувватга эга ва  $M_1 \cup M_2 = [0, 1]$  тенгликни қаноатлантирсин.

13.  $[0, 1]$  да шундай ўзаро кесишмайдиган  $M_1, M_2, M_3, \dots, M_n, \dots$  тўпламлар топилсинки,  $\bigcup_{i=1}^{\infty} M_i = [0, 1]$  бўлиб, уларнинг ҳар бири  $[0, 1]$  нинг ҳамма ерида зич ва континуум қувватга эга бўлсин.

14.  $[0, 1]$  ни қуйидаги кўринишда ёзиш мумкинми:

$$[0, 1] = \bigcup_{i=1}^{\infty} M_i, \quad M_i \cap M_j = \emptyset, \quad i \neq j, \quad \bar{M}_i = M_n, \quad M_i \neq \emptyset.$$

15. Масалани қўйишдан илгари қуйидаги усул билан  $Q$  тўпламни ясаб оламиз.

$\Delta_0 = [0, 1]$  сегментни олиб, унинг устида қуйидаги амалларни бажарамиз. Аввал бу сегментни  $\frac{1}{5}, \frac{2}{5}, \frac{3}{5}$  ва  $\frac{4}{5}$  нуқталар билан беш

қисмга бўлиб, ундан  $(\frac{1}{5}, \frac{4}{5})$  оралиқни олиб ташлаймиз. Натижада  $\Delta_{00} = [0, \frac{1}{5}]$  ва  $\Delta_{01} = [\frac{4}{5}, 1]$  сегментлар ҳосил бўлади.  $\Delta_{00}$  ва  $\Delta_{01}$  сегментларнинг ҳар бирини яна тенг беш қисмга бўламиз, улардан  $(\frac{1}{25}, \frac{4}{25})$  ва  $(\frac{21}{25}, \frac{24}{25})$  оралиқларни олиб ташлаймиз. Натижада  $\Delta_{000} = [0, \frac{1}{25}]$ ,  $\Delta_{001} = [\frac{4}{25}, \frac{1}{5}]$ ,  $\Delta_{010} = [\frac{4}{5}, \frac{21}{25}]$ ,  $\Delta_{011} = [\frac{24}{25}, 1]$  сегментлар ҳосил бўлади. Бу сегментларнинг ҳар бирини яна тенг беш қисмга бўлиб, улардан тегишлича 4 та оралиқни олиб ташлаймиз; натижада 8 та сегмент ҳосил бўлади. Бу процессни чексиз давом эттирамиз. Юқоридаги процессни давом эттириш натижасида  $\Delta_0 = [0, 1]$  сегментдан ушбу

$$G = (\frac{1}{5}, \frac{4}{5}) \cup \{ (\frac{1}{25}, \frac{4}{25}) \cup (\frac{21}{25}, \frac{24}{25}) \} \cup \\ \cup \{ (\frac{1}{5^3}, \frac{4}{5^3}) \cup (\frac{21}{5^3}, \frac{24}{5^3}) \cup (\frac{101}{5^3}, \frac{104}{5^3}) \cup (\frac{121}{5^3}, \frac{124}{5^3}) \} \cup \dots$$

очиқ тўпلام олиб ташланган бўлади. Қолган  $\Delta \setminus G$  тўпلامни  $Q$  билан белгилаймиз.

$Q$  мукамал тўпلام эканлигини кўрсатинг.

16. Ҳар қандай туташган тўпلام ё сегмент, ё интервал, ё ярим сегмент, ё бутун тўғри чизиқ, ё нуқта бўлишини исботланг.

## II Б О Б

### ЎЛЧОВЛИ ТЎПЛАМЛАР

Тўғри чизиқда бирор  $(a, b)$  оралиқ (ёки сегмент) берилган бўлса, бу оралиқнинг (сегментнинг) узунлиги ёки ўлчови деб, одатда,  $b - a$  сонга айтилади. Энди тўғри чизиқдаги ихтиёрий нуқтали тўпلام учун ўлчов тушунчасини киритиш масаласи туғилади. Тўпلامнинг ўлчови тушунчасини турлича киритиш мумкин; ўлчов тушунчаси узунлик тушунчасини умумлаштириш натижасида келиб чиққан. Ўлчов назариясини француз математиклари Э. Борель, К. Жордан ва А. Лебег яратган.

### 17- §. Тўпلامнинг ўлчови

$E$  чегараланган тўпلام ва  $[a, b]$  ш тўпلامни ўз ичига олган энг кичик сегмент бўлсин<sup>1</sup>. Фараз қилайлик,  $\delta_1, \delta_2, \delta_3, \dots$  сони чекли ёки санокли оралиқлар системаси бўлиб, бу оралиқларнинг

<sup>1</sup> Бундан кейин асосан чегараланган тўпلامлар билан иш кўрамиз.

чегара нуқталари  $E$  тўплагма кирмасин, аммо  $E$  нинг ҳар бир  $x$  нуқтаси  $\delta_i (i = 1, 2, \dots)$  оралиқларнинг бирортасида жойлашган бўлсин.  $\mu_i$  билан  $\delta_i$  оралиқнинг узунлигини белгилаймиз. Бундай оралиқлар системасини чексиз кўп тузиш мумкин. У ҳолда  $\sum_i \mu_i$

йиғинди ҳам чексиз кўп қийматга эга бўлади, аммо  $\sum_i \mu_i > 0$ , чунки

$\mu_i$  оралиқнинг узунлиги. Демак,  $\sum_i \mu_i$  йиғиндилар системаси қуйидан чегараланган ва шунинг учун у аниқ қуйи чегарага эга.

1-таъриф.  $\sum_i \mu_i$  йиғиндилар системасининг аниқ қуйи чегарасини  $E$  тўплагманинг ташқи ўлчови деймиз ва уни  $\mu^*(E)$  билан белгилаймиз.

17. 1. Изоҳлар: а)  $\sum_i \mu_i > 0$  бўлганлиги учун  $\mu^*(E) \geq 0$  бўлади.

б)  $\mu^*(E) \leq b - a$  тенгсизлик ўринли; ҳақиқатан ҳам ҳар қандай  $\epsilon (> 0)$  учун  $E \subset (a - \epsilon, b + \epsilon)$ . Бундан:

$$\mu^*(E) < b - a + 2\epsilon$$

ёки  $\epsilon$  ихтиёрий бўлганлиги учун

$$\mu^*(E) \leq b - a.$$

Ушбу

$$\mu_*(E) = (b - a) - \mu^*(CE) \quad (CE = [a, b] \setminus E)$$

миқдорни  $E$  тўплагманинг ички ўлчови деймиз.  $\mu_*(E) \geq 0$ , чунки  $CE \subset [a, b]$  ва ўз навбатида  $\mu^*(CE) \leq b - a$ .

17. 2. Теорема.  $E$  тўплагманинг ташқи ўлчови унинг ички ўлчовидан кичик эмас, яъни:

$$\mu_*(E) \leq \mu^*(E).$$

Исбот. Аниқ қуйи чегаранинг таърифига мувофиқ, ҳар қандай кичик мусбат  $\eta (> 0)$  сони учун  $E$  тўплагмини ўз ичига олган шундай  $\delta_1, \delta_2, \delta_3, \dots$  оралиқлар системаси мавжудки, ушбу

$$\sum_i \mu_i < \mu^*(E) + \eta \quad (1)$$

( $\mu_i$  сони  $\delta_i$  оралиқнинг узунлиги) тенгсизлик бажарилади.

Шунга ўхшаш  $CE$  тўплагмини ўз ичига олган шундай  $\delta'_1, \delta'_2, \delta'_3, \dots$  оралиқлар системаси мавжудки, булар учун ҳам ушбу

$$\sum_i \mu'_i < \mu^*(CE) + \eta \quad (2)$$

( $\mu'_i$  билан  $\delta'_i$  оралиқнинг узунлиги белгиланган) тенгсизлик бажарилади.

$\{\delta_i\}$  ва  $\{\delta'_i\}$  оралиқлар системасининг тузилишига кўра:

$$E \subset \bigcup_i \delta_i \quad \text{ва} \quad CE \subset \bigcup_i \delta'_i.$$

Демак,

$$E \cup CE = [a, b] \subset (\bigcup_i \delta_i) \cup (\bigcup_i \delta'_i). \quad (3)$$

(1), (2) ва (3) муносабатларга мувофиқ:

$$b - a \leq \sum_i \mu_i + \sum_i \mu'_i \leq \mu^*(E) + \mu^*(CE) + 2\eta.$$

Бундан:

$$\mu_*(E) = b - a - \mu^*(CE) < \mu^*(E) + 2\eta.$$

Ихтиёрый кичик  $\eta (> 0)$  учун сўнгги тенгсизлик бажарилганлиги сабабли, ундан

$$\mu_*(E) \leq \mu^*(E)$$

муносабат келиб чиқади.\*

✓ Энди тўплам ўлчовининг таърифини берамиз.

2-таъриф. (А. Лебег таърифи.) Агар  $E$  тўпламнинг  $\mu^*(E)$  ташқи ўлчови унинг  $\mu_*(E)$  ички ўлчовига тенг бўлса, у ҳолда  $E$  ни ўлчовли тўплам деймиз ва унинг ўлчовини  $\mu(E)$  билан белгилаймиз, яъни:

$$\mu(E) = \mu_*(E) = \mu^*(E).$$

Бу таъриф маъносида ўлчовли тўпламни ( $L$ ) ўлчовли тўплам дейлади. Юқоридаги мулоҳазалардан  $\mu([a, b]) = b - a$  ва  $\mu((a, b)) = b - a$  тенгликларнинг ўринли эканлиги бевосита кўринади.

17. 3. Теорема. Агар  $E$  тўплами ўлчовли бўлса, у ҳолда  $CE$  ҳам ўлчовли тўплам бўлади.

Исбот.  $E$  ўлчовли бўлганлиги учун:

$$\mu(E) = b - a - \mu^*(CE).$$

Ички ўлчовнинг таърифига мувофиқ:

$$\mu_*(E) = b - a - \mu^*(CE)$$

ёки

$$\mu^*(CE) = b - a - \mu_*(E) = b - a - \mu(E). \quad (4)$$

$CE$  тўпламнинг қўшимчаси  $E$  га тенг бўлганлиги учун

$$\mu_*(CE) = b - a - \mu(E). \quad (5)$$

(4) ва (5) дан:

$$\mu(CE) = \mu_*(CE) = \mu^*(CE) = b - a - \mu(E)$$

тенгликлар, яъни  $CE$  тўпламнинг ўлчовли эканлиги келиб чиқади.\*

Мисол.  $F$  ёпиқ тўпلام,  $[a, b]$  сегмент  $F$  ни ўз ичига олган энг кичик сегмент ва  $\delta_1, \delta_2, \dots$  лар  $F$  тўпلامга нисбатан тўлдирувчи сони чекли ёки саноқли оралиқлар системаси бўлсин. Бу оралиқлар системасининг йиғиндисини  $G$  билан белгилаб, қуйидаги муносабатни ёзишимиз мумкин<sup>1</sup>:

$$\mu(G) = \sum_i \mu(\delta_i).$$

Ушбу

$$F = [a, b] \setminus G = CG \quad (6)$$

тенгликдан  $F$  тўпلامнинг ўлчовли эканлиги келиб чиқади, чунки  $G$  ўлчовли тўпلام.

(6) дан фойдаланиб

$$\mu(F) = b - a - \mu(G) = b - a - \sum_i \mu(\delta_i)$$

тенгликни ёзишимиз мумкин.

Демак, ҳар қандай чегараланган ёпиқ тўпلام ўлчовли тўпلامдир.

**17. 4. Теорема (А. Лебег теоремаси)  $E$  тўпلامнинг ўлчовли бўлиши учун уни**

$$E = G \cup e_1 \setminus e_2 \quad (7)$$

**кўринишда ёзиш мумкинлиги зарур ва кифоядир.**

Бу тенгликнинг ўнг томонидаги  $G, e_1$  ва  $e_2$  тўпلامлар ихтиёрий берилган  $\eta (> 0)$  сонига мувофиқ қуйидагича тузилган:  $G$  ўзаро кесишмайдиган сони чекли оралиқлар системасининг йиғиндисидан иборат,  $e_1$  ва  $e_2$  ҳар бири ташқи ўлчови  $\eta$  сонидан кичик бўлган тўпلامлар. (7) тенглик бажарилганда қуйидаги муносабат ҳам ўринли бўлади:

$$\mu(G) - \eta < \mu(E) < \mu(G) + \eta. \quad (8)$$

Зарурийлигининг исботи.  $E$  тўпلامнинг ўлчовли эканлигидан фойдаланиб, уни (7) кўринишда ёзиш мумкинлигини кўрсатиш керак.  $E$  тўпلام ўлчовли бўлгани учун:

$$\mu(E) = \mu_*(E) = \mu^*(E).$$

Ташқи ўлчов таърифидан фойдаланиб, ўзаро кесишмайдиган шундай  $\delta_1, \delta_2, \dots$  оралиқлар системасини тузишимиз мумкинки, булар учун қуйидаги муносабатлар ўринли бўлади:

$$\sum_i \mu(\delta_i) < \mu(E) + \frac{\eta}{2}, \quad (9)$$

$$E \subset \bigcup_i \delta_i. \quad (10)$$

<sup>1</sup>  $G$  очиқ тўпلام бўлгани учун унинг ўлчови, таърифга биноан, тузувчи оралиқларнинг узунликлари йиғиндисига тенг.



Агар  $\delta_1, \delta_2, \dots$  оралиқлар системасининг сони саноқли бўлса, у ҳолда булардан шундай дастлабки  $n$  тасини, қолганлари учун қуйидаги тенгсизлик бажариладиган қилиб, ажратиб оламиз:

$$\sum_{i=n+1}^{\infty} \mu(\delta_i) < \eta. \quad (11)$$

Бунинг доимо бажарилиши мумкин, чунки (9) тенгсизликка асосан  $\sum_{i=1}^{\infty} \mu(\delta_i)$  қатор яқинлашувчи. Агар  $\delta_1, \delta_2, \dots$  оралиқлар системасининг сони чекли бўлса, у ҳолда буларнинг ҳаммасини олиш керак.

Энди  $\delta_1, \delta_2, \dots, \delta_n$  оралиқларнинг йиғиндисини  $G$  билан белгилаймиз, яъни:

$$G = \bigcup_{i=1}^n \delta_i.$$

$E$  тўпламнинг  $G$  га кирмаган элементларидан иборат бўлган тўпламни  $e_1$  билан белгилаймиз; (10) муносабатга биноан:

$$e_1 \subset \bigcup_{i=n+1}^{\infty} \delta_i. \quad (12)$$

$G$  тўпламнинг  $E$  тўпламга кирмаган элементларидан иборат бўлган тўпламни  $e_2$  билан белгилаймиз.

$G, e_1, e_2$  тўпламларнинг тузилишига мувофиқ

$$E = G \cup e_1 \setminus e_2 \quad (7)$$

тенглик ўринли бўлади.

$G$  тўплам ўзаро кесишмайдиган  $n$  та оралиқларнинг йиғиндисидан иборат бўлгани учун ўлчовли тўплам бўлади ва

$$\mu(G) = \sum_{i=1}^n \mu(\delta_i).$$

(11) ва (12) муносабатлардан эса

$$\mu^*(e_1) < \eta$$

тенгсизлик келиб чиқади. Агар  $\mu^*(e_2) < \eta$  тенгсизликнинг ўринли эканлиги кўрсатилса, теореманинг зарурийлик қисми исбот этилган бўлади. Бунинг исбот этиш учун,  $CE$  ( $CE = [a, b] \setminus E$ ) тўпламни ўз ичига олган, ўзаро кесишмайдиган ва

$$\sum_k \mu(\delta'_k) < \mu(CE) + \frac{\eta}{2} \quad (13)$$

тенгсизликни қаноатлантирийдиган  $\delta'_1, \delta'_2, \dots$  оралиқлар системасини тузамиз.

$CE$  тўплам 17. 3-теоремага асосан ўлчовли бўлганлиги учун  $\delta'_1, \delta'_2, \dots$  оралиқлар системасини тузишимиз мумкин.

(9) ва (13) тенгсизликлардан

$$\sum_i \mu(\delta_i) + \sum_k \mu(\delta'_k) < \mu(E) + \mu(CE) + \eta = (b - a) + \eta \quad (14)$$

муносабат келиб чиқади. Иккинчи томондан,

$$E \subset \bigcup_i \delta_i, \quad CE \subset \bigcup_k \delta'_k;$$

демак,

$$E \cup CE \subset [(\bigcup_i \delta_i) \setminus \bigcup_{i,k} (\delta_i \cap \delta'_k)] \cup (\bigcup_k \delta'_k).$$

Бу муносабатдан

$$b - a \leq \sum_i \mu(\delta_i) + \sum_k \mu(\delta'_k) - \sum_{i,k} \mu(\delta_i \cap \delta'_k) \quad (15)$$

тенгсизлик келиб чиқади.

(14) ва (15) тенгсизликлардан:

$$(b - a) + \sum_{i,k} \mu(\delta_i \cap \delta'_k) \leq \sum_i \mu(\delta_i) + \sum_k \mu(\delta'_k) < (b - a) + \eta. \quad (16)$$

Бундан:

$$\sum_{i,k} \mu(\delta_i \cap \delta'_k) < \eta. \quad (17)$$

$e_2$  тўпламининг таърифига мувофиқ, уни

$$e_2 = G \cap CE$$

кўринишда ёзишимиз мумкин. Аммо

$$e_2 = G \cap CE \subset \bigcup_{i,k} (\delta_i \cap \delta'_k),$$

чунки

$$G \subset \bigcup_i \delta_i \quad \text{ва} \quad CE \subset \bigcup_k \delta'_k.$$

Демак,

$$\mu^*(e_2) \leq \sum_{i,k} \mu(\delta_i \cap \delta'_k) \quad (18)$$

ёки (17) га мувофиқ:

$$\mu^*(e_2) < \eta$$

тенгсизлик ўринлидир.

Кифояликнинг исботи. Энди  $E$  тўпламини ушбу

$$E = G \cup e_1 \setminus e_2 \quad (7)$$

(бу ерда  $G$  сони чекли ва ўзаро кесишмайдиган оралиқлар системаси,  $e_1, e_2$  лар ташқи ўлчовлари  $\eta (> 0)$  сонидан кичик бўлган тўпламлар, яъни:

$$\mu^*(e_1) < \eta, \quad \mu^*(e_2) < \eta, \quad (19)$$

$\eta$  — ихтиёрый кичик сон) кўринишда ёзиш мумкин деб, унинг ўлчовли эканини исбот этамиз.

Бунинг учун  $e_1$  тўпلامни ўз ичига олган, ўзаро кесишмайдиган ва қуйидаги тенгсизликни қаноатлантирадиган  $\delta'_1, \delta'_2, \dots$  оралиқлар системасини тузамиз:

$$\sum_i \mu(\delta'_i) < \eta. \quad (20)$$

Шунга ўхшаш,  $e_2$  тўпلامни ўз ичига олган, ўзаро кесишмайдиган ва қуйидаги тенгсизликни қаноатлантирадиган  $\delta''_1, \delta''_2, \dots$  оралиқлар системасини тузамиз:

$$\sum_i \mu(\delta''_i) < \eta. \quad (21)$$

(19) тенгсизликларга биноан,  $\{\delta'_i\}$  ва  $\{\delta''_i\}$  оралиқлар системасини тузишимиз мумкин.

(7) тенгликдан фойдаланиб, қуйидаги муносабатларни ёзамиз:

$$E \subset G \cup e_1 \subset G \cup (\cup_i \delta'_i)$$

ёки

$$\mu^*(E) \leq \mu(G) + \sum_i \mu(\delta'_i) < \mu(G) + \eta. \quad (22)$$

Бу тенгсизлик (20) га асосан ёзилган. Бундан ташқари,

$$CE \subset CG \cup e_2 \quad (CG = [a, b] \setminus G) \quad (23)$$

муносабат ўринли.

Дарҳақиқат, агар  $x$  нуқта  $CE$  ва  $CG$  тўпلامларнинг элементи бўлса, у ҳолда (23) муносабат ўз-ўзидан келиб чиқади. Агар  $x \in CE$ , лекин  $x \notin CG$  бўлса, у ҳолда  $x \in G$  ва (7) тенгликка мувофиқ,  $x \in e_2$ , демак, бу ҳолда ҳам (23) муносабат ўринли.

(23) муносабатдан эса

$$CE \subset CG \cup (\cup_i \delta''_i) \quad (24)$$

муносабат бевосита келиб чиқади, чунки

$$e_2 \subset \cup_i \delta''_i$$

(24) ва (21) муносабатлардан

$$\mu^*(CE) \leq \mu(CG) + \sum_i \mu(\delta''_i) < \mu(CG) + \eta \quad (25)$$

тенгсизлик келиб чиқади. Бу тенгсизликдан ва тўпلامнинг ички ўлчови таърифидан фойдаланиб, ушбу

$$\mu_*(E) = b - a - \mu^*(CE) > b - a - \mu(CG) - \eta = \mu(G) - \eta \quad (26)$$

муносабатни ёзишимиз мумкин, чунки

$$G = [a, b] \setminus CG.$$

17. 2- теоремага мувофиқ,

$$\mu_*(E) \leq \mu^*(E). \quad (27)$$

(22), (26), (27) муносабатлардан фойдаланиб,

$$\mu(G) - \eta < \mu_*(E) \leq \mu^*(E) < \mu(G) + \eta \quad (28)$$

тенгсизликларни ёзишимиз мумкин; булардан эса

$$0 \leq \mu^*(E) - \mu_*(E) < 2\eta \quad (29)$$

тенгсизлик бевосита келиб чиқади.

$\eta (> 0)$  ихтиёрий кичик сон бўлганлиги учун (29) дан ушбу

$$\mu_*(E) = \mu^*(E) = \mu(E)$$

тенглик ёки, таърифга мувофиқ,  $E$  тўпламнинг ўлчовли эканлиги келиб чиқади ва (28) га асосан:

$$\mu(G) - \eta < \mu(E) < \mu(G) + \eta_*$$

### 18- §. Улчовли тўпламлар қақида теоремалар

**18. 1. Теорема.** *Агар  $E_1, E_2, \dots, E_n$  ўлчовли тўпламлар бўлса, уларнинг йиғиндиси ҳам ўлчовли тўплам бўлади; йиғиндининг ҳадлари ўзаро кесишмайдиган тўпламлардан иборат бўлса, йиғиндининг ўлчови ҳадлар ўлчовларининг йиғиндисига тенг бўлади.*

Исбот. Теорема ҳадларининг сони икки тўпламдан иборат бўлган ҳол учун исбот этилса кифоя, чунки ҳадларининг сони  $n$  та тўпламдан иборат бўлган ҳолни математик индукция ёрдами билан ҳадларининг сони икки тўпламдан иборат бўлган ҳолга келтиришимиз мумкин.  $E_1$  ва  $E_2$  ўлчовли тўпламлар бўлсин.

17. 4- теоремага асосан,  $E_1$  ва  $E_2$  тўпламларни

$$E_1 = G_1 \cup e'_1 \setminus e''_1, \quad E_2 = G_2 \cup e'_2 \setminus e''_2 \quad (1)$$

кўринишда ёзишимиз мумкин. Бу кўринишда  $G_1$  ва  $G_2$  тўпламларнинг ҳар бири сони чекли ва ўзаро кесишмайдиган ораллиқлар системасининг йиғиндисидан иборат;  $e'_1, e'_2, e''_1$  ва  $e''_2$  ташқи ўлчовлари  $\eta (> 0)$  дан кичик бўлган тўпламлар;  $\eta (> 0)$  эса аввалдан берилган ихтиёрий кичик сон. Демак,

$$\mu^*(e'_1) < \eta, \mu^*(e'_2) < \eta, \mu^*(e''_1) < \eta \text{ ва } \mu^*(e''_2) < \eta. \quad (2)$$

(1) тенгликлардан

$$E_1 \cup E_2 = (G_1 \cup G_2) \cup (e'_1 \cup e'_2) \setminus e \quad (3)$$

тенглик келиб чиқади, бу ерда  $e \subset e'_1 \cup e'_2$  ( $\subset$  белги ўрнига тенглик белгисини доимо ишлатиб бўлмайди).

(3) тенгликда  $G = G_1 \cup G_2$  тўплами яна сони чекли оралиқлар системасидан иборат бўлиб, уларни тузувчи оралиқларининг ҳаммасини ўзаро кесишмайдиган дейишимиз мумкин.

(2) тенгсизликлардан қуйидаги тенгсизликлар осонгина келиб чиқади:

$$\begin{aligned} \mu^*(e'_1 \cup e'_2) &< 2\eta, & \mu^*(e''_1 \cup e''_2) &< 2\eta, \\ \mu^*(e) &< 2\eta. \end{aligned}$$

Натижада, 17. 4-теоремага асосланиб, (3) тенгликдаги  $E_1 \cup E_2$  тўплами ўлчовли тўплам дейишимиз мумкин, бундан ташқари:

$$\mu(G_1 \cup G_2) - 2\eta < \mu(E_1 \cup E_2) < \mu(G_1 \cup G_2) + 2\eta. \quad (4)$$

Энди теореманинг иккинчи қисмини исбот этамиз,  $E_1$  ва  $E_2$  тўпламларнинг умумий қисми бўлмаса, у ҳолда:

$$\mu(E_1 \cup E_2) = \mu(E_1) + \mu(E_2).$$

Дарҳақиқат, (4) тенгсизликдан фойдаланиб,

$$\mu(E_1 \cup E_2) = \lim_{\eta \rightarrow 0} \mu(G_1 \cup G_2) \quad (5)$$

муносабатни ёзишимиз мумкин.

Иккинчи томондан:

$$\mu(G_1 \cup G_2) = \mu(G_1) + \mu(G_2) - \mu(G_1 \cap G_2). \quad (6)$$

(5) ва (6) муносабатлардан:

$$\mu(E_1 \cup E_2) = \lim_{\eta \rightarrow 0} \mu(G_1) + \lim_{\eta \rightarrow 0} \mu(G_2) - \lim_{\eta \rightarrow 0} \mu(G_1 \cap G_2) \quad (7)$$

келиб чиқади.

(1) тенгликлардан 17. 4-теоремага асосан

$$\mu(G_1) - \eta < \mu(E_1) < \mu(G_1) + \eta$$

ва

$$\mu(G_2) - \eta < \mu(E_2) < \mu(G_2) + \eta$$

тенгсизликларни ёзишимиз мумкин.

Булардан:

$$\left. \begin{aligned} \lim_{\eta \rightarrow 0} \mu(G_1) &= \mu(E_1), \\ \lim_{\eta \rightarrow 0} \mu(G_2) &= \mu(E_2) \end{aligned} \right\} \quad (8)$$

муносабатлар келиб чиқади.

Агар  $\lim_{\eta \rightarrow 0} \mu(G_1 \cap G_2) = 0$  тенглик исбот этилса, теореманинг иккинчи қисми исбот этилган бўлади.

(1) тенгликлардан  $G_1 \subset E_1 \cup e'_1$  ва  $G_2 \subset E_2 \cup e'_2$  муносабатларнинг ўринли эканлиги келиб чиқади.

Бу муносабатлардан эса:

$$G_1 \cap G_2 \subset (E_1 \cup e_1') \cap (E_2 \cup e_2') = (E_1 \cap E_2) \cup [e_1' \cap (E_2 \cup e_2')] \cup [E_1 \cap e_2'] \subset e_1' \cup e_2',$$

чунки  $E_1$  ва  $E_2$  тўпламлар бирорта ҳам умумий элементга эга эмас. Демак,  $\mu(G_1 \cap G_2) < 2\eta$ , чунки  $\mu^*(e_1' \cup e_2') < 2\eta$ . Бу тенгсизликдан эса

$$\lim_{\eta \rightarrow 0} \mu(G_1 \cap G_2) = 0 \quad (9)$$

муносабат бевосита кўринади.

(7), (8) ва (9) муносабатлардан исбот этилиши керак бўлган тенглик келиб чиқади:

$$\mu(E_1 \cup E_2) = \mu(E_1) + \mu(E_2).*$$

**18. 2. Теорема. Ўлчовли  $E_1$  ва  $E_2$  тўпламларнинг айирмаси ҳам ўлчовли тўпламдир; агар  $E_2 \subset E_1$  бўлса, у ҳолда**

$$\mu(E_1 \setminus E_2) = \mu(E_1) - \mu(E_2)$$

**бўлади.**

Исбот. Ушбу

$$C(E_1 \setminus E_2) = CE_1 \cup E_2$$

тенглик ўринли<sup>1</sup>.

Бу тенгликнинг ўнг томонидаги тўпламлар ўлчовли бўлганлиги учун чап томонидаги тўплам ҳам 18. 1-теоремага асосан ўлчовли бўлади;  $E_1 \setminus E_2$  тўплам  $C(E_1 \setminus E_2)$  тўпламга нисбатан қўшимча тўплам бўлганлиги учун ўлчовли бўлади.

Энди теореманинг иккинчи қисмини исбот этамиз. Бунинг учун

$$E_1 = (E_1 \setminus E_2) \cup E_2$$

тенгликдан ва 18. 1-теоремадан фойдаланамиз. Бу тенгликнинг ўнг томонидаги  $E_1 \setminus E_2$  ва  $E_2$  тўпламлар ўлчовли, ўзаро кесишмайдиган тўпламлардир. Демак, 18. 1-теоремага мувофиқ

$$\mu(E_1) = \mu(E_1 \setminus E_2) + \mu(E_2)$$

<sup>1</sup> Бу тенгликни одатдаги усул билан исбот қилиш мумкин, яъни чап томондаги тўпламнинг ҳар бир элементи ўнг томондаги тўпламга киришлигини ва аксинча, ўнг томондаги тўпламнинг ҳар бир элементи чап томондаги тўпламга киришлигини кўрсатамиз.

Дарҳақиқат,  $x \in C(E_1 \setminus E_2)$  бўлсин. Бундан,  $x \notin E_1 \setminus E_2$  ёки  $x \in E_1$  ва  $x \in E_2$ , демак,  $x \in CE_1 \cup E_2$ , ёки  $x \in CE_1$ , демак,  $x \in CE_1$ , бундан  $x \in CE_1 \cup E_2$ . Натижада  $C(E_1 \setminus E_2)$  тўпламнинг ҳар бир элементи  $CE_1 \cup E_2$  тўпламга ҳам кирар экан.

Энди  $x \in CE_1 \cup E_2$  бўлсин; бундан ёки  $x \in CE_1$ , ёки  $x \in E_2$  келиб чиқади. Агар  $x \in CE_1$  бўлса, у ҳолда  $x \in E_1$ , демак,  $x \in E_1 \setminus E_2$ , яъни:  $x \in C(E_1 \setminus E_2)$ . Агар  $x \in E_2$  бўлса, у ҳолда  $x \in E_1 \setminus E_2$ , демак,  $x \in C(E_1 \setminus E_2)$ , яъни  $CE_1 \cup E_2$  тўпламнинг ҳар бир элементи  $C(E_1 \setminus E_2)$  тўпламга ҳам кирар экан.

$$\mu(E_1 \setminus E_2) = \mu(E_1) - \mu(E_2)$$

тенгликларни ёзишимиз мумкин.

18. 3. Теорема. Агар  $[a, b]^*$  сегментда жойлашган ўлчовли  $E_1, E_2, E_3, \dots, E_n, \dots$  тўпламлар кетма-кетлиги берилган бўлса, у ҳолда уларнинг йиғиндиси бўлмиш  $E \left( = \bigcup_{i=1}^{\infty} E_i \right)$  тўплам ҳам ўлчовли бўлади. Бундан ташқари агар  $E_i \cap E_j = \emptyset \ (i \neq j)$  бўлса, у ҳолда:

$$\mu(E) = \sum_{i=1}^{\infty} \mu(E_i).$$

Бу тенглик тўпламлар ўлчовининг тўла аддитивлик хоссасини ифодалайди.

Исбот. Теоремани аввал  $E_i \cap E_j = \emptyset \ (i \neq j)$  ҳол учун исбот этамиз.

Ушбу

$$A_n = \bigcup_{i=1}^n E_i \text{ ва } B_n = \bigcup_{i=n+1}^{\infty} E_i$$

тўпламларни тузамиз.

$A_n \subset E (= A_n + B_n)$  муносабатдан:

$$\mu_*(E) \geq \mu_*(A_n) = \mu(A_n) = \sum_{i=1}^n \mu(E_i) \quad (10)$$

келиб чиқади, чунки  $A_n$  тўплам 18. 1-теоремага асосан ўлчовли ва  $E_i \cap E_j = \emptyset \ (i \neq j)$ . (10) тенгсизлик ҳар қандай  $n$  учун ўринли ва

$\sum_{i=1}^{\infty} \mu(E_i)$  қатор яқинлашувчи. Шунинг учун берилган ихтиёрий

$\eta (> 0)$  сон учун шундай  $n$  сонини топиш мумкинки, қуйидаги тенгсизлик бажарилади:

$$\sum_{i=n+1}^{\infty} \mu(E_i) < \eta. \quad (11)$$

Энди кесишмайдиган шундай  $\delta_1^{(k)}, \delta_2^{(k)}, \dots \ (k = 0, 1, 2, \dots)$  ораліқлар системасини тузамизки, улар учун ушбу

$$A_n \subset \bigcup_i \delta_i^{(0)}, \quad \sum_i \mu(\delta_i^{(0)}) < \mu(A_n) + \eta. \quad (12)$$

$$E_{n+k} \subset \bigcup_i \delta_i^{(k)}, \quad \sum_i \mu(\delta_i^{(k)}) < \mu(E_{n+k}) + \frac{\eta}{2^k} \quad (k = 1, 2, \dots) \quad (13)$$

муносабатлар бажарилсин.  $A_n$  ва  $E_{n+k}$  тўпламлар ўлчовли бўлганлиги учун юқоридаги кесишмайдиган оралиқлар системаси мавжуд. (12) ва (13) муносабатлардан ушбу

$$E \subset \bigcup_k \bigcup_i \delta_i^{(k)}$$

муносабат бевосита келиб чиқади.

Бу муносабатдан фойдаланиб, қуйидаги тенгсизликларни ёзишимиз мумкин:

$$\begin{aligned} \mu^*(E) &\leq \sum_{k, l} \mu(\delta_l^{(k)}) < \mu(A_n) + \eta + \sum_{k=1}^{\infty} \mu(E_{n+k}) + \\ &+ \sum_{k=1}^{\infty} \frac{\eta}{2^k} = \mu(A_n) + \eta + \sum_{k=1}^{\infty} \mu(E_{n+k}) + \eta. \end{aligned}$$

(11) тенгсизликдан фойдаланиб, ушбу

$$\mu^*(E) < \mu(A_n) + 3\eta \quad (14)$$

тенгсизликни ёзишимиз мумкин. Маълумки,

$$\mu_*(E) \leq \mu^*(E).$$

Бундан, (10) ва (14) муносабатлардан фойдаланиб, қуйидаги тенгсизликларни ёзамиз:

$$\mu(A_n) \leq \mu_*(E) \leq \mu^*(E) \leq \mu(A_n) + 3\eta \quad (15)$$

ёки

$$0 \leq \mu^*(E) - \mu_*(E) < 3\eta.$$

$\eta (> 0)$  ихтиёрий сон бўлганлиги учун сўнги муносабатдан

$$\mu_*(E) = \mu^*(E) = \mu(E)$$

тенглик келиб чиқади.

(15) муносабатдан:

$$|\mu(E) - \mu(A_n)| = \left| \mu(E) - \sum_{i=1}^n \mu(E_i) \right| \leq 3\eta.$$

Демак,

$$\mu(E) = \lim_{n \rightarrow \infty} \sum_{i=1}^n \mu(E_i)$$

ёки

$$\mu(E) = \sum_{i=1}^{\infty} \mu(E_i).$$

Шу билан  $E_i \cap E_j = \emptyset$  ( $i \neq j$ ) ҳол учун теорема исбот этилди.



Агар  $E_1, E_2, \dots$  тўпламлар ўлчовли бўлиб, умумий нуқталарга эга бўлса, у ҳолда  $E = \bigcup_{i=1}^{\infty} E_i$  тўпламни

$$E = E_1 \cup (E_2 \setminus E_1) \cup (E_3 \setminus E_2 \setminus E_1) \cup \dots$$

кўринишда ёзиб, бу ҳолни исбот этилган ҳолга келтиришимиз мумкин, чунки охириги тенгликнинг ўнг томонидаги

$$E_1, E_2 \setminus E_1, E_3 \setminus E_1 \setminus E_2, \dots$$

тўпламлар ўзаро кесишмайди.\*

**18.4. Теорема. Ҳар қандай саноқли  $E$  тўплам ўлчовли ва унинг ўлчови нолга тенг<sup>1</sup>.**

Исбот  $E$  саноқли тўплам бўлганлиги учун унинг элементларини

$$x_1, x_2, x_3, \dots$$

кетма-кетлик шаклида ёзишимиз мумкин. Биргина  $x_k$  элементнинг ўзидан иборат бўлган тўпламни  $E_k$  билан белгилаймиз.

У ҳолда:

$$E = \bigcup_{k=1}^{\infty} E_k$$

$E_k$  тўплам, ўлчов таърифига мувофиқ, ўлчовли бўлади ва унинг ўлчови нолга тенг (чунки битта нуқтадан иборат тўпламни узунлиги истаганча кичик бўлган оралиққа жойлаш мумкин). Демак, 18.3-теоремага мувофиқ  $E$  тўплам ҳам ўлчовли бўлади ва унинг ўлчови нолга тенг.\*

Шуни ҳам айтиб ўтиш керакки, 18.4-теореманинг тескараси доимо тўғри бўлмайди, яъни ўлчови нолга тенг бўлса, тўпламнинг саноқли бўлиши шарт эмас. Бунинг тўғрилигини кўрсатиш учун, мисол сифатида Канторнинг  $P_0$  тўпламини оламиз. Маълумки, Канторнинг  $P_0$  тўплами  $G_0$  тўпламнинг тўлдирувчиси ва

$$\begin{aligned} \mu(G_0) &= \mu\left\{\left(\frac{1}{3}, \frac{2}{3}\right)\right\} + \mu\left\{\left(\frac{1}{9}, \frac{2}{9}\right) \cup \left(\frac{7}{9}, \frac{8}{9}\right)\right\} + \\ &+ \mu\left\{\left(\frac{1}{27}, \frac{2}{27}\right) \cup \left(\frac{7}{27}, \frac{8}{27}\right) \cup \left(\frac{19}{27}, \frac{20}{27}\right) \cup \left(\frac{25}{27}, \frac{26}{27}\right)\right\} + \dots = \\ &= \frac{1}{3} \left\{1 + \frac{2}{3} + \left(\frac{2}{3}\right)^2 + \left(\frac{2}{3}\right)^3 + \dots\right\} = 1; \end{aligned}$$

демак,  $\mu(P_0) = 0$ , чунки  $P = GG_1$ . Лекин бизга маълумки,  $P_0$  саноқсиз тўплам. Бу мисолдан саноқсиз тўпламнинг ўлчови ҳам нолга тенг бўлиши мумкин эканлиги кўринади.\*

**18.5. Теорема.  $[a, b]$  сегментда жойлашган, сони чекли ёки саноқли ўлчовли тўпламларнинг кўпайтмаси ҳам ўлчовли тўпламдир.**

<sup>1</sup> Бу теорема саноқли тўплам чегараланмаган бўлса ҳам ўрилин.

Исбот.  $E_1, E_2, \dots$  ўлчовли тўпламлар бўлиб, уларнинг ҳар бири  $[a, b]$  сегментда жойлашган бўлсин.

$E = \bigcap_i E_i$  тўпламни тузамиз.

Маълумки,

$$CE = \bigcup_i CE_i \quad (GE = [a, b] \setminus E)$$

ва  $E_i$  тўплам ўлчовли бўлганлиги учун  $CE_i$  тўплам ҳам ўлчовли тўпламдир. 18. 3-теоремага мувофиқ,  $CE$  тўплам ҳам ўлчовлидир. Демак,  $E$  ҳам ўлчовли бўлади, чунки у  $CE$  тўпламга нисбатан қўшимча тўплам.\*

**18. 6. Теорема.** *Агар  $[a, b]$  сегментда жойлашган ўлчовли  $E_1 \subset E_2 \subset \dots$  тўпламлар кетма-кетлиги берилган бўлса, у ҳолда*

$$\mu \left( \bigcup_{i=1}^{\infty} E_i \right) = \lim_{n \rightarrow \infty} \mu(E_n)$$

*тенглик ўринли бўлади.*

Исбот. Аввало  $\bigcup_{i=1}^{\infty} E_i$  ни  $E$  билан белгилаймиз ва қуйидаги тенгликни ёзамиз:

$$E = E_1 \cup (E_2 \setminus E_1) \cup (E_3 \setminus E_2) \cup \dots \cup (E_n \setminus E_{n-1}) \cup \dots$$

Бу тенгликнинг ўнг томонидаги  $\{E_n \setminus E_{n-1}\} (n = 1, 2, \dots; E_0 = \emptyset)$  тўпламлар ўлчовли ва ўзаро кесишмайдиган бўлганлиги учун 18. 3-теоремага мувофиқ:

$$\mu(E) = \sum_{i=1}^{\infty} \mu(E_i \setminus E_{i-1})$$

ёки

$$\mu(E) = \lim_{n \rightarrow \infty} \sum_{i=1}^n \mu(E_i \setminus E_{i-1}).$$

Аmmo 18. 2-теоремага мувофиқ:

$$\mu(E_i \setminus E_{i-1}) = \mu(E_i) - \mu(E_{i-1});$$

бундан

$$\sum_{i=1}^n \mu(E_i \setminus E_{i-1}) = \mu(E_n).$$

Демак,

$$\mu(E) = \lim_{n \rightarrow \infty} \mu(E_n).*$$

18. 7. Теорема. Агар  $[a, b]$  сегментда жойлашган ўлчовли  $E_1 \supset E_2 \supset \dots$  тўпламлар кетма-кетлиги берилган бўлса, у ҳолда

$$\mu\left(\bigcap_{n=1}^{\infty} E_n\right) = \lim_{n \rightarrow \infty} \mu(E_n).$$

Исбот. Берилган тўпламларнинг кўпайтмасини  $E$  билан белгилаймиз, яъни:

$$E = \bigcap_{n=1}^{\infty} E_n.$$

Бундан:

$$CE = \bigcup_{n=1}^{\infty} CE_n;$$

$E_n \supset E_{n+1}$  дан  $CE_n \subset CE_{n+1}$  муносабат келиб чиқади ва  $CE_n$  тўпламларнинг ҳар бири ўлчовли бўлади, чунки  $E_n$  ўлчовли тўплам.

18. 6-теоремага мувофиқ:

$$\mu(CE) = \lim_{n \rightarrow \infty} \mu(CE_n).$$

Бундан

$$b - a - \mu(CE) = b - a - \lim_{n \rightarrow \infty} \mu(CE_n)$$

ёки

$$b - a - \mu(CE) = \lim_{n \rightarrow \infty} [b - a - \mu(CE_n)].$$

Аммо

$$b - a - \mu(CE) = \mu(E)$$

ва

$$b - a - \mu(CE_n) = \mu(E_n).$$

Демак,

$$\mu(E) = \mu\left(\bigcap_{n=1}^{\infty} E_n\right) = \lim_{n \rightarrow \infty} \mu(E_n).*$$

18. 8. Теорема (Н. Лузин теоремаси). Агар  $E$  тўплам ўлчовли бўлиб, унинг ўлчови мусбат бўлса, у ҳолда истаганча кичик  $\eta (> 0)$  учун шундай мукамал  $P (\subset E)$  тўплам топиш мумкинки, бу тўплам учун ушбу

$$\mu(P) > \mu(E) - \eta$$

тенгсизлик бажарилади.

Исбот. Ўлчовли  $E$  тўпламни ўз ичига олган энг кичик сегмент  $[a, b]$  бўлсин.  $CE$  тўплам ҳам ўлчовли бўлганлиги сабабли ҳар қандай  $\eta (> 0)$  учун шундай сони чекли ёки саноқли  $\delta_1, \delta_2, \dots$  оралиқлар системасини топиш мумкинки, булар учун қуйидаги тенгсизлик бажарилади:

$$\sum_k \mu(\delta_k) < \mu(CE) + \eta \quad (16)$$

$[a, b]$  сегментдан  $\delta_1, \delta_2, \dots$  ораликларни чиқариб ташлаш натижа-  
сида ҳосил бўлган тўпلامни  $F$  билан белгилаймиз.

$F$  ёпиқ тўплам бўлиб,  $F \subset E$  ва

$$\mu(F) = b - a - \sum_k \mu(\delta_k)$$

бўлади. Бундан (16) га мувофиқ:

$$\mu(F) > b - a - \mu(CE) - \eta = \mu(E) - \eta. \quad (17)$$

Кантор — Бендиксон теоремасидан фойдаланиб,  $F$  тўпلامни

$$F = P \cup D$$

кўринишда ёзишимиз мумкин; бу ерда  $P$  мукамал тўплам ва у  
 $F$  нинг ҳамма қуюқлашган нуқталаридан иборат,  $D$  тўплам энг  
кўпида саноқли ва  $P \cap D = \emptyset$ .

18. 4-теоремага асосан,  $\mu(D) = 0$ ; демак,

$$\mu(F) = \mu(P \cup D) = \mu(P).$$

(17) га мувофиқ

$$\mu(P) > \mu(E) - \eta \text{ ва } P \subset F \subset E_*$$

Бу теореманинг моҳияти шундаки, у ҳар қандай ўлчовли тўп-  
ламни ўлчови унинг ўлчовига истаганча яқин ва ўзининг қисми  
бўлган мукамал тўплам билан алмаштиришга имконият беради.

## 19-§. Ўлчовли тўпламлар синфи

1-таъриф. Агар  $E$  тўпламни сони саноқли бўлган, очиқ  $G_1, G_2, \dots, G_n, \dots$  тўпламларнинг кўпайтмаси шаклида ёзиш мум-  
кин бўлса, яъни

$$E = \bigcap_{k=1}^{\infty} G_k$$

тенглик ўринли бўлса, у ҳолда уни  $G_0$  типдаги тўплам дейи-  
лади.

2-таъриф. Агар  $E$  тўпламни сони саноқли бўлган, ёпиқ  $F_1, F_2, \dots, F_n, \dots$  тўпламларнинг йиғиндиси шаклида ёзиш мумкин  
бўлса, яъни

$$E = \bigcup_{k=1}^{\infty} F_k$$

тенглик ўринли бўлса, у ҳолда  $E$  тўплам  $F_0$  типдаги тўплам  
дейилади.

3-таъриф. Агар  $E$  тўплам, очик ва ёпиқ тўпламлар устида қўйиши ва кўпайтириши амалларини чекли ёки sanoқли марта бажариши натижасида ҳосил этилган бўлса, ундай тўпламни Борель ёки  $(B)$  тўплам дейдилар. Чегараланган  $(B)$  тўпламни  $(B)$  ўлчовли тўплам дейдилар.

Масалан,  $F_\sigma$  ва  $G_\delta$  тўпламлар Борель тўпламлари бўлади.

Агар  $F_\sigma$  (ёки  $G_\delta$ ) типидagi сони sanoқли тўпламларнинг йиғиндиси (ёки кўпайтмаси) олинса, у яна  $F_\sigma$  (ёки  $G_\delta$ ) типидagi тўплам бўлади, яъни янги типдagi тўпламлар ҳосил бўлмайди. Аммо  $F_\sigma$  типидagi сони sanoқли тўпламларнинг кўпайтмаси олинса, у ҳолда умуман янги  $F_{\sigma\delta}$  типидagi тўплам ҳосил бўлади. Шунга ўхшаш,  $G_\delta$  типидagi сони sanoқли тўпламларнинг йиғиндиси умуман янги  $G_{\delta\sigma}$  типидagi тўпламни беради.

$F_{\sigma\delta}$  типидagi тўпламларни йиғиш натижасида  $F_{\sigma\delta\sigma}$  типидagi ва  $G_{\delta\sigma\delta}$  типидagi тўпламларни кўпайтириш натижасида  $G_{\delta\sigma\delta}$  типидagi тўпламлар ҳосил бўлади ва ҳоказо; бунинг натижасида ҳосил бўлган ҳамма тўпламлар  $(B)$  тўпламлар синфини ташкил этади.  $(B)$  тўпламлар синфи, уларнинг тузилишига кўра, математикада фоят муҳим аҳамиятга эга.

**Теорема. Ҳар қандай  $(B)$  ўлчовли тўплам  $(L)$  ўлчовли бўлади.**

Исбот. Бу теорема 18. 3 ва 18. 5-теоремаларнинг натижасидир.

Лекин бу теореманинг тескариси доимо тўғри эмас, яъни шундай  $(L)$  ўлчовли тўпламлар мавжудки, улар  $(B)$  ўлчовли бўлмайди. Биринчи марта бундай мисолни москвалик математик М. А. Суслин тузган. У киритган тўпламларга  $(A)$  тўпламлар дейлади. Суслин кашф этган  $(A)$  тўпламлар синфи  $(B)$  тўпламлар синфидан кенгроқ, аммо  $(A)$  тўпламлар синфига кирган ҳамма тўпламлар ҳам  $(L)$  ўлчовлидир.

Энди қуйидаги савол туғилади.

Чегараланган ва  $(L)$  маъносида ўлчовсиз тўплам мавжудми? Бу саволга ижобий жавоб бериш мумкин, лекин бунга тегишли мисолни биз 60-параграфда келтирамиз.

## 20-§. Витали теоремалари

Таъриф.  $E$  нуқтали тўплам ва  $S$  сегментлар системаси бўлсин. Агар ҳар қандай  $x \in E$  ва ихтиёрий  $\epsilon (> 0)$  учун шундай  $\Delta$  сегмент мавжуд бўлсаки, ушбу  $\Delta \in S$ ,  $x \in \Delta$ ,  $\mu(\Delta) < \epsilon$  муносабатлар бажарилса,  $E$  тўпламни Витали маъносида  $S$  сегментлар системаси қоплайди деймиз. Бу таърифда сегментлар биргина нуқтадан иборат эмас деб фараз қилинади.

**20. 1. Теорема (Витали теоремаси). Агар чегараланган  $E$  тўплам Витали маъносида  $S$  сегментлар системаси билан қопланган бўлса, у ҳолда бу сегментлар систе-**

*масидан шундай сони чекли ёки саноқли  $\{\Delta_k\}$  сегментларни ажратиб олиш мумкинки, улар учун*

$$\Delta_i \cap \Delta_k = \emptyset \quad (i \neq k), \quad \mu^*(E \setminus \bigcup_k \Delta_k) = 0$$

*тенгликлар бажарилади.*

Исбот (С. Банах исботи).  $E$  тўпلامни ўз ичига олган ва чегараланган бирор  $\delta$  оралиқни оламиз;  $\delta$  оралиққа бутунлай кирмаган сегментларни  $S$  системадан чиқариб ташлаймиз. Бунинг натижасида қолган сегментлардан иборат бўлган системани  $S_0$  билан белгилаймиз;  $S_0$  система ҳам  $E$  тўпلامни қоплайди. Энди  $S_0$  системадан бирор  $\Delta_1$  сегментни оламиз; агар  $E \subset \Delta_1$  бўлса, у ҳолда теорема исбот этилган бўлади.

Акс ҳолда  $S_0$  системадан ихтиёрий иккитаси кесишмайдиган

$$\Delta_1, \Delta_2, \dots, \Delta_n \quad (1)$$

сегментларни оламиз. Агар  $E \subset \bigcup_{k=1}^n \Delta_k$  бўлса, у ҳолда теорема яна исбот қилинган бўлади; акс ҳолда, яъни  $E \setminus \bigcup_{k=1}^n \Delta_k \neq \emptyset$  бўлса, ушбу

$$F_n = \bigcup_{k=1}^n \Delta_k, \quad G_n = \delta \setminus F_n$$

тўпلامларни тузамиз ва  $S_0$  системадан 'очиқ  $G_n$  тўпلامга кирган сегментларни оламиз. Бу олинган сегментлар узунликларининг юқори чегарасини  $\lambda_n$  билан белгилаймиз.

Равшанки

$$0 < \lambda_n < \mu(\delta).$$

$G_n$  тўпلامга кирган сегментлардан узунлиги  $\frac{1}{2} \lambda_n$  дан катта бўлган сегментни олиб, уни  $\Delta_{n+1}$  билан белгилаймиз, яъни

$$\mu(\Delta_{n+1}) > \frac{1}{2} \lambda_n \quad (1)$$

$G_n$  тўпلامнинг тузилишига биноан  $\Delta_{n+1}$  сегмент (1) кетма-кетликка кирган бирорта ҳам сегмент билан кесишмайди. Натижада ихтиёрий иккитаси кесишмайдиган

$$\Delta_1, \Delta_2, \dots, \Delta_n, \Delta_{n+1}$$

сегментлар кетма-кетлиги ҳосил бўлади. Агар яна  $E \subset \bigcup_{k=1}^{n+1} \Delta_k$  бўлса, у ҳолда теорема исбот этилган бўлади; акс ҳолда юқоридаги процессни чексиз давом эттирамиз.

Натижада ихтиёрий иккитаси кесишмайдиган

$$\Delta_1, \Delta_2, \dots, \Delta_n, \Delta_{n+1}, \dots$$

сегментлар кетма-кетлиги ҳосил бўлади. Энди бу сегментлар кетма-кетлиги учун

$$\mu^*(E \setminus \bigcup_{k=1}^{\infty} \Delta_k) = 0 \quad (2)$$

тенгликнинг бажарилиши кўрсатилса, теорема исбот қилинган бўлади.

Узунлиги  $\Delta_k$  сегментнинг узунлигидан беш марта катта ва ўрта нуқтаси<sup>1</sup>  $\Delta_k$  нинг ўрта нуқтаси бўлган сегментни  $\Delta'_k$  билан белгилаймиз; демак,

$$\mu(\Delta'_k) = 5\mu(\Delta_k).$$

$\Delta_k (k > n)$  сегментларнинг ҳаммаси  $\sigma$  ораликда жойлашганлиги ва ўзаро кесишмаганлиги учун

$$\sum_{k=1}^{\infty} \mu(\Delta'_k) < +\infty$$

тенгсизлик келиб чиқади, яъни  $\sum_{k=1}^{\infty} \mu(\Delta'_k)$  қатор яқинлашувчи бўлади.

Энди вақтинча ҳар қандай натурал  $n$  сони учун

$$E \setminus \bigcup_{k=1}^{\infty} \Delta_k \subset \bigcup_{k=n}^{\infty} \Delta'_k \quad (3)$$

муносабат бажарилган дейлик. У ҳолда бу муносабатдан ҳамда

$\sum_{k=1}^{\infty} \mu(\Delta'_k)$  қаторнинг яқинлашувчилигидан (2) тенгликнинг бажарилиши келиб чиқади. Демак, теоремани исботлаш учун (3) муносабатни исботлаш қолди. Уни исботлаймиз.

Дарҳақиқат,  $x \in E \setminus \bigcup_{k=1}^{\infty} \Delta_k$  бўлсин, у ҳолда ҳар қандай  $n$  учун  $x \in G_n$  ва  $S_0$  системага киргау шундай  $\Delta$  сегмент мавжудки,  $x \in \Delta \subset G_n$ .

Лекин ҳар қандай  $n$  учун

$$\Delta \subset G_n \quad (4)$$

муносабат бажарилмайди, чунки

$$\mu(\Delta) \leq \lambda_n < 2\mu(\Delta_{n+1})$$

тенгсизликлар,  $\mu(\Delta_{n+1}) \rightarrow 0$  учун, бирор  $n$  дан бошлаб бажарилмайди.

<sup>1</sup>  $[a, b]$  сегментнинг ўрта нуқтаси деб  $c = \frac{a+b}{2}$  нуқтани айтамиз.

(4) муносабат бирор  $n$  дан бошлаб бажарилмаганлиги сабабли худди шу  $n$  лар учун

$$\Delta \cap F_n \neq \emptyset$$

муносабат ўринли. Бу муносабатни қаноатлантирадиган энг кичик сонни  $n_0$  билан белгилаймиз. У ҳолда

$$\Delta \cap F_n = \emptyset, \quad n < n_0$$

$$\Delta \cap F_{n_0} \neq \emptyset.$$

Булардан ва  $F_k \subset F_{k+1}$  ( $k = 1, 2, \dots$ ) дан

$$\Delta \cap \Delta_{n_0} \neq \emptyset \quad \text{ва} \quad \Delta \subset G_{n_0-1}$$

муносабатларни ҳосил қиламиз. Сўнги муносабатдан эса:

$$\mu(\Delta) \leq \lambda_{n_0-1} < 2\mu(\Delta_{n_0}).$$

Бу ва  $\Delta \cap \Delta_{n_0} \neq \emptyset$  дан  $\Delta \subset \Delta'_{n_0}$  ва, демак,  $\Delta \subset \bigcup_{k=n}^{\infty} \Delta'_k$  келиб чиқади. Натижада  $x \in \Delta \subset \bigcup_{k=n}^{\infty} \Delta'_k$ , яъни (3) муносабат исбот этилди.\*

**20. 2. Теорема. 20. 1-теореманинг шартлари бажарилганда, ҳар қандай  $\varepsilon (> 0)$  учун шундай сони чекли ва ўзаро кесишмайдиган  $\Delta_1, \Delta_2, \dots, \Delta_n$  сегментлар системаси мавжудки, улар учун**

$$\mu^*(E \setminus \bigcup_{k=1}^n \Delta_k) < \varepsilon.$$

Исбот.  $\delta, S, S_0$  лар 20. 1-теоремадаги маънога эга бўлсин.

Ўша теоремага мувофиқ ўзаро кесишмайдиган шундай  $\{\Delta_k\}$  ( $\Delta_k \subset S_0, k = 1, 2, \dots$ ) сегментлар мавжудки,

$$\mu^*(E \setminus \bigcup_{k=1}^{\infty} \Delta_k) = 0. \quad (2)$$

Агар  $\{\Delta_k\}$  система сони чекли сегментлардан иборат бўлса, теорема исбот этилган бўлади.

Агар  $\{\Delta_k\}$  система сони санокли сегментлардан иборат бўлса, у ҳолда:

$$\sum_{k=1}^{\infty} \mu(\Delta_k) \leq \mu(\delta);$$

шунинг учун қуйидаги тенгсизликни қаноатлантирадиган шундай  $n$  сонини кўрсатиш мумкин:

$$\sum_{k=n+1}^{\infty} \mu(\Delta_k) < \varepsilon. \quad (5)$$



Иккинчи томондан:

$$E \setminus \bigcup_{k=1}^n \Delta_k \subset (E \setminus \bigcup_{k=1}^n \Delta_k) \cup \bigcup_{k=n+1}^{\infty} \Delta_k;$$

(2), (5) ва сўнги муносабатдан  $\mu^*(E \setminus \bigcup_{k=1}^{\infty} \Delta_k) < \varepsilon$  келиб чиқади. Бу эса исбот этилиши зарур бўлган тенгсизликдир.\*

### МАШҚ УЧУН МАСАЛАЛАР

1. Ўлчовли  $E_1, E_2, \dots$  тўпلامлар кетма-кетлиги берилган бўлсин.  $E_*$  билан юқоридаги тўпلامлар кетма-кетлигининг чексиз кетма-кетлик қисмига тегишли элементларидан иборат тўпلامни белгилаймиз.  $E_*$  тўпلامнинг ўлчовлилиги исбот этилсин.

2. Ҳар қандай мукамал тўпلام ўлчови нолга тенг бўлган мукамал қисмга эгалиги кўрсатилсин.

3. Ҳар қандай чегараланган  $E$  тўпلام учун мос равишда  $F_*$  ва  $G_*$  типдаги шундай  $A$  ва  $B$  тўпلامларни тузиш мумкинки, улар қуйидаги тенгликларни қаноатлантиради:

$$\mu(A) = \mu_*(E), \quad \mu(B) = \mu^*(E).$$

Шу жумла исбот этилсин.

4. Чегараланган  $E$  тўпلام ўлчовли бўлиши учун ҳар қандай чегараланган  $A$  тўпلام учун қуйидаги тенгликнинг бажарилиши зарур ва кифоя:

$$\mu^*(A) = \mu^*(A \cap E) + \mu^*(A \cap CE).$$

Бу теорема (Каратеодори теоремаси) исбот этилсин.

5.  $[a, b]$  сегментдан олинган ҳар қандай  $\delta$  оралиқ учун шундай ўлчовли  $E$  тўпلام тузилсинки, унинг учун қуйидаги муносабатлар бажарилсин:

$$\mu(\delta \cap E) > 0, \quad \mu(\delta \cap CE) > 0.$$

6.  $E$  чегараланган тўпلام бўлиб, ушбу

$$E = \bigcup_{k=1}^{\infty} E_k, \quad E_1 \subset E_2 \subset E_3 \subset \dots$$

муносабатлар бажарилса, у ҳолда

$$\mu^*(E_n) \rightarrow \mu^*(E)$$

ўринли. Бу муносабат исбот этилсин.

7.  $n$  ўлчовли фазода ички ва ташқи ўлчовлар тушунчаси киритилсин. Шу бобдаги ўлчов тушунчасига оид қайси теоремалар бу ҳол учун ўринли?

## УЗЛУКСИЗ ФУНКЦИЯЛАР

21- §. Функция тушунчаси  
ва унинг узлуксизлиги

Биринчи бобда киритилган функция тушунчасини эслатиб ўта-  
миз.

1- таъриф. Агар  $X$  тўпламнинг ҳар бир  $x$  элементиغا би-  
рор қоидага мувофиқ  $Y$  тўпламдан биргина  $y$  элемент мос кел-  
тирилса ва бунинг натижасида  $Y$  тўпламнинг ҳар бир элементи  
учун  $X$  тўпламида камида битта элемент мос келса,  $X$  тўп-  
ламда функция берилган дейилади ва бу муносабат

$$y = f(x)$$

кўринишда ёзилади.

Киритилган таърифда  $X$  ва  $Y$  тўпламлар элементларининг та-  
биати ихтиёрий бўлиши мумкин. Таърифнинг асосий мазмуни бу  
икки тўпламнинг элементлари орасидаги муносабатни аниқлашдан  
иборатдир. Яна шуни ҳам айтиб ўтиш керакки, таърифга мувофиқ  
 $X$  тўпламнинг турли элементлари учун  $Y$  тўпламдан биргина эле-  
мент мос келиши ҳам мумкин.

Бу таъриф XIX асрда яшаган немис математиклари Дирихле  
ва Римаан томонидан берилган бўлиб, функциянинг ҳозирги замон  
таърифи ҳисобланади.

Агар  $X$  ва  $Y$  тўпламларнинг элементлари ҳақиқий сонлардан  
иборат бўлса, у ҳолда:

$$y = f(x) \quad (x \in X, y \in Y)$$

муносабат математик анализнинг умумий курсида берилган функ-  
ция тушунчасининг худди ўзи бўлади. Бу ҳолда  $f$  ни ҳақиқий  
ўзгарувчи  $x$  нинг функцияси дейилади. Баён қилинаётган бобда  
мана шундай функциялар билангина шуғулланамиз.

Агар  $X$  тўпламнинг элементлари  $n$  ўлчовли Эвклид фазосининг  
нуқталаридан иборат бўлса, яъни  $x = (x_1, x_2, \dots, x_n)$  ва  $Y$  тўп-  
ламнинг элементлари ҳақиқий сонлар бўлса, у ҳолда:

$$y = f(x_1, x_2, \dots, x_n) = f(x)$$

$n$  ўзгарувчининг функцияси бўлади.

2- таъриф. (Коши таърифи.) Бирор  $E$  тўпламда  $f(x)$   
функция берилган бўлсин. Агар ҳар қандай мусбат  $\varepsilon$  сон учун  
 $x_0$  нуқтанинг шундай  $(x', x'')$  атрофи мавжуд бўлиб,  $(x', x'') \cap E$   
тўпламнинг ҳар бир  $x$  элементи учун

$$|f(x) - f(x_0)| < \varepsilon$$

тенгсизлик бажарилса, у ҳолда  $f(x)$  функция нуқтали  $E$  тўп-  
ламнинг  $x_0$  нуқтасида узлуксиз ( $E$  тўпламга нисбатан) дейи-

лади. Агар  $E$  тўпламнинг ҳар бир нуқтасида  $f(x)$  функция узлуксиз бўлса, у ҳолда  $f(x)$  функция  $E$  тўпламда узлуксиз дейилади.

Бир неча ўзгарувчининг функцияси учун ҳам узлуксизлик тушунчаси шунга ўхшаш берилади.  $n$  ўлчовли фазонинг бирор  $E$  қисми берилган бўлсин. Агар ҳар қандай мусбат  $\varepsilon$  сон учун  $x_i^0$  нинг ( $i = 1, n$ ) шундай  $(x_i, x_i')$  ( $i = 1, n$ ) атрофи мавжуд бўлсаки,  $E$  тўпламнинг координаталари тегишли атрофга кирган ҳар бир  $x = (x_1, x_2, \dots, x_n)$  ( $x_i' < x_i < x_i''$ ;  $i = 1, n$ ) нуқтаси учун

$$|f(x_1^0, x_2^0, \dots, x_n^0) - f(x_1, x_2, \dots, x_n)| < \varepsilon$$

тенгсизлик бажарилса, у ҳолда  $f(x_1, x_2, \dots, x_n)$  функция  $(x_1^0, x_2^0, \dots, x_n^0) \in E$  нуқтада узлуксиз дейилади.

3- таъриф. Агар  $x_0$  нуқтада  $f(x)$  функция узлуксиз бўлмаса, у ҳолда бу нуқта  $f(x)$  нинг узлиши нуқтаси дейилади.

Бу ҳолда ихтиёрий  $\varepsilon > 0$  учун қандай  $\delta > 0$  ни олмайлик,

$$|x - x_0| < \delta$$

тенгсизликни қаноатлантирадиган нуқталар ичида шундай  $x$  нуқта мавжудки, унинг учун

$$|f(x) - f(x_0)| \geq \varepsilon$$

тенгсизлик бажарилади.

$f(x)$  функциянинг ихтиёрий  $E$  тўпламдаги аниқ юқори ва аниқ қуйи чегаралари, тебраниш тушунчалари<sup>1</sup> математик анализнинг умумий курсида  $E$  тўплам ораликдан иборат бўлган ҳол учун қандай берилган бўлса, умумий ҳолда худди шу каби бўлади.

Бу тушунчалар ёрдами билан  $x_0$  нуқтада  $f(x)$  функциянинг узлуксизлигини яна қуйидагича бериш мумкин.  $x_0$  нуқта  $E$  тўпламнинг лимит нуқтаси бўлсин ( $E$  тўплам ёпиқ ёки ёпиқ бў маслиги ҳам мумкин). Агар  $f(x)$  нинг  $x_0$  нуқтадаги тебраниши нолга тенг бўлса, у ҳолда  $f(x)$  функция  $x_0$  нуқтада  $E$  тўпламга нисбатан узлуксиз дейилади (Бэр таърифи).

Бу таърифдан бевосита кўринадики, агар  $x_1, x_2, \dots, x_n, \dots$  нуқталар кетма-кетлиги  $E$  тўпламдан олинган бўлиб,  $x_0$  нуқтага яқинлашса ва бу нуқта  $f(x)$  учун узлуксиз нуқта бўлса, у ҳолда ушбу

$$f(x_n) \rightarrow f(x_0) \quad (n \rightarrow \infty)$$

муносабат ўринли бўлади. Сўнги натижани функциянинг нуқтада узлуксизлиги таърифи сифатида қабул қилиш ҳам мумкин эди (Гейне таърифи).


Бу турли таърифларнинг барчаси ўзаро эквивалентдир. Бу эквивалентлик математик анализ курсида тўла баён қилингани учун биз бу ерда бунинг устида тўхтаб ўтирмаймиз.

<sup>1</sup> Бу тушунчалар ҳақида 55- параграфга қаранг.

Бу таърифлардан узлуксиз функцияларнинг йиғиндиси, айирмаси, кўпайтмаси ва бўлинмасининг (бўлувчи функция нолга тенг бўлмаган ҳолда) узлуксизлиги умумий анализ курсида қандай кўрсатилган бўлса, шу каби кўрсатилади.

Энди узлуксиз функцияларга мисоллар келтирамиз.


1- мисол.  $[0, 1]$  сегментни мунтазам учбурчакнинг асоси сифатида олиб,  $y = f(x)$  функция сифатида шундай функцияни оламизки, унинг графиги 7- шаклдаги учбурчакнинг икки ён томонидан иборат бўлсин. Бу функциянинг аналитик ифодаси қуйидагича бўлади:



7- шакл.

$$f(x) = \begin{cases} \text{агар } x \in [0, \frac{1}{2}] \text{ бўлса, } \sqrt{3} \cdot x, \\ \text{агар } x \in [\frac{1}{2}, 1] \text{ бўлса, } \sqrt{3}(1 - x). \end{cases}$$

2- мисол.  $f(x)$  функция  $[0, 1]$  сегментда қуйидагича аниқланган: агар  $x \in P_0$  бўлса,  $f(x) = 0$  (бунда  $P_0$ —Канторнинг мукамал тўплами).  $P_0$  га нисбатан тўлдирувчи оралиқларда функциянинг геометрик тасвири диаметри тегишли оралиққа тенг бўлган юқори ярим текисликдаги ярим айланадан иборатдир (8- шакл).



8- шакл.

Бу функциянинг аналитик ифодаси қуйидагича бўлади:

$$f(x) = \begin{cases} \text{агар } x \in P_0 \text{ бўлса, } 0 \\ \text{агар } a_n \leq x \leq b_n \text{ бўлса, } \sqrt{\left(\frac{b_n - a_n}{2}\right)^2 - \left(x - a_n - \frac{b_n - a_n}{2}\right)^2}, \end{cases}$$

бунда  $(a_n, b_n)$ —Канторнинг  $P_0$  тўпламига нисбатан ихтиёрий тўлдирувчи оралиқ. Бу функция  $[0, 1]$  сегментнинг ҳар бир нуқтасида узлуксиз бўлади. Агар  $x_0 \in (a_n, b_n)$  бўлса, у ҳолда  $x_0$  нуқтада  $f(x)$  нинг узлуксизлиги бевосита унинг аналитик ифодасидан кўринади.

Агар  $x_0 \in P_0$  бўлса, у ҳолда  $x_0$  нуқтанинг истаганча кичик ( $x_0 - \delta, x_0 + \delta$ ) атрофини шундай қилиб оламизки, бу атроф билан кесишган тўлдирувчи ( $a_n, b_n$ ) оралиқларнинг узунлиги  $\epsilon$  дан кичик бўлсин ( $\epsilon$  — ихтиёрий мусбат сон).

Демак,  $f(x)$  нинг тузилишига мувофиқ ( $x_0 - \delta, x_0 + \delta$ ) атрофнинг ҳар бир нуқтасида

$$0 \leq f(x) < \epsilon$$

тенгсизлик бажарилади; лекин  $f(x_0) = 0$ , чунки  $x_0 \in P_0$ , шунинг учун

$$|f(x) - f(x_0)| < \epsilon$$

тенгсизлик ( $x_0 - \delta, x_0 + \delta$ ) оралиқнинг ҳамма нуқталари учун бажарилади.  $\epsilon (> 0)$  ихтиёрий кичик сон бўлганлиги учун  $f(x)$  нинг  $x_0 (\in P_0)$  нуқтада узлуксизлиги ва шу билан бирга  $f(x)$  нинг  $[0, 1]$  сегментда ҳам узлуксизлиги келиб чиқади.

## 22-§. Узлуксиз функцияларнинг асосий хоссалари

1-таъриф. Агар  $x$  нинг  $E$  даги ҳамма қийматлари учун шундай ўзгармас  $K$  сони мавжуд бўлсаки, унинг учун

$$|f(x)| \leq K$$

тенгсизлик бажарилса,  $f(x)$  функция  $E$  тўпلامда чегараланган дейилади.

**22. 1. Теорема.** Агар  $f(x)$  функция чегараланган ва ёпиқ  $E$  тўпلامда берилган бўлиб, бу тўпلامда узлуксиз бўлса, у ҳолда  $f(x)$  функция  $E$  тўпلامда чегараланган бўлади.

Исбот.  $f(x)$  ни  $E$  тўпلامда чегараланмаган деб фараз қиламиз. У ҳолда ҳар қандай натурал  $n$  сони учун  $E$  тўпلامда шундай  $x_n$  нуқта топиладики, унинг учун қуйидаги тенгсизлик бажарилади:

$$f(x_n) > n. \quad (1)$$

$E$  чегараланган бўлганлиги учун

$$x_1, x_2, \dots, x_n, \dots$$

нуқталар кетма-кетлиги ҳам чегараланган бўлади. Больцано—Вейерштрасс теоремасига мувофиқ  $\{x_n\}$  кетма-кетликдан бирорта  $x_0$  нуқтага яқинлашувчи  $\{x_{n_k}\}$  қисмини ажратиш олиш мумкин.  $E$  ёпиқ тўплам бўлганлиги учун  $x_0 \in E$ .  $f(x)$  функция  $E$  тўпلامда узлуксиз бўлганлиги учун

$$f(x_{n_1}), f(x_{n_2}), \dots, f(x_{n_k}), \dots$$

кетма-кетлик яқинлашувчи бўлиб, унинг лимити  $f(x_0)$  га тенг бўлади (Гейне таърифига қаранг). Иккинчи томондан (1) муносабатга асосан:

$$|f(x_{n_k})| > n_k,$$

яъни  $k$  нинг бирор қийматидан бошлаб  $\{f(x_{n_k})\}$  кетма-кетлик элементларининг абсолют қиймати истаганча катта  $n_k$  сондан катта бўлади, демак,  $\{f(x_{n_k})\}$  кетма-кетлик яқинлашувчи бўла олмайди. Бу эса юқоридаги натижага зид.\*

**22. 2. Теорема. Ёпиқ ва чегараланган  $E$  тўпلامда аниқланган узлуксиз  $f(x)$  функциянинг қабул қиладиган қийматларидан иборат  $\Phi$  тўпلام ёпиқ тўпلامдир.**

Исбот.  $\Phi$  тўпلامнинг ҳар қандай лимит нуқтасини ўзига киришлигини исбот қиламиз.  $y_0$  нуқта  $\Phi$  тўпلامнинг ихтиёрий лимит нуқтаси ва  $y_1, y_2, \dots, y_n, \dots$  нуқталар  $\Phi$  тўпلامдан олинган ва  $y_0$  нуқтага яқинлашувчи кетма-кетлик бўлсин.  $\Phi$  тўпلامнинг  $y_n$  элементига  $E$  тўпلامдан мос келган нуқтани  $x_n$  билан белгилаймиз (функциянинг таърифига кўра камида битта шундай нуқта мавжуд), яъни

$$y_n = f(x_n) \quad (x_n \in E).$$

$E$  чегараланган ва ёпиқ тўпلام бўлганлиги учун  $x_1, x_2, \dots, x_n, \dots$  кетма-кетлик камида битта  $x_0$  лимит нуқтага эга бўлади (Больцано—Вейерштрасс теоремасига асосан) ва бу лимит нуқта  $E$  тўпلامга киради, яъни:  $x_0 \in E$ .

$\{x_n\}$  кетма-кетлик  $x_0$  нуқтага яқинлашувчи ва  $f(x)$  функция  $x_0$  да узлуксиз бўлгани учун:  $f(x_n) \rightarrow f(x_0)$ ; иккинчи томондан,  $y_n = f(x_n) \rightarrow y_0$ . Демак,  $y_0 = f(x_0)$ .  $x_0 \in E$  бўлгани учун  $y_0 \in \Phi$  муносабат келиб чиқади.\*

$\Phi$  ёпиқ тўпلام бўлганлиги учун унинг қуйи ва юқори чегаралари ўзига киради, булар  $f(x)$  нинг энг кичик ва энг катта қийматлари бўлади.

Бу мулоҳазадан эса бевосита натижа сифатида қуйидаги теорема келиб чиқади.

**22. 3. Теорема. (Вейерштрасс теоремаси). Ёпиқ ва чегараланган  $E$  тўпلامда берилган узлуксиз  $f(x)$  функциянинг қийматлари орасида энг кичик ва энг катта қиймати мавжуддир.**

2-таъриф. Агар ҳар қандай  $\varepsilon > 0$  учун шундай  $\delta > 0$  сон мавжуд бўлсаки, ушбу

$$|x' - x''| < \delta$$

тенгсизликни қаноатлантирувчи  $E$  тўпلامдаги ҳамма  $x'$  ва  $x''$  нуқталар учун

$$|f(x') - f(x'')| < \varepsilon$$

тенгсизлик бажарилса,  $f(x)$  функция  $E$  тўпланда текис узлуксиз дейилади.

Бу таърифни функция узлуксизлигининг иккинчи таърифи билан солиштирганда қуйидаги фарқ кўринади.

Функция узлуксизлигининг иккинчи таърифидаги (21-§)  $\epsilon > 0$  сони ( $x', x''$ ) атрофни танлаб олишга ва ўз навбатида бу атрофни танлаб олиш  $x_0$  нуқтага ҳам боғлиқ бўлиши мумкин эди. Шу параграфдаги текис узлуксизлик таърифида ( $x', x''$ ) атрофни танлаб олиш биргина  $\epsilon (> 0)$  га боғлиқдир.

Ҳар қандай текис узлуксиз функция оддий маънода ҳам узлуксиздир, аммо бунинг тескараси доимо тўғри бўлмайди. Бу фикрни тасдиқловчи мисоллар ўқувчига умумий анализ курсидан маълум.

Аммо узлуксиз  $f(x)$  функция ёпиқ тўпланда берилган бўлса, унинг учун Канторнинг қуйидаги теоремаси ўринлидир.

**22. 4 Теорема. Ёпиқ ва чегараланган  $E$  тўпланда берилган ҳар қандай узлуксиз  $f(x)$  функция бу тўпланда текис узлуксиз бўлади.**

Исбот.  $f(x)$  функцияни  $E$  тўпланда узлуксиз, лекин текис узлуксиз эмас деб фараз қиламиз. У ҳолда ҳар қандай  $\delta > 0$  сони учун шундай  $\epsilon > 0$  сони ва  $E$  тўпланда шундай икки  $x', x''$  нуқта мавжудки, бу нуқталар учун

$$|x' - x''| < \delta$$

$$|f(x') - f(x'')| \geq \epsilon$$

муносабатлар ўринли бўлади.

Энди  $\delta$  га кетма-кет  $\frac{1}{2}, \frac{1}{3}, \dots, \frac{1}{n}, \dots$  қийматларни бериб,

$$|x'_n - x''_n| < \frac{1}{n}, |f(x'_n) - f(x''_n)| \geq \epsilon \quad (n = 1, 2, \dots) \quad (2)$$

тенгсизликларни ёзишимиз мумкин, бу ерда  $x'_n$  ва  $x''_n \in E$  ( $n = 1, 2, \dots$ ).

$E$  чегараланган тўпланда бўлганлиги учун

$$x'_1, x'_2, \dots, x''_n, \dots$$

кетма-кетликдан бирорта  $x_0$  нуқтага яқинлашувчи

$$x'_{n_1}, x'_{n_2}, \dots, x'_{n_k}, \dots$$

кетма-кетлик қисмини ажратиб олишимиз мумкин.  $E$  ёпиқ тўпланда бўлганлиги учун  $x_0 \in E$  бўлади. (2) га мувофиқ

$$|x_0 - x'_{n_k}| \leq |x_0 - x'_{n_k}| + |x'_{n_k} - x''_{n_k}| \leq |x_0 - x'_{n_k}| + \frac{1}{n_k}$$

муносабатларни ёзишимиз мумкин.

Бу муносабатлардан эса

$$x'_{n_1}, x'_{n_2}, \dots, x'_{n_k}, \dots$$

кетма-кетликнинг ҳам  $x_0$  нуқтага яқинлашиши бевосита келиб чиқади.  $x_0 \in E$  нуқтада  $f(x)$  функция узлуксиз бўлганлиги учун,  $x_0$  нинг шундай  $(x', x'')$  атрофини топиш мумкинки,  $(x', x'') \cap E$  тўпламнинг ҳар қандай элементи учун

$$|f(x_0) - f(x)| < \frac{\varepsilon}{2}$$

тенгсизлик бажарилади.

Энди  $\{x'_{n_k}\}$  ва  $\{x''_{n_k}\}$  кетма-кетликларнинг  $x_0$  нуқтага яқинлашувчилигидан фойдаланиб, шундай  $n_0$  сонини топиш мумкинки,  $k > n_0$  бўлганда  $x'_{n_k}$  ва  $x''_{n_k}$  нуқталар  $(x', x'')$  оралиққа кирган бўлади, чунки бу оралиқ  $x_0$  нинг атрофи.

Демак,  $k > n_0$  бўлганда:

$$\begin{aligned} |f(x'_{n_k}) - f(x''_{n_k})| &\leq |f(x'_{n_k}) - f(x_0)| + |f(x_0) - f(x''_{n_k})| < \\ &< \frac{\varepsilon}{2} + \frac{\varepsilon}{2} = \varepsilon \end{aligned}$$

муносабатларни ёзишимиз мумкин; бу натижа эса (2) муносабатларга зид.\*

### 23-§. Узлуксиз функциялар кетма-кетлиги

Функциялар кетма-кетлиги билан кейинги бобда тўлароқ шуғулланамиз. Бу ерда эса узлуксиз функциялар кетма-кетлигига оид биргина теореманинг исботини келтириш билан чегараланамиз. Бу теорема келгусида зарур бўлади.

$E$  тўпламида

$$f_1(x), f_2(x), \dots, f_n(x), \dots \quad (1)$$

функциялар кетма-кетлиги аниқланган бўлсин. Агар

$$f_1(x_0), f_2(x_0), \dots, f_n(x_0), \dots$$

сонлар кетма-кетлиги бирор лимитга эга бўлса, у ҳолда (1) кетма-кетликни  $x_0 \in E$  нуқтада яқинлашувчи деймиз; бу лимитни  $f(x_0)$  билан белгилаймиз. Агар (1) кетма-кетлик  $E$  тўпламнинг ҳар бир нуқтасида яқинлашса, у ҳолда бу кетма-кетлик  $E$  тўпламда яқинлашувчи дейилади ва лимит функцияни  $f(x)$  билан белгилаймиз.

Бу таърифни аниқроқ қуйидагича ифода қилиш мумкин.

1-таъриф. Агар ҳар қандай  $\varepsilon (> 0)$  сон ва ҳар қандай  $x_0 \in E$  нуқта учун шундай натурал  $n_0$  сони мавжуд бўлсаки, барча  $n \geq n_0$  учун

$$|f_n(x_0) - f(x_0)| < \varepsilon$$

тенгсизлик бажарилса, у ҳолда (1) кетма-кетлик  $E$  тўпламда  $f(x)$  функцияга яқинлашувчи деймиз.



Бу таърифда  $n_0$  сони  $\varepsilon$  га ва  $x_0$  нуқтага боғлиқдир.

2- таъриф. Агар 1- таърифда  $n_0$  сони  $\varepsilon$  сонигагина боғлиқ бўлиб,  $x_0$  нуқтани танлаб олишга боғлиқ бўлмаса, яъни

$$|f_n(x) - f(x)| < \varepsilon \quad (n \geq n_0)$$

тенгсизлик  $x$  нинг  $E$  тўпламдаги ҳамма қийматлари учун бажарилса, у ҳолда (1) кетма-кетлик  $E$  тўпламда текис яқинлашиади дейилади.

Бу икки таъриф орасидаги фарқни ўқувчи умумий анализ курсида мисолларда кўрган.

Текис яқинлашиш тушунчаси математикада асосий тушунчалардан ҳисобланади ва бу тушунча математик анализда систематик равишда қўлланади.

**23. 1. Теорема. Агар  $E$  тўпламда аниқланган**

$$f_1(x), f_2(x), \dots, f_n(x), \dots \quad (1)$$

узлуксиз функциялар кетма-кетлиги шу тўпламда  $f(x)$  функцияга текис яқинлашса, у ҳолда лимит функция  $f(x)$  ҳам  $E$  тўпламда узлуксиз бўлади.

Исбот.  $E$  тўпламдан ихтиёрий  $x_0$  нуқтани оламиз. Бу нуқтада  $f(x)$  нинг  $E$  га нисбатан узлуксизлиги кўрсатилса, теорема исбот этилган бўлади.

(1) кетма-кетлик  $f(x)$  га текис яқинлашувчи бўлганлиги сабабли ихтиёрий  $\varepsilon (> 0)$  сон учун шундай натурал  $n_0$  сонини топиш мумкинки,  $E$  тўпламнинг ҳамма  $x$  нуқтаси учун

$$|f(x) - f_n(x)| < \frac{\varepsilon}{3} \quad (n \geq n_0) \quad (2)$$

тенгсизлик ўринли бўлади.  $f_n(x)$  функция  $x_0$  нуқтада  $E$  тўпламга нисбатан узлуксиз бўлганлиги учун  $x_0$  нуқтанинг шундай  $(x', x'')$  атрофи мавжудки,  $(x', x'') \cap E$  тўпламнинг ҳар қандай  $x$  нуқтаси учун қуйидаги тенгсизлик бажарилади:

$$|f_{n_0}(x_0) - f_{n_0}(x)| < \frac{\varepsilon}{3} \quad (3)$$

(2) тенгсизликда  $x$  ни  $x_0$  га алмаштирилса, ушбу

$$|f(x_0) - f_{n_0}(x_0)| < \frac{\varepsilon}{3} \quad (4)$$

муносабат ҳосил бўлади.

(2), (3), (4) тенгсизликлардан  $(x', x'') \cap E$  тўпламнинг ихтиёрий  $x$  нуқтаси учун қуйидаги тенгсизлик келиб чиқади:

$$|f(x_0) - f(x)| \leq |f(x_0) - f_{n_0}(x_0)| + |f_{n_0}(x_0) - f_{n_0}(x)| + |f_{n_0}(x) - f(x)| < \varepsilon_*$$

Бу теоремадан бевосита қуйидаги натижа келиб чиқади.

23. 2. **Натижа.** *Агар бирор узлуксиз функцияларнинг*

$$f_1(x), f_2(x), \dots, f_n(x), \dots$$

*кетма-кетлиги узлукли  $f(x)$  функцияга яқинлашса, бу яқинлашиш текис яқинлашиш бўлмайди.*

Шундай қилиб, узлуксиз функциялар кетма-кетлигининг текис яқинлашиши лимит функциянинг узлуксиз бўлиши учун кифоя экан; аммо бу шарт зарурий шарт эмас. Зарурий ва кифоявий шартларни XX асрнинг бошларида итальян математиги Арцела топган.

#### **24-§. Узлуксиз функциянинг ҳосиласи мавжуд бўлган нуқталардан иборат тўпламнинг тузилиши**

Маълумки, узлуксиз  $f(x)$  функциянинг  $x$  нуқтадаги ҳосиласи деб

$$f'_x(x) = \frac{f(x + \delta) - f(x)}{\delta} \quad (1)$$

ифоданинг  $\delta \rightarrow 0$  даги лимитига (агар бу лимит мавжуд бўлса) айтилади.

Агар  $\delta \rightarrow 0$  да  $f'_x(x)$  лимитга эга бўлмаса, у ҳолда  $x$  нуқтада ҳосила мавжуд бўлмайди.

Бу параграфда узлуксиз  $f(x)$  функциянинг ҳосиласи мавжуд бўлган нуқталардан иборат тўпламнинг тузилиши қандай эканлигини аниқлаймиз.

**Теорема.** *Узлуксиз  $f(x)$  функциянинг ҳосиласи  $f'(x)$  мавжуд бўлган тўпلام  $F_{\delta_0}$  типдаги тўпلام бўлади.*  
*Хусусан, бу тўпلام ўлчовлидир.*

Исбот. Ушбу

$$|\delta_1| \leq \frac{1}{m}, |\delta_2| \leq \frac{1}{m} \quad (2)$$

тенгсизликлар бажарилганда қуйидаги

$$|f_{\delta_1}(x) - f_{\delta_2}(x)| \leq \frac{1}{n} \quad (3)$$

тенгсизликни қаноатлантирадиган нуқталардан иборат тўпلامни  $F_{m, n}$  билан белгилаймиз.  $F_{m, n}$  тўпلام ёпиқ бўлади, чунки унинг лимит нуқтаси  $x_0$  га яқинлашувчи ҳар қандай  $\{x_k\}$  ( $x_k \in F_{m, n}$ ,  $k = 1, 2, \dots$ ) кетма-кетлигининг элементлари учун  $\delta_1$  ва  $\delta_2$  лар (2) тенгсизликни қаноатлантирганда (3) тенгсизлик бажарилади ва бунинг чап томони узлуксиз функция бўлганлиги учун  $x_0$  нуқтада ҳам (3) тенгсизлик бажарилади, яъни  $x_0$  нуқта  $F_{m, n}$  тўпلامга киради.

Энди

$$B_n = \bigcup_m F_{m, n} \text{ ва } D = \bigcap_n B_n$$

тўпламларни тузамиз.  $D$  тўплам тузилишига мувофиқ,  $F_{\infty}$  типидagi тўплам бўлади.

Агар  $f(x)$  нинг ҳосиласи мавжуд бўлган нуқталардан иборат тўпламнинг  $D$  тўпламга тенглиги кўрсатилса, теорема исбот қилинган бўлади.

Агар  $x$  нуқтада  $f'(x)$  мавжуд бўлса, у ҳолда ҳосиланинг таърифига мувофиқ ихтиёрий натурал  $n$  сони учун шундай  $\varepsilon (> 0)$  сони топиладики,  $|\delta| \leq \varepsilon$  бўлганда

$$|f'(x) - f'_\delta(x)| < \frac{1}{2n}$$

тенгсизлик бажарилади; яъни  $n$  ҳар қандай натурал қийматга эга бўлганда  $x \in B_n$  бўлади, чунки

$$\begin{aligned} |f_\delta(x) - f'_\delta(x)| &\leq |f_{\delta_1}(x) - f'(x)| + |f'(x) - f'_\delta(x)| < \\ &< \frac{1}{2n} + \frac{1}{2n} = \frac{1}{n}. \end{aligned}$$

Демак,  $x \in D$ , чунки  $D = \bigcap_n B_n$ .

Энди аксинча,  $x$  нуқта  $D$  тўпламнинг элементи бўлса, бу нуқтада ҳосиланинг мавжудлигини кўрсатамиз.

(1) ифодадаги  $\delta$  сонига  $\frac{1}{m}$  ( $m = 1, 2, \dots$ ) кўринишидаги қийматларни бериб, ушбу  $\{f_{\frac{1}{m}}(x)\}$  функциялар кетма-кетлигини тузамиз.

$x$  нуқта  $B_n$  тўпламнинг элементи бўлганлиги учун, шундай  $m_0$  сонини топиш мумкинки,  $m \geq m_0$  бўлганда ушбу

$$|f_{\frac{1}{m}}(x) - f_{\frac{1}{m_0}}(x)| \leq \frac{1}{n} \quad (4)$$

тенгсизлик бажарилади. Бундан маълум Коши белгисига мувофиқ  $\{f_{\frac{1}{m}}(x)\}$  кетма-кетлик лимитга эга; бу лимитни  $f_0(x)$  билан белгилаймиз.

Энди  $x \in B_n$  бўлганлиги сабабли ўша  $m_0$  да  $|\delta| \leq \frac{1}{m_0}$  ни қаноатлантирувчи  $\delta$  учун

$$|f_\delta(x) - f_{\frac{1}{m_0}}(x)| \leq \frac{1}{n}$$


тенгсизлик ҳам бажарилади, яъни  $f_\delta(x) \delta \rightarrow 0$  да  $f_0(x)$  га яқинлашади.

Демак,  $f_0(x)$  ҳосиланинг таърифига мувофиқ  $f'(x)$  га тенг бўлади ёки  $D$  нинг ҳар бир нуқтасида ҳосила мавжуддир.\*

## 25-§. Бирорта ҳам нуқтада ҳосилага эга бўлмаган ўзлуксиз функция мисоли

Бирорта ҳам нуқтада ҳосилага эга бўлмаган ўзлуксиз функцияларни биринчи марта Вейерштрасс тузган. Қуйида келтирилган мисолни Ван-дер-Варден тузган.

$\varphi_0(x)$  функциянинг  $x$  нуқтадаги қиймати  $|n_x - x|$  га тенг бўлсин; бу ерда  $n_x$  сони  $x$  га энг яқин бўлган бутун сон.  $\varphi_0(x)$  нинг геометрик тасвири 9-шаклда берилган бўлиб, даври бирга тенг



9-шакл.


бўлган даврий функциядир. Бу функция ҳар бир  $\left[\frac{k-1}{2}, \frac{k}{2}\right]$  ( $k$  — бутун сон) сегментда чизиқли бўлиб, унинг бурчак коэффициентни  $\pm 1$  га тенг бўлади.

Энди

$$\varphi_n(x) = \frac{\varphi_0(4^n x)}{4^n}$$

функцияни тузамиз.

Бу функция ҳам даврий бўлиб, унинг даври  $\frac{1}{4^n}$  га тенг (10-шакл); ҳар бир  $\left[\frac{k-1}{2 \cdot 4^n}, \frac{k}{2 \cdot 4^n}\right]$  сегментда  $\varphi_n(x)$  чизиқли функция ва унинг бурчак коэффициентни  $\pm 1$  га тенг.



10-шакл.

Энди

$$f(x) = \sum_{n=0}^{\infty} \varphi_n(x)$$

функционал қаторни тузамиз.  $|\varphi_n(x)| \leq \frac{1}{4^n}$  бўлганлиги учун бу қатор текис яқинлашувчи ва  $\varphi_n(x)$  функциялар узлуксиз бўлганлиги учун, 23. 1-теоремага мувофиқ,  $f(x)$  ҳам узлуксиз функция бўлади. Иштиёрий  $x$  нуқтани олиб, бу нуқтани ўз ичига олган қуйидаги сегментлар кетма-кетлигини тузамиз:

$$\Delta_n = \left| \frac{k_n - 1}{2 \cdot 4^n}; \frac{k_n}{2 \cdot 4^n} \right| \quad (k_n - \text{бутун сон})$$

$\Delta_n$  сегментда доимо

$$|x_n - x| = \frac{1}{4^{n+1}}$$

тенгликни қаноатлантирувчи  $x_n$  нуқталарни танлаб олишимиз мумкин.  $\frac{1}{4^{n+1}}$  сонда  $\varphi_k(x)$  ( $k > n$ ) функциянинг даври  $\frac{1}{4^{k+1}}$  бутун сон марта жойлашгани учун  $k > n$  ларда

$$\frac{\varphi_k(x_n) - \varphi_k(x)}{x_n - x} = 0,$$

$k \leq n$  ларда  $\varphi_k(x)$  функция  $\Delta_k$  ва  $\Delta_n \subset \Delta_k$  оралиқларда чизиқли бўлгани учун  $k \leq n$  да

$$\frac{\varphi_k(x_n) - \varphi_k(x)}{x_n - x} = \pm 1.$$

Шундай қилиб,

$$\frac{\varphi_k(x_n) - \varphi_k(x)}{x_n - x} = \begin{cases} 0, & k > n, \\ \pm 1, & k \leq n \end{cases}$$

тенгликлар ўринли. Булардан қуйидаги муносабатлар келиб чиқади:

$$\frac{f(x_n) - f(x)}{x_n - x} = \sum_{k=0}^{\infty} \frac{\varphi_k(x_n) - \varphi_k(x)}{x_n - x} = \sum_{k=0}^n (\pm 1) = \begin{cases} \text{бутун жуфт} & \text{агар } n \\ \text{сонга} & \text{тоқ бўлса,} \\ \text{бутун тоқ} & \text{агар } n \\ \text{сонга} & \text{жуфт бўлса} \end{cases}$$

Бу муносабат эса

$$\frac{f(x_n) - f(x)}{x_n - x}$$

ифоданинг  $n$  чексизга интилганда ҳеч қандай чекли лимитга эга бўла олмаслигини бевосита кўрсатади.

Аммо  $n$  чексизга интилганда:  $x_n \rightarrow x$ .

Демак,  $f(x)$  функция  $x$  нуқтада ҳосилага эга бўлмайди.  $x$  иштиёрий нуқта бўлганлиги учун  $f(x)$  бирорта нуқтада ҳам ҳосилага эга эмас.

## 26-§. Функциянинг ҳосила сонлари

Маълумки,  $f(x)$  функциянинг ҳосиласи

$$f'(x) = \lim_{h \rightarrow 0} \frac{f(x+h) - f(x)}{h}$$

мавжуд бўлиши ва бўлмаслиги мумкин, лекин қуйидаги тўрт ифоданинг ҳар бири аниқ бир маънога эга бўлиб; ё чекли қийматга, ёки  $+\infty$  га, ёки  $-\infty$  га тенг:

$$\overline{\lim}_{h \rightarrow +0} \frac{f(x+h) - f(x)}{h} = D^+ f(x);$$

$$\lim_{h \rightarrow +0} \frac{f(x+h) - f(x)}{h} = D_+ f(x);$$

$$\underline{\lim}_{h \rightarrow -0} \frac{f(x+h) - f(x)}{h} = D^- f(x);$$

$$\lim_{h \rightarrow -0} \frac{f(x+h) - f(x)}{h} = D_- f(x).$$

$D^+ f$ ,  $D_+ f$ ,  $D^- f$ ,  $D_- f$  миқдорлар  $f$  нинг ҳосила сонлари дейилади.

Агар  $D^+ f = D_+ f$  ( $D^- f = D_- f$ ) бўлса, у ҳолда  $f(x)$  функция ўнг (чап) ҳосилага эга дейилади ва бу ҳосилалар  $f'_+(x)$  ( $f'_-(x)$ ) билан белгиланади.

Табийки, функциянинг одатдаги маънода ҳосиласи мавжуд бўлиши учун юқоридаги тўртта ҳосила сонларнинг бир-бирига тенг бўлиши зарур ва kifоядир.

Мисоллар. 1)  $f(x) = |x|$  функция  $x = 0$  нуқтада турли ўнг ва чап ҳосилаларга эга.

2)

$$f(x) = \begin{cases} x \sin \frac{1}{x}, & x \neq 0 \\ 0, & x = 0 \end{cases}$$

функция учун  $x = 0$  нуқтада:

$$D_+ f = -1, D^+ f = 1, D_- f = -1, D^- f = 1.$$

3)

$$f(x) = \begin{cases} ax \sin^2 \frac{1}{x} + bx \cos^2 \frac{1}{x}, & x > 0 \\ 0, & x = 0 \\ cx \sin^2 \frac{1}{x} + dx \cos^2 \frac{1}{x}, & x < 0 \end{cases}$$

бу ерда  $a < b$ ;  $c < d$ .

$x = 0$  нуқтада:

$$D_+ f = a, D^+ f = b, D_- f = c, D^- f = d.$$

Бу мисоллар, ҳақиқатан ҳам, ҳосила сонларнинг турли бўлиши мумкинлигини кўрсатади.

Ҳосила сонлардан IX бобда фойдаланамиз.

### МАШҚ УЧУН МАСАЛАЛАР

1.  $[a, b]$  сегментда аниқланган  $f(x)$  функция шундай бўлсаки,  $E\{f(x) > a\}$  ва  $E\{f(x) < a\}$  тўпламлар ҳар қандай  $a$  да очиқ бўлса, бу функциянинг узлуксизлиги исботлансин.

2. Чегараланган  $f(x)$  функциянинг  $\Delta$  сегментдаги тебраниши деб, бу функциянинг шу сегментдаги аниқ юқори ва аниқ қуйи чегараларнинг айирмасига айтилади.  $f(x)$  функциянинг  $\Delta$  сегментдаги тебранишини  $\omega(f, \Delta)$  билан белгилаймиз. Агар  $\Delta_1 \subset \Delta_2$  бўлса, у ҳолда  $\omega(f, \Delta_1) \leq \omega(f, \Delta_2)$  бўлиши исботлансин.

3.  $\xi$  — бирор нуқта бўлсин.  $\Delta$  ўртаси  $\xi$  бўлган сегмент бўлиб, узунлиги нолга интилганда  $\omega(f, \Delta)$  нинг лимитга интилиши исботлансин. Бу лимит  $f(x)$  нинг  $\xi$  нуқтадаги тебраниши дейилади ва  $\omega(f, \xi)$  билан белгиланади.

4.  $f(x)$  функциянинг  $\xi$  нуқтада узлуксиз бўлиши учун  $\omega(f, \xi) = 0$  шартнинг бажарилиши зарур ва кифоя. Шу исботлансин.

5.  $f(x)$  ихтиёрий функция бўлсин.  $\omega(f, \xi) \geq a$  ( $a$  ихтиёрий сон) тенгсизликни қаноатлантирувчи барча  $\xi$  лар тўплами ёпиқ тўплам эканлиги исботлансин.

6. Ихтиёрий функциянинг узлукли нуқталари тўплами (бўш ёки бўш бўлмаган) шундай тўпламки, бу тўплам кўпи билан сони саноқли ёпиқ тўпламларнинг йиғиндисига тенг, яъни  $F_\sigma$  типдаги тўпламлардир. Шу кўрсатилсин.

7.  $[0, 1]$  сегментдаги барча рационал сонларни номерлаб чиқамиз:

$$r_1, r_2, r_3, \dots, r_{n_2}, \dots$$

ва  $f(x)$  функцияни қуйидагича аниқлаймиз:

$$f(x) = \sum_{n=1}^{\infty} \frac{1}{n^2} |x - r_n|.$$

Бу функциянинг  $[0, 1]$  да узлуксизлиги исботлансин.

8. Агар  $f(x)$  функция туташган  $E$  тўпламда узлуксиз бўлса, бу функциянинг  $E$  тўпламда қабул қиладиган қийматлари тўплами  $\Phi$  ҳам туташган эканлиги исботлансин.

## УЛЧОВЛИ ФУНКЦИЯЛАР

### 27- §. Улчовли функциянинг таърифи ва унинг хоссалари

Узлуксиз функция тушунчасига баъзи маънода яқин ва математик анализ учун муҳим аҳамиятга эга бўлган ўлчовли функция тушунчасини келтирамиз.

Аввал баъзи белгиларни киритамиз:  $a$  бирор ҳақиқий сон бўлсин; ўзгарувчи  $x$  миқдорнинг  $f(x) > a$  тенгсизликни қаноатлантирадиган қийматларидан иборат бўлган тўпلامни  $E\{f(x) > a\}$  билан белгилаймиз. Шунга ўхшаш  $E\{f(x) \geq a\}$ ,  $E\{f(x) \leq a\}$ ,  $E\{f(x) = a\}$ ,  $E\{a < f(x) < b\}$  тўпلامларнинг ҳар бири ўзгарувчи  $x$  нинг катта қавс ичида ёзилган муносабатларни қаноатлантирадиган қийматларидан иборат.

1- таъриф. Агар ҳар қандай ҳақиқий  $a$  сони учун  $E\{f(x) > a\}$  тўплам ўлчовли бўлса,  $y$  ҳолда ўлчовли  $E$  тўпламда берилган  $f(x)$  функция<sup>1</sup> ўлчовли функция дейилади.

Бундан кейин  $E\{f(x) > a\}$  тўпламни  $E\{f > a\}$  кўринишда ёзамиз.

Бу таърифда  $(L)$  маъносида ўлчовли тўпламлар ҳақида гап борганлиги учун  $f(x)$  функция ҳам  $(L)$  ўлчовли дейилади. Агар  $E$  ва  $E\{f > a\}$  тўпламлар  $(B)$  ўлчовли бўлса,  $y$  ҳолда  $f(x)$  функция ҳам  $(B)$  ўлчовли дейилади.

**27. 1. Теорема.** Агар  $f(x)$  функция  $E$  тўпламда ўлчовли бўлса<sup>2</sup>,  $y$  ҳолда ҳар қандай  $a$  ва  $b$  лар учун

- 1)  $E\{f \leq a\}$ , 2)  $E\{a < f \leq b\}$ , 3)  $E\{f = a\}$ ,  
4)  $E\{f \geq a\}$ , 5)  $E\{f < a\}$

тўпламларнинг ҳар бири ҳам ўлчовли бўлади.

2. Агар ихтиёрий  $a$  ва  $b$  ларда 1), 2), 4), 5) тўпламларнинг бирортаси ўлчовли бўлса,  $f(x)$  функция  $E$  тўпламда ўлчовли бўлади.

Исбот. 1)  $E$  ва  $E\{f > a\}$  тўпламлар ўлчовли бўлганлиги учун

$$E\{f \leq a\} = E \setminus E\{f > a\}$$

айниятдан  $E\{f \leq a\}$  тўпламнинг ўлчовчи эканлиги келиб чиқади.

2)  $E\{a < f \leq b\} = E\{a < f\} \cap E\{f \leq b\}$  тенгликнинг ўнг томонидаги тўпламлар ўлчовли, демак,  $E\{a < f \leq b\}$  тўплам ҳам ўлчовли.

<sup>1</sup>  $f(x)$  функция  $E$  тўпламда чексиз қийматларга эга бўлиши ҳам мумкин, аммо қийматининг ишораси доимо аниқ бўлиши керак. Бу талабни келгусида қулайлик учун киритдик.

<sup>2</sup> Бу ерда ва келгусида ўлчовли тўплам ва функциялар  $(L)$  маъносида ишлатилади.



3)  $E\{f = a\} = \bigcap_{n=1}^{\infty} E\left\{a - \frac{1}{n} < f \leq a + \frac{1}{n}\right\}$  тенгликнинг ўнг томонидаги тўпламлар ўлчовли бўлгани учун 18. 5-теоремага мувофиқ, бу тўплам ҳам ўлчовли бўлади.

4)  $E\{f \geq a\} = E\{f > a\} \cup E\{f = a\}$  тенглик ўринли. Бу ерда ҳам ўнг томондаги тўпламлар ўлчовли, демак,  $E\{f \geq a\}$  тўплам ҳам ўлчовли.

5)  $E\{f < a\} = E\{f \leq a\} \setminus E\{f = a\}$  тенгликдан  $E\{f < a\}$  тўпламнинг ўлчовлилиги келиб чиқади.

Уқоридаги 1) — 5) тенгликлар бизга 1-бобдан маълум бўлган усул билан исбот этилади. Теореманинг иккинчи қисми биринчи қисмига ўхшаш исботланади.\*

**27. 2. Теорема.** *Агар  $f(x)$  функция  $E$  тўпламда ўлчовли бўлса, у ҳолда бу функция  $E$  тўпламнинг ихтиёрий ўлчовли  $E_1$  қисмида ҳам ўлчовли бўлади.*

Исбот. 1-таърифга мувофиқ, ҳар қандай ҳақиқий  $a$  учун  $E_1\{f > a\}$  тўпламнинг ўлчовли эканлиги кўрсатилса, теорема исбот этилган бўлади. Бу тўпламнинг ўлчовлилиги ушбу

$$E_1\{f > a\} = E_1 \cap E\{f > a\}$$

тенгликдан бевосита келиб чиқади, чунки  $E_1$  ва  $E\{f > a\}$  тўпламларнинг ҳар бири теореманинг шартига мувофиқ ўлчовли, демак, 18. 5-теоремага мувофиқ  $E_1\{f > a\}$  тўплам ҳам ўлчовли.\*

**27. 3. Теорема.**  *$\{E_k\}$  сони чекли ёки санокли, ҳар бири  $[a, b]$  сегментда бутунлай жойлашган, ўлчовли тўпламлар кетма-кетлиги бўлсин. Агар  $f(x)$  функция бу тўпламларнинг ҳар бирида ўлчовли бўлса, у ҳолда  $f(x)$  уларнинг  $E = \bigcup_k E_k$  йиғиндисиди ҳам ўлчовли бўлади.*

Исбот. 1-таърифга ва теореманинг шартига мувофиқ ҳар қандай  $k$  учун  $E_k$  ва  $E_k\{f > a\}$  тўпламларнинг ҳар бири ўлчовли бўлади. Демак, 18. 3 га мувофиқ  $E = \bigcup_k E_k$  тўплам ҳам ўлчовли бўлади.

Энди

$$E\{f > a\} = \bigcup_k E_k\{f > a\}$$

тенгликдан эса  $f(x)$  функциянинг  $E$  тўпламда ўлчовли эканлиги келиб чиқади.\*

**27. 4. Теорема.** *Агар  $f(x)$  функция ўлчовли  $E$  тўпламда ўзгармас  $k$  сонига тенг бўлса, у ҳолда  $f(x)$  ўлчовли функция бўлади. Дарҳақиқат.*

$$E\{f > a\} = \begin{cases} \text{агар } k > a \text{ бўлса, } E, \\ \text{агар } k \leq a \text{ бўлса, } 0. \end{cases}$$

27. 5. Теорема. Агар  $f(x)$  ўлчовли функция бўлиб,  $k$  ўзгармас сон бўлса, у ҳолда  $f(x) + k$  ва  $kf(x)$  функциялар ҳам ўлчовли бўлади.

Исбот. Ушбу

$$E\{f + k > a\} = E\{f > a - k\},$$

$$E\{kf > a\} = \begin{cases} \text{агар } k > 0 \text{ бўлса, } E\left\{f > \frac{a}{k}\right\}, \\ \text{агар } k < 0 \text{ бўлса, } E\left\{f < \frac{a}{k}\right\} \end{cases}$$

тенгликлардан  $f(x) + k$  ва  $kf(x)$  функцияларнинг ўлчовли эканлиги келиб чиқади.

Агар  $k = 0$  бўлса, иккинчи тенгликнинг ўнг томони ўз маъносини йўқотади, аммо бу ҳолда  $kf(x)$  айнан нолга тенг бўлганлиги учун 27. 4-теоремадан  $kf(x)$  функциянинг ўлчовли эканлиги келиб чиқади.\*

27. 6. Теорема. Агар  $f(x)$  ва  $\varphi(x)$  функциялар  $E$  тўпلامда ўлчовли бўлса, у ҳолда  $E\{f > \varphi\}$  тўпلام ўлчовли бўлади.

Исбот. Ушбу

$$E\{f > \varphi\} = \bigcup_r \{E\{f > r\} \cap E\{\varphi < r\}\}$$

(йиғинди  $r$  нинг ҳамма рационал қийматлари бўйича олинад) тенгликдан  $E\{f > \varphi\}$  тўпلامнинг ўлчовлилиги бевосита келиб чиқади.\*

27. 7. Теорема. Агар  $f(x)$  ва  $\varphi(x)$  функциялар  $E$  тўпلامда ўлчовли бўлса, у ҳолда  $f(x) + \varphi(x)$  ва  $f(x) - \varphi(x)$  функциялар ҳам  $E$  тўпلامда ўлчовли бўлади.

Исбот. Ушбу

$$E\{f + \varphi > a\} = E\{f > a - \varphi\},$$

$$E\{f - \varphi > a\} = E\{f > a + \varphi\}$$

тенгликлар ёрдами билан бу теореманинг исботи 27. 6-теоремага келтирилади.\*

27. 8. Теорема. Агар  $f(x)$  ва  $\varphi(x)$  функциялар  $E$  тўпلامда ўлчовли бўлса, у ҳолда  $f(x) \cdot \varphi(x)$  функция ҳам  $E$  тўпلامда ўлчовли бўлади.

Исбот. Агар  $f(x) = \varphi(x)$  бўлса, у ҳолда  $f^2(x)$  нинг ўлчовлилиги  $a \geq 0$  бўлганда

$$E\{f^2 > a\} = E\{f > \sqrt{a}\} \cup E\{f < -\sqrt{a}\}$$

тенгликдан,  $a < 0$  бўлганда

$$E\{f^2 > a\} = E$$

тенгликдан кўринади.

Умумий ҳолда теореманинг тўғрилиги

$$f(x) \cdot \varphi(x) = \frac{1}{4} [f(x) + \varphi(x)]^2 - \frac{1}{4} [f(x) - \varphi(x)]^2$$

тенгликдан келиб чиқади, чунки ўнг томондаги функциялар 27. 7 ва 27. 8- теоремаларга асосан ўлчовли бўлади.\*

27. 9. Теорема. Агар  $\varphi(x)$  функция  $E$  тўпламда ўлчовли бўлиб,  $\varphi(x) \neq 0$  бўлса, у ҳолда  $\frac{1}{\varphi(x)}$  функция ҳам  $E$  да ўлчовли бўлади.

Теореманинг исботи

$$E \left\{ \frac{1}{\varphi} > a \right\} = E \{ 1 > a\varphi \}$$

тенгликдан бевосита келиб чиқади.\*

27. 10. Теорема. Агар  $f(x)$  ва  $\varphi(x)$  функциялар  $E$  тўпламда ўлчовли бўлса ва  $\varphi(x) \neq 0$ , у ҳолда  $\frac{f(x)}{\varphi(x)}$  функция ҳам ўлчовли бўлади.

Бу теореманинг тўғрилиги ушбу

$$\frac{f(x)}{\varphi(x)} = f(x) \cdot \frac{1}{\varphi(x)}$$

муносабатдан ва 27. 8- теоремадан бевосита келиб чиқади.\*

27. 11. Теорема. Агар  $f(x)$  функция  $E$  тўпламда узлуксиз бўлса, у ҳолда  $f(x)$  бу тўпламда ўлчовли бўлади.

Исбот. Аввало  $F = E \{ f \leq c \}$  тўпламнинг ёпиқлигини исбот қиламиз. Дарҳақиқат, агар  $x_0$  бу тўплам учун лимит нуқта бўлса ҳамда  $x_n \rightarrow x_0$  ( $x_n \in F$ ) бўлса, у ҳолда  $f(x_n) \leq c$  ва функциянинг узлуксизлигига мувофиқ:  $f(x_0) \leq c$ ; бундан:  $x_0 \in F$ , демак,  $F$  ёпиқ тўплам.

Энди теореманинг тўғрилиги

$$E \{ f > c \} = E \setminus E \{ f \leq c \} = E \setminus F$$

тенгликдан келиб чиқади, чунки  $E$  ва  $F$  тўпламларнинг ҳар бири ўлчовли.\*

2- таъриф. Агар

$$\mu(E \{ f \neq \varphi \}) = 0 \text{ бўлса, } f(x) \text{ ва } \varphi(x)$$

функциялар  $E$  тўпламда ўзаро эквивалент дейилади.

$f(x)$  ва  $\varphi(x)$  функцияларнинг эквивалентлиги  $f \sim \varphi$  кўринишида ёзилади. Икки эквивалент функция  $E$  тўпламда бир вақтда ўлчовли ёки ўлчовсиз бўлиши таърифдан бевосита кўринади.

3- таъриф. Агар бирор хосса ўлчови нолга тенг  $A (\subset E)$  тўпламда бажарилмай,  $E(\mu(E) > 0)$  тўпламнинг қолган қисмида (яъни  $E \setminus A$  тўпламда) бажарилса, у ҳолда бу хосса  $E$  тўпламда деярли бажарилади дейилади.

Масалан,  $E$  тўпламда ўзаро эквивалент бўлган икки функция бир-бирига деярли тенг.

**28-§. Ұлчовли функциялар кетма-кетлиги.  
Лебег, Рисс, Егоров теоремалари**

28. 1. Теорема. Ұлчовли  $E$  тўпламда ўлчовли  $f_1(x)$ ,  $f_2(x)$ , ... функциялар кетма-кетлиги берилган бўлсин. Агар  $E$  тўпламнинг ҳар бир нуқтасида

$$f(x) = \lim_{n \rightarrow \infty} f_n(x)$$

тенглик бажарилса, у ҳолда  $f(x)$  функция  $E$  да ўлчовли бўлади.

Исбот. Ихтиёрий ўзгармас  $a$  сонини олиб,

$$E_{m, k} = E \left\{ f_k > a + \frac{1}{m} \right\}$$

ва

$$F_{m, n} = \bigcap_{k=n}^{\infty} E_{m, k}$$

тўпламларни тузамиз. 18. 5-теоремага мувофиқ бу тўпламлар ўлчовли бўлади.

Агар

$$E \{ f > a \} = \bigcup_{m, n} F_{m, n}$$

тенгликни исбот қилсак, у ҳолда 18. 3-теоремага асосан 28. 1-теорема исбот қилинган бўлади.

Бу тенгликни исбот қилиш учун қуйидаги икки муносабатнинг тўғрилигини кўрсатиш кифоя:

$$E \{ f > a \} \subset \bigcup_{m, n} F_{m, n} \quad (1)$$

$$\bigcup_{m, n} F_{m, n} \subset E \{ f > a \}. \quad (2)$$

$x_0$  нуқта  $E \{ f > a \}$  тўпламнинг ихтиёрий элементи бўлсин, яъни  $f(x_0) > a$ ; бу тенгликдан фойдаланиб, етарли катта натурал  $m$  сони учун ушбу

$$f(x_0) > a + \frac{1}{m}$$

тенгсизликни ёзишимиз мумкин. Аммо  $\lim_{k \rightarrow \infty} f_k(x_0) = f(x_0)$ ; демак, шундай натурал  $n$  сонини топиш мумкинки, унинг учун

$$f_k(x_0) > a + \frac{1}{m} \quad (\text{агар } k \geq n \text{ бўлса})$$

ёки

$$x_0 \in E_{m, k}$$

муносабатлар ўринли бўлади. Бундан кўринадики,

$$x_0 \in \bigcap_{k=n}^{\infty} E_{m, k} = F_{m, n} \subset \bigcup_{m, n} F_{m, n}$$

яъни  $E\{f > a\}$  тўпламнинг ихтиёрий  $x_0$  элементи  $\bigcup_{m, n} F_{m, n}$  тўплам-  
га ҳам кирар экан.

Демак, (1) муносабат исбот бўлди. Энди (2) муносабатни исбот қиламиз.  $x_0 \in \bigcup_{m, n} F_{m, n}$  бўлсин; у ҳолда шундай  $m$  ва  $n$  натурал сонлар мавжудки, улар учун  $x_0 \in F_{m, n}$  муносабат ўринли. Сўнги муносабатдан, барча  $k \geq n$  учун

$$x_0 \in E_{m, k}$$

ёки

$$f_k(x_0) > a + \frac{1}{m}$$

муносабат келиб чиқади.

$k$  га нисбатан лимитга ўтсак, қуйидаги тенгсизликни ёза оламиз:

$$f(x_0) \geq a + \frac{1}{m} > a$$

ёки бошқача айтганда:

$$x_0 \in E\{f > a\},$$

Демак, (2) муносабат ҳам исбот бўлди.\*

28. 2. Изоҳ. Агар

$$\lim_{n \rightarrow \infty} f_n(x) = f(x)$$

муносабат  $E$  тўпламнинг ҳар бир нуқтасида эмас, балки  $E$  тўпламда деярли бажарилганда ҳам (яъни бу муносабат бажарилмаган нуқталардан иборат бўлган тўпламнинг ўлчови нолга тенг бўлса) теорема ўз кучини сақлайди. Бунинг тўғрилигини кўрсатишни ўқувчининг ўзига тавсия қиламиз.

Таъриф (Ф. Рисс таърифи). Ўлчовли  $E$  тўпламда деярли чекли<sup>1</sup>, ўлчовли  $f(x)$  функция ва деярли чекли, ўлчовли  $\{f_n(x)\}$  функциялар кетма-кетлиги берилган бўлсин. Агар ҳар қандай мусбат  $\sigma$  сони учун ушбу

$$\lim_{n \rightarrow \infty} \mu(E\{|f_n - f| \geq \sigma\}) = 0$$

муносабат<sup>2</sup> бажарилса, у ҳолда  $\{f_n(x)\}$  функциялар кетма-кетлиги  $f(x)$  функцияга ўлчов бўйича яқинлашади дейилади ва  $f_n \Rightarrow f$  кўринишда ёзилади.

Қуйидаги Лебег, Егоров, Лузин теоремаларини исбот қилишда функцияларни деярли чекли деб алоҳида айтиб ўтирмаймиз.

<sup>1</sup> Агар  $f(x)$  функциянинг чексиз қийматга эга бўлган нуқталаридан иборат тўпламнинг ўлчови нолга тенг бўлса,  $f(x)$  ни  $E$  тўпламда деярли чекли деймиз.

<sup>2</sup> Агар  $x_0$  нуқтада  $f_n(x_0)$  ва  $f(x_0)$  функциялар чексиз қийматга эга бўлиб, ишоралари бир хил бўлса, аниқмасликка йўл қўймаслик учун,  $x_0$  нуқтани  $E\{|f_n - f| \geq \sigma\}$  тўпламга киритамиз.

28. 3. Теорема (А. Лебег теоремаси). *Ўлчовли E тўпламда  $f(x)$  функцияга деярли яқинлашувчи ўлчовли  $\{f_n(x)\}$  функциялар кетма-кетлиги берилган бўлсин. У ҳолда  $\{f_n(x)\}$  функциялар кетма-кетлиги E тўпламда  $f(x)$  функцияга ўлчов бўйича ҳам яқинлашувчи бўлади.*

Исбот. 28. 1 ва 28. 2- ларга биноан  $f(x)$  функция E тўпламда ўлчовли бўлади.

Қуйидаги тўпламларни тузамиз:

$$A = E \{ |f| = +\infty \}, A_n = E \{ |f_n| = +\infty \}, B = E \{ f_n \neq f \},$$

$$C = A \cup \left( \bigcup_{n=1}^{\infty} A_n \right) \cup B, E_k(\sigma) = E \{ |f_k - f| \geq \sigma \},$$

$$R_n(\sigma) = \bigcup_{k=n}^{\infty} E_k(\sigma), P = \bigcap_{n=1}^{\infty} R_n(\sigma).$$

Бу тўпламларнинг ҳар бири теореманинг шартларига кўра ўлчовли ва

$$\mu(C) = 0. \quad (3)$$

Ушбу

$$R_1(\sigma) \supset R_2(\sigma) \supset \dots$$

муносабатларга ва 18. 7- теоремага мувофиқ

$$\lim_{n \rightarrow \infty} \mu(R_n(\sigma)) = \mu(P). \quad (4)$$

Энди

$$P \subset C \quad (5)$$

муносабатни исбот қиламиз. Бунинг учун  $P$  тўпламдан ихтиёрий  $x_0$  элементни оламиз. Агар  $x_0 \notin C$  бўлса, у ҳолда

$$\lim_{n \rightarrow \infty} f_n(x_0) = f(x_0)$$

бўлади. Демак, шундай натурал  $n$  сони топиладики, унинг учун

$$|f_k(x_0) - f(x_0)| < \sigma \quad (k \geq n)$$

тенгсизлик бажарилади, ёки бошқача айтганда:

$$x_0 \in E_k(\sigma), \quad (k \geq n)$$

бундан  $x_0 \in R_n(\sigma)$  ва  $x_0 \in P$  муносабатлар ҳосил бўлади. Шу билан (5) муносабат исбот бўлди. (3), (4), (5) муносабатлардан

$$\lim_{n \rightarrow \infty} \mu(R_n(\sigma)) = 0$$

тенглик келиб чиқади. Шу билан, Ф. Рисс таърифига мувофиқ, теорема ҳам исбот этилди, чунки

$$E_n(\sigma) \subset R_n(\sigma)$$

ва, демак,

$$\mu(E_n(\sigma)) = \mu(E \{ |f_n - f| \geq \sigma \}) \leq \mu(R_n(\sigma)) \rightarrow 0, \quad n \rightarrow \infty. *$$

Лектин теореманинг тескариси доимо тўғри бўлмайди, яъни ўлчов бўйича яқинлашишдан деярли яқинлашиш келиб чиқмайди.

Мисол  $[0, 1)$  ярим оралиқда сони чекли

$$f_1^{(k)}(x), f_2^{(k)}(x), \dots, f_k^{(k)}(x) \quad (k = 1, 2, \dots)$$

функциялар кетма-кетлиги берилган бўлиб,

$$f_l^{(k)}(x) = \begin{cases} 1, & x \in \left[ \frac{l-1}{k}, \frac{l}{k} \right) \\ 0, & x \notin \left[ \frac{l-1}{k}, \frac{l}{k} \right) \end{cases} \quad (l = \overline{1, k})$$

тенглик ўринли бўлсин. Бу функцияларни

$\varphi_1(x) = f_1^{(1)}(x)$ ,  $\varphi_2(x) = f_1^{(2)}(x)$ ,  $\varphi_3(x) = f_1^{(3)}(x)$ ,  $\varphi_4(x) = f_1^{(3)}(x)$ , ... кетма-кетлик кўринишида ёзамиз. Бу функциялар кетма-кетлиги ўлчов бўйича нолга интилади; дарҳақиқат, агар  $\varphi_n(x) = f_l^{(k)}(x)$  бўлса, у ҳолда ҳар қандай  $\sigma$  ( $0 < \sigma \leq 1$ ) сон учун

$$E \{ |\varphi_n| \geq \sigma \} = \left[ \frac{l-1}{k}, \frac{l}{k} \right)$$

тенглик ўринли бўлади. Бундан

$$\mu(E \{ |\varphi_n| \geq \sigma \}) = \frac{1}{k} \rightarrow 0, \quad n \rightarrow \infty,$$

чунки  $n \rightarrow \infty$  да  $k$  ҳам чексизликка интилади. Иккинчи томондан  $\varphi_n(x) \rightarrow 0$  муносабат  $[0, 1)$  ярим оралиқнинг бирорта ҳам нуқтасида бажарилмайди. Ҳақиқатан ҳам, агар  $x_0 \in [0, 1)$  бўлса, у ҳолда ҳар қандай  $k$  учун шундай  $l$  сони топиладики, улар учун ушбу

$$x_0 \in \left[ \frac{l-1}{k}, \frac{l}{k} \right)$$

муносабат бажарилади, демак,  $f_l^{(k)}(x_0) = 1$ . Бошқачасига айтганда

$$\varphi_1(x_0), \varphi_2(x_0), \dots, \varphi_n(x_0), \dots$$

сонлар кетма-кетлигида бир сони чексиз марта учрайди. Демак, бу кетма-кетлик  $x_0$  нуқтада 0 га яқинлашмайди.  $x_0$  нуқта ихтиёрий бўлгани учун  $\varphi_n(x)$  кетма-кетлик  $[0, 1)$  нинг ҳеч қандай нуқтасида 0 га интилмайди.

Бу мисолдан ва Лебег теоремасидан ўлчов бўйича яқинлашиш тушунчаси деярли яқинлашиш тушунчасига қараганда кенгроқ эканлиги кўринади; деярли яқинлашиш тушунчаси эса ҳар бир нуқтада яқинлашиш тушунчасидан кенгроқдир.

**28. 4. Теорема.** Агар  $\{f_n(x)\}$  функциялар кетма-кетлиги  $E$  тўпلامда ўлчов бўйича  $f(x)$  ва  $g(x)$  функцияларга яқинлашса, бу функциялар ўзаро эквивалент бўлади.

Исбот. Ҳар қандай  $\sigma (> 0)$  учун

$$E \{ |f - g| \geq \sigma \} \subset E \{ |f_n - f| \geq \frac{\sigma}{2} \} \cup E \{ |f_n - g| \geq \frac{\sigma}{2} \}$$





Иккинчи томондан, (6) га мувофиқ:

$$\mu(R_m) < \sum_{k=m}^{\infty} \varepsilon_k.$$

Демак,  $\mu(R_m) \rightarrow 0$ ,  $m \rightarrow \infty$ , чунки  $\sum_{k=1}^{\infty} \varepsilon_k < +\infty$ . Бундан эса ўз навбатида

$$\mu(Q) = 0$$

тенглик келиб чиқади.

Энди  $E \setminus Q$  тўплагининг ҳар бир нуқтасида  $\{f_{n_k}(x)\}$  функциялар кетма-кетлигининг яқинлашувчи эканлигини исбот қиламиз.

Бирор  $m_0$  учун  $x_0 \in E \setminus Q$  муносабатдан  $x_0 \in R_{m_0}$  муносабат келиб чиқади. Бундан, агар  $k \geq m_0$  бўлса,  $x_0 \in E \{ |f_{n_k} - f| \geq \sigma_k \}$ . Демак,

$$|f_{n_k}(x_0) - f(x_0)| < \sigma_k \quad (k \geq m_0)$$

ва  $\sigma_k \rightarrow 0$  да  $f_{n_k}(x_0) - f(x_0)$ , яъни  $\{f_{n_k}(x)\}$  функциялар кетма-кетлиги  $E$  тўплагинда деярли яқинлашади.\*

**28. 6. Теорема (Д. Ф. Егоров теоремаси). Ўлчовли  $E$  тўплагинда  $f(x)$  функцияга деярли яқинлашувчи ўлчовли  $\{f_n(x)\}$  функциялар кетма-кетлиги берилган бўлсин. У ҳолда ҳар қандай  $\varepsilon (> 0)$  учун шундай ўлчовли  $P (\subset E)$  тўплагини топиш мумкинки, унинг учун  $\mu(P) > \mu(E) - \varepsilon$  муносабат бажарилади ва  $\{f_n(x)\}$  функциялар кетма-кетлиги  $P$  да  $f(x)$  функцияга текис яқинлашади.**

Исбот. Шу параграфдаги Лебег теоремасини исбот қилишда ушбу

$$\lim_{n \rightarrow \infty} \mu(R_n(\sigma)) = 0$$

муносабатни келтириб чиқарган эдик, бу ерда:

$$R_n(\sigma) = \bigcap_{k=n}^{\infty} E \{ |f_k - f| \geq \sigma \}.$$

Энди қуйидаги шартларни қаноатлантирувчи  $\{\sigma_k\}$  ва  $\{\delta_k\}$  сонлар кетма-кетлигини тузамиз:

$$\sigma_{k+1} < \sigma_k, \quad \sigma_k \rightarrow 0 \quad (k \rightarrow \infty)$$

$$\delta_k > 0, \quad \mu(R_n(\sigma_k)) < \delta_k \quad \text{ва} \quad \sum_{k=1}^{\infty} \delta_k < +\infty.$$

$\sum_{k=1}^{\infty} \delta_k$  қаторнинг яқинлашувчилигидан фойдаланиб, теореманинг шартида берилган  $\varepsilon$  учун шундай  $m_0$  сонини топамизки, унинг учун

$$\sum_{k=m_0}^{\infty} \delta_k < \varepsilon \quad (7)$$

тенгсизлик бажарилсин.

Қуйидаги тўпламларни тузамиз:

$$e = \bigcup_{k=m_0}^{\infty} R_{n_k}(\sigma_k), \quad P = E \setminus e.$$

(7) га асосан  $\mu(e) < \varepsilon$ , демак,  $\mu(P) > \mu(E) - \varepsilon$ .

Агар  $\{f_n(x)\}$  функциялар кетма-кетлигининг  $P$  да  $f(x)$  функцияга текис яқинлашишини исбот қилсак, теорема исбот этилган бўлади.

$x \in P$  бўлсин, демак,  $x \notin e$ .  $m$  ни шундай танлаймизки,  $m \geq m_0$  ва  $\sigma_m < \varepsilon$  бўлсин ( $\sigma_m \rightarrow 0$  бўлгани учун бундай  $m$  сони мавжуд). У ҳолда  $x \notin R_{n_m}(\sigma_m)$ . Бошқача айтганда,  $k \geq n_m$  бўлганда

$$x \notin E \{ |f_k - f| \geq \sigma_m \}.$$

Бундан ушбу

$$|f_k(x) - f(x)| < \sigma_m \quad (k \geq m_0)$$

муносабат ва бундан эса

$$|f_k(x) - f(x)| < \varepsilon \quad (k \geq n_{m_0})$$

муносабат бевосита келиб чиқади.

$\{f_n(x)\}$  функциялар кетма-кетлигининг  $P$  тўпلامда  $f(x)$  функцияга текис яқинлашиши сўнгги муносабатдан кўринади, чунки бунда  $n_m$  сони  $\varepsilon$  сонигагина боғлиқ бўлиб,  $x$  га боғлиқ эмас.\*

28. 7. Изох. 18. 8-теоремага мувофиқ Егоров теоремасида  $P$  тўпلام сифатида мукамал тўпلامни олиш мумкин эди.

## 29-§. Лузин теоремаси

Функциялар газариясида узлуксиз функциялар синфи гоят катта аҳамиятга эга. 27.11-теоремадан маълумки, ҳар қандай узлуксиз функция ўлчовли функция бўлади.

Энди узлуксиз функциялар билан ўлчовли функциялар орасида (уларнинг тузилиши маъносида) қандай муносабат бор, деган савол туғилади. Бу саволга Лузин теоремаси жавоб беради.

**Теорема (Н. Н. Лузин теоремаси).**

Агар  $f(x)$  функция  $E$  тўпلامда ўлчовли бўлса, у ҳолда ҳар қандай  $\varepsilon (> 0)$  сон учун шундай ёпиқ  $F (\subset E)$

тўпلامни топшиш мумкинки, у тўпلامда  $f(x)$  функция узлуксиз бўлади ва

$$\mu(F) > \mu(E) - \varepsilon$$

**муносабат ўринли.**

Исбот.  $E$  тўпلامни қуйидаги қўринишда ёзамиз:

$$E = \bigcup_{n=1}^{\infty} E \{ -n \leq f(x) < n \}.$$

Сўнгра

$$E_n = E \{ -n \leq f(x) < n \} \subset E \{ -(n+1) \leq f(x) < n+1 \}$$

муносабатдан ва 18.6-теоремадан ушбу

$$\mu(E) = \lim_{n \rightarrow \infty} \mu(E \{ -n \leq f(x) < n \})$$

муносабат келиб чиқади. Бу тенгликдан фойдаланиб, ҳар қандай  $\varepsilon (> 0)$  ва ётарли катта бўлган натурал  $N$  сони учун ушбу

$$\mu(E_N) = \mu(E \{ -N \leq f(x) < N \}) > \mu(E) - \varepsilon \quad (1)$$

тенгсизликни ёзишимиз мумкин.

Энди  $[-N, N]$  сегментни тенг  $2nN$  қисмга бўламиз ( $n$  — ихтиёрий натурал сон);

$$a_0^{(n)} = -N, a_1^{(n)} = -N + \frac{1}{n}, a_2^{(n)} = -N + \frac{2}{n}, \dots, a_k^{(n)} = -N + \frac{k}{n}, \dots, a_{2nN}^{(n)} = N.$$

$$E_k^{(n)} \text{ билан } E \{ a_{k-1}^{(n)} \leq f(x) < a_k^{(n)} \} \quad (k = 1, 2, \dots, 2nN)$$

тўпلامни белгилаймиз. Ушбу

$$E_N = E \{ -N \leq f(x) < N \} = \bigcup_{k=1}^{2nN} E_k^{(n)}, \quad E_k^{(n)} \cap E_l^{(n)} = \emptyset \quad (k \neq l)$$

тенгликлар ўз-ўзидан тушунарли.  $E_k^{(n)}$  тўпلامнинг ҳар бирдан (18.8-теоремага асосан) ўлчови қуйидаги тенгсизликни қаноатлантирадиган ёпиқ  $F_k^{(n)}$  тўпلام қисмини ажратиш оламиз:

$$\mu(F_k^{(n)}) > \mu(E_k^{(n)}) - \frac{\varepsilon}{2^n \cdot 2nN}.$$

$F_n$  билан  $F_k^{(n)}$  тўпلامларнинг  $k$  бўйича йиғиндисини белгилаймиз, яъни  $F_n = \bigcup_{k=1}^{2nN} F_k^{(n)}$ . Ёпиқ  $F_n$  тўпلامнинг ўлчови

$$\mu(F_n) = \sum_{k=1}^{2nN} \mu(F_k^{(n)}) > \sum_{k=1}^{2nN} \mu(E_k^{(n)}) - \frac{\varepsilon}{2^n} = \mu(E_N) - \frac{\varepsilon}{2^n} \quad (2)$$

тенгсизликни қаноатлантиради. Ёпиқ  $F_n$  тўпламда  $f_n(x)$  функцияни қуйидагича аниқлаймиз:

$$\text{агар } x \in F_k^{(n)} \text{ бўлса, } f_n(x) = a_{k-1}^{(n)}.$$

$f_n(x)$  функция  $F_n$  тўпламда узлуксиз бўлади.

Агар  $x$  нуқта  $F_n$  тўпламнинг элементи бўлса, у  $F_k^{(n)}$  ( $k = 1, 2, \dots, 2nN$ ) тўпламларнинг биригагина киради.

Агар  $x \in F_k^{(n)} (\subset E_k^{(n)})$  бўлса, у ҳолда:

$$a_{k-1}^{(n)} \leq f(x) \leq a_k^{(n)}.$$

Демак,

$$0 \leq f(x) - f_n(x) < a_k^{(n)} - a_{k-1}^{(n)} = \frac{1}{n}, \quad (x \in F_n \text{ бўлса}),$$

ёки  $x$  нинг  $F_n$  дан олинган ҳамма қийматлари учун

$$|f(x) - f_n(x)| < \frac{1}{n}$$

тенгсизлик ўринли, чунки

$$F_n = \bigcup_{k=1}^{2nN} F_k^{(n)}.$$

Энди  $F = \bigcap_{n=1}^{\infty} F_n$  тўпламни оламиз. Ушбу

$$F_n \subset E_N, \quad F_n = E_N \setminus (E_N \setminus F_n) \quad (3)$$

ва (2) муносабатлардан

$$\mu(E_N \setminus F_n) < \frac{\varepsilon}{2^n} \quad (4)$$

ни оламиз. (4) ва

$$F = \bigcap_{n=1}^{\infty} F_n$$

дан

$$F = E_N \setminus \left[ \bigcup_{n=1}^{\infty} (E_N \setminus F_n) \right]$$

муносабатни топамиз. Бундан ва (4) дан қуйидаги тенгсизлик келиб чиқади:

$$\mu(F) > \mu(E_N) - \sum_{n=1}^{\infty} \frac{\varepsilon}{2^n} = \mu(E_N) - \varepsilon. \quad (5)$$

Ҳар қандай натурал  $n$  сон учу :

$$F_n \supset F$$

муносабат бажарилганлиги учун  $f_n(x)$  функция  $F$  тўпламда узлуксиз бўлади ва қуйидаги

$$|f(x) - f_n(x)| < \frac{1}{n} \quad (x \in F)$$

тенгсизлик бажарилади. Сўнги тенгсизлик  $F$  тўпламининг ҳар қандай элементи учун ўринли; демак,  $\{f_n(x)\}$  функциялар кетма-кетлиги  $F$  тўпланда узлуксиз ва унда  $f(x)$  функцияга текис яқинлашади.

23.1- теоремага асосан  $f(x)$  функция  $F$  тўпланда узлуксиз бўлади ва (1), (5) муносабатларга асосан

$$\mu(F) > \mu(E_N) - \varepsilon > \mu(E) - 2\varepsilon$$

тенгсизликлар бажарилади.\*

Баъзи авторлар функциянинг Лузин теоремасида ифодаланган хоссаларини ўлчовли функциянинг таърифи сифатида оладилар ва ундан функциянинг Лебег маъносида ўлчовли эканлигини келтириб чиқарадилар.

### МАШҚ УЧУН МАСАЛАЛАР

1.  $[0, 1]$  да  $f_1(x), f_2(x), \dots, f_n(x), \dots$  узлуксиз функциялар кетма-кетлиги берилган бўлсин.  $E$ —бу кетма-кетликнинг  $[0, 1]$  даги барча яқинлашиш нуқталари тўплами бўлсин.  $E$  тўпланим  $F_\sigma$  типидagi тўпланим эканлиги исботлансин.

2.  $[0, 1]$  да  $f(x)$  га яқинлашувчи

$$f_1(x), f_2(x), \dots, f_n(x), \dots$$

ўлчовли функциялар кетма-кетлиги берилган бўлса,  $f(x)$  нинг ўлчовлилиги исботлансин.

3.  $[0, 1]$  да аниқланган ихтиёрий функциянинг узилиш нуқталари тўплами  $F_\sigma$  типидagi тўпланим эканлиги исботлансин.

4.  $[0, 1]$  да  $F_\sigma$  типидagi ихтиёрий  $E$  тўпланим берилган.  $[0, 1]$  да аниқланган шундай  $f(x)$  функция тузилсинки, бу функциянинг узилиш нуқталари тўплами  $E$  тўпланимдан иборат бўлсин.

5.  $[0, 1]$  да аниқланган ўлчовли  $f(x)$  ва  $g(x)$  функциялар берилган ва  $0 \leq f(x) \leq 1$  тенгсизлик ўринли бўлсин. Бу функцияларнинг суперпозицияси  $g(f(x))$  ўлчовлими?

6.  $[0, 1]$  да ўлчовли ва деярли чекли  $f(x)$  функция берилган.  $[0, 1]$  да аниқланган шундай камаювчи  $g(x)$  функция мавжудлиги исботлансинки, ҳар қандай  $a$  учун

$$\mu(E\{g > a\}) = \mu(E\{f > a\})$$

тенглик ўринли бўлсин.

7.  $[0, 1]$  аниқланган ўлчовли ва деярли чекли  $f(x)$  функция берилган. Ушбу

$$\mu(E\{f \geq h\}) \geq \frac{1}{2}, \mu(E\{f \geq H\}) < \frac{1}{2}, H > h$$

шартларни қаноатлантирувчи  $h$  сонининг мавжудлиги ва ягоналиги исботлансин (Л. В. Канторович масаласи).

## ЛЕБЕГ ИНТЕГРАЛИ

## 30- §. Чегараланган функциянинг Лебег интегралли

Ўлчовли тўпламлар ва ўлчовли функциялар тушунчаси билан танишгандан сўнг чегараланган ўлчовли функциялар учун Лебег интегралли таърифини бериш мумкин. Агар ўлчовли  $f(x)$  функция бирорта  $E$  тўпламда аниқланган бўлса, у тўпламни бошидапоқ  $[a, b]$  сегмент билан алмаштириб олишимиз мумкин; бунинг учун  $E$  тўпламни ўз ичига олган энг кичик  $\Delta$  сегментни олиб, унинг  $\Delta \setminus E$  қисмида  $f(x)$  функцияни айнан нолга тенг қилиб олиш керак.

Авалло Лебег интеграллини ўлчовли  $E$  тўпламнинг характеристик функцияси учун аниқлаймиз.

Ушбу

$$f_E(x) = \begin{cases} 1, & x \in E, \\ 0, & x \notin E \end{cases}$$

функцияни  $E$  тўпламнинг характеристик функцияси дейилади.

Бу хусусий ҳол учун Лебег интегралли қуйидагича аниқланади:

$$(L) \int_a^b f_E(x) dx = \mu(E).$$

Ушбу

$$f(x) = \begin{cases} k, & x \in E, \\ 0, & x \notin E \end{cases}$$

функция учун Лебег интеграллини

$$(L) \int_a^b f(x) dx = k\mu(E)$$

формула билан аниқлаймиз.

Умумий ҳолга ўтиш учун  $A$  ва  $B$  билан  $f(x)$  функциянинг мос равишда аниқ қуйи ва аниқ юқори чегараларини белгилаймиз ҳамда  $[A, B]$  сегментни қуйидагича  $n$  қисмга бўламиз:

$$A = y_0 < y_1 < y_2 < \dots < y_{n-1} < y_n = B.$$

Сўнгра

$$e_v \quad (v=0, n-1)$$

билан

$$y_v \leq f(x) < y_{v+1}$$

тенгсизликларни қапоатлантирадиган нуқталардан иборат тўпламни белгилаймиз.  $f(x)$  функция ўлчовли бўлганлиги учун  $e_v$  ( $v=0, n-1$ ) тўпламлар ўлчовли бўлади.

Энди ушбу

$$s = \sum_{v=0}^{n-1} y_v \mu(e_v), \quad S = \sum_{v=0}^{n-1} y_{v+1} \mu(e_v)$$

йиғиндиларни тузамиз ( $s$  ва  $S$  ни мос равишда қуйи ва юқори йиғиндилар деймиз) ва қуйидаги таърифни киритамиз.

**Таъриф.** Агар  $\lambda_n (= \max_{0 < v < n-1} |y_{v+1} - y_v|)$  нолга интилганда ( $n \rightarrow \infty$ )  $s$  ва  $S$  йиғиндиларининг лимити мавжуд бўлиб, бир-бирига тенг бўлса ва бу лимит  $y$ , нуқталарни танлаб олишга боғлиқ бўлмаса,  $y$  ҳолда бу лимитни  $f(x)$  функциянинг  $E$  тўпламдаги Лебег интегралли дейилади ва бу интеграл юқоридаги хусусий ҳоллар каби, ушбу  $(L) \int f(x) dx$  символ билан белгиланади.

**Теорема.** Агар  $f(x)$  функция  $E$  тўпламда ўлчовли ва чегараланган бўлса,  $y$  ҳолда унинг учун Лебег интегралли мавжуддир.

Исбот. Чегараланган ва ўлчовли  $f(x)$  функцияни олиб, унинг учун  $s$  ва  $S$  йиғиндиларнинг умумий лимитга эга эканлигини кўрсатамиз. Бу функция чегараланганлиги учун унинг аниқ юқори ва аниқ қуйи чегаралари мавжуд; улар мос равишда  $A$  ва  $B$  бўлсин.  $[A, B]$  сегментни қуйидагича  $n_1$  ва  $n_2$  қисмларга бўламиз:

$$A = y_0 < y_1 < y_2 < \dots < y_{n_1-1} < y_{n_1} = B, \quad (1)$$

$$A = y'_0 < y'_1 < y'_2 < \dots < y'_{n_2-1} < y'_{n_2} = B. \quad (2)$$

Бўлиниш нуқталарини шундай қилиб оламизки, улар учун ушбу

$$\begin{cases} y_{v+1} - y_v \leq \lambda \quad (v = \overline{0, n_1 - 1}) \\ y'_{v+1} - y'_v \leq \lambda \quad (v = \overline{0, n_2 - 1}) \end{cases}$$

тенгсизликлар бажарилсин; бу ерда  $\lambda = \max\{\lambda_{n_1}, \lambda_{n_2}\}$ ,

$$\lambda_{n_1} = \max_{0 < v < n_1-1} (y_{v+1} - y_v), \quad \lambda_{n_2} = \max_{0 < v < n_2-1} (y'_{v+1} - y'_v).$$

Қуйидаги муносабатларнинг ўринли эканлиги ўз-ўзидан кўринади:

$$S - s = \sum_{v=0}^{n_1-1} (y_{v+1} - y_v) \mu(e_v) \leq \lambda \sum_{v=0}^{n_1-1} \mu(e_v) = \lambda \mu(E),$$

$$S' - s' = \sum_{v=0}^{n_2-1} (y'_{v+1} - y'_v) \mu(e'_v) \leq \lambda \sum_{v=0}^{n_2-1} \mu(e'_v) = \lambda \mu(E).$$

Энди (1) ва (2) бўлиниш нуқталарни, яъни  $y, y'$  нуқталарнинг ҳаммасини бўлувчи нуқталар сифатида оламиз ва тегишли  $s'', S''$  йиғиндиларни тузамиз. Бунинг натижасида  $s$  ва  $s'$  йиғиндилар камаймайди,  $S$  ва  $S'$  йиғиндилар эса ортмайди, яъни

$$\begin{cases} s \leq s'' \leq S'' \leq S, \\ s' \leq s'' \leq S'' \leq S' \end{cases} \quad (3)$$

тенгсизликлар ўринли бўлади. Дарҳақиқат, агар  $(y, y_{v+1})$  оралиқни бирорта янги  $\xi$  нуқта ёрдами билан  $(y, \xi), (\xi, y_{v+1})$  оралиқларга бўлсак, у ҳолда ушбу

$$y_{v+1} \mu(e_v) \leq y_{v+1} \mu \{E(y, \leq f < \xi)\} + \xi \mu \{E(\xi \leq f < y_{v+1})\}$$

тенгсизлик бажарилади. Бундан кўринадики, қуйи йиғинди  $s$  бунинг натижасида камаймайди.

Шунга ўхшаш, ушбу

$$y_{v+1} \mu(e_v) \geq \xi \mu \{E(y, \leq f < \xi)\} + y_{v+1} \mu \{E(\xi \leq f < y_{v+1})\}$$

тенгсизликни ҳам ёзишимиз мумкин; бундан ҳам кўринадики, янги  $\xi$  нуқтани киритиш натижасида  $S$  йиғиндининг тегишли ҳади ортмас экан, демак, юқори йиғинди  $S$  нинг ўзи ҳам ортмайди.

(3) муносабатлардан кўринадики,  $(s, S)$  ва  $(s', S')$  оралиқлар  $(s'', S'')$  оралиқдан иборат умумий қисмга эга экан. Демак,  $s, s', S$  ва  $S'$  сонларнинг ҳаммаси узунлиги  $2\lambda \mu(E)$  дан катта бўлмаган оралиқда жойлашгандир.  $\lambda$  ни истаганча кичик қилиш мумкинлигидан ва математик анализдаги умумий яқинлашиш принципига мувофиқ  $s, S$  йиғиндиларнинг умумий лимитга эга эканлиги келиб чиқади.

Демак, юқорида берилган таърифга мувофиқ ҳар қандай чегараланган ўлчовли  $f(x)$  функция учун Лебег интегралли доимо мавжуд.\*

### 31- §. Риман ва Лебег интегралларини солиштириш

Математик анализнинг умумий курсидан маълумки,  $[a, b]$  сегментда берилган ва чегараланган  $f(x)$  функциянинг Риман интеграллини аниқламоқчи бўлсак, аввало у сегментни қуйидагича  $n$  қисмга бўламиз:

$$a = x_0 < x_1 < x_2 < \dots < x_n = b$$

ва қуйидаги йиғиндиларни тузамиз:

$$s = \sum_{v=0}^{n-1} m_v (x_{v+1} - x_v), \quad S = \sum_{v=0}^{n-1} M_v (x_{v+1} - x_v);$$



бу ерда  $m$ , ва  $M$ , сонлар  $f(x)$  функциянинг  $[x_v, x_{v+1}]$  сегментдаги мос равишда аниқ қуйи ва аниқ юқори чегаралари,  $s$ ,  $S$  йиғиндилар Дарбу йиғиндиларидир.

Агар  $\lambda_n$  ( $= \max_{0 < v < n-1} (x_{v+1} - x_v)$ ) нолга интилганда,  $s$  ва  $S$  йиғиндиларнинг лимити мавжуд бўлиб, бир-бирига тенг бўлса ва бу лимитлар  $x$  нуқталарни танлаб олишга боғлиқ бўлмаса, у ҳолда  $f(x)$  функцияни  $[a, b]$  сегментда Риман маъносида интегралланувчи функция дейилади.

Энди бу таърифни 30-§ да берилган Лебег интегралининг таърифи билан солиштирсак, икки нарсани сезамиз:

а) Лебег интегралини таърифлашда чегараланган  $f(x)$  функциянинг аргументи ўзгарадиган  $[a, b]$  сегментни эмас, балки  $f(x)$  функциянинг ўзининг қийматлари ўзгарадиган  $[A, B]$  сегментни  $n$  қисмга бўлган эдик;

б) Лебег интегралини таърифлашда тўпلام ўлчови тушунчасидан фойдаландик; бу тушунчасиз Лебег интегрални таърифни бериб бўлмас эди.

Риман ва Лебег интегралларини таърифлашда қуйи ва юқори йиғиндиларни тузиб, лимитга ўтган эдик. Агар берилган функция чегараланган ва ўлчовли бўлса-да, Риман маъносидаги интеграл таърифни беришда тузилган қуйи ва юқори йиғиндилар лимитга эга бўлмаслиги мумкин. Лекин Лебег маъносида бундай функциялар учун интеграл доимо мавжуд.

Агар бирор  $f(x)$  функциянинг Риман маъносида интегралли мавжуд бўлса, унинг Лебег маъносида ҳам интегралли мавжудлигини ва бу икки маънодаги интегралларнинг бир-бирига тенглигини 32-§ да исбот қиламиз.

Демак, интегралнинг Лебег таърифи унинг Риман таърифига кўра умумийроқ экан.

Бу фикрни мисол билан тушунтирамиз.  $(0,1)$  оралиқнинг рационал нуқталаридан иборат тўпلامнинг характеристик функциясини оламиз. Бу функция учун Риман интегралли мавжуд эмас, аммо Лебег интегралли мавжуд ва унинг таърифига мувофиқ бу функциянинг интегралли нолга тенг, чунки рационал нуқталардан иборат тўпلامнинг ўлчови нолга тенг (30-§ дгги характеристик функциялар учун Лебег интегралининг таърифига қаранг).

**Теорема (А. Лебег теоремаси.)**  *$[a, b]$  сегментда  $f(x)$  функциянинг Риман интегралли мавжуд бўлиши учун унинг бу сегментда деярли узлуксиз бўлиши зарур ва кифоядир.*

Исбот. Зарурлиги.  $f(x)$  функция  $[a, b]$  сегментда интегралланувчи бўлиши учун, аввало чегараланган бўлиши кераклиги Риман интегралининг таърифидан бевосита кўринади.

Чегараланган  $f(x)$  функциянинг  $[a, b]$  сегментдаги узилиш нуқталаридан иборат бўлган тўпلامни  $Q$  билан белгилаймиз ва  $Q_n = Q \left\{ \omega(x) \geq \frac{1}{n} \right\}$  бўлсин; бу ерда  $\omega(x)$  билан  $f(x)$  функциянинг  $x$  нуқ-

тадаги тебраниши белгиланган. Ҳар бир узилиш нуқта  $Q_n$  тўпламларнинг бирига, албатта киради, шунинг учун

$$Q = \bigcup_{n=1}^{\infty} Q_n \quad (1)$$

Энди  $Q_n$  тўпламнинг ёпиқлигини кўрсатамиз. Дарҳақиқат, агар  $x_0$  нуқта  $Q_n$  тўплам учун лимит нуқта бўлса, у ҳолда  $x_0$  ни ўз ичига олган ҳар қандай оралиқ  $Q_n$  тўпламнинг ҳеч бўлмаганда битта нуқтасига эга бўлади, демак, бу оралиқда  $f(x)$  функциянинг тебраниши  $\frac{1}{n}$  дан кичик бўлмайди. Демак,  $Q_n$  ёпиқ тўплам ва шунинг учун у ўлчовли бўлади. (1) тенгликдан  $Q$  тўпламнинг ҳам ўлчовли эканлиги келиб чиқади.  $\mu(Q) > 0$  деб фараз қиламиз, у ҳолда  $Q_n$  тўпламлар орасида шундай  $Q_r$  тўплам топиладики, унинг учун ушбу

$$\mu(Q_r) = \alpha > 0 \quad (2)$$

муносабат бажарилади. Дарҳақиқат, агар

$$\mu(Q_p) = 0, \quad p = 1, 2, \dots$$

бўлганда эди, у ҳолда

$$\mu(Q) = \lim_{n \rightarrow \infty} \mu(Q_n) = 0 \quad (3)$$

бўлар эди, чунки

$$Q_1 \subset Q_2 \subset \dots \subset Q_n \subset \dots$$

(3) муносабат фаразимизга зид, шунинг учун (2) муносабат ўринли. Энди  $[a, b]$  сегментни  $n$  та  $[a_k, a_{k+1}]$  ( $k = 0, n-1$ ) сегментларга бўлиб, ушбу

$$\sum_{k=0}^{n-1} \omega_k (a_{k+1} - a_k) \quad (4)$$

йиғиндини тузамиз; бу ерда  $\omega_k$  билан  $f(x)$  функциянинг  $[a_k, a_{k+1}]$  сегментдаги тебраниши белгиланган. Бу йиғиндидан  $Q_r$  тўпламнинг бирорта ҳам нуқтасини ўз ичига олмаган  $[a_k, a_{k+1}]$  сегментларга тегишли ҳадларни чиқариб ташлаймиз.  $Q_r$  тўплам бўш бўлмаганлиги учун (чунки  $\mu(Q_r) > 0$ ), (4) йиғиндидан ҳамма ҳадлар чиқиб кетмайди. Демак, ушбу

$$\sum_{k=0}^{n-1} \omega_k (a_{k+1} - a_k) \geq \sum_k' \omega_k (a_{k+1} - a_k) \geq \frac{1}{r} \sum_k' (a_{k+1} - a_k) \quad (5)$$

тенгсизликлар ўринли бўлади; бу ерда  $\sum_k'$  билан чиқариб ташланган натижасида қолган сегментларга тегишли ҳадлар йиғиндиси белгиланган. Аммо:

$$\sum_k' (a_{k+1} - a_k) \geq \mu(Q_r) = \alpha,$$

чунки  $\sum'$  га кирган ҳадларга тегишли  $[a_k, a_{k+1}]$  сегментлар системаси  $Q_r$  тўпламини бутунлай ўз ичига олади. Шунинг учун, (5) тенгсизликдан ушбу

$$\sum_{k=1}^{n-1} \omega_k (a_{k+1} - a_k) \geq \frac{\alpha}{r}$$

тенгсизлик келиб чиқади; бундан эса

$$\lim_{n \rightarrow \infty} \sum_{k=0}^{n-1} \omega_k (a_{k+1} - a_k) \neq 0 \quad (\delta_n = \max_{0 \leq k < n-1} (a_{k+1} - a_k))$$

муносабат ёки  $f(x)$  функциянинг  $[a, b]$  сегментда интегралга эга эмаслиги келиб чиқади.

Демак, агар  $[a, b]$  сегментда чегараланган  $f(x)$  функция учун  $\mu(Q) > 0$  бўлса, у ҳолда бу функция Риман маъносида интегралланувчи бўлмас экан. Шундай қилиб,  $f(x)$  функциянинг интегралланувчи бўлиши учун, унинг  $[a, b]$  сегментда чегараланган ва деярли узлуксиз бўлиши зарур экан.

Қифоялиги. Чегараланган ва деярли узлуксиз  $f(x)$  функцияни  $[a, b]$  сегментда Риман маъносида интегралга эга эмас, деб фараз қилайлик. У ҳолда шундай  $\varepsilon (> 0)$  сони топиладики, унинг учун  $[a, b]$  сегментни ҳар қандай сегментчаларга бўлганда ҳам ушбу

$$\sum_k \omega_k (a_{k+1} - a_k) \geq \varepsilon \quad (6)$$

тенгсизлик бажарилади. Энди натурал  $r$  сонни ушбу

$$r > \frac{2(b-a)}{\varepsilon} \quad (7)$$

тенгсизликни қаноатлантирадиган қилиб оламиз ва  $f(x)$  функциянинг тебраниши  $\frac{1}{r}$  дан кичик бўлмаган нуқталардан иборат  $Q_r$  тўпламнинг ўлчови мусбат эканлигини исбот қиламиз.

Бунинг учун

$$\sum_k \omega_k (a_{k+1} - a_k)$$

йиғиндини тузамиз ва уни

$$\sum_k \omega_k (a_{k+1} - a_k) = \sum_k' \omega_k (a_{k+1} - a_k) + \sum_n'' \omega_k (a_{k+1} - a_k) \quad (8)$$

кўринишда ёзамиз; бу ерда  $\sum'$  ва  $\sum''$  тегишлича  $\omega_k < \frac{1}{r}$  ва  $\omega_k \geq \frac{1}{r}$  ли ҳадларнинг йиғиндисидан иборат.  $f(x)$  функция  $[a, b]$  сегментда

чегараланган бўлганлиги учун шундай  $k (> 0)$  сони мавжудки, унинг учун ушбу

$$|f(x)| < k \quad (x \in [a, b])$$

тенгсизлик бажарилади. Бундан

$$0 \leq \omega_k < 2k$$

тенгсизлик келиб чиқади. (7) ни ҳисобга олиб, ушбу

$$\sum_k' \omega_k (a_{k+1} - a_k) < \frac{1}{r} \sum_k' (a_{k+1} - a_k) \leq \frac{b-a}{r} < \frac{\varepsilon}{2}, \quad (9)$$

$$\sum_k'' \omega_k (a_{k+1} - a_k) < 2k \sum_k'' (a_{k+1} - a_k) = 2kl \quad (10)$$

муносабатларни ёзамиз; бу ерда

$$l = \sum_k'' (a_{k+1} - a_k).$$

(6), (8), (9), (10) муносабатлардан

$$\varepsilon \leq \sum_k \omega_k (a_{k+1} - a_k) < \frac{\varepsilon}{2} + 2kl$$

муносабатлар келиб чиқади, бундан эса  $l > \frac{\varepsilon}{4k} > 0$ .

Энди  $[a, b]$  сегментни тенг  $2^n (n = 1, 2, \dots)$  қисмга бўламиз. Юқоридагига ўхшаш бу бўлишларнинг ҳар бирига тегишли  $l_n$  сон ушбу

$$l_n \geq \frac{\varepsilon}{4k}$$

тенгсизликни қаноатлантиради.

$[a, b]$  сегментни тенг  $2^n$  қисмга бўлганими да  $f(x)$  функциянинг тебраниши  $\frac{1}{r}$  дан кичик бўлмаган сегментчаларнинг йиғиндисиде (тўплам маъносида) тузилган тўпламни  $H_n$  билан ва уларнинг умумий қисмини  $H$  билан белгилаймиз, яъни:

$$H = \bigcap_{n=1}^{\infty} H_n.$$

Ушбу  $H_{n+1} \subset H_n$  муносабат ўринли, чунки  $(n+1)$  бўлишга тегишли бирорта сегментча учун  $\omega_k \geq \frac{1}{r}$  бўлса, у ҳолда  $n$  бўлишга тегишли бирор сегментча бу сегментчани ўз ичига олади ва узунлиги икки марта катта бўлгани учун унда  $f(x)$  функциянинг тебраниши  $\frac{1}{r}$  дан кичик бўлмайди, албатта.

Демак,

$$\mu(H) = \lim_{n \rightarrow \infty} \mu(H_n) = \lim_{n \rightarrow \infty} I_n \geq \frac{\varepsilon}{4k}. \quad (11)$$

$H$  тўпламнинг ҳар бир нуқтасида  $f(x)$  нинг тебраниши  $\frac{1}{r}$  дан кичик бўлмаганлиги учун ушбу

$$H \subset Q_r \subset Q$$

муносабатларни ёзишимиз мумкин. Бундан эса (11) га мувофиқ қуйидаги

$$\mu(Q) \geq \mu(Q_r) \geq \frac{\varepsilon}{4k} > 0$$

тенгсизлик келиб чиқади. Шу билан кифоялик ҳам исбот бўлди.\*

### 32- §. Чегараланган функция Лебег интегралининг асосий хоссалари

32. 1. Теорема (ўрта қиймат ҳақидаги теорема). *Агар  $E$  тўпланда ўлчовли  $f(x)$  функция учун  $m \leq f(x) \leq M$  тенгсизлик бажарилса, у ҳолда<sup>1</sup>:*

$$m\mu(E) \leq \int_E f(x) dx \leq M\mu(E).$$

Исбот.  $s$  ва  $S$  йиғиндиларнинг тузилишига мувофиқ ушбу

$$m\mu(E) \leq s \leq S \leq M\mu(E)$$

тенгсизликларни ёзишимиз мумкин. Бу тенгсизликларда тегишли лимитга ўтилса, юқоридаги муносабатлар келиб чиқади.\*

Лебег интегралининг қуйидаги 32. 2, 32. 3 ва 32. 4- хоссалари, унинг таърифидан ва 32. 1- теоремадан бевосита келиб чиқади.

32. 2. Натижа. *Агар  $E$  тўпланда ўлчовли  $f(x)$  функция манфий бўлмаса, у ҳолда унинг интеграли ҳам манфий бўлмайди, яъни агар  $f(x) \geq 0$  бўлса,*

$$\int_E f(x) dx \geq 0.$$

32. 3. Натижа. *Агар  $\mu(E) = 0$  ва ўлчовли  $f(x)$  функция  $E$  тўпланда чегараланган бўлса, у ҳолда  $\int_E f(x) dx = 0$ .*

32. 4. Натижа. *Агар  $c$  ўзгармас сон бўлса, у ҳолда*

$$\int_E cf(x) dx = c \int_E f(x) dx.$$

<sup>1</sup> Интеграл симболи олдида  $L$  ҳарфи ёзилмаган бўлса-да, келгусида у интегрални Лебег интегрални деб тушунамиз.

32. 5. Теорема. Агар  $E = \bigcup_{i=1}^{\infty} E_i$  ( $E_k \cap E_{k'} = 0, k \neq k'$ ) ва  $f(x)$  ўлчовли бўлса, у ҳолда

$$\int_E f(x) dx = \sum_{i=1}^{\infty} \int_{E_i} f(x) dx; \quad (1)$$

бу тенгликларда  $E$  ва  $E_i$  ( $i = 1, 2, \dots$ ) тўпламлар ўлчовли деб ҳисобланади.

Интегралнинг бу хоссасини унинг тўла аддитивлик хоссаси дейилади.

Исбот. Аввал ушбу

$$E = E_1 \cup E_2 \quad (E_1 \cap E_2 = 0)$$

хусусий ҳолни кўрамиз.  $f(x)$  функция  $E$  тўпламда чегараланганлиги учун шундай  $A$  ва  $B$  сонлар мавжудки, улар учун ушбу

$$A \leq f(x) \leq B$$

тенгсизликлар бажарилади.  $[A, B]$  сегментни  $y_0, y_1, \dots, y_n$  нуқталар билан  $n$  қисмга бўлиб, қуйидаги тўпламларни тузамиз:

$$e_v = E(y_v \leq f(x) < y_{v+1}),$$

$$e'_v = E_1(y_v \leq f(x) < y_{v+1}),$$

$$e''_v = E_2(y_v \leq f(x) < y_{v+1}).$$

Ушбу  $e'_v \cup e''_v = e_v$  ( $e'_v \cap e''_v = 0$ ) тенглик ўз-ўзидан тушунарли.

Булардан қуйидаги тенглик келиб чиқади:

$$\sum_{v=0}^{n-1} y_v \mu(e_v) = \sum_{v=0}^{n-1} y_v \mu(e'_v) + \sum_{v=0}^{n-1} y_v \mu(e''_v).$$

Бу тенгликда  $\lambda_n (\lambda_n = \max_{0 < v < n+1} (y_{v+1} - y_v))$  ни нолга интилтириб лимитга ўтилса, Лебег интегралининг таърифига мувофиқ

$$\int_E f(x) dx = \int_{E_1} f(x) dx + \int_{E_2} f(x) dx$$

тенглик келиб чиқади.

Агар  $E = \bigcup_{i=1}^n E_i$  ( $n$ —натурал сон) бўлса, у ҳолда

$$\int_E f(x) dx = \sum_{i=1}^n \int_{E_i} f(x) dx \quad (2)$$

тенгликни юқоридаги хусусий ҳолдан математик индукция ёрдами билан бевосита келтириб чиқариш мумкин.

Энди умумий ҳолга ўтамыз, яъни

$$E = \bigcup_{i=1}^{\infty} E_i \quad (E_k \cap E_{k'} = 0, \quad k \neq k')$$

бўлсин. Бундан  $\mu(E) = \sum_{i=1}^{\infty} \mu(E_i)$  келиб чиқади.  $\mu(E) < +\infty$  бўлганлиги учун

$$\sum_{i=n+1}^{\infty} \mu(E_i) \rightarrow 0, \quad n \rightarrow \infty. \quad (3)$$

$\bigcup_{i=n+1}^{\infty} E_i$  ни  $R_n$  билан белгилаймиз. Ҳадларининг сони чекли бўлгани учун (2) тенгликка асосан

$$\int_L f(x) dx = \sum_{i=1}^n \int_{E_i} f(x) dx + \int_{R_n} f(x) dx \quad (4)$$

тенгликни ёзишимиз мумкин. 32. 1-хоссага мувофиқ:

$$A\mu(R_n) \leq \int_{R_n} f(x) dx \leq B\mu(R_n). \quad (5)$$

(3) га асосан  $\mu(R_n) \rightarrow 0, \quad n \rightarrow \infty$ . Демак, (5) дан:

$$\int_{R_n} f(x) dx \rightarrow 0, \quad n \rightarrow \infty.$$

(4) ва охириги муносабатлардан (1) тенглик келиб чиқади.\*

**32. 6. Теорема.** *Агар ўлчовли  $E$  тўпламда ўлчовли  $f_1(x)$  ва  $f_2(x)$  функциялар берилган бўлса, у ҳолда:*

$$\int_E (f_1(x) + f_2(x)) dx = \int_E f_1(x) dx + \int_E f_2(x) dx. \quad (6)$$

Исбот. Аввал хусусий ҳолни кўрамыз.  $f_1(x)$  ва  $f_2(x)$  функциялардан бири, масалан,  $f_2(x)$  функция  $E$  тўпламда ўзгармас  $c$  сонга тенг бўлсин. Бу ҳолда Лебег интегрални таърифидан фойдаланиб, ушбу

$$\int_E (f_1(x) + f_2(x)) dx = \int_E f_1(x) dx + c\mu(E) \quad (7)$$

тенгликни ёзишимиз мумкин. Энди  $f_1(x)$  ва  $f_2(x)$  ихтиёрий чегараланган ўлчовли функциялар бўлсин.

$f_1(x)$  функциянинг қийматлари ўзгарадиган  $[A, B]$  сегментни  $y_0, y_1, \dots, y_n$  нуқталар ёрдами билан  $n$  та қисмга бўламиз ва ушбу

$$e_v = E(y_v \leq f_1(x) < y_{v+1}) \quad (v = \overline{0, n-1})$$

тўпламларни тузамиз.

32. 5-теоремадан ва (7) тенгликдан фойдаланиб

$$\int_E \{f_1(x) + f_2(x)\} dx = \sum_{v=0}^{n-1} \int_{c_v} \{f_1(x) + f_2(x)\} dx \geq \\ \geq \sum_{v=0}^{n-1} \int_{c_v} \{y_v + f_2(x)\} dx = s + \int_E f_2(x) dx$$

муносабатларни ёзамиз.

Шунга ўхшаш  $y_v$  ўрнига  $y_{v+1}$  ёзилса, ушбу

$$\int_E \{f_1(x) + f_2(x)\} dx \leq S + \int_E f_2(x) dx$$

тенгсизлик келиб чиқади. Демак,

$$s + \int_E f_2(x) dx \leq \int_E \{f_1(x) + f_2(x)\} dx \leq S + \int_E f_2(x) dx.$$

Энди бу муносабатларнинг чап ва ўнг томонида  $\lambda_n (= \max_{0 \leq v \leq n-1} (y_{v+1} - y_v))$  нолга интилганда лимитга ўтилса, (6) тенглик келиб чиқади.\*

Интегралнинг 32. 3, 32. 5 ва 32. 6-хоссаларидан қуйидаги натижа келиб чиқади.

**32. 7. Натижа. Агар ўлчовли  $f(x)$  ва  $g(x)$  функциялар  $E$  тўпламда эквивалент бўлса, у ҳолда:**

$$\int_E f(x) dx = \int_E g(x) dx.$$

Исбот. Дарҳақиқат, ўлчови нолга тенг  $e$  тўпламда  $f(x) \neq g(x)$  бўлсин ва  $E \cap C_{Ee}$  тўпламда  $f(x) \equiv g(x)$  бўлсин. У ҳолда

$$\int_E (f - g) dx = \int_e (f - g) dx + \int_{E \cap C_{Ee}} (f - g) dx$$

тенглик ўринли бўлади. Бу тенгликнинг ўнг томонидаги биринчи интеграл нолга тенг, чунки  $\mu(e) = 0$ . Иккинчи интеграл ҳам нолга тенг, чунки  $E \cap C_{Ee}$  тўпламда  $f(x) \equiv g(x)$ .\*

**32. 8. Теорема. Агар  $E$  тўпламда ўлчовли  $f(x)$  ва  $\varphi(x)$  функциялар берилиб,  $f(x) \leq \varphi(x)$  бўлса, у ҳолда**

$$\int_E f(x) dx \leq \int_E \varphi(x) dx. \quad (8)$$

Исбот.  $f(x)$  функцияга тегишли  $y_v$  бўлиш нуқталарини олиб,  $e$ , тўпламларни тузамиз.  $e$ , тўпламда ушбу  $\varphi(x) \geq f(x) \geq y_v$  тенгсизликлар бажарилади.

Демак,

$$\int_E \varphi(x) dx = \sum_v \int_{c_v} \varphi(x) dx \geq \sum_v y_v \mu(e_v).$$



Бу муносабатнинг ўнг томонидаги йиғинди  $\int_E f(x)dx$  га интилади, шунинг учун бундан (8) тенгсизлик келиб чиқади.\*

### 32. 9. Теорема. Қўйидаги

$$\left| \int_E f(x)dx \right| \leq \int_E |f(x)|dx \quad (9)$$

**тенгсизлик ўринли.**

Исбот. Ушбу

$$E_1 = E\{f(x) \geq 0\}, \quad E_2 = E\{f(x) < 0\}$$

тўпламларни оламиз.

Энди (9) тенгсизлик

$$\begin{aligned} \left| \int_E f(x)dx \right| &= \left| \int_{E_1} f(x)dx - \int_{E_2} |f(x)|dx \right| \leq \int_{E_1} f(x)dx + \int_{E_2} |f(x)|dx, \\ \int_E |f(x)|dx &= \int_{E_1} f(x)dx + \int_{E_2} |f(x)|dx \end{aligned}$$

муносабатларнинг чап ва ўнг томонларини солиштиришдан бевосита келиб чиқади.\*

**32. 10. Теорема. Агар  $f(x) \geq 0$  ва  $\int_E f(x)dx = 0$  бўлса, у ҳолда  $f(x)$  функция  $E$  тўпламда деярли нолга тенг.**

Исбот.  $M$  сони билан  $f(x)$  функциянинг юқори чегарасини белгилаб, ушбу

$$\begin{aligned} E_n &= E\left\{\frac{M}{n+1} < f(x) \leq \frac{M}{n}\right\} \\ E_+ &= E_1 \cup E_2 \cup \dots; \quad E_+ \subset E \end{aligned}$$

тўпламларни тузамиз. Равшанки,  $E\{x : f(x) > 0\} = E_+$  ва ушбу

$$\mu(E_n) \leq \frac{n+1}{M} \int_{E_n} f(x)dx \leq \frac{n+1}{M} \int_{E_+} f(x)dx = 0$$

муносабатлар ўринли. Демак,  $\mu(E_n) = 0$  ( $n = 1, 2, \dots$ ). Бундан:

$$\mu(E_+) = 0.*$$

**32. 11. Теорема. Агар  $[a, b]$  сегментда  $f(x)$  функция учун Риман интегралли мавжуд бўлса, у ҳолда бу функция учун Лебег интегралли ҳам мавжуд бўлиб, бу интеграллар ўзаро тенг бўлади.**

Исбот.  $f(x)$  функциянинг  $[a, b]$  сегментда Риман интегралли мавжудлигидан қўйидаги хулосалар келиб чиқади: 1)  $f(x)$  чегараланган; 2)  $f(x)$  нинг узилиш нуқталаридан иборат тўпламнинг ўлчови нолга тенг ёки  $f(x)$  деярли узлуксиз.

$f(x)$  нинг  $[a, b]$  сегментда деярли узлуксизлигидан, Лузин теоремасига мувофиқ, унинг  $[a, b]$  сегментда ўлчовли эканлиги келиб чиқади.

Бу хулосалардан эса  $f(x)$  функция учун Лебег интегралининг мавжудлиги келиб чиқади (30-§ даги теоремага қаранг).

Энди  $f(x)$  функциянинг Рيمان ва Лебег интеграллари ўзаро тенглигини исбот қиламиз.

$[a, b]$  сегментни  $n$  та  $[x_k, x_{k+1}]$  сегментчаларга бўламиз ва Лебег интегралининг 32.1-хоссасидан фойдаланиб, ушбу

$$m_k(\Delta x_k) \leq (L) \int_{x_k}^{x_{k+1}} f(x) dx \leq M_k(\Delta x_k) \quad (10)$$

тенгсизликларни ёзамиз; бу ерда  $\Delta x_k = x_{k+1} - x_k$ ,  $m_k$  ва  $M_k$  мос равишда  $f(x)$  нинг  $[x_k, x_{k+1}]$  сегментдаги қуйи ва юқори чегаралари. (10) дан:

$$s = \sum_{k=0}^{n-1} m_k \Delta x_k \leq \sum_{k=0}^{n-1} (L) \int_{x_k}^{x_{k+1}} f(x) dx = (L) \int_a^b f(x) dx \leq \sum_{k=0}^{n-1} M_k \Delta x_k = S, \quad (11)$$

бунда  $s$  ва  $S$  йиғиндилар  $f(x)$  нинг  $[a, b]$  сегментдаги Дарбу йиғиндилари.

$f(x)$  функциянинг  $[a, b]$  сегментда Рيمان интеграли мавжуд бўлганлиги учун, унинг таърифига мувофиқ, ушбу

$$\lim_{\alpha_n \rightarrow 0} s = \lim_{\alpha_n \rightarrow 0} S = (R) \int_a^b f(x) dx \quad (12)$$

муносабатлар ўринли бўлади; бу ерда  $\alpha_n = \max_{0 \leq k < n-1} (\Delta x_k)$ .

(11) ва (12) муносабатлардан бевосита қуйидаги тенглик келиб чиқади:

$$(R) \int_a^b f(x) dx = (L) \int_a^b f(x) dx.*$$

### 33-§. Лебег интеграли остида лимитга ўтиш

Ўлчовли  $E$  тўпلامда аниқланган ўлчовли ва чегараланган  $\{f_n(x)\}$  функциялар кетма-кетлиги берилган бўлиб, бу кетма-кетлик ўлчовли  $F(x)$  функцияга одатдаги маънода (ёки деярли, ёки ўлчов маъносидан) яқинлашувчи бўлсин. У ҳолда

$$\lim_{n \rightarrow \infty} \int_E f_n(x) dx = \int_E F(x) dx \quad (1)$$

муносабат доимо ўринлими, деган савол туғилади. (1) муносабатнинг, умуман айтганда, доимо ўринли эмаслигини қуйидаги мисолда кўриш мумкин.

Масалан,  $f_n(x)$  функция  $[0,1]$  сегментда қуйидагича аниқланган бўлсин:

$$f_n(x) = \begin{cases} 0, & x \in (0, \frac{1}{n}), \\ n, & x \in (\frac{1}{n}, 1). \end{cases}$$

У ҳолда ҳар қандай  $x \in [0,1]$  учун ушбу

$$\lim_{n \rightarrow \infty} f_n(x) = 0$$

тенглик ўринлидир, лекин

$$\int_0^1 f_n(x) dx = 1,$$

яъни (1) муносабат бажарилмас экан.

Энди,  $f_n(x)$  функциялар кетма-кетлиги учун қандай шартлар бажарилганда (1) муносабат ўринли бўлади, деган савол туғилади. Бу саволга А. Лебегнинг қуйидаги теоремаси жавоб беради.

**33. 1. Теорема (А. Лебег теоремаси). Ҳақовли  $E$  тўпламда ҳақовли ва ҳегараланган  $\{f_n(x)\}$  функциялар кетма-кетлиги берилган бўлиб, бу кетма-кетлик ҳақовли  $F(x)$  функцияга ҳақов маъносида яқинлашувчи бўлсин. Агар  $E$  тўпламнинг ҳамма элементлари учун ва ҳар қандай натурал  $n$  сони учун ушбу**

$$|f_n(x)| < K$$

**тенгсизликни қаноатлантирадиган  $K$  сони мавжуд бўлса, у ҳолда бундай функциялар кетма-кетлиги учун (1) муносабат ўринли бўлади.**

Исбот.  $E$  тўпламда ушбу

$$|F(x)| < K \tag{2}$$

тенгсизлик деярли бажарилади; дарҳақиқат,  $\{f_n(x)\}$  кетма-кетликдан Рисс теоремасига асосан шундай  $\{f_{n_k}(x)\}$  кетма-кетлик қисмини ажратиб олишимиз мумкинки, у  $F(x)$  функцияга деярли яқинлашади:

$$f_{n_k}(x) \xrightarrow{\text{деярли}} F(x).$$

Энди

$$|f_{n_k}(x)| < K$$

тенгсизликда лимитга ўтилса, (2) муносабат келиб чиқади. Ихтиёр  $\sigma (> 0)$  сон учун

$$A_n(\sigma) = E(|f_n - F| \geq \sigma);$$

$$B_n(\sigma) = E(|f_n - F| < \sigma)$$

тўпламларни тузамиз. У ҳолда

$$\begin{aligned} \left| \int_E f_n(x) dx - \int_E F(x) dx \right| &\leq \int_E |f_n(x) - F(x)| dx = \int_{A_n(\sigma)} |f_n(x) - F(x)| dx + \\ &+ \int_{B_n(\sigma)} |f_n(x) - F(x)| dx. \end{aligned} \quad (3)$$

$A_n(\sigma)$  тўпланда

$$|f_n(x) - F(x)| < 2K$$

тенгсизлик деярли бажарилганлиги учун қуйидаги

$$\int_{A_n(\sigma)} |f_n - F| dx < 2K\mu(A_n(\sigma)) \quad (4)$$

муносабат келиб чиқади. Иккинчи томондан (32. 1-хосса)

$$\int_{B_n(\sigma)} |f_n(x) - F(x)| dx \leq \sigma\mu(B_n(\sigma)) \leq \sigma\mu(E).$$

(3), (4) ва охириги муносабатлардан:

$$\left| \int_E f_n(x) dx - \int_E F(x) dx \right| < 2K\mu(A_n(\sigma)) + \sigma\mu(E). \quad (5)$$

Ихтиёрый кичик  $\varepsilon (> 0)$  сон учун,  $\sigma (> 0)$  ни

$$\sigma < \frac{\varepsilon}{2\mu(E)} \quad (6)$$

тенгсизликни қаноатлантирадиган қилиб оламиз. Теореманинг шартига мувофиқ ҳар қандай  $\sigma (> 0)$  учун

$$\mu(A_n(\sigma)) \rightarrow 0, \quad n \rightarrow \infty.$$

Демак, шундай натурал  $n_0$  сон мавжудки, унинг учун

$$2K\mu(A_n(\sigma)) < \frac{\varepsilon}{2} \quad (n \geq n_0) \quad (7)$$

муносабат ўринли бўлади.

Энди (5) тенгсизликни (6), (7) ларга мувофиқ қуйидагича ёзишимиз мумкин:

$$\left| \int_E f_n(x) dx - \int_E F(x) dx \right| < \varepsilon \quad (n \geq n_0).$$

Бу муносабатдан эса теореманинг исботи келиб чиқади.\*

33. 2. Изоҳ. Агар теореманинг шартида  $\{f_n(x)\}$  кетма-кетлик  $F(x)$  га деярли яқинлашса ва  $|f_n(x)| < K$  ( $n = 1, 2, \dots$ ) тенгсизлик  $E$  тўпланда деярли бажарилса, у ҳолда теорема ўз кучини сақлайди.

**34- §. Чегараланмаган функциянинг  
Лебег интегралли  
Жамланувчи функциялар**

Ўлчовли  $f(x)$  функция  $E$  тўпламда аниқланган бўлсин. Аввал  $f(x)$  ни  $E$  тўпламда манфий эмас, яъни  $f(x) \geq 0$  ( $x \in E$ ) деб фарз қиламиз ва ушбу

$$[f(x)]_n = \begin{cases} \text{агар } f(x) \leq n \text{ бўлса, } f(x) \\ \text{агар } f(x) > n \text{ бўлса, } n \end{cases}$$

функцияни тузамиз. Бу функция  $E$  тўпламда ўлчовли ва чегараланган, демак, унинг Лебег интегралли мавжуддир.

1-таъриф. Агар

$$\lim_{n \rightarrow \infty} \int_E [f(x)]_n dx \quad (1)$$

мавжуд бўлса, бу лимитни  $f(x)$  ( $\geq 0$ ) функциянинг  $E$  тўпламда Лебег интегралли дейилади ва у  $\int_E f(x) dx$  билан белгиланади.

$E$  тўпламда ўлчовли ва мусбат  $f(x)$  функция Лебег интегралига эга бўлиши учун

$$\int_E [f(x)]_n dx$$

интегралларнинг чегараланган бўлиши зарур ва кифоядир, чунки

$$\int_E [f(x)]_n dx < \int_E [f(x)]_{n+1} dx$$

тенгсизлик  $n$  нинг ҳамма қийматлари учун бажарилади.

Манфий функциянинг ҳам Лебег интегралли худди шунга ўхшаш аниқланади.

Умумий ҳолда, яъни ўлчовли  $f(x)$  функция  $E$  тўпламда ихтиёр ишорага эга бўлса,  $E$  тўпламни икки ўзаро кесишмайдиган  $E_1$  ва  $E_2$  қисмларга ажратамиз:

$$E_1 = E\{f(x) \geq 0\},$$

$$E_2 = E\{f(x) < 0\};$$

яъни  $E_1$  нинг ҳар бир нуқтасида  $f(x)$  манфий эмас,  $E_2$  нинг ҳар бир нуқтасида эса  $f(x)$  манфий.

Агар

$$\int_{E_1} f(x) dx, \quad \int_{E_2} f(x) dx$$

интегралларнинг ҳар бири мавжуд бўлса, у ҳолда  $f(x)$  нинг  $E$  тўп-  
лам бўйича интеграллини

$$\int_E f(x)dx = \int_{E_1} f(x)dx + \int_{E_2} f(x)dx \quad (2)$$

формула билан аниқлаймиз.

2-таъриф. Ҳолоки  $f(x)$  функциянинг  $E$  тўп-  
ламда, интегралли мавжуд ва чекли бўлса, ундай функцияни  $E$   
тўп-ламда жамланувчи функция деймиз.

Энди жамланувчи функцияларнинг хоссалари билан танишамиз.

34. 1. Теорема. Ҳолоки  $f(x)$  функциянинг жамла-  
нувчи бўлиши учун,  $|f(x)|$  функциянинг жамланувчи бў-  
лиши зарур ва кифоядир; агар  $|f(x)|$  жамланувчи бўлса,  
у ҳолда ушбу

$$\left| \int_E f(x)dx \right| \leq \int_E |f(x)|dx$$

муносабат ўринли бўлади.

Исбот. Ушбу

$$\int_E |f(x)|dx = \int_{E_1} f(x)dx - \int_{E_2} f(x)dx$$

тенгликнинг ўринли экани ўз-ўзидан кўринади. Бундан ва (2) тенглик-  
дан теорема бевосита келиб чиқади, чунки  $E_2$  тўп-ламнинг таърифига  
мувофиқ  $\int_{E_2} f(x)dx \leq 0$  бўлади.\*

Қуйидаги 34. 2 — 34. 7-хоссалар шунга ўхшаш осон исбот эти-  
лади; бу хоссаларда учрайдиган функциялар ҳолоки деб ҳисоб-  
ланади.

34. 2. Теорема. Агар  $k$  ўзгармас сон бўлса, у ҳолда  
 $\int_E kf(x)dx = k \int_E f(x)dx$ .

34. 3. Теорема. Агар  $f \sim g$  бўлса ва булардан бири-  
нинг интегралли мавжуд бўлса, у ҳолда иккинчисининг  
ҳам интегралли мавжуд бўлади ва

$$\int_E f(x)dx = \int_E g(x)dx.$$

34. 5. Теорема. Агар  $f(x) \geq 0$  ва  $\int_E f(x)dx = 0$  бўлса, у  
ҳолда  $f(x)$  функция  $E$  тўп-ламда деярли нолга тенг.

34. 6. Теорема. Агар  $f(x)$  функция  $E$  тўп-ламда жам-  
ланувчи бўлса, у ҳолда  $E$  нинг ҳар қандай ҳолоки  $E_0$   
қисмида ҳам  $f(x)$  жамланувчи.

34. 7. Теорема.  $f(x)$  ва  $F(x)$  функциялар  $E$  тўп-лам-  
да ҳолоки бўлиб, булар орасида  $|f(x)| \leq F(x)$  ( $x \in E$ )

муносабат ўринли бўлсин. Агар  $F(x)$  жамланувчи бўлса, у ҳолда  $f(x)$  ҳам жамланувчи бўлади ва

$$\int_E |f(x)| dx \leq \int_E F(x) dx.$$

34. 8. Теорема (интегралнинг тўла аддитивлиги ҳақида). Агар  $f(x)$  функция  $E$  тўпламда жамланувчи бўлса ва  $E$  ўзаро кесилмайдиган сони саноқли, ўлчовли  $E_1, E_2, \dots, E_n, \dots$  ( $E_k \cap E_{k'} = \emptyset, k \neq k'$ ) тўпламларнинг йиғиндисидан иборат бўлса, у ҳолда:

$$\int_E f(x) dx = \sum_{k=1}^{\infty} \int_{E_k} f(x) dx.$$

Исбот. Аввало теоремани  $f(x) \geq 0$  бўлган ҳол учун исбот эта- миз. 32. 5-хоссага асосан

$$\int_E [f(x)]_n dx = \sum_{k=1}^{\infty} \int_{E_k} [f(x)]_n dx \leq \sum_{k=1}^{\infty} \int_{E_k} f(x) dx \quad (3)$$

муносабат ўринли бўлади. (3) тенгсизликдан фойдаланиб,

$$\int_E f(x) dx \leq \sum_{k=1}^{\infty} \int_{E_k} f(x) dx \quad (4)$$

муносабатни ёзишимиз мумкин. Иккинчи томондан 32. 5 га асосан ихтиёрий натурал  $m$  сон учун

$$\int_E [f(x)]_n dx \geq \sum_{k=1}^m \int_{E_k} [f(x)]_n dx.$$

Бу муносабатда аввал  $n$  ни, сўнг  $m$  ни чексизга интиштириб, ушбу

$$\int_E f(x) dx \geq \sum_{k=1}^{\infty} \int_{E_k} f(x) dx \quad (5)$$

тенгсизлиكنи ҳосил қиламиз. (4) ва (5) тенгсизликлардан, биз кўраётган ҳол учун, теореманинг исботи келиб чиқади.  $f(x) < 0$  бўлган ҳол учун ҳам теорема худди шунга ўхшаш исбот этилади.

Умумий ҳол учун теореманинг исботи (2) формуладан ва юқорида кўрилган ҳоллардан бевосита келиб чиқади.\*

34. 9. Теорема. Агар  $f(x)$  ва  $g(x)$  функциялар  $E$  тўпламда жамланувчи бўлса, у ҳолда уларнинг  $f(x) + g(x) = \varphi(x)$  йиғиндиси ҳам жамланувчи бўлади ва

$$\int_E \varphi(x) dx = \int_E f(x) dx + \int_E g(x) dx.$$

Исбот. 1. Аввал  $f(x)$  ва  $g(x)$  функциялар манфий бўлмаган ҳолни кўрамиз. Бу ҳолда  $[\varphi]_n \leq [f]_n + [g]_n \leq [\varphi]_{2n}$  бўлади. Демак,  $\int_E [\varphi]_n dx \leq \int_E [f]_n dx + \int_E [g]_n dx \leq \int_E [\varphi]_{2n} dx$ . Бундан,  $n \rightarrow \infty$  да ушбу

$$\int_E \varphi(x) dx \leq \int_E f(x) dx + \int_E g(x) dx \leq \int_E \varphi(x) dx$$

муносабатлар келиб чиқади. Шу билан кўрилатган хусусий ҳол учун теорема исбот бўлди.

2. Агар  $f(x) \geq 0$ ,  $g(x) < 0$  бўлса, у ҳолда  $E^+ = E\{\varphi(x) \geq 0\}$  тўпلامда ушбу  $f(x) = \varphi(x) + (-g(x))$  тенглик ўринли бўлади. Шунга ўхшаш  $E^- = E\{\varphi(x) < 0\}$  тўпلامда ушбу

$$-g(x) = f(x) + (-\varphi(x))$$

тенглик ўринли бўлади. Бу тенгликлардан фойдаланиб, 2-ҳолни 1-ҳолга келтиришимиз мумкин.

3.  $f(x) < 0$ ,  $g(x) \geq 0$ . 4.  $f(x) < 0$ ,  $g(x) < 0$  ҳоллар ҳам, 2-ҳолга ўхшаш, 1-ҳолга келтирилади.

Энди теоремани умумий ҳолда ҳам ўринли эканлигини кўрсатиш учун ушбу

$$\begin{aligned} E^+ &= E\{\varphi \geq 0\} = E_1\{f \geq 0, g \geq 0, \varphi \geq 0\} \cup E_2\{f \geq 0, g < 0, \\ &\quad \varphi \geq 0\} \cup E_3\{f < 0, g \geq 0, \varphi \geq 0\}, \\ E^- &= E\{\varphi < 0\} = E_1\{f > 0, g < 0, \varphi < 0\} \cup E_2\{f < 0, g \geq 0, \\ &\quad \varphi < 0\} \cup E_3\{f < 0, g < 0, \varphi < 0\} \end{aligned}$$

тенгликлардан ва 34. 8-теоремалан фойдаланилса кифоя.\*

34. 10. Теорема. (Интегралнинг абсолют узлуксизлиги ҳақида.) Агар  $f(x)$  функция  $E$  тўпلامда жамланувчи бўлса ва  $E_1, E_2, \dots, E_m, \dots$  тўпلامлар кетма-кетлигининг ҳар бири  $E$  нинг қисми (яъни  $E_n \subset E$ ) бўлиб,  $\mu(E_m) \rightarrow 0$  ( $m \rightarrow \infty$ ), у ҳолда  $\int_{E_m} f(x) dx \rightarrow 0$  ( $m \rightarrow \infty$ ) ва их-

тиёрий берилган  $\varepsilon (> 0)$  учун шундай  $\delta (> 0)$  сони мавжудки,  $\mu(E_m) < \delta$  бўлганда

$$\int_{E_m} f(x) dx < \varepsilon$$

бўлади.

Исбот. (2) формулага асосланиб, теоремани  $f(x) > 0$  бўлган ҳол учун исбот этсак кифоя.  $f(x)$  функциянинг жамланувчи бўлганлигидан ихтиёрий  $\varepsilon (> 0)$  учун шундай натурал  $n$  сони мавжудки, унинг учун ушбу

$$\int_E (f(x) - [f(x)]_n) dx < \frac{\varepsilon}{2} \quad (6)$$

тенгсизлик бажарилади.



Демак,

$$\overline{\lim}_{n \rightarrow \infty} \int_E f_n(x) dx \geq \int_E |f(x)|_n dx. \quad (15)$$

Агар  $f(x)$  функция деярли чекли бўлса, у ҳолда (15) дан  $n \rightarrow \infty$  да бевосита (14) келиб чиқади. Агар бирорта ўлчови мусбат  $e$  тўп-ламда  $f(x) = +\infty$  бўлса, у ҳолда ихтиёрый  $n$  учун ушбу

$$\int_E |f(x)|_n dx \geq n\mu(e)$$

тенгсизлик бажарилалади, демак, (14) тенгсизликнинг ўнг томони чексизга тенг бўлади.\*

**34. 13. Теорема.  $E$  тўпламда манфий бўлмаган, ўсиб борувчи, ўлчовли**

$$f_1(x), f_2(x), \dots, f_n(x), \dots$$

**функциялар кетма-кетлиги берилган бўлсин. Агар**

$$\lim_{n \rightarrow \infty} f_n(x) = f(x)$$

**бўлса, у ҳолда:**

$$\lim_{n \rightarrow \infty} \int_E f_n(x) dx = \int_E f(x) dx. \quad (16)$$

Исбот. 34. 12-теоремага мувофиқ:

$$\int_E f(x) dx \leq \overline{\lim}_{n \rightarrow \infty} \int_E f_n(x) dx. \quad (17)$$

Теореманинг шартига кўра  $\lim_{n \rightarrow \infty} \int_E f_n(x) dx$  мавжуд ва

$$\overline{\lim}_{n \rightarrow \infty} \int_E f_n(x) dx = \lim_{n \rightarrow \infty} \int_E f(x) dx. \quad (18)$$

Иккинчи томондан, ҳар қандай  $n$  учун

$$f_n(x) \leq f(x)$$

ва бундан:

$$\int_E f_n(x) dx \leq \int_E f(x) dx.$$

Демак,  $n$  га нисбатан лимитга ўтганда ҳам

$$\lim_{n \rightarrow \infty} \int_E f_n(x) dx \leq \int_E f(x) dx. \quad (19)$$

Энди (16) муносабат (17), (18) ва (19) лардан келиб чиқади.\*

Бу теоремалан натижа сифатида бевосита қуйидаги теоремани келтириб чиқариш мумкин.

34. 14. Теорема.  $E$  тўпلامда ўлчовли  $\varphi_1(x), \varphi_2(x), \dots$  функциялар кетма-кетлиги берилган бўлсин. Агар

$\varphi_n(x) \geq 0$  ( $n = 1, 2, \dots$ ) ва  $\sum_{n=1}^{\infty} \varphi_n(x) = f(x)$  бўлса, у ҳолда:

$$\int_E f(x) dx = \sum_{n=1}^{\infty} \int_E \varphi_n(x) dx.$$

Буни исботлаш учун 34. 13- теоремани  $f_n(x) = \sum_{k=1}^n \varphi_k(x)$  функ-

циялар кетма-кетлигига татбиқ қилиш керак.

34. 15. Натижа. 34. 14-теореманинг шартлари бажарилса ва ушбу

$$\sum_{n=1}^{\infty} \int_E \varphi_n(x) dx < +\infty$$

тенгсизлик ўринли бўлса, у ҳолда  $E$  тўпلامда

$$\lim_{n \rightarrow \infty} \varphi_n(x) = 0 \quad (20)$$

муносабат деярли бажарилади.

Исбот. Бу ҳолда  $f(x) = \sum_{n=1}^{\infty} \varphi_n(x)$  функция жамланувчи ва, де-

мак, деярли чекли бўлади. Шунинг учун  $\sum_{n=1}^{\infty} \varphi_n(x)$  қатор деярли яқинлашади ва бу қаторнинг яқинлашиш нуқталарида (20) муносабат ўз-ўзи билан бажарилади.\*

#### МАШҚ УЧУН МАСАЛАЛАР

1. Лебег интегралли учун бўлаклаб интеграллаш формуласини ёзиш мумкинми?

2.  $P_0$ — II бобда киритилган Кантор мукамал тўплами бўлсин. Агар

$$f(x) = \begin{cases} x \in P_0 \text{ бўлса, } 0, \\ x \in [0, 1] \setminus P_0 \text{ бўлса, } 1 \end{cases}$$

бўлса,

$$\int_0^1 f(x) dx$$

ҳисоблансин.

3.  $Q$  — II боб, 15-масалада тузилган тўплам бўлсин. Агар

$$f(x) = \begin{cases} x \in Q \text{ бўлса, } 0, \\ x \in [0, 1] \setminus Q \text{ бўлса, } 1 \end{cases}$$

бўлса,

$$\int_0^1 f(x) dx$$

ҳисоблансин.

4.  $Q$  — II боб, 15-масаладаги тўплам бўлсин. Агар

$$f(x) = \begin{cases} x \in Q \text{ бўлса, } 1, \\ x \in [0, 1] \setminus Q \text{ бўлса, } x \end{cases}$$

бўлса,

$$\int_1^0 f(x) dx$$

ҳисоблансин.

5. Агар  $f_1(x), f_2(x), \dots, f_n(x), \dots, F(x)$  — функциялар  $E$  тўпламда ўлчовли бўлиб,  $E$  да аниқланган ихтиёрий ўлчовли  $g(x)$  функция учун

$$\lim_{n \rightarrow \infty} \int_E f_n(x) g(x) dx = \int_E F(x) g(x) dx$$

муносабат ўринли бўлса, бундан

$$\lim_{n \rightarrow \infty} f_n(x) = F(x)$$

муносабатнинг деярли ўринлилиги келиб чиқадими?

6. (Е. Титчмарш масаласи.)  $P_0$  — II бобда киритилган Кантор тўплами бўлсин. Агар  $f(x)$  функция  $P_0$  да 0 ва  $P_0$  га қўшма бўлиб, узунлиги  $3^{-n}$  га тенг интервалда  $n$  га тенг бўлса,

$$\int_0^1 f(x) dx = 3$$

исботлансин.

7. Агар  $f_n(x) \geq 0$  ва  $\int_E f_n(x) dx \rightarrow 0$ , бўлса, у ҳолда  $f_n(x) \Rightarrow 0$ , ammo  $f_n(x)$  нинг 0 га деярли яқинлашиши шарт эмас. Шунини исботланг.

8. Ушбу

$$\int_E \frac{|f_n|}{1 + |f_n|} dx \rightarrow 0$$

муносабат  $f_n(x) \Rightarrow 0$  га эквивалент эканини кўрсатинг.

## КВАДРАТИ БИЛАН ЖАМЛАНУВЧИ ФУНКЦИЯЛАР

Квадрати билан жамланувчи функциялар синфи математиканинг турли соҳаларида муҳим татбиқларга эга бўлган функциялар синфидир. Бу функциялар синфи ўз хоссалари билан  $n$  ўлчовли Эвклид фазосига жуда яқин. Бу бобда мана шу функциялар билан шуғулланамиз.

### 35-§. $L_p$ синфлари ва асосий тенгсизликлар.

Бундан кейин  $E$  билан тўғри чизиқдан олинган ўлчовли тўпламни белгилаймиз.

Таъриф. Функцияларнинг  $L_p(E)$  синфи деъ ушбу

$$\int_E |f(x)|^p dx$$

интеграл мавжуд бўлган барча ўлчовли  $f(x)$  функциялар тўпламини айтилади.

Мисоллар: 1)  $L_1(a, b)$  синфи  $(a, b)$  оралиқда жамланувчи бўлган функциялардан иборат. Бу синфни одатда  $L$  билан белгилайдилар.

2)  $f(x) = \frac{1}{\sqrt{1+x^2}}$  функция  $L_2(0, \infty)$  синфига киради.

3) Агар ўлчовли  $f(x)$  функция чекли  $(a, b)$  оралиқда чегараланган бўлса, у ҳолда ҳар қандай  $p(>0)$  учун,  $f(x) \in L_p(a, b)$ .

4) Ушбу  $|f| \leq \frac{1+f^2}{2}$  тенгсизликдан чегараланган  $E$  тўпламлар учун  $L_2(E) \subset L(E)$  муносабат бевосита келиб чиқади. Аммо, аксинчаси (яъни,  $L \subset L_2$ ) ўринли эмас. Масалан,  $f(x) = \frac{1}{\sqrt{x}}$  функция  $(0,1)$  оралиқда жамланувчи бўлиб, унинг квадрати ( $f^2(x) = \frac{1}{x}$ ) шу оралиқда жамланувчи бўлмайди. Дарҳақиқат,

$$\int_0^1 \frac{dx}{\sqrt{x}} = 2, \quad \int_0^1 \frac{dx}{x} = \infty.$$

35.1. Теорема (Буняковский—Шварц тенгсизлиги). Агар  $f(x)$  ва  $g(x)$  функциялар  $L_2$  синфга кирса, у ҳолда  $f(x) \cdot g(x) \in L$  ва

$$\left| \int f(x)g(x) dx \right| \leq \left\{ \left[ \int |f(x)|^2 dx \right] \left[ \int |g(x)|^2 dx \right] \right\}^{1/2} \quad (I)$$

муносабатлар ўринли.

Исбот.  $f(x) \cdot g(x)$  кўпайтманинг жамланувчилиги ушбу

$$2|g(x) \cdot f(x)| \leq f^2(x) + g^2(x)$$

муносабатдан бевосита келиб чиқади. (I) тенгсизликнинг ўринлилигини кўрсатиш учун қуйидаги

$$\int (\lambda f + g)^2 dx = \lambda^2 \int f^2 dx + 2\lambda \int f \cdot g dx + \int g^2 dx = a\lambda^2 + 2b\lambda + c \geq 0$$

тенгсизликка муружаат қиламиз. Бу ерда:  $a = \int f^2(x) dx$ ,  $b = \int f(x)g(x) dx$  ва  $c = \int g^2(x) dx$ . Маълумки,  $a\lambda^2 + 2b\lambda + c$  ифода  $\lambda$  нинг ҳамма ҳақиқий қийматларида манфий бўлмаслиги учун  $a(>0)$ ,  $b$ ,  $c$  коэффициентлар ушбу

$$b^2 \leq ac$$

тенгсизликни қаноатлантириши зарур ва кифоядир. Бундан эса (I) тенгсизлик бевосита келиб чиқади.\*

**35. 2. Натижа.** Агар  $f(x)$  ва  $g(x)$  функциялар  $L_p (p \geq 2)$  га кирса, у ҳолда:  $f(x) \cdot g(x) \in L_{p/2}$ . ((I) тенгсизлик  $f^{p/2} \cdot g^{p/2}$  функцияга татбиқ қилинсин).

**35. 3. Натижа.** Агар  $f(x)$  ва  $g(x)$  функциялар  $L_2$  га кирса, у ҳолда  $f \pm g$  ҳам  $L_2$  га кирилади.

Бу натижа  $(f \pm g)^2 = f^2 \pm 2fg + g^2$  тенгликдан келиб чиқади, чунки унинг ўнг томонидаги функциялар жамланувчи функциялардир.

**35. 4. Теорема** (Хёлдер тенгсизлиги). Агар  $f(x) \in L_p$ ,  $g(x) \in L_{\frac{p}{p-1}}$  ( $p > 1$ ) бўлса, у ҳолда  $f(x) \cdot g(x) \in L$  ва

$$\left| \int f(x) \cdot g(x) dx \right| \leq \left\{ \int |f(x)|^p dx \right\}^{\frac{1}{p}} \left\{ \int |g(x)|^{\frac{p}{p-1}} dx \right\}^{\frac{p-1}{p}} \quad (11)$$

муносабатлар ўринли бўлади.

Исбот. Ушбу

$$|g(x)| \leq |f(x)|^{p-1} \quad (1)$$

тенгсизликни қаноатлантирадиган нуқталардан иборат тўпلامни  $A$  билан белгилаймиз. Демак, (1) га асосан,  $A$  тўпلامда

$$|f(x) \cdot g(x)| \leq |f(x)|^p \quad (2)$$

тенгсизлик ўринли ва  $f(x) \cdot g(x)$  функция  $A$  тўпلامда жамланувчи бўлади, чунки  $f(x) \in L_p$ .  $A$  тўпلامнинг тўлдирувчиси  $CA$  тўпلامда эса

$$|f(x)| < |g(x)|^{\frac{1}{p-1}}$$

ёки

$$|f(x) \cdot g(x)| < |g(x)|^{\frac{p}{p-1}} \quad (3)$$

тенгсизликлар бажарилади, яъни  $f(x) \cdot g(x)$  функция  $CA$  тўпламда ҳам жамланувчи бўлади, чунки  $g(x) \in L_{\frac{p}{p-1}}$ . Демак,  $f(x) \cdot g(x)$   $E$  тўпламда ҳам жамланувчидир. (2) ва (3) тенгсизликларга асосан:

$$\begin{aligned} \int_A |f \cdot g dx| &\leq \int_A |f \cdot g| dx + \int_{CA} |f \cdot g| dx \leq \int_A |f|^p dx + \int_{CA} |g|^{\frac{p}{p-1}} dx \leq \\ &\leq \frac{1}{2}(I_1 + I_2), \quad \int_{CA} |f|^p dx \leq \int_{CA} |g|^{\frac{p}{p-1}} dx \quad \text{ва} \quad \int_A |g|^{\frac{p}{p-1}} dx \leq \int_A |f|^p dx, \\ (I_1 &= \int |f|^p dx, \quad I_2 = \int |g|^{\frac{p}{p-1}} dx). \end{aligned} \quad (4)$$

Агар  $I_1 = 0$  ёки  $I_2 = 0$  ҳоллар истисно қилинса ва (4) тенгсизликдаги  $f(x)$  ва  $g(x)$  функцияларни мос равишда

$$\left(\frac{I_2}{I_1}\right)^{\frac{p-1}{p^2}} f(x) \quad \text{ва} \quad \left(\frac{I_1}{I_2}\right)^{\frac{p-1}{p^2}} g(x)$$

функциялар билан алмаштирилса, (4) нинг чап томони ўзгармайди, аммо ўнг томонидаги ҳар бир ҳад  $I_1^{\frac{1}{p}} \cdot I_2^{1-\frac{1}{p}}$  га тенг бўлади. Демак,

$$\left| \int f \cdot g dx \right| \leq I_1^{\frac{1}{p}} \cdot I_2^{1-\frac{1}{p}} = \left\{ \int |f|^p dx \right\}^{1/p} \left\{ \int |g|^{\frac{p}{p-1}} dx \right\}^{1-\frac{1}{p}} \quad (II)$$

Агар  $I_1$  ёки  $I_2$  лардан бири нолга тенг бўлса, у ҳолда  $f(x)$  ёки  $g(x)$  функция нолга эквивалент бўлиб, (II) тенгсизлик ўринлилигича қола беради\*.

**35. 5. Теорема.** (Минковский ва Коши тенгсизликлари). *Агар  $f(x)$  ва  $g(x)$  функциялар  $L_p$  ( $p \geq 1$ ) синфига кирса, у ҳолда:*

$$\left\{ \int |f + g|^p dx \right\}^{\frac{1}{p}} \leq \left\{ \int |f|^p dx \right\}^{\frac{1}{p}} + \left\{ \int |g|^p dx \right\}^{\frac{1}{p}} \quad (III)$$

*тенгсизлик ўринли бўлади.*

Исбот. Хёлдер тенгсизлигига биноан:

$$\begin{aligned} \int |f + g|^p dx &= \int |f + g| \cdot |f + g|^{p-1} dx \leq \int |f| \cdot |f + g|^{p-1} dx + \\ &+ \int |g| \cdot |f + g|^{p-1} dx \leq \left\{ \int |f|^p dx \right\}^{1/p} \left\{ \int |f + g|^p dx \right\}^{1-\frac{1}{p}} + \\ &+ \left\{ \int |g|^p dx \right\}^{\frac{1}{p}} \left\{ \int |f + g|^p dx \right\}^{1-\frac{1}{p}} \end{aligned}$$

Бу муносабатнинг икки томонини

$$\left\{ \int |f + g|^p dx \right\}^{1-\frac{1}{p}}$$

миқдорга бўлинса, (III) тенгсизлик келиб чиқади.\*

$p = 2$  бўлса, (III) дан Кошининг

$$\left\{ \int |f + g|^2 dx \right\}^{1/2} \leq \left\{ \int f^2 dx \right\}^{1/2} + \left\{ \int g^2 dx \right\}^{1/2} \quad (IV)$$

тенгсизлиги келиб чиқади.

Бу тенгсизлик  $L_2$  синфини ўрганишда катта аҳамиятга эга.

### 36- §. Норма. Урта маънода яқинлашиш ва сустр яқинлашиш

$L_2 = L_2(a, b)$  синфидан олинган ҳар бир  $f(x)$  функцияга

$$+ \sqrt{\int_a^b f^2(x) dx}$$

сонни мос қўямиз ва бу сонни  $f(x)$  нинг нормаси деймиз ва нормани  $\|f\|$  билан белгилаймиз.

$L_2$  синфида норма тушунчасининг киритилиши, унга фазо сифатида қараш имконини беради. Бу эса норманинг қуйидаги хоссаларига асосланган:

1.  $\|f\| \geq 0$ ;  $f(x) \sim 0$  бўлгандагина  $\|f\| = 0$ .
2.  $\|\lambda f\| = |\lambda| \|f\|$ .
3.  $\|f + g\| \leq \|f\| + \|g\|$  (учбурчак аксиомаси).

1 ва 2- муносабатлар норманинг таърифидан бевосита кўринади, 3- тенгсизлик Коши тенгсизлигидан келиб чиқади. Нормадан фойдаланиб  $L_2$  фазода Эвклид фазоси учун ўринли бўлган кўпгина фактларни исбот этиш мумкин. Тегишли фактлар қуйида келтирилади. Шунинг учун ҳам бу бобнинг бошида биз  $L_2$  фазони  $n$  ўлчовли Эвклид фазосига хоссалари маъносида яқин деб айтган эдик.  $L_2$  синфига биринчи марта немис математиги Д. Хилберт бундай нуқтаи назардан қараган; шу сабабли  $L_2$  синфини Хилберт фазоси деб ҳам атайдилар. Бу фазода икки  $f$  ва  $g$  нуқталар ( $L_2$  нинг элементларини унинг нуқталари ҳам дейилади) орасидаги масофа сифатида улар айирмасининг нормасини қабул қиламиз, яъни:

$$\rho(f, g) = \|f - g\|.$$

Албатта, икки эквивалент функция бу фазода биргина нуқта сифатида қабул қилинади. Юқоридаги норманинг хоссалари  $\rho(f, g)$  масофа учун ҳам ўринли бўлади, чунки  $\rho$  ни норма орқали ифода қилдик.

Масофа ёрдами билан Хилберт фазосида нуқталар кетма-кетлиги учун яқинлашиш тушунчасини (демак, лимит нуқта тушунчасини) киритиш мумкин.

1- таъриф. Агар  $\rho(f_n, f) = \|f_n - f\| \rightarrow 0$  ( $n \rightarrow \infty$ ) бўлса, у ҳолда  $f \in L_2$  нуқтани  $f_1, f_2, \dots, f_n, \dots$  ( $f_n \in L_2, n = 1, 2, \dots$ ) нуқ-

талар кетма-кетлигининг лимити деймиз ва

$$f_n \rightarrow f \text{ ёки } \lim_{n \rightarrow \infty} f_n = f \quad (1)$$

қўришишда ёзамиз.

Келтирилган яқинлашиш тушунчаси билан одатдаги функциялар кетма-кетлигининг яқинлашиши орасидаги фарқни доимо эсла тутмоқ керак.

Норманинг таърифиға мувофиқ (1) муносабатни яна қўйидагича ёзишимиз ҳам мумкин:

$$\int_a^b [f_n(x) - f(x)]^2 dx \rightarrow 0.$$

Юқорида берилган таъриф маъносидаги яқинлашишни ўрта маънода яқинлашиш дейилади. Бу яқинлашиш тушунчасига оид бир неча хоссани исбот қиламиз.

**36. 1. Теорема.** *Ўрта маънода яқинлашувчи  $\{f_n(x)\}$  кетма-кетлик биргина лимитга эга.*

Исбот.  $\{f_n(x)\}$  кетма-кетлик икки турли  $f$  ва  $g$  ( $f \sim g$ ) лимитларга эга деб фараз қилайлик; яъни  $f_n \rightarrow f$  ва  $f_n \rightarrow g$  ( $n \rightarrow \infty$ ) бўлсин. Учбурчак аксиомасидан фойдаланиб

$$\|f - g\| \leq \|f - f_n\| + \|f_n - g\|$$

тенгсизликни ёзишимиз мумкин. Бу тенгсизликнинг ўнг томони  $n \rightarrow \infty$  да нолга интилади; демак, биринчи аксиомага мувофиқ  $f \sim g$  ёки  $f$  ва  $g$  функциялар  $L_2$  фазода, илгари айтганимиздек, бир нуқтанингина тасвирлайди; бу эса фаразимизга зид.\*

**36. 2. Теорема.** *Агар  $f_n \rightarrow f$  бўлса, у ҳолда  $\|f_n\| \rightarrow \|f\|$ .*

Исбот. Бу факт қўйидаги муносабатдан бевосита келиб чиқади:

$$\| \|f_n\| - \|f\| \| \leq \|f_n - f\|$$

(чунки  $\|f_n\| \leq \|f\| + \|f_n - f\|$  ва  $\|f\| \leq \|f_n\| + \|f_n - f\|$ )\*.

Норманинг бу исбот қилинган хоссаси унинг узлуксизлигини дейилади.

Энди ўрта маънода яқинлашиш тушунчаси деярли ва ўлчов бўйича яқинлашиш тушунчаларига нисбатан қандай муносабатда эканлигини аниқлаймиз.

**36. 3. Теорема.** *Агар  $\{f_n(x)\}$  функциялар кетма-кетлиги ўрта маънода  $f(x)$  га яқинлашса, у ҳолда бу кетма-кетлик  $f(x)$  га ўлчов бўйича ҳам яқинлашади.*

Исбот. Ҳар қандай мусбат  $\sigma$  сони учун қўйидаги муносабатлар ўринали бўлади:

$$\rho^2(f_n, f) = \int_a^b (f_n - f)^2 dx \geq \int_{A_n(\sigma)} (f_n - f)^2 dx \geq \sigma^2 \mu(A_n(\sigma));$$



бу ерда

$$A_n(\sigma) = E(|f_n - f| \geq \sigma).$$

Теореманинг шартига мувофиқ:

$$\rho(f_n, f) \rightarrow 0, \quad n \rightarrow \infty;$$

демак,

$$\lim_{n \rightarrow \infty} \mu[E(|f_n - f| \geq \sigma)] = \lim_{n \rightarrow \infty} \mu[A_n(\sigma)] = 0,$$

яъни

$$f_n \rightarrow f, \quad n \rightarrow \infty.*$$

Исбот этилган теоремадан ва Рисс теоремасидан фойдаланиб қуйидаги теоремани айтиш мумкин.

**36.4. Теорема.** *Агар  $\{f_n(x)\}$  функциялар кетма-кетлиги ўрта маънода  $f(x)$  га яқинлашса, у ҳолда бу кетма-кетликдан деярли яқинлашувчи  $\{f_{n_k}(x)\}$  кетма-кетлик қисмини ажратиб олиш мумкин.*

2-таъриф. Агар  $\{f_k(x)\}$  функциялар кетма-кетлиги учун ушбу

$$\rho^2(f_m, f_n) = \int_a^b [f_m(x) - f_n(x)]^2 dx \rightarrow 0 \quad (2)$$

муносабат бажарилса ( $m$  билан  $n$  бир-бирига боғлиқ равишда чексизга интилганда), бу кетма-кетликни фундаментал кетма-кетлик деймиз.

Бу таърифнинг биринчи таърифдан фарқи шундаки, бу ерда  $\{f_n(x)\}$  кетма-кетликнинг limiti ҳақида бирор нарса дейилмайди.

Бу таъриф ҳақиқий сонларнинг яқинлашиши ҳақидаги Коши белгисига ўхшашдир.

Математик анализдан маълумки, сонлар кетма-кетлиги учун яқинлашишнинг Коши белгиси бажарилса, у кетма-кетлик лимит нуқтага эга бўлади.

Мана шунга ўхшаш факт  $L_2$  фазодан олинган кетма-кетликлар учун ҳам ўринлими ёки йўқми, яъни агар бирорта  $\{f_n(x)\}$  функциялар кетма-кетлиги учун (2) муносабат бажарилса, (1) муносабат ҳам бажариладими, деган савол туғилади.

Бунга аксинча саволнинг ўринли эканлиги ўз-ўзидан равшан. Юқоридаги саволга қуйидаги теорема жавоб беради.

**36.5. Теорема** (Фишер теоремаси). *Агар  $\{f_n(x)\}$  функциялар кетма-кетлиги фундаментал бўлса, у ҳолда  $L_2$  фазода шундай  $f(x)$  функция топилдики, бу функцияга  $\{f_n(x)\}$  кетма-кетлик ўрта маънода яқинлашади.*

Исбот. Кетма-кетликнинг фундаменталлигидан фойдаланиб, ҳар бир натурал  $k$  сони учун шундай натурал  $n_k$  ва  $n_{k+1}$  сонларни мос келтирамизки, улар учун ушбу

$$\int_a^b [f_{n_{k+1}}(x) - f_{n_k}(x)]^2 dx < \frac{1}{3^k} \quad (k = 1, 2, \dots)$$

муносабатлар бажарилсин. Бундан

$$\sum_{k=1}^{\infty} \|f_{n_{k+1}}(x) - f_{n_k}(x)\| < +\infty$$

экани келиб чиқади.

Буняковский — Шварц тенгсизлигига биноан:

$$\int_a^b \|f_{n_{k+1}}(x) - f_{n_k}(x)\| dx \leq \sqrt{a-b} \|f_{n_{k+1}}(x) - f_{n_k}(x)\|;$$

демак,  $\sum_{k=1}^{\infty} \int_a^b \|f_{n_{k+1}}(x) - f_{n_k}(x)\| dx$  қатор ҳам яқинлашувчи бўлади.

34. 15-теоремага мувофиқ:

$$f_{n_1}(x) + \sum_{k=1}^{\infty} (f_{n_{k+1}}(x) - f_{n_k}(x))$$

қатор ҳам деярли яқинлашади. Бундан эса  $\{f_{n_k}(x)\}$  кетма-кетликнинг деярли яқинлашувчилиги келиб чиқади.

Энди  $f(x)$  функцияни қуйидагича тузамиз:

$$f(x) = \begin{cases} \lim_{k \rightarrow \infty} f_{n_k}(x), & \text{агар } x \text{ нуқтада бу лимит чекли қийматга эга бўлса,} \\ 0, & \text{агар тегишли нуқтада бу лимит мавжуд бўлмаса ёки } \infty \text{ га тенг бўлса.} \end{cases}$$

Гузилган  $f(x)$  функцияни  $L_2$  фазога киришчилигини ва  $\{f_n(x)\}$  кетма-кетликнинг ўрта маънода лимити эканлигини кўрсатамиз. Аввал  $\{f_{n_k}(x)\}$  кетма-кетликнинг  $f(x)$  га ўрта маънода яқинлашувчи эканлигини кўрсатамиз.

Дарҳақиқат, Фатун теоремасига (34. 12) мувофиқ:

$$\overline{\lim}_{v \rightarrow \infty} \int_a^b [f_{n_k}(x) - f_{n_v}(x)]^2 dx \geq \int_a^b [f_{n_k}(x) - f(x)]^2 dx;$$

лекин:

$$\int_a^b [f_{n_k}(x) - f_{n_v}(x)]^2 dx < \varepsilon \quad (k > n_0, v > n_0);$$

бу ерда  $n_0$  сони  $\varepsilon (> 0)$  га боғлиқ. Демак,

$$\int_a^b [f_{n_k}(x) - f(x)]^2 dx < \varepsilon \quad (k > n_0)$$

ёки

$$\lim_{k \rightarrow \infty} \int_a^b [f_{n_k}(x) - f(x)]^2 dx = 0, \quad (3)$$

яъни  $\{f_{n_k}(x)\}$  кетма-кетлик ўрта маънода  $f(x)$  функцияга яқинлашади. Энди  $\{f_n(x)\}$  кетма-кетликни ҳам  $f(x)$  га ўрта маънода яқинлашишини кўрсатамиз.

Коши тенгсизлигига мувофиқ:

$$\left\{ \int_a^b |f(x) - f_n(x)|^2 dx \right\}^{1/2} = \left\{ \int_a^b [(f - f_{n_k}) + (f_{n_k} - f_n)]^2 dx \right\}^{1/2} \leq \\ \leq \left\{ \int_a^b |f - f_{n_k}|^2 dx \right\}^{1/2} + \left\{ \int_a^b |f_{n_k} - f_n|^2 dx \right\}^{1/2}, \quad (4)$$

бу ерда ўнг томоннинг биринчи ҳади (3) га асосан  $n \rightarrow \infty$  нолга интилади, иккинчи ҳади ҳам  $\{f_n(x)\}$  кетма-кетликнинг фундаменталлигига асосан  $n$  ва  $n_k \rightarrow \infty$  да нолга интилади.

Демак,  $\{f_n(x)\}$  кетма-кетликнинг ўзи ҳам ўрта маънода  $f(x)$  функцияга яқинлашар экан.  $f_n - f \in L_2$  экани (4) дан кўринади, у ҳолда  $f(x)$  нинг  $L_2$  га кириши

$$f(x) = (f(x) - f_n(x)) + f_n(x) \in L_2$$

тенгликдан келиб чиқади.\*

**36. 6. Натижа. Фишер теоремасининг шарти бажарилганда ушбу**

$$\lim_{n \rightarrow \infty} \int_a^b f_n^2(x) dx = \int_a^b f^2(x) dx$$

**муносабат ҳам ўринли бўлади.**

Исбот. Коши тенгсизлигига мувофиқ:

$$\left\{ \int_a^b f_n^2(x) dx \right\}^{1/2} \leq \left\{ \int_a^b f^2(x) dx \right\}^{1/2} + \left\{ \int_a^b [f(x) - f_n(x)]^2 dx \right\}^{1/2}, \\ \left\{ \int_a^b f^2(x) dx \right\}^{1/2} \leq \left\{ \int_a^b f_n^2(x) dx \right\}^{1/2} + \left\{ \int_a^b [f(x) - f_n(x)]^2 dx \right\}^{1/2}.$$

Булардан ва  $\{f_n(x)\}$  кетма-кетликнинг  $f(x)$  га ўрта маънода яқинлашишидан:

$$\lim_{n \rightarrow \infty} \int_a^b f_n^2(x) dx = \int_a^b f^2(x) dx$$

тенглик келиб чиқади.\*

$L_2$  фазонинг Фишер теоремасида келтирилган хоссасига унинг тўлалик хоссаси дейилади, бу хосса тўғри чизиқ нуқталаридан иборат фазонинг тўлалик хоссасига ўхшашдир.

**3-таъриф.**  $L_2(a, b)$  фазодан олинган  $f(x)$  ва  $\varphi(x)$  функцияларнинг скаляр кўпайтмаси деб қуйидаги

$$\int_a^b f(x)\varphi(x) dx = (f, \varphi)$$

сонни айтилади.

4-таъриф. Агар  $\{f_n(x)\}$  ( $f_n \in L_2$ ) функциялар кетма-кетлиги ва ихтиёрый  $\varphi(x)$  ( $\in L_2$ ) функция учун

$$(f_n, \varphi) \rightarrow (f, \varphi)$$

муносабат бажарилса, у ҳолда  $\{f_n(x)\}$  кетма-кетликни  $f(x)$  га сушт яқинлашади дейилади.

36. 7. Теорема. Агар  $\{f_n(x)\}$  функциялар кетма-кетлиги ўрта маънода  $f(x)$  га яқинлашса, у ҳолда бу кетма-кетлик  $f(x)$  га сушт маънода ҳам яқинлашади.

Исбот. Теореманинг шартига ва Буняковский—Шварц тенгсизлигига асосан

$$|(\varphi, f_n - f)| = |(\varphi, f_n) - (\varphi, f)| \leq \|\varphi\| \cdot \|f_n - f\| \rightarrow 0 \quad (n \rightarrow \infty)$$

муносабат ўринли бўлади.\*

Бу параграфда келтирилган тушунчаларнинг ва хоссаларнинг, масалан, норма, ўрта ва сушт маънода яқинлашиш ва уларга оид теоремаларнинг  $L_n(a, b)$  ( $p \geq 1$ ) синфи учун ҳам ўринлилигини кўрсатиш мумкин.

### 37-§. Ортонормал системалар

Ушбу

$$\frac{1}{2}a_0 + \sum_{n=1}^{\infty} (a_n \cos nx + b_n \sin nx) \quad (1)$$

қатор тригонометрик қатор дейилади; бу ерда  $a_0, a_1, b_1, a_2, b_2, \dots$  коэффициентлар ўзгармас сонлардир<sup>1</sup>.

(1) қаторни  $f(x)$  функцияга яқинлашади деб фараз қилиб,  $a_n$  ва  $b_n$  коэффициентларни  $f(x)$  функция орқали ифода қиламиз. Бунинг учун қуйидаги

$$f(x) = \frac{1}{2}a_0 + \sum_{n=1}^{\infty} (a_n \cos nx + b_n \sin nx)$$

тенгликнинг икки томонини  $\cos mx$  га ( $m$  — натурал сон) кўпайтириб  $[0, 2\pi]$  сегментда ҳадлаб интеграллаймиз<sup>2</sup>.

Натижада ушбу

$$\int_0^{2\pi} \cos mx \cos nx dx = \begin{cases} \pi, & n = m \\ 0, & n \neq m. \end{cases}$$

$$\int_0^{2\pi} \cos mx \sin nx dx = 0.$$

<sup>1</sup> Француз математиги Фурье иссиқликнинг тарқалиш масаласи билан шуғулланиши натижасида берилган функцияни (1) қатор шаклида тасвир этиш масаласини қўйган.

<sup>2</sup> (1) қатор  $f(x)$  га шундай яқинлашсинки, натижада уни ҳадлаб интеграллаш мумкин бўлсин. Масалан, бу яқинлашиш  $[0, 2\pi]$  сегментда текис бажарилса, (1) қаторни ҳадлаб интеграллаш мумкин.

тенгликларга асосланиб,

$$a_m = \frac{1}{\pi} \int_0^{2\pi} f(x) \cos mx dx \quad (2)$$

$$b_m = \frac{1}{\pi} \int_0^{2\pi} f(x) \sin mx dx \quad (3)$$

формулаларга эга бўламиз.

Лекин  $f(x)$  функция олдиндан берилган бўлса, уни (1) қатор шаклида тасвир этиш мумкинлиги, умуман айтганда ҳеч қаердан келиб чиқмайди. Шунинг учун масалага бир оз бошқача қараймиз, яъни масалани қаторни ёзишдан эмас, балки функцияни беришдан бошлаймиз ва бу функцияни тригонометрик функциялар ёки уларга ўхшаш бошқа функциялар системаси орқали ифода қилишга уринамиз.

Келгусида бизга қуйидаги таърифлар зарур бўлади.

1- таъриф. Агар

$$\int_a^b \varphi_i(x) \cdot \varphi_k(x) dx = \begin{cases} 1, & i = k, \\ 0, & i \neq k \end{cases} \quad (4)$$

тенгликлар бажарилса,  $\varphi_1(x), \varphi_2(x), \dots, \varphi_n(x), \dots$  функциялар кетма-кетлиги  $[a, b]$  сегментда ортонормал системани ташкил этади дейилади.

Масалан,

$$\frac{1}{\sqrt{2\pi}}, \frac{\cos x}{\sqrt{\pi}}, \frac{\sin x}{\sqrt{\pi}}, \frac{\cos 2x}{\sqrt{\pi}}, \frac{\sin 2x}{\sqrt{\pi}}, \dots$$

функциялар кетма-кетлиги  $[-\pi, \pi]$  сегментда ортонормал системани ташкил этади.

2- таъриф.  $\{\varphi_k(x)\}$  ортонормал система ва  $f(x)$  функция  $L_2$  фазодан олинган ихтиёрлий функция бўлсин.  $c_k = (f, \varphi_k)$  ( $k = 1, 2, \dots$ ) сонни  $f(x)$  функциянинг  $\{\varphi_k(x)\}$  системага нисбатан Фурье коэффициенти ва  $\sum_{k=1}^{\infty} c_k \varphi_k(x)$  қаторни Фурье қатори дейилади.

Энди  $S_n(x) = \sum_{k=1}^n c_k \varphi_k(x)$  йиғиндини тузиб, бу йиғинди билан  $f(x)$  функция орасида  $L_2$  фазода аниқланган масофага нисбатан қандай муносабат бўлиши мумкин, деган масала билан шуғулланамиз.

Бунинг учун қуйидаги миқдорни ҳисоблаб чиқамиз:

$$\rho^2(S_n, f) = \int_a^b [S_n(x) - f(x)]^2 dx,$$

$$\rho^2(S_n, f) = \int_a^b (S_n^2 - 2f \cdot S_n + f^2) dx = \int_a^b S_n^2 dx - 2 \int_a^b f \cdot S_n dx + \int_a^b f^2 dx, \quad (5)$$

$$\int_a^b S_n^2 dx = \sum_{l, k=1}^n c_l c_k (\varphi_l, \varphi_k) = \sum_{k=1}^n c_k^2.$$

$$\int_a^b f \cdot S_n dx = \sum_{k=1}^n c_k (f, \varphi_k) = \sum_{k=1}^n c_k^2, \text{ чунки } (f, \varphi_k) = c_k.$$

Демак, (5) тенгликни ушбу

$$\rho^2(S_n, f) = \int_a^b f^2 dx - \sum_{k=1}^n c_k^2 = \|f\|^2 - \sum_{k=1}^n c_k^2 \quad (6)$$

кўринишда ёзишимиз мумкин. Бу формулани Бессел айнини дейилади. Бу миқдор манфий бўлмаганлиги учун:

$$\sum_{k=1}^n c_k^2 \leq \|f\|^2.$$

Бу тенгсизлик  $n$  нинг ҳар қандай натурал қийматлари учун ўринли; демак,

$$\sum_{k=1}^{\infty} c_k^2 \leq \|f\|^2. \quad (7)$$

(7) ни Бессел тенгсизлиги дейилади. Агар (7) да тенглик бажарилса, яъни

$$\sum_{k=1}^{\infty} c_k^2 = \|f\|^2 \quad (8)$$

бўлса, у ҳолда бу тенгликни ёпиқлик формуласи ёки Парсевал тенглиги дейилади.

3-таъриф. Агар (8) тенглик  $L_2$  дан олинган ихтиёрини  $f(x)$  функция учун бажарилса, у ҳолда  $\{\varphi_n(x)\}$  система  $L_2$  да ёпиқ дейилади.

(6) дан (8) га асосан:

$$\lim_{n \rightarrow \infty} \rho(S_n, f) = 0.$$

Демак, ёпиқлик формуласи бажарилганда йиғинди  $S_n(x)$  Ҳилберт фазосидаги масофа маъносида (ёки ўрта маънода)  $f(x)$  га яқинлашар экан.

37. 1. Теорема (Рисс—Фишер теоремаси).  $\{c_n\}$  сонлар

кетма-кетлиги учун  $\sum_{k=1}^{\infty} c_k^2$  қатор яқинлашувчи бўлиб,

$$\varphi_1(x), \varphi_2(x), \dots, \varphi_n(x), \dots$$

$[a, b]$  да аниқланган ортонормал функциялар кетма-кетлиги бўлсин, у ҳолда  $L_2$  фазода биргина шундай  $f(x)$  функция мавжудки, унинг учун: а)  $c_k$  сонлар Фурье коэффициентлари бўлади; б) ёпиқлик формуласи бажарилади.

Исбот. Аввало  $\{\varphi_n(x)\}$  функциялар кетма-кетлигидан  $\{S_n(x)\}$

$$\left[ S_n(x) = \sum_{k=1}^n c_k \varphi_k(x) \right]$$

йиғиндилар кетма-кетлигини тузамиз ва

$\{S_n(x)\}$  кетма-кетликнинг фундаменталлигини кўрсатамиз.

Бунинг учун  $\rho^2(S_m, S_n)$  ( $m > n$ ) масофани ҳисоблаймиз.

$$\rho^2(S_m, S_n) = \int_a^b \left[ \sum_{k=n+1}^m c_k \varphi_k(x) \right]^2 dx = \sum_{k=n+1}^m c_k^2 \int_a^b \varphi_k^2(x) dx = \sum_{k=n+1}^m c_k^2.$$

Теореманинг шартига кўра, ҳар қандай  $\varepsilon (> 0)$  учун  $m > n > n_0$  бўлганда

$$\sum_{k=n+1}^m c_k^2 < \varepsilon$$

муносабат ўринли бўлади.

Демак,

$$\rho^2(S_m, S_n) < \varepsilon, \quad m > n > n_0.$$

Бу муносабат  $\{S_n(x)\}$  кетма-кетликнинг фундаменталлигини кўрсатади. Бундан Фишер теоремасига мувофиқ,  $\{S_n(x)\}$  кетма-кетликнинг бирор  $f(x)$  функцияга ўрта маънода яқинлашувчи эканлиги келиб чиқади, яъни  $\rho^2(S_n, f) \rightarrow 0, n \rightarrow \infty$ . 36. 7- теоремага мувофиқ, бундан  $\{S_n(x)\}$  кетма-кетликнинг  $f(x)$  га суэт маънода ҳам яқинлашувчилиги келиб чиқади, яъни ҳар қандай  $g(x) \in L_2$  учун:

$$\lim_{n \rightarrow \infty} \int_a^b g(x) \cdot S_n(x) dx = \int_a^b g(x) f(x) dx. \quad (1)$$

Аммо  $n > k$  бўлганда

$$\int_a^b \varphi_k(x) \cdot S_n(x) dx = \int_a^b \left[ \sum_{l=1}^n c_l \varphi_l(x) \right] \varphi_k(x) dx = c_k;$$

бундан ва (1) дан:

$$(\varphi_k, f) = \int_a^b \varphi_k(x) \cdot f(x) dx = c_k,$$

яъни  $c_k$  сон  $f$  нинг Фурье коэффициенти эканлиги, демак, теореманинг а) қисми исбот этилди.

Теореманинг б) қисми  $\{S_n(x)\}$  кетма-кетликнинг  $f(x)$  функцияга ўрта маънода яқинлашишидан, яъни ушбу

$$\rho^2(S_n, f) = \|f\|^2 - \sum_{k=1}^n c_k^2 \rightarrow 0$$

муносабатдан келиб чиқади.

Энди  $f(x)$  нинг биргиналигини исбот қиламиз. Рисс– Фишер теоремасининг а) ва б) шартларини қаноатлантирадиган функция иккита деб фараз қиламиз ва иккинчи функцияни  $g(x)$  билан белгилаймиз. У ҳолда а) шартга мувофиқ  $c_k$  сонлар  $f$  ва  $g$  функциялар учун Фурье коэффициенти бўлади ва б) шартга кўра:

$$\rho(S_n, f) \rightarrow 0, \quad \rho(S_n, g) \rightarrow 0.$$

Булардан  $\rho(f, g) = 0$  ёки  $f \sim g$ . Аммо  $L_2$  фазода ўзаро эквивалент функцияларни битта элемент деб ҳисоблаганимиз учун а) ва б) шартларни қаноатлантирадиган функциянинг биргиналиги келиб чиқади.\*

4- таъриф. Агар  $L_2(a, b)$  фазода  $\{\psi_k(x)\}$  функциялар системасига ортогонал бўлган бирорта ҳам функция мавжуд бўлмаса<sup>1</sup>, бу функциялар системасини тўла система дейилади.

37. 2. Изоҳ. Бу таърифда  $\{\varphi_k(x)\}$  функциялар системасининг ортонормал бўлиши талаб қилинмайди.

37. 3. Теорема.  $\{c_k\}$  сонлар кетма-кетлиги учун,

$\sum_{k=1}^{\infty} c_k^2 < +\infty$  бўлиб,  $\{\varphi_n(x)\}$  ортогонал функциялар системаси бўлсин. У ҳолда  $L_2$  фазода Фурье коэффициентлари  $c_k$  ларга тенг бўлган биргина  $f(x)$  функциянинг мавжуд бўлиши учун  $\{\varphi_n(x)\}$  функциялар системасининг тўла бўлиши зарур ва кифоядир.

Исбот. Кифоялиги.  $\{\varphi_n(x)\}$  ортонормал функциялар системаси бўлиб,  $f(x)$ ,  $g(x)$  функциялар бу системага нисбатан бир хил Фурье коэффицентларига эга бўлсин; яъни

$$\int_a^b f(x)\varphi_k(x)dx = \int_a^b g(x)\varphi_k(x)dx \quad (k = 1, 2, \dots).$$

<sup>1</sup> Айнан волга тенг функцияга эквивалент бўлган функция ҳар қандай функциялар системасига ортогонал бўлганлиги учун бу таърифда бундай функциялар истисно қилинади.



Бундан

$$\int_a^b (f(x) - g(x))\varphi_k(x)dx = 0.$$

$\{\varphi_k(x)\}$  системанинг тўлалиги таърифига мувофиқ  $f - g \sim 0$ . Шу билан кифоялик исботланди.

**Зарурлиги.** Теореманинг шартини қаноатлантирувчи функция биргина  $f(x)$  бўлиб,  $\{\varphi_n(x)\}$  функциялар системасини тўла эмас деб фараз қилайлик; у ҳолда айнан нолга тенг функцияга эквивалент бўлмаган шундай  $\omega(x)$  функция топиладики, унинг учун

$$\int_a^b \omega(x)\varphi_k(x)dx = 0 \quad (k = 1, 2, \dots).$$

Бундан кўринадики,  $\omega(x) + f(x)$  функция ҳам теореманинг шартини қаноатлантиради. Бу эса  $f(x)$  нинг биргиналигига зид.\*

**37. 4. Теорема. Ортонормал  $\{\varphi_n(x)\}$  функциялар системасининг тўла бўлиши учун унинг ёпиқ бўлиши зарур ва кифоядир.**

**Исбот.** Кифоялиги.  $\{\varphi_n(x)\}$  функциялар системаси ёпиқ бўлсин. Агар бирорта  $f(x) (\in L_2)$  функция бу системага нисбатан ортогонал бўлса, у ҳолда:

$$c_k = \int_a^b f(x)\varphi_k(x)dx = 0 \quad (k = 1, 2, \dots).$$

Бундан ёпиқлик формуласига мувофиқ

$$\|f\|^2 = \sum_{k=1}^{\infty} c_k^2 = 0 \quad \text{ёки} \quad f \sim 0$$

муносабат келиб чиқади. Бу эса  $\{\varphi_n(x)\}$  системанинг тўлалигини кўрсатади.

**Зарурлиги.** Энди, аксинча,  $\{\varphi_n(x)\}$  система тўла бўлсин. Ёпиқлик формуласи бирорта  $\psi(x)$  функция учун ўринли эмас, деб

фараз қиламиз. У ҳолда:  $\sum_{k=1}^{\infty} c_k^2 < \|\psi\|^2$  ( $c_k = (\psi, \varphi_k)$ ).

Рисс—Фишер теоремасига мувофиқ, шундай  $f(x)$  функция топиладики, унинг учун ушбу

$$\int_a^b f(x)\varphi_k(x)dx = c_k, \quad \|f\|^2 = \sum_{k=1}^{\infty} c_k^2$$

тенгликлар бажарилади ва  $f(x) - \psi(x)$  функция  $\{\varphi_n(x)\}$  системага нисбатан ортогонал бўлади, яъни:

$$\int_a^b [f(x) - \psi(x)]\varphi_k(x)dx = 0 \quad \text{ёки} \quad f \sim \psi.$$

Сўягги муносабатлар  $\|f\| < \|\psi\|$  тенгсизликка зид.\*

1.  $L_2$  фазода суств яқинлашишдан ўлчов бўйича яқинлашиш келиб чиқмаслигига мисол тузинг.

2. Агар  $\{f_n(x)\}$  функциялар кетма-кетлиги  $L_2$  фазода  $f(x)$  га суств яқинлашса, у ҳолда  $\|f_n\| \leq M$  бўлишини исбот қилинг.

3. Агар  $\int_0^1 f(x)\varphi(x)dx$  ҳар қандай  $f(x) (\in L_2(0,1))$  функция учун мавжуд бўлса, у ҳолда  $\varphi(x) \in L_2$  бўлишини исботланг.

4. Сони чекли функциялар системасининг  $L_2$  да тўла бўла олмаслигини кўрсатинг.

5.  $L_p$  ( $p \geq 1$ ) фазонинг тўлалиги кўрсатилсин.

6. Агар  $p > 1$  бўлиб, Минковский тенгсизлигида тенглик белгиси ўринли бўлса, у ҳолда  $g(x) = kf(x)$  тенглик исбот этилсин.

7.  $L_p$  фазода ( $p > 1$ ) ўрта маънода  $\{f_n(x)\}$  ( $f_n \in L_p$ ) функциялар кетма-кетлиги  $f(x) (\in L_p)$  га яқинлашсин. У ҳолда ушбу

$$\int_a^b [f_n(x) - f(x)]^r dx \rightarrow 0, \quad n \rightarrow \infty, \quad (1 \leq r < p)$$

муносабатнинг ўринлилиги кўрсатилсин.

8. Ушбу

$$f(x) = x^\alpha$$

функция қандай  $\alpha$  ларда  $L_p[0,1]$  фазога тегишли бўлади?

## VIII БОБ

### ЎЗГАРИШИ ЧЕГАРАЛАНГАН ФУНКЦИЯЛАР. СТИЛЬТЬЕС ИНТЕГРАЛИ

#### 38-§. Ўзгариши чегараланган функциялар

Муҳим ва кўпгина татбиқларга эга бўлган функциялар орасида ўзгариши чегараланган функциялар синфи катта аҳамиятга эга.

Гаъриф.  $[a, b]$  сегментда аниқланган  $\Phi(x)$  функция берилган бўлсин. Агар  $[a, b]$  сегментни

$$a = a_0 < a_1 < a_2 < \dots < a_n = b$$

нуқталар билан ихтиёрий  $n$  қисмга бўлганимизда  $a_i (i = 1, 2, \dots, n)$  нуқталарни танлаб олишга боғлиқ бўлмаган ва ушбу

$$\sum_{i=1}^n |\Phi(a_i) - \Phi(a_{i-1})| < K \quad (1)$$

тенгсизликни қаноатлантирадиган ўзгармас  $K$  сони мавжуд бўлса  $y$  ҳолда  $\Phi(x)$  функция  $[a, b]$  сегментда ўзгариши чегараланган дейилади.

Келгусида (1) тенгсизликнинг чап томонидаги йиғиндининг аниқ юқори чегарасини ( $[a, b]$  сегментни қисмларга турлича бўлишлар тўпламига нисбатан)  $V_a^b(\Phi)$  билан белгилаймиз ва бу сонни  $\Phi(x)$  функциянинг  $[a, b]$  сегментдаги тўла ўзгариши деймиз.

Мисоллар: 1)  $[a, b]$  сегментда аниқланган ва монотон ўсувчи  $\Phi(x)$  функция (яъни, агар  $x \leq y$  бўлса,  $\Phi(x) \leq \Phi(y)$ ) чегараланган ўзгаришга эга, чунки унинг учун (1) кўринишдаги ҳар қандай йиғинди  $\Phi(b) - \Phi(a)$  га тенг.

Шунга ўхшаш  $[a, b]$  сегментда аниқланган ва монотон камаювчи  $\Phi(x)$  функция ҳам (яъни, агар  $x \leq y$  бўлса,  $\Phi(x) \geq \Phi(y)$ ) чегараланган ўзгаришга эга.

2)  $[a, b]$  сегментда чегараланган ва Липшиц шартини<sup>1</sup> қаноатлантирувчи  $f(x)$  функциянинг ўзгариши чегараланган бўлади. Дарҳақиқат, Липшиц шартига мувофиқ:

$$|f(a_{k+1}) - f(a_k)| \leq A (a_{k+1} - a_k);$$

бундан:  $V_a^b(f) \leq A(b - a)$ , яъни  $f$  нинг ўзгариши чегараланган.

Энди ўзгариши чегараланган функцияларнинг тузилиши ва хоссаларини ўрганишга ўтамиз.

**38. 1. Теорема.**  $[a, b]$  сегментда ўзгариши чегараланган икки  $\Phi_1(x)$  ва  $\Phi_2(x)$  функцияларнинг йиғиндисини, айирмасини ва кўпайтмасини ҳам ўзгариши чегараланган функциялар бўлади.

Исбот. Дарҳақиқат,  $[a, b]$  сегментни ихтиёрий  $n$  қисмга бўлиб,

$$\sum_{i=1}^n |\Phi(a_i) - \Phi(a_{i-1})| \leq \sum_{i=1}^n |\Phi_1(a_i) - \Phi_1(a_{i-1})| + \sum_{i=1}^n |\Phi_2(a_i) - \Phi_2(a_{i-1})|$$

тенгсизликларни ёзишимиз мумкин; бу ерда:  $\Phi(x) = \Phi_1(x) + \Phi_2(x)$ . Бундан

$$V_a^b(\Phi) \leq V_a^b(\Phi_1) + V_a^b(\Phi_2)$$

<sup>1</sup> Агар ихтиёрий  $x, y (\in [a, b], x < y)$  нуқталар учун  $|f(x) - f(y)| \leq A(y - x)$  тенгсизликни қаноатлантирувчи мусбат ва ўзгармас  $A$  сони мавжуд бўлса,  $f(x)$  функция  $[a, b]$  сегментда Липшиц шартини қаноатлантиради дейилади.

ёки  $\Phi(x)$  функциянинг ўзгариши чегараланганлиги бевосита келиб чиқади. Айирма учун ҳам теорема шунга ўхшаш исботланади.

Энди  $\Phi_1(x)$  ва  $\Phi_2(x)$  функцияларнинг кўпайтмасини оламиз:

$$\Phi(x) = \Phi_1(x) \cdot \Phi_2(x).$$

$p = \sup_{a < x < b} |\Phi_1(x)|$ ,  $q = \sup_{a < x < b} |\Phi_2(x)|$  бўлсин. Бу ҳолда:

$$\begin{aligned} |\Phi(a_{k+1}) - \Phi(a_k)| &\leq |\Phi_1(a_{k+1}) \cdot \Phi_2(a_{k+1}) - \Phi_1(a_k) \cdot \Phi_2(a_{k+1})| + \\ &+ |\Phi_1(a_k) \cdot \Phi_2(a_{k+1}) - \Phi_1(a_k) \cdot \Phi_2(a_k)| \leq q |\Phi_1(a_{k+1}) - \Phi_1(a_k)| + \\ &+ p |\Phi_2(a_{k+1}) - \Phi_2(a_k)|. \end{aligned}$$

Бундан

$$V_a^b(\Phi) \leq qV_a^b(\Phi_1) + pV_a^b(\Phi_2),$$

яъни  $\Phi_1 \cdot \Phi_2$  функциянинг ўзгариши чегараланган.\*

**38. 2. Теорема.** *Агар  $a < c < b$  бўлса, у ҳолда:*

$$V_a^b(\Phi) = V_a^c(\Phi) + V_c^b(\Phi). \quad (2)$$

Исбот. Агар  $c$  нуқта бўлиш нуқталаридан бирига тенг, масалан,  $c = a_m$  бўлса, у ҳолда

$$\begin{aligned} \sum_{i=0}^{n-1} |\Phi(a_{i+1}) - \Phi(a_i)| &= \sum_{i=0}^{m-1} |\Phi(a_{i+1}) - \Phi(a_i)| + \\ &+ \sum_{i=m}^{n-1} |\Phi(a_{i+1}) - \Phi(a_i)| \end{aligned} \quad (3)$$

тенглик ўринли бўлади.  $[a, b]$  сегментни ихтиёрий майда қисмларга бўлиш ҳисобига бу тенгликнинг ўнг томонидаги йиғиндини  $V_a^c(\Phi) + V_c^b(\Phi)$  сонга истаганча яқин қилиш мумкин. Шунинг учун

$$V_a^b(\Phi) = \sup \sum_{i=0}^{n-1} |\Phi(a_{i+1}) - \Phi(a_i)| \geq V_a^c(\Phi) + V_c^b(\Phi) \quad (4)$$

муносабатларни ёзишимиз мумкин.

Иккинчи томондан, ихтиёрий қисмларга бўлинган  $[a, b]$  сегментни олиб, қўшимча  $c$  бўлиш нуқтаси киритилса, (1) тенгсизликнинг чап томони ортишигина мумкин. Шунинг учун  $c$  бўлиш нуқтасими ёки бўлиш нуқтаси эмасми, бари бир, (3) га мувофиқ қуйидаги тенгсизлик ўринли:

$$\sum_{i=0}^{n-1} |\Phi(a_{i+1}) - \Phi(a_i)| \leq V_a^c(\Phi) + V_c^b(\Phi).$$

Бу тенгсизлик чап томонининг юқори чегараси олинса, ушбу

$$V_a^b(\Phi) \leq V_a^c(\Phi) + V_c^b(\Phi) \quad (5)$$

тенгсизлик келиб чиқади.

(2) тенглик (4) ва (5) тенгсизликларнинг натижасидир.\*

**38. 3. Теорема.** *[a, b] сегментда ўзгариши чегараланган ҳар қандай  $\Phi(x)$  функция икки монотон ўсувчи функциянинг айирмаси сифатида ёзилиши мумкин.*

Исбот. Қўйидаги

$$F(x) = V_a^x(\Phi), \quad G(x) = V_a^x(\Phi) - \Phi(x)$$

функцияларни киритиб, уларнинг ҳар бирининг монотон ўсувчилиги кўрсатилса, теорема исбот этилган бўлади.

38. 2- теоремага мувофиқ:

$$V_a^y(\Phi) - V_a^x(\Phi) = V_x^y(\Phi) \geq 0 \quad \text{[агар } y \geq x \text{ бўлса],}$$

яъни  $F(x)$  монотон ўсувчи функция.  $G(x)$  функция ҳам монотон ўсувчи. Дарҳақиқат,  $y \geq x$  бўлсин. У ҳолда:

$$\begin{aligned} G(y) - G(x) &= V_a^y(\Phi) - V_a^x(\Phi) - \Phi(y) + \Phi(x) = \\ &= V_x^y(\Phi) - [\Phi(y) - \Phi(x)] \geq 0, \end{aligned}$$

чунки

$$V_x^y(\Phi) \geq |\Phi(y) - \Phi(x)|.*$$

Сўнги теореманинг моҳияти шундаки, бунинг ёрдами билан ўзгариши чегараланган функцияларнинг баъзи хоссаларини монотон ўсувчи функцияларнинг хоссасидан келтириб чиқариш мумкин ва аксинча. Масалан, ўзгариши чегараланган  $\Phi(x)$  функция бирон  $x_0$  нуқтада ўнгдан узлуксиз бўлса, у ҳолда  $F(x)$  ва  $G(x)$  функциялар ҳам шу нуқтада ўнгдан узлуксиз бўлади. Масалан, бу жумлани  $F(x)$  функция учун исбот этамиз.

$\Phi(x)$  функциянинг  $x_0$  нуқтада ўнгдан узлуксизлигидан фойдаланиб, ихтиёрий берилган  $\varepsilon > 0$  учун шундай  $\delta > 0$  сонни топамизки, агар  $x_1 - x_0 < \delta$  ва  $x_1 > x_0$  бўлса,

$$|\Phi(x_1) - \Phi(x_0)| < \frac{\varepsilon}{2} \quad (6)$$

тенгсизликни ёзишимиз мумкин.

Энди  $[x_0, b]$  сегментни  $n$  та  $x_0 < x_1 < \dots < x_n = b$  қисмга бўламызки, улар учун қўйидаги тенгсизлик ўринли бўлсин:

$$\sum_{k=0}^{n-1} |\Phi(x_{k+1}) - \Phi(x_k)| > V_{x_0}^b(\Phi) - \frac{\varepsilon}{2}.$$

$x_1$  нуқтани олишда  $x_1 < x_0 + \delta$  тенгсизликка риоя қилишимиз керак. У ҳолда (6) га мувофиқ:

$$V_{x_0}^b(\Phi) < \sum_{k=0}^{n-1} |\Phi(x_{k+1}) - \Phi(x_k)| + \frac{\varepsilon}{2} < \sum_{k=1}^{n-1} |\Phi(x_{k+1}) - \Phi(x_k)| + \varepsilon < V_{x_1}^b + \varepsilon$$

ёки

$$V_{x_0}^{x_1}(\Phi) = V_{x_0}^b(\Phi) - V_{x_1}^b(\Phi) < \varepsilon;$$

бундан эса  $F(x)$  функциянинг  $x = x_0$  нуқтада ўнгдан узлуксизлиги бевосита келиб чиқади.

**38. 4. Натижа.** *Агар ўзгариши чегараланган  $\Phi(x)$  функция  $[a, b]$  сегментда узлуксиз бўлса, у ҳолда  $F(x)$  ва  $G(x)$  функциялар ҳам шу сегментда узлуксиз бўлади.*

**38. 5. Натижа.** *Бирон функциянинг  $[a, b]$  сегментда ўзгариши чегараланган бўлиши учун, унинг иккита монотон ўсувчи функциянинг айирмаси сифатида ёзишнинг мумкинлиги зарур ва кифоядир.*

Бу натижа 38. 1 ва 38. 3- теоремалардан бевосита келиб чиқади.

Энди узлуксиз ва ўзгариши чегараланмаган функцияга мисол келтирамиз.

$$\Phi(x) = x \cos \frac{\pi}{x}, \quad (x \neq 0)$$

$$\Phi(0) = 0$$

бўлсин. Бу функция  $x = 0$  нуқтанинг атрофида сони чексиз максимум ва минимум нуқталарга эга. Қуйидаги жадвални тузамиз:

$$x = 1, \frac{1}{2}, \frac{1}{3}, \dots, \frac{1}{n}, \dots$$

$$\Phi(x) = -1, +\frac{1}{2}, -\frac{1}{3}, \dots, (-1)^n \frac{1}{n}, \dots$$

Бундан кўринадики:

$$\sum_{k=1}^n \left| \Phi\left(\frac{1}{k}\right) - \Phi\left(\frac{1}{k+1}\right) \right| = \frac{3}{2} + \frac{5}{6} + \frac{7}{12} + \dots + \frac{2n+1}{n(n+1)} > 1 + \frac{1}{2} + \frac{1}{3} + \dots + \frac{1}{n},$$

яъни  $\Phi(x)$  функциянинг  $[0, 1]$  сегментдаги ўзгариши:  $V_0^1(\Phi) = +\infty$ .

**38. 6. Теорема.** *Агар  $[a, b]$  сегментда аниқланган ва ўзгариши чегараланган  $\Phi(x)$  функция бирон*

$x_0 \in [a, b]$  нуктада узлуксиз бўлса, у ҳолда бу нуктада  $\Phi(x) = V_a^x(\Phi)$  функция ҳам узлуксиз бўлади.

Исбот.  $x_0 < b$  бўлсин;  $\Phi(x)$  функциянинг  $x_0$  нуктада ўнгдан узлуксизлигини кўрсатамиз. Бунинг учун  $[x_0, b]$  сегментни шундай

$$x_0 = a_0 < a_1 < a_2 < \dots < a_n = b$$

$n$  та қисмга бўламызки, ихтиёрий  $\varepsilon > 0$  сони учун қуйидаги муносабат ўрнили бўлсин:

$$\sum_{i=0}^{n-1} |\Phi(a_{i+1}) - \Phi(a_i)| > V_{x_0}^b(\Phi) - \varepsilon. \quad (7)$$

Чап томондаги йиғинди бўлиш нуқталари кўпайганда ўсшигина мумкин; шунинг учун  $x_1$  нуқтани қуйидаги тенгсизлик ўрнили бўладиган қилиб танлаб оламиз:

$$|\Phi(x_1) - \Phi(a_0)| < \varepsilon.$$

У ҳолда (7) дан:

$$V_{x_0}^b(\Phi) < 2\varepsilon + \sum_{i=1}^{n-1} |\Phi(a_{i+1}) - \Phi(a_i)| \leq 2\varepsilon + V_{x_1}^b(\Phi).$$

Бундан:

$$V_{x_0}^{x_1} = V_a^{x_1} - V_a^{x_0} = \Phi(x_1) - \Phi(x_0) < 2\varepsilon \text{ ёки } \Phi(x_0 + 0) - \Phi(x_0) < 2\varepsilon;$$

$\varepsilon$  ихтиёрий бўлганлиги учун:

$$\Phi(x_0 + 0) = \Phi(x_0).$$

$\Phi(x_0 - 0) = \Phi(x_0)$  тенглик ҳам худди шунга ўхшаш исбот этилади, яъни  $\Phi(x)$  функция (агар  $x_0 > a$  бўлса)  $x_0$  да чапдан узлуксиз. Хусусий  $x_0 = b$  ( $x_0 = a$ ) ҳолда  $\Phi(x)$  ни  $x_0$  нуктада чапдангина ( $x_0$  нуктада ўнгдангина) узлуксизлигини кўрсатиш кифоя.\*

**38. 7. Теорема.**  $[a, b]$  сегментда аниқланган функцияларнинг чексиз системаси  $P = \{f\}$  берилган бўлиб, бу функциялар системаси бирон ўзгармас  $M$  сони билан чегараланган бўлса, яъни:

$$|\Phi(x)| \leq M \quad (x \in [a, b]; \Phi \in P) \quad (8)$$

бўлса, у ҳолда ихтиёрий санокли  $E \subset [a, b]$  тўпلام учун  $P$  системадан шундай  $\{\Phi_n(x)\}$  функциялар кетма-кетлигини ажратиб олиш мумкинки, бу кетма-кетлик  $E$  тўпلامнинг ҳар бир нуқтасида яқинлашувчи бўлади.

Исбот.  $E$  тўпلام санокли бўлганлиги учун унинг элементларини  $\{x_h\}$  кетма-кетлик шаклида ёзиб, ушбу

$$H_1 = \{\Phi(x_1)\} \quad (\Phi \in P)$$

тўпلامни тузамиз; бу ерда  $\Phi$  нинг ўзи  $P$  системада ўзгаради.





Исбот. 38. 7- теоремадаги саноқли  $E$  тўплам сифатида  $[a, b]$  сегментдан ҳамма рационал нуқталарни ва  $a$  нуқтани (агар  $a$  иррационал бўлса) олиб, берилган  $P$  системага шу теоремани татиқ қиламиз. У ҳолда  $P$  системадан  $E$  тўпламнинг ҳар бир нуқтасида чекли лимитга эга бўлган  $H = \{\Phi^{(n)}(x)\}$  кетма-кетликни ажратиш олишимиз мумкин, яъни:

$$\lim_{n \rightarrow \infty} \Phi^{(n)}(x_k) = a_k. \quad (11)$$

Энди  $E$  тўпламнинг ҳар бир нуқтасида қиймати (11) лимитнинг ўнг томонига тенг  $\psi(x)$  функцияни кўрамиз, яъни  $\psi(x) = a_k$  ( $x_k \in E$ ).  $\psi(x)$  функция  $E$  тўпламда аниқланган бўлиб, ўсувчи функция бўлади, чунки  $P$  системадан ажратиш олинган  $\{\Phi^{(n)}(x)\}$  функциялар кетма-кетлигининг ҳар бир элементи ўсувчи функция (теореманинг шартига кўра). Демак, агар  $x_i$  ва  $x_j$  нуқталар  $E$  тўпламга тегишли бўлиб,  $x_i < x_j$  бўлса, у ҳолда:

$$\psi(x_i) < \psi(x_j).$$

Энди  $\psi(x)$  функцияни  $(a, b]$  ярим оралиқнинг ҳамма иррационал нуқталарида қуйидагича аниқлаймиз:

$$\psi(x) = \sup_{x_k < x} \{\psi(x_k)\},$$

бу ерда  $x_k$  ва  $x$  мос равишда  $E$  тўпламнинг рационал ва иррационал нуқталари. Равшанки,  $\psi(x)$  функция узилишига кўра  $[a, b]$  сегментда ўсувчи функциядир. Демак,  $\psi(x)$  функциянинг узилиш нуқталаридан иборат  $Q$  тўплам кўпи билан саноқли бўлади<sup>1</sup>.

<sup>1</sup> Бу фактнинг ўринлилигини кўрсатиш учун  $|\psi(x+0) - \psi(x)| > \frac{1}{k}$  (бунда  $k (> 0)$  ихтиёрий бутун сон) тенгсизликни қаноатлантирувчи нуқталардан иборат тўпламнинг чекли эканини кўрсатиш kifоя.

Дарҳақиқат, агар бу тўплам чексиз бўлса, ундан яқинлашувчи (ўсиб ёки камайиб борувчи) кетма-кетлик ажратиш олиш мумкин. Бу кетма-кетлик яқинлашадиган  $\xi$  нуқтада  $\psi(\xi - 0)$  ёки  $\psi(\xi + 0)$  лимитлардан камида биттаси мавжуд бўлмас эди; бу эса фаразимизга зид. Бу фактни қуйидагича ҳам исботлаш мумкин.

$\psi(x)$  монотон функция бўлгани учун унинг чап ва ўнг лимитлари мавжуд:

$$\psi(x+0) = \lim_{\substack{\xi \rightarrow x \\ \xi > x}} \psi(\xi), \quad \psi(x-0) = \lim_{\substack{\xi \rightarrow x \\ \xi < x}} \psi(\xi)$$

Ушбу ( $\psi(x-0)$ ;  $\psi(x+0)$ ) узилиш интервалининг узунлиги бўлган сон  $\psi(x)$  ning  $x$  нуқтадаги сакраши дейилади.  $\psi(x)$  монотон функция бўлгани учун турли узилиш нуқталарининг узилиш интерваллари ( $\psi(x+0)$ ;  $\psi(x-0)$ ) кесишмайди (кўпи билан умумий учга эга бўлиши мумкин). Агар бундай узилиш интервалларининг ҳар биридан биттадан рационал сонни танлаб олсак, у ҳолда бундай интервалларнинг сони кўпи билан саноқли бўлади. Узилиш интерваллари билан училиш нуқталари орасида бир қийматли мослик бўлгани учун узилиш нуқталари ҳам кўпи билан саноқли бўлади.

Агар  $x_0$  нуқта  $\psi(x)$  нинг узлуксиз нуқтаси бўлса, у ҳолда:

$$\lim_{n \rightarrow \infty} \Phi^{(n)}(x_0) = \psi(x_0). \quad (12)$$

Дарҳақиқат, ихтиёрий  $\varepsilon > 0$  учун  $E$  тўпламда шундай  $x_i$  ва  $x_j$  нуқталар мавжудки, улар учун:

$$x_i < x_0 < x_j \text{ ва } \psi(x_j) - \psi(x_i) < \frac{\varepsilon}{2}$$

муносабатлар ўринли.

(11) га мувофиқ  $x_i$  ва  $x_j$  нуқталар учун шундай натурал  $n_0$  сони мавжудки, улар учун  $n > n_0$  бўлганда ушбу

$$|\Phi^{(n)}(x_i) - \psi(x_i)| < \frac{\varepsilon}{2}, \quad |\Phi^{(n)}(x_j) - \psi(x_j)| < \frac{\varepsilon}{2}$$

тенгсизликлар ўринли бўлади.

$\psi(x)$  нинг тузилишига мувофиқ, бу муносабатларга асосланиб,  $n > n_0$  бўлганда қуйидаги тенгсизликларни ёзишга ҳам ҳақлимиз:

$$\psi(x_0) - \varepsilon < \Phi^{(n)}(x_i) \leq \Phi^{(n)}(x_j) < \psi(x_0) + \varepsilon.$$

Аммо

$$\Phi^{(n)}(x_i) \leq \Phi^{(n)}(x_0) \leq \Phi^{(n)}(x_j).$$

Шунинг учун  $n > n_0$  бўлганда

$$\psi(x_0) - \varepsilon \leq \Phi^{(n)}(x_0) \leq \psi(x_0) + \varepsilon$$

тенгсизликлар ўринли бўлади ва бундан ( $\varepsilon > 0$  ихтиёрий бўлганлиги учун) (12) муносабат келиб чиқади. Натижада ушбу

$$\lim_{n \rightarrow \infty} \Phi^{(n)}(x) = \psi(x) \quad (13)$$

тенглик  $[a, b]$  сегментнинг кўпи билан sanoқли  $Q$  қисмидагина бажарилмаслиги мумкин. Шунинг назарда тутиб, 38. 7-теоремани  $H$  кетма-кетликка татбиқ қиламиз;  $E$  тўплам сифатида  $Q$  нинг (13) муносабат бажарилмаган нуқталарини оламиз. Бунинг натижасида  $H$  кетма-кетликдан  $[a, b]$  сегментнинг ҳар бир нуқтасида яқинлашувчи  $H_1 = \{\Phi_n(x)\}$  кетма-кетлик қисмини ажратиш олиш мумкин. Энди  $\varphi(x)$  сифатида ушбу

$$\varphi(x) = \lim_{n \rightarrow \infty} \Phi_n(x)$$

функция олинса, у ўсувчи бўлиб, биз излаган функция бўлади.

**38. 9. Теорема (Хелли теоремаси).** *[a, b] сегментда аниқланган функциялар системаси (чексиз)  $H = \{\Phi(x)\}$  берилган бўлиб, бу функциялар системаси ва уларнинг [a, b] сегментда тўла ўзгариши бирон ўзгармас  $M$  сони билан чегараланган, яъни*

$$|\Phi(x)| \leq M, \quad V_a^b(\Phi) \leq M \quad (x \in [a, b], \Phi \in H)$$

булсин, у ҳолда  $H$  системадан  $[a, b]$  сегментнинг ҳар бир нуқтасида бирон ўзгариши чегараланган  $\Phi(x)$  функцияга яқинлашувчи кетма-кетликни ажратиб олиш мумкин.

Исбот.  $H$  системанинг ихтиёрий  $\Phi$  элементи учун қуйидаги муносабатларни ёзишимиз мумкин:

$$|F(x)| = |V_a^x(\Phi)| \leq M; \quad |G(x)| = |F(x) - \Phi(x)| \leq 2M.$$

$\{F(x)\}$  системага 38. 8-теоремани татбиқ қилиб, ундан бирон  $f(x)$  функцияга яқинлашувчи  $\{F_n(x)\}$  функциялар кетма-кетлигини ажратиб оламиз, яъни:

$$\lim_{n \rightarrow \infty} F_n(x) = f(x).$$

Ҳар бир  $F_n(x)$  функцияга  $G_n(x) = F_n(x) - \Phi_n(x)$  функцияни мос келтириб  $\{G_n(x)\}$  функциялар кетма-кетлигига 38. 8-теоремани татбиқ қиламиз. Натижада  $[a, b]$  сегментда бирон  $\varphi(x)$  га яқинлашувчи  $\{G_{n_k}(x)\}$  функциялар кетма-кетлиги ҳосил бўлади, яъни:

$$\lim_{k \rightarrow \infty} G_{n_k}(x) = \varphi(x),$$

у ҳолда  $\{F_{n_k}(x) - G_{n_k}(x)\}$  функциялар кетма-кетлиги  $H$  системадан ажратиб олинган бўлиб,  $\psi(x) = f(x) - \varphi(x)$  функцияга  $[a, b]$  сегментда яқинлашади.\*

### 39-§. Стильтъес интеграллари

Бу параграфда Риман маъносида интеграллаш процессининг умумлаштирилган муҳим бир ҳоли — Стильтъес интеграллари билан шуғулланамиз. Бу интеграл тушунчаси эҳтимолликлар назариясида ва назарий механиканинг баъзи масалаларини ҳал қилишда ғоят катта аҳамиятга эга. Шунинг учун Стильтъес интеграллари тушунчасини англатишни мисоллардан бошлаймиз.

1)

$$x_1, x_2, \dots, x_n$$

лар ва буларга мос равишда

$$p_1, p_2, \dots, p_n \quad \left( p_i \geq 0, \quad \sum_1^n p_i = 1, \quad i = 1, 2, \dots, n \right)$$

сонлар берилган бўлсин. Бу ҳолда тасодикий ўзгарувчи  $\xi$  миқдор берилган дейилади; бунда  $x_i$  лар  $\xi$  нинг қийматлари,  $p_i$  лар эса уларнинг мос эҳтимоллари.  $\varphi$  билан  $\xi$  нинг бирон функцияси белгиланса, у ҳолда  $\varphi(\xi)$  функция ҳам тасодикий ўзгарувчи бўлади ва унинг математик кутилиши, таъриф бўйича қуйидаги тенглик билан аниқланади:

$$M \{ \varphi(\xi) \} = \sum_{i=1}^n \varphi(x_i) p_i. \quad (1)$$

Бу ҳолда тасодифий ўзгарувчи  $\xi$  нинг қийматларини  $(a, b)$  оралиққа тегишлилик эҳтимоли  $\sum_{a < x_i < b} p_i$  га тенг.

Агар тасодифий ўзгарувчи  $\xi$  узлуксиз миқдор бўлса, у ҳолда унинг қийматларининг  $(a, b)$  оралиққа тегишлилиги эҳтимоли юқоридагига ўхшаш

$$\int_a^b p(x) dx, \quad p(x) \geq 0 \quad \text{ва} \quad \int_{-\infty}^{+\infty} p(x) dx = 1$$

га тенг. У ҳолда  $\varphi(\xi)$  нинг математик кутилиши ушбу

$$M\{\varphi(\xi)\} = \int_{-\infty}^{+\infty} \varphi(x) p(x) dx \quad (2)$$

формула билан аниқланади.

2) Иккинчи мисол сифатида қуйидаги масалани кўрамыз. Текисликда  $x$  ўқининг  $x_1, x_2, \dots, x_n$  нуқталарида, мос равишда  $m_1, m_2, \dots, m_n$  массалар жойлашган бўлсин. Механикадан маълумки, бирлик масса  $y$  ўқининг  $y = 1$  нуқтасида потенциал ҳосил қилади ва бу потенциал  $x_i$  нуқтадаги массага тўғри пропорционал ва текисликдаги ( $y = 1, x = 0$ ) ва ( $y = 0, x = x_i$ ) нуқталар орасидаги масофага тескари пропорционал, яъни  $x_i$  нуқтадаги масса ушбу

$$\varphi_i = \frac{cm_i}{\sqrt{1+x_i^2}}$$

потенциални ҳосил қилади. Демак,  $x_1, x_2, \dots, x_n$  нуқталардаги  $m_1, m_2, \dots, m_k$  массалар ( $y = 1, x = 0$ ) нуқтада қуйидаги потенциални ҳосил қилади:

$$\varphi = \sum_{i=1}^n \varphi_i = c \sum_{i=1}^n \frac{m_i}{\sqrt{1+x_i^2}}. \quad (3)$$

Агар массаларнинг  $x$  ўқидаги тақсимоли узлуксиз бўлиб,  $x_1 < x < x_2$  оралиқдаги масса ушбу

$$\int_{x_1}^{x_2} m(x) dx$$

интегралга тенг бўлса, у ҳолда потенциал  $\varphi$  қуйидаги интегралга тенг бўлади:

$$\varphi = c \int_{-\infty}^{+\infty} \frac{m(x)}{\sqrt{1+x^2}} dx. \quad (4)$$

Энди табиий равишда юқоридаги (1), (2) ва (4) тенгликларнинг ўнг томонидаги ифодалар хусусий ҳоли бўладиган шундай интег-

раллаш апарати тузиш мумкин эмасми, деган савол туғилади. Бу саволга Стильтъес интегрални ижобий жавоб беради.

Энди Стильтъес интегралнинг умумий таърифини, унинг мавжудлик шартларини келтирамиз ва хоссаларини ўрганамиз.

$[a, b]$  сегментда икки  $f(x)$  ва  $\varphi(x)$  функциялар аниқланган бўлсин. Риман интегрални таърифлашдагидек  $[a, b]$  сегментни қуйидаги нуқталар билан  $n$  қисмга бўламиз:

$$a = a_0 < a_1 < a_2 < \dots < a_n = b; \max_{1 \leq i < n} (a_i - a_{i-1}) = \alpha_n. \quad (5)$$

Ҳар бир  $a_{i-1} \leq x \leq a_i$  қисмдан бирон  $x_i$  нуқтани олиб, ушбу

$$S = \sum_{i=1}^n f(x_i) \{\varphi(a_i) - \varphi(a_{i-1})\} \quad (6)$$

йиғиндини тузамиз.

**Таъриф.** Агар  $\alpha_n$  нолга шитилганда  $S$  йиғинди  $[a, b]$  нинг қандай бўлиганидан ва  $x_i$  нуқталарнинг қандай танланишидан қатъи назар аниқ бир  $I$  лимитга шитилса, у ҳолда шу лимит Стильтъес интегрални дейилади ва бундай ёзилади:

$$\lim_{\alpha_n \rightarrow 0} S = I = \int_a^b f(x) d\varphi(x).$$

Бу ерда лимитга ўтиш  $a_i$  ва  $x_i (i = 1, 2, \dots)$  нуқталарни танлаб олишга, яъни  $[a, b]$  сегментни қисмларга қандай бўлишга ва бу қисмлардан нуқталарни танлаб олишга боғлиқ бўлмаслиги керак.

Бу таърифнинг аниқ мазмуни қуйидагича: ҳар қандай  $\varepsilon > 0$  учун шундай  $\delta > 0$  сон мавжудки,  $\alpha_n < \delta$  бўлганда ( $\alpha_n = \max (a_i - a_{i-1})$ )

$$|I - S| < \varepsilon$$

тенгсизлик бажарилади.  $f(x)$  ни интегралланувчи функция,  $\varphi(x)$  ни интегралловчи функция дейилади. Ўз-ўзидан равшанки, агар  $\varphi(x) = x$  бўлса, у ҳолда  $f(x)$  нинг Стильтъес интегрални унинг Риман интегралининг худди ўзи бўлади, яъни Риман интегрални Стильтъес интегралининг хусусий ҳоли экан.

**Теорема.** Агар  $[a, b]$  сегментда  $f(x)$  узлуксиз ва  $\varphi(x)$  ўзгариши чегараланган функциялар бўлса, у ҳолда Стильтъес интегрални  $I$  мавжуд бўлади.

Исбот.  $f(x)$  нинг  $[a, b]$  сегментда узлуксизлигига мувофиқ ихтиёрий  $\varepsilon > 0$  учун шундай  $\delta > 0$  мавжудки,  $|x_1 - x_2| \leq \delta$  бўлганда  $|f(x_1) - f(x_2)| < \varepsilon$  бўлади.  $[a, b]$  сегментни (5) га ўхшаш  $\alpha_n < \delta$  бўладиган қилиб  $n$  та қисмга бўламиз, шу бўлишга мос  $S$  йиғиндини [(6) формулага қаранг] тузамиз. Сўнг ҳар бир  $[a_{i-1}, a_i]$  сегментни майдароқ қисмларга бўламиз:

$$a_{i-1} = a_{i,0} < a_{i,1} < a_{i,2} < \dots < a_{i,n_i} = a_i.$$

Бу бўлинишларга мос  $S'$  йиғиндини тузамиз:

$$S' = \sum_{i=1}^n \sum_{j=1}^{n_i} f(x_{i,j}) |\varphi(a_{i,j}) - \varphi(a_{i,j-1})| \quad (a_{i,j-1} \leq x_{i,j} < a_{i,j}).$$

$|f(x_{i,j}) - f(x_i)| \leq \varepsilon$  экани равшан, чунки:

$$a_i - a_{i-1} \leq \alpha_n < \delta \quad \text{ва} \quad a_{i-1} \leq x_i \leq a_i, \quad a_{i-1} \leq x_{i,j} \leq a_i.$$

Шунинг учун  $S'$  йиғиндидаги ҳамма  $f(x_{i,j})$  ни мос равишда  $f(x_i)$  билан алмаштирилса, натижада ҳосил бўлган йиғинди билан  $S'$  йиғинди орасидаги фарқнинг абсолют қиймати ушбу

$$\varepsilon \sum_{i=1}^n \sum_{j=1}^{n_i} |\varphi(a_{i,j}) - \varphi(a_{i,j-1})| \leq \varepsilon V_a^b(\varphi)$$

миқдордан катта бўлмайди. Аммо бу алмаштириш натижасида  $S'$  йиғинди  $S$  йиғиндига алмашади ва  $|S - S'| \leq \varepsilon V_a^b(\varphi)$  тенгсизлик ўринли бўлади. Энди  $[a, b]$  сегментни икки усул билан шундай қисмларга бўламизки, улар учун тегишли  $\alpha$  сонларнинг ( $\alpha$  бўлиш натижасида ҳосил бўлган қисмлар узунликларининг максимуми) ҳар бири  $\delta$  дан катта бўлмасин. Бу икки бўлишга мос йиғиндиларни  $S_1$  ва  $S_2$  билан белгилаймиз ва бу икки бўлишни бирлаштиришдан (яъни икки усулга кирган ҳамма бўлиш нуқталаридан тузилган янги бўлиш) ҳосил бўлган бўлишга мос йиғиндини  $S'$  билан белгилаймиз. Юқоридаги мулоҳазаларга мувофиқ равшанки:

$$|S_1 - S'| \leq \varepsilon V_a^b(\varphi) \quad \text{ва} \quad |S_2 - S'| \leq \varepsilon V_a^b(\varphi).$$

Демак,

$$|S_1 - S_2| \leq 2\varepsilon V_a^b(\varphi). \quad (7)$$

Ушбу

$$S_1, S_2, \dots, S_n, \dots \quad (8)$$

йиғиндиларнинг кетма-кетлигини тузамиз; буларни тузишда  $S_n$  йиғиндига тегишли  $a_i - a_{i-1}$  айирмаларнинг максимумини  $n \rightarrow \infty$  да нолга интиладиган қилиб оламиз. У ҳолда  $|S_{n+p} - S_n|$  ҳам  $n$  ортиб борганда ҳар қандай натурал  $p$  учун нолга интилади, яъни ихтиёрий  $\varepsilon > 0$  учун шундай натурал  $n$  сони мавжудки, номери бундан катта бўлган йиғиндиларга тегишли  $\alpha$  сонлар  $\delta (> 0)$  дан катта бўлмайди, демак, уларнинг айирмасининг модули (7) га мувофиқ  $2\varepsilon V_a^b(\varphi)$  дан катта бўлмайди. Демак, Коши критерийсига мувофиқ  $\{S_n\}$  йиғиндилар кетма-кетлиги бирон лимитга эга бўлади, бу лимитни  $I$  билан белгилаймиз. Агар ихтиёрий  $S^*$  йиғинди берилган бўлиб, унинг учун  $\alpha < \delta$  бўлса, у ҳолда (8) кетма-кетликдан олинган номери деярли катта  $S_m$  йиғинди билан  $S^*$  йиғин-

дининг орасидаги фарқнинг абсолют қиймати ҳам  $2\varepsilon V_a^b(\varphi)$  дан катта бўлмайди, яъни:

$$|S^* - I| = \lim_m |S_m - S^*| \leq 2\varepsilon V_a^b(\varphi).$$

Натижада  $\alpha$  камайиб нолга интилганда унга тегишли  $S^*$  йиғинди (унинг (8) кетма-кетликка кириш-кирмаслигидан қатъи назар)  $I$  га интилади.\* Энди Стильтъес интеграли ёрдами билан (1), (2) ва (3), (4) тенгликларни умумий равишда қандай ёзиш мумкинлигини кўрсатишни ўқувчига тавсия қиламиз.

### 10-§. Стильтъес интегралнинг асосий хоссалари

#### 40. 1. Хосса.

$$\int_a^b f(x) d\varphi(x) + \int_a^b \psi(x) d\varphi(x) = \int_a^b \{f(x) + \psi(x)\} d\varphi(x)$$

*тенглик ўринли ва бунинг чап томонининг мавжудлигидан ўнг томонининг мавжудлиги келиб чиқади.*

Исбот. Дарҳақиқат,

$$S = \sum_{i=1}^n [f(x_i) + \psi(x_i)] \{\varphi(a_i) - \varphi(a_{i-1})\} = \sum_{i=1}^n f(x_i) \{\varphi(a_i) - \varphi(a_{i-1})\} - \varphi(a_{i-1}) + \sum_{i=1}^n \psi(x_i) \{\varphi(a_i) - \varphi(a_{i-1})\} = S_1 + S_2.$$

Агар  $\alpha_n$  нолга интилганда  $S_1$  ва  $S_2$  йиғиндилар мос равишда  $I_1$  ва  $I_2$  лимитларга интилса, у ҳолда  $S = S_1 + S_2$  йиғинди  $I = I_1 + I_2$  йиғиндига интилади; бу ерда:

$$I_1 = \int_a^b f(x) d\varphi(x), \quad I_2 = \int_a^b \psi(x) d\varphi(x), \quad \text{ва} \quad I = \int_a^b \{f(x) + \psi(x)\} d\varphi(x).$$

#### 40. 2. Хосса.

$$\int_a^b f(x) d\varphi(x) + \int_a^b f(x) d\psi(x) = \int_a^b f(x) d\{\varphi(x) + \psi(x)\}$$

*тенглик ўринли ва бу ерда ҳам чап томоннинг мавжудлигидан ўнг томоннинг мавжудлиги келиб чиқади.*

Бу хосса 40. 1-хоссага ўхшаш исботланади.

#### 40. 3. Хосса. Агар $a < b < c$ бўлса, у ҳолда:

$$\int_a^b f(x) d\varphi(x) + \int_b^c f(x) d\varphi(x) = \int_a^c f(x) d\varphi(x).$$

**Бу тенглик интегралларнинг ҳаммаси мавжуд бўлганда ўринли.** Бу хоссанинг исботи юқоридаги 40. 1- хоссанинг исботи каби содда, аммо бунда ўнг томондаги интегралга мос йиғиндини тузишда, яъни  $[a, c]$  сегментни қисмларга бўлишда  $b$  нуқтани бўлиш нуқтаси қилиб олиш керак. Яна шуни ҳам айтмоқ

лозимки,  $\int_a^c f(x) d\varphi(x)$  интегралнинг мавжудлигидан  $\int_a^b f d\varphi$  ва

$\int_b^c f d\varphi$  интегралларнинг мавжудлиги келиб чиқади. Лекин аксинчаси умуман ҳар вақт ўринли эмас. Бунга мисол келтирамиз.  $[-1, +1]$  сегментда қуйидагича тузилган  $f(x)$  ва  $\varphi(x)$  функциялар берилган бўлсин:

$$f(x) = \begin{cases} \text{агар } -1 \leq x \leq 0 \text{ бўлса, } 0, \\ \text{агар } 0 < x \leq 1 \text{ бўлса, } \frac{1}{x}. \end{cases}$$

$$\varphi(x) = \begin{cases} \text{агар } -1 < x < 0 \text{ бўлса, } x, \\ \text{агар } 0 \leq x \leq 1 \text{ бўлса, } 0. \end{cases}$$

Равшанки,

$$\int_{-1}^0 f(x) d\varphi(x) = 0, \quad \int_0^1 f(x) d\varphi(x) = 0.$$

чунки  $[-1, 0]$  сегментда  $f(x) = 0$  ва  $[0, 1]$  сегментда  $\varphi(x) = 0$ . Аммо

$$\int_{-1}^{+1} f(x) d\varphi(x)$$

интеграл мавжуд эмас, чунки  $[-1, +1]$  сегментни қисмларга бўлганимизда  $a_{i-1} < 0 < a_i$  қисмга мос ҳад (ноль нуқта бўлиш нуқтаси бўлмаган ҳолда) қуйидагича бўлади:

$$\sigma_i = \{\varphi(a_i) - \varphi(a_{i-1})\} f(x_i) = -\frac{a_{i-1}}{x_i} \quad (\text{агар } x > 0 \text{ бўлса}).$$

Бундан кўринадикки,  $x_i$  нолга истаганча яқин бўлганда  $\sigma_i$  сони истаганча катта қилиниши мумкин, демак, тегишли йиғинди лимитга эга бўлмайди.

40. 4. Хосса.  $\int_a^b kf(x) dh\varphi(x) = kh \int_a^b f(x) d\varphi(x)$  ( $k$  ва  $h$  ўзгармас сонлар).

40. 5. Хосса. Ушбу  $\int_a^b f(x) d\varphi(x)$  ва  $\int_a^b \varphi(x) df(x)$  интегралларнинг бирининг мавжудлигидан иккинчисининг мавжудлиги келиб чиқади ва қуйидаги тенглик ўринли;



$$\int_a^b f(x) d\varphi(x) + \int_a^b \varphi(x) df(x) = f(b)\varphi(b) - f(a)\varphi(a) = [f(x)\varphi(x)]_a^b. \quad (1)$$

Бу тенгликни бўлак-лаб интеграллаш формуласи дейилади.

Исбот.  $\int_a^b f(x) d\varphi(x)$  интеграл мавжуд деб фараз қилиб, 39-параграфдаги (6) йиғиндига ўхшаш қуйидаги йиғиндини тузамиз:

$$S = \sum_{i=1}^n f(x_i) [\varphi(a_i) - \varphi(a_{i-1})] = \sum_{i=1}^n f(x_i) \varphi(a_i) - \sum_{i=1}^n f(x_i) \varphi(a_{i-1}).$$

$a_n = b$ ,  $a_0 = a$  бўлганлиги учун йиғиндидан  $[f(x)\varphi(x)]_a^b$  ифодани қўшиб ва айириб ташланса, ушбу:

$$\begin{aligned} S &= f(x_n)\varphi(a_n) + \sum_{i=1}^{n-1} f(x_i)\varphi(a_i) - \sum_{i=1}^{n-1} f(x_{i+1})\varphi(a_i) - f(x_1)\varphi(a_0) = \\ &= [f(x)\varphi(x)]_a^b - [f(b) - f(x_n)]\varphi(b) + \sum_{i=1}^{n-1} \varphi(a_i)[f(x_{i+1}) - f(x_i)] + \\ &\quad + [f(x_1) - f(a)]\varphi(a) = [f(x)\varphi(x)]_a^b - S' \end{aligned}$$

тенглик келиб чиқади; бу ерда  $S'$  — сўнги катта қавс ичидаги ифода.

$S'$  йиғиндининг тузилишига диққат билан қаралса, у ҳам  $S$  йиғиндига ўхшаш тузилган бўлиб, бундаги фарқ  $S'$  да  $[a, b]$  сегментни бўлиш нуқталари сифатида  $x_0 = a < x_1 < x_2 < \dots < x_n = b$  нуқталар иштирок этаётгани;  $a_1, a_2, \dots, a_{n-1}$  нуқталар (яъни  $S$  ни тузишда бўлиш нуқталари сифатида олинган нуқталар) эса тегишлича  $x_1 \leq a_1 \leq x_2$ ,  $x_2 \leq a_2 \leq x_3$ ,  $\dots$ ,  $x_{n-1} \leq a_{n-1} \leq x_n$  тенгсизликларни қаноатлантиришидадир. Равшанки,  $\alpha_n = \max_{0 \leq i < n-1} (a_{i+1} - a_i)$  нолга интилганда,  $\beta_n = \max_{0 \leq i < n-1} (x_{i+1} - x_i)$  ҳам нолга интилади. Фаразимизга мувофиқ,  $\alpha_n \rightarrow 0$  да  $S$  нинг лимити мавжуд, демак,

$$S' = [f(x)\varphi(x)]_a^b - S$$

тенгликдан, юқоридаги мулоҳазага мувофиқ,  $\beta_n \rightarrow 0$  да  $S'$  нинг лимити мавжудлиги келиб чиқади. Бу лимит эса Стильтъес интегралининг таърифига кўра  $\int_a^b \varphi(x) df(x)$  га тенг. Аксинча, сўнги

интеграл мавжуд деб фараз қилсак эди, юқоридагига ўхшаш,  $\int_a^b f(x) d\varphi(x)$  интегралнинг мавжудлигини кўрсатиш мумкин эди.\*

41-§. Стильтес интегрални  
остида лимитга ўтиш

41. 1. Теорема.  $[a, b]$  сегментда аниқланган ўзгариши чегараланган  $\varphi(x)$  функция ва  $f(x)$  функцияга текис яқинлашувчи узлуксиз  $\{f_n(x)\}$  функциялар кетма-кетлиги берилган бўлсин. У ҳолда:

$$\lim_{n \rightarrow \infty} \int_a^b f_n(x) d\varphi(x) = \int_a^b f(x) d\varphi(x). \quad (1)$$

Исбот. Теореманинг шартига кўра  $f(x)$  функция узлуксиз бўлади, шунинг учун сўнгги муносабатнинг ўнг томонидаги интеграл мавжуд (39-параграфдаги теоремага асосан).

39-параграфнинг (6) тенглигидаги  $S$  йиғинди учун қуйидаги муносабатларни ёзишимиз мумкин:

$$|S| = \left| \sum_{i=1}^n f(x_i) \{ \varphi(a_i) - \varphi(a_{i-1}) \} \right| \leq \max_{a < x < b} |f(x)| \sum_{i=1}^n | \varphi(a_i) - \varphi(a_{i-1}) | \leq M_f V_a^b(\varphi),$$

бу ерда

$$M_f = \max_{a < x < b} |f(x)|.$$

Бундан, равшанки:

$$\left| \int_a^b f(x) d\varphi(x) \right| \leq M_f V_a^b(\varphi),$$

у ҳолда:

$$\left| \int_a^b f_n(x) d\varphi(x) - \int_a^b f(x) d\varphi(x) \right| \leq M_{f_n - f} V_a^b(\varphi).$$

Лекин теореманинг шартига кўра:

$$M_{f_n - f} \rightarrow 0 \quad (n \rightarrow \infty);$$

демак, (1) муносабат ўринли.

41. 2. Теорема (Хелли теоремаси).  $[a, b]$  сегментда аниқланган узлуксиз  $f(x)$  функция ва бу сегментнинг ҳар бир нуқтасида чекли  $\varphi(x)$  функцияга яқинлашувчи  $\{\varphi_n(x)\}$  функциялар кетма-кетлиги берилган бўлсин. Агар натурал  $n$  сонининг ҳамма қийматлари учун ушбу

$$V_a^b(\varphi_n) \leq M \quad (2)$$

тенгсизлик бажарилса ( $M$  узгармас ва  $n$  га боғлиқ бўлмаган сон), у ҳолда:

$$\lim_{n \rightarrow \infty} \int_a^b f(x) d\varphi_n(x) = \int_a^b f(x) d\varphi(x). \quad (3)$$

Исбот. (2) га асосан:

$$V_a^b(\varphi) \leq M \quad (4)$$

тенгсизликни ёзишимиз мумкин; дарҳақиқат  $[a, b]$  сегментни ихтиёрий  $m$  та қисмга бўлиб,

$$\sum_{i=1}^m |\varphi_n(a_i) - \varphi_n(a_{i-1})| \leq M \quad (n = 1, 2, \dots)$$

тенгсизликни ёзишимиз мумкин. Бундан  $n \rightarrow \infty$  да лимитга ўтилса,

$$\sum_{i=1}^m |\varphi(a_i) - \varphi(a_{i-1})| \leq M$$

тенгсизлик ҳосил бўлади. Аммо  $[a, b]$  ни  $m$  қисмга бўлиш ихтиёрийлигидан (4) тенгсизлик келиб чиқади.

Энди ихтиёрий  $\varepsilon > 0$  учун  $[a, b]$  сегментни шундай  $m$  та  $[a_{i-1}, a_i]$  қисмларга бўламизки, у қисмларнинг ҳар бирида интегралланувчи  $f(x)$  функциянинг тебраниши  $\frac{\varepsilon}{3M}$  дан кичик бўлсин, У ҳолда:

$$\begin{aligned} \int_a^b f(x) d\varphi(x) &= \sum_{i=1}^m \int_{a_{i-1}}^{a_i} f(x) d\varphi(x) = \sum_{i=1}^m \int_{a_{i-1}}^{a_i} [f(x) - f(a_{i-1})] d\varphi(x) + \\ &+ \sum_{i=1}^m f(a_{i-1}) \int_{a_{i-1}}^{a_i} d\varphi(x) \quad \text{ва} \quad \int_{a_{i-1}}^{a_i} d\varphi(x) = \varphi(a_i) - \varphi(a_{i-1}) \quad (i = \overline{1, m}). \end{aligned}$$

Равшанки:

$$\left| \int_{a_{i-1}}^{a_i} [f(x) - f(a_{i-1})] d\varphi(x) \right| \leq \frac{\varepsilon}{3M} V_{a_{i-1}}^{a_i}(\varphi),$$

чунки

$$|f(x) - f(a_{i-1})| < \frac{\varepsilon}{3M}.$$

Бундан:

$$\left| \sum_{i=1}^m \int_{a_{i-1}}^{a_i} [f(x) - f(a_{i-1})] d\varphi(x) \right| < \frac{\varepsilon}{3M} \sum_{i=1}^m V_{a_{i-1}}^{a_i}(\varphi) = \frac{\varepsilon}{3M} V_a^b(\varphi) \leq \frac{\varepsilon}{3}.$$

Демак,

$$\int_a^b f(x) d\varphi(x) = \sum_{i=1}^m f(a_{i-1}) [\varphi(a_i) - \varphi(a_{i-1})] + \alpha \frac{\varepsilon}{3} \quad (|\alpha| \leq 1).$$

Шунга ўхшаш:

$$\int_a^b f(x) d\varphi_n(x) = \sum_{i=1}^m f(a_{i-1}) [\varphi_n(a_i) - \varphi_n(a_{i-1})] + \alpha_n \frac{\varepsilon}{3} \quad (|\alpha_n| \leq 1).$$

$\{\varphi_n(x)\}$  функциялар кетма-кетлигига қўйилган шартларга асосан, шундай натурал  $n_0$  сони мавжудки,  $n > n_0$  бўлганда ушбу

$$\left| \sum_{i=1}^m f(a_{i-1}) [\varphi_n(a_i) - \varphi_n(a_{i-1})] - \sum_{i=1}^m f(a_{i-1}) [\varphi(a_i) - \varphi(a_{i-1})] \right| < \frac{\varepsilon}{3}$$

тенгсизлик ўринли бўлади. Демак,  $n > n_0$  бўлганда, бу тенгсизликка асосан қуйидаги тенгсизликни ҳам ёзишимиз мумкин:

$$\left| \int_a^b f(x) d\varphi_n(x) - \int_a^b f(x) d\varphi(x) \right| < \varepsilon.$$

$\varepsilon$  нинг ихтиёрийлигидан ва бу тенгсизликдан биз исбот этмоқчи бўлган (3) муносабат келиб чиқади.\*

## МАШҚ УЧУН МАСАЛАЛАР

1. Ўзгариши чегараланган ва узлуксиз функцияни икки ўсувчи ва узлуксиз функцияларнинг айирмаси сифатида ёзиш мумкинлиги кўрсатилсин.

2. Монотон функция саноқли ва ҳар ерда зич тўпладан иборат узилиш нуқталарига эга бўлиши мумкинлиги мисолда кўрсатилсин.

3. Ҳар қандай ўзгариши чегараланган функцияни узилиш нуқталарида поғонали ва ўзгариши чегараланган узлуксиз функцияларнинг йиғиндиси сифатида ёзиш мумкинлиги исбот этилсин.

4. 41. 2-теорема (Хелли теоремаси) ёрдами билан:

$\int_a^b f(x) dg(x)$  ( $f(x)$  узлуксиз ва  $g(x)$  ўзгариши чегараланган функция) интегрални ҳисоблаш масаласини  $g(x)$  функция узлуксиз бўлган ҳолга келтириш мумкинлиги кўрсатилсин.

5. Ушбу  $f(x) = x^p \sin(x^q)$  ( $x \neq 0$ );  $f(0) = 0$  функция  $p$  ва  $q$  параметрларнинг ( $-\infty < p, q < +\infty$ ) қандай қийматлари учун  $[0, 1]$  сегментда тўла ўзгариши чегараланган бўлади ва уларнинг қандай қийматлари учун ўзгариши чегараланган бўлмайди?

6. Қуйидаги функциянинг  $[0, 1]$  сегментда тўла ўзгариши ҳисоблансин:

$$f(x) = x^2 \cos \frac{\pi}{x} \quad (x \neq 0)$$

$$f(0) = 0.$$

7. Агар  $|f(x_1) - f(x_2)| \leq K |x_1 - x_2|^p$  тенгсизлик бажарилса,  $f(x)$  функция  $p (> 0)$  тартибли Липшиц шартини қаноатлантиради.

Агар  $[a, b]$  сегментда  $f(x)$  функция  $p$ - тартибли Липшиц шартини қаноатлантирса,  $g(x)$  функция  $q$ - тартибли Липшиц шартини қаноатлантирса ва  $p + q > 1$  бўлса, у ҳолда:  $\int_a^b f(x) dg(x)$  мавжуд бўлишини исботланг.

## IX БОБ

### ЛЕБЕГНИНГ АНИҚМАС ИНТЕГРАЛИ. АБСОЛЮТ УЗЛУКСИЗ ФУНКЦИЯЛАР

#### 42- §. Монотон функциянинг ҳосиласи

Бу параграфда мазкур боб учун зарур бўлган монотон функцияларга оид баъзи фактларни ва улардан келиб чиқадиغان натижаларни келтирамыз.

42. 1. Теорема (Лебег теоремаси).  $[a, b]$  сегментда аниқланган ихтиёрий монотон функция бу сегментнинг деярли ҳар бир нуқтасида чекли ҳосиллага эга.

Исбот. Аввал теоремани узлуксиз монотон функциялар учун исбот этиб, сўнгра узлуксиз бўлмаган монотон функциялар учун ўринлилигини кўрсатамыз. Бунинг учун узлуксиз функцияларга оид қуйидаги леммани исбот қиламыз.

42. 2. Лемма (Ф. Рисс леммаси).  $[a, b]$  сегментда аниқланган узлуксиз  $\varphi(x)$  функция берилган бўлсин.  $E$  тўплам  $[a, b]$  сегментнинг шундай ички  $x$  нуқталаридан иборатки, бу нуқталарнинг ҳар биридан ўнгда

$$\varphi(\xi) > \varphi(x) \quad (x < \xi) \quad (1)$$

муносабатни қаноатлантирадиган  $\xi$  нуқта мавжуд бўлсин. У ҳолда  $E$  очиқ тўплам бўлиб, уни тузувчи

$(a_k, b_k)$  оралиқларнинг ҳар бирида  $\varphi(a_k) \leq \varphi(b_k)$  тенгсизлик бажарилади.

Лемманинг исботи.  $E$  очик тўпلام, чунки  $\xi > x_0$  ва  $\varphi(\xi) > \varphi(x_0)$  бўлса, у ҳолда  $\varphi$  нинг узлуксизлигига мувофиқ  $x_0$  нинг бирон атрофидан олинган:  $x$  нинг ҳамма қийматлари учун ҳам ушбу  $\xi > x$ ,  $\varphi(\xi) > \varphi(x)$  тенгсизликлар ўринлилигича қолади. Агар, масалан,  $\varphi$  камаювчи функция бўлса, у ҳолда  $E$  бўш тўпلام бўлади.

Энди  $(a_k, b_k)$  оралиқ  $E$  га нисбатан тузувчи оралиқларнинг бири бўлсин. Бу тузувчи оралиқдан олинган ихтиёрый  $x$  нуқта учун  $\varphi(x) \leq \varphi(b_k)$  тенгсизликнинг ўринлилиги кўрсатилса, у ҳолда  $x$  ни  $a_k$  га интилтириб, бизга зарур тенгсизликни ҳосил қиламиз.

Дарҳақиқат,  $x_1$  нуқта  $x$  ва  $b_k$  нуқталар орасида бўлиб (яъни  $x < x_1 < b_k$ ), ушбу

$$\varphi(x_1) \geq \varphi(b_k) \quad (2)$$

тенгсизликни қаноатлантирадиган ва  $b_k$  га энг яқин нуқта бўлсин. У ҳолда  $x_1 = b_k$  тенгликнинг ўринлилигини кўрсатамиз. Агар бундай бўлмаса,  $E$  нинг таърифига кўра шундай  $\xi_1 < b_k$  нуқта мавжудки, унинг учун

$$\varphi(x_1) < \varphi(\xi_1) \quad (3)$$

тенгсизлик ўринли; иккинчи томондан:

$$\varphi(\xi_1) \leq \varphi(b_k). \quad (4)$$

Сўнги (2), (3) ва (4) тенгсизликлар зиддият ҳосил қилади. Демак,  $x_1 = b_k$  ва юқоридаги мулоҳазага кўра  $\varphi(a_k) \leq \varphi(b_k)$ , яъни лемма исботланди.

42. 3. Изоҳ. (1) шартларни қаноатлантирувчи  $x$  нуқтани, қулайлик учун, ўнгга кўтарилиш нуқтаси деймиз. Чапга кўтарилиш нуқтаси таърифи ҳам шунга ўхшаш берилади: агар  $x$  нуқта учун

$$\xi < x, \varphi(\xi) > \varphi(x)$$

шартларни қаноатлантирувчи  $\xi$  нуқта топилса,  $x$  чапга кўтарилиш нуқтаси дейилади. Юқоридагига ўхшаш чапга кўтарилиш нуқталари тўплами очиқлиги ҳамда бу тўпلامни тузувчи  $(a_k, b_k)$  оралиқларда

$$\varphi(a_k) \geq \varphi(b_k)$$

муносабатларнинг ўринлилигини кўрсатиш мумкин.

Энди монотон  $f(x)$  функцияни  $[a, b]$  егментда узлуксиз деб, теореманинг исботига ўтамиз, масалан,  $f(x)$  камаймайдиغان бўлсин. Ушбу

$$а) D_+ f < +\infty, \quad б) D^+ f \leq D_- f$$

тенгсизликларнинг  $(D^+ f, D_+ f$  ва  $D_- f$  белгилар тўғрисида 26-§ га қаралсин) деярли ўринлилигини фараз қилган ҳолда теоремани исботлаймиз.

атлантирган ҳолда, барча рационал қийматларни қабул қилади, яъни

$$E^* = \bigcup_{\substack{c < C \\ C, c \in R}} E_{cc} \quad (5)$$

бу ерда  $R$  — рационал сонлар тўплами. Аммо қўш рационал сонлардан иборат бўлган тўплам санокли бўлгани учун (5) йиғинди ҳадларининг сони санокли. Демак, агар  $E_{cc}$  ларнинг ҳар бирининг ўлчови ноль эканлиги кўрсатилса,  $E^*$  тўпламининг ўлчови ҳам ноллиги келиб чиқади.

Шундай қилиб, теоремани исботлаш учун  $E_{cc}$  тўпламининг ўлчови ноль эканлигини кўрсатиш кифоя.

$x \in E_{cc}$  бўлсин.  $U$  ҳолда  $D_- f < c$  бўлганлиги учун,  $x$  дан чапда ётувчи ҳамда

$$\frac{f(\xi) - f(x)}{\xi - x} < c \quad (6)$$

тенгсизликни қаноатлантирувчи  $\xi$  нуқта мавжуд.  $\xi - x < 0$  бўлгани учун (6) тенгсизликдан

$$f(\xi) - c\xi > f(x) - cx$$

тенгсизликни ҳосил қиламиз. Шундай қилиб,  $x$  нуқта  $g(x) = f(x) - cx$  функциянинг чапга кўтарилиш нуқтаси. Бу функцияга Рисс леммасини ва унинг изоҳини татбиқ қилиб, чапга кўтарилиш нуқталаридан иборат бўлган очиқ тўпламининг тузувчи оралиқлари учун

$$f(a_k) - ca_k \geq f(b_k) - cb_k$$

ни, бундан эса

$$f(b_k) - f(a_k) \leq c(b_k - a_k) \quad (7)$$

тенгсизликни ҳосил қиламиз.

Юқорида олинган  $x$  нуқта топилган  $(a_k, b_k)$  оралиқларнинг бирида ётади. Бу нуқтада

$$D^+ f > c$$

бўлгани учун  $(a_k, b_k)$  оралиқда

$$\xi > x, \quad \frac{f(\xi) - f(x)}{\xi - x} > c \quad (8)$$

тенгсизликларни қаноатлантирувчи нуқтани топиш мумкин. Кейинги яшашларимизни  $(a_k, b_k)$  оралиқларнинг ичида бажарамиз.

(8) тенгсизликлар  $x$  нуқтанин  $f(x) - cx$  функция учун ўнгга кўтарилиш нуқтаси эканлигини кўрсатади. Бу функциянинг  $(a_k, b_k)$  оралиқдаги барча ўнгга кўтарилиш нуқталари тўплами очиқ бўлиб,

Дарҳақиқат, б) тенгсизликни  $f_1(x) = -f(-x)$  функцияга татбиқ қилинса, қуйидаги тенгсизликнинг деярли бажарилиши келиб чиқади:

$$D^+f_1 = D^-f \leq D_-f_1 = D_+f.$$

Бундан ва а), б) лардан ушбу

$$D^+f \leq D_-f \leq D^-f \leq D_+f \leq D^+f < \infty$$

тенгсизликларнинг деярли бажарилиши келиб чиқади; булардан эса чекли ҳосиланинг деярли мавжудлиги аниқ кўриниб турибди.

Георемани тўла исботлаш учун а) ва б) тенгсизликларни исботлаш қолди.

а) тенгсизликни исбот этмоқ учун

$$E_\infty = \{x : D^+f(x) = \infty\} \text{ ва } E_c = \{x : D^+f(x) > c\}$$

тўпламларни киритамиз;  $E_\infty \subset E_c$  экани равшан. Агар  $D^+f(x) > c$  бўлса, у ҳолда шундай  $\xi (> x)$  нуқта мавжудки, унинг учун:

$$\frac{f(\xi) - f(x)}{\xi - x} > c.$$

Бундан, агар  $g(x) = f(x) - cx$  деб олсак, у ҳолда:  $g(\xi) > g(x)$ . Демак,  $E_c$  тўплам  $g(x)$  функция учун юқоридаги леммада аниқланган  $(a_k, b_k)$  оралиқларда жойлашган. Шу билан бирга, ўша леммаларга асосан, ушбу

$$f(b_k) - cb_k \geq f(a_k) - ca_k \text{ ёки } c(b_k - a_k) \leq f(b_k) - f(a_k)$$

тенгсизликлар бажарилади. Бундан:

$$c \sum_k (b_k - a_k) \leq \sum_k [f(b_k) - f(a_k)] \leq f(b) - f(a).$$

Бу тенгсизликлардан кўринадики,  $c$  етарли катта бўлганда  $(a_k, b_k)$  оралиқларнинг узунликлари йиғиндиси истаганча кичик қилиниши мумкин. Демак,  $E_\infty$  тўпламнинг ўлчови нолга тенг, яъни а) муносабат деярли ўринли.

б) тенгсизлиги ҳам юқоридаги мулоҳазаларни кетма-кет татбиқ қилиш билан исбот этилиши мумкин. Бу тенгсизликка тесқари бўлган

$$D^+f > D_-f$$

тенгсизликни қаноатлантирувчи нуқталар тўплами  $E^*$  ушбу

$$D_-f < c < C < D^+f$$

тенгсизликларни қаноатлантирувчи нуқталар тўплами  $E_{cC}$  ларнинг йиғиндисига тенг; бунда  $c$  ва  $C$  сонлар,  $c < C$  муносабатни қано-



бу тўплам  $(a_{kj}, b_{kj})$  ( $j = 1, 2, \dots$ ) тузувчи оралиқларнинг йиғиндисига тенг, шу билан бирга бу оралиқларнинг чегарасида

$$f(a_{kj}) - Ca_{kj} \leq f(b_{kj}) - Cb_{kj}$$

ёки

$$f(b_{kj}) - f(a_{kj}) \geq C(b_{kj} - a_{kj}).$$

Буни  $j$  индекс бўйича йиғиб

$$\sum_j (b_{kj} - a_{kj}) \leq \frac{1}{C} \sum_j [f(b_{kj}) - f(a_{kj})] \leq \frac{1}{C} [f(b_k) - f(a_k)]$$

ни ҳосил қиламиз. (7) дан фойдаланиб

$$\sum_j (b_{kj} - a_{kj}) \leq \frac{c}{C} (b_k - a_k)$$

га,  $k$  бўйича йиғиб эса

$$\sum_k \sum_j (b_{kj} - a_{kj}) \leq \frac{c}{C} \sum_k (b_k - a_k) \leq \frac{c}{C} (b - a) \quad (9)$$

муносабатларга эга бўламиз. Кўринадикки,  $(a_{kj}, b_{kj})$  оралиқлар системаси,  $(a_k, b_k)$  оралиқлар системаси каби,  $E_{CC}$  тўпламни қоплайди, аммо  $(a_{kj}, b_{kj})$  оралиқларнинг узунликлари йиғиндиси  $(a_k, b_k)$  лар узунликларининг йиғиндисидан кичик.

$E_{CC}$  тўпламнинг ҳар бир  $x$  нуқтаси учун  $(a_{kj}, b_{kj})$  оралиқларнинг ичида юқоридаги яшашларни қайтариш мумкин. Натижада янги учинчи хил  $(a_{kjm}, b_{kjm})$  ( $m = 1, 2, \dots$ ) системани ва тўртинчи хил  $(a_{kjmn}, b_{kjmn})$  ( $m, n = 1, 2, \dots$ ) системани ҳосил қиламиз ва булар учун:

$$\sum_m \sum_n (b_{kjmn} - a_{kjmn}) \leq \frac{c}{C} \sum_m (b_{kjm} - a_{kjm}) \leq \frac{c}{C} (b_{kj} - a_{kj}).$$

Бу ифодани  $k$  ва  $j$  бўйича йиғиб ва (9) дан фойдаланиб

$$\sum_k \sum_j \sum_m \sum_n (b_{kjmn} - a_{kjmn}) \leq \left(\frac{c}{C}\right)^2 \sum_k (b_k - a_k) \leq \left(\frac{c}{C}\right)^2 (b - a)$$

тенгсизликларни ёза оламиз.

Бу ифода кўрсатадигани, тўртинчи қадамда олинган  $(a_{kjmn}, b_{kjmn})$  оралиқларнинг ( $E_{CC}$  тўпламни қоплаган ҳолда) узунликлари йиғиндисини илгариги қадамда олинган оралиқларнинг узунликлари йиғиндисидан кичик. Агар юқоридаги яшашларни давом эттирсак, у ҳолда  $p$ -қадамдаги оралиқлар системаси ҳам  $E_{CC}$  тўпламни қоплайди ва бу системадаги оралиқларнинг узунликлари йиғиндисини  $\left(\frac{c}{C}\right)^p (b - a)$

дан катта бўлмайди ва, демак,  $p$  етарли катта бўлганда, уни ихтиёрли сондан кичик қилиниши мумкин. Бундан  $E_{cc}$  тўпламнинг ўлчови нолга тенглиги келиб чиқади.

Шу билан теорема узлуксиз монотон функциялар учун исбот қилинди.

Энди теоремани узлукли монотон функциялар учун исботлаймиз.

Эслатамизки, ихтиёрли монотон функция фақат биринчи турдаги узилишларга эга бўлиши мумкин. Шунинг учун ҳар қандай нуқтада  $f(x)$  функциянинг ўнг ва чап лимитлари мавжуд:

$$f(x+0) = \lim_{\substack{\xi \rightarrow x \\ \xi > x}} f(\xi), \quad f(x-0) = \lim_{\substack{\xi \rightarrow x \\ \xi < x}} f(\xi)$$

Дарҳақиқат, бирор томондан бир нечта турли лимит қийматларнинг мавжуд бўлиши функциянинг монотонлигига зид. ( $f(x-0)$ ,  $f(x+0)$ ) оралиқ узилиш оралиғи, бу оралиқнинг узунлиги, яъни  $f(x+0) - f(x-0)$  га  $f(x)$  функциянинг  $x$  нуқтадаги сакраши дейилади.  $f(x)$  функция монотон бўлгани учун турли узилиш оралиқлари (кўпи билан умумий учга эга бўлиши мумкин) кесишмайди; агар ҳар бир оралиқдан биттадан рационал сонни танлаб олсак, бундай оралиқларнинг сони кўпи билан саноқли бўлишини кўрамиз. Демак, монотон функциянинг узилиш нуқталари кўпи билан саноқли экан.

Узлукли монотон функциянинг ҳосиласи мавжудлигини текшириш учун Рисс леммасини умумлаштирамиз.  $f(x)$  функция узлуксиз бўлмаса ҳам кўпи билан биринчи турдаги узилишга эга бўлган функция бўлсин. Агар  $x$  нуқта учун

$$x < \xi, \max[f(x), f(x-0), f(x+0)] < f(\xi-0)$$

тенгсизликни қаноатлантирадиган  $\xi$  нуқта мавжуд бўлса,  $x$  нуқта ўнгга кўтарилиш нуқтаси дейилади (42 3-изоҳдаги таъриф билан солиштиринг). Юқорида келтирилган Рисс леммасидаги мулоҳазаларни такрорлаб, барча ўнгга кўтарилиш нуқталаридан иборат бўлган тўпламнинг очиқлигини ва бу тўпламни тузувчи  $(a_k, b_k)$  оралиқларда

$$f(a_k + 0) \leq f(b_k - 0)$$

тенгсизликнинг ўринлилигини ҳосил қиламиз. Бу эса теореманинг исботини ўзгаришсиз ўтказиш учун кифоя. Шу билан теорема тўла исботланди.

38. 3 ва исботланган теоремадан қуйидаги натижа келиб чиқади.

**42. 4. Натижа (Лебег натижаси). Ўзгариши чегараланган ҳар қандай функция деярли ҳар бир нуқтада чекли ҳосилга эга.**

42. 5. Теорема (Фубини теоремаси).  $[a, b]$  сегментда ушбу

$$S(x) = f_1(x) + f_2(x) + \dots \quad (10)$$

қатор берилган бўлиб, унинг ҳадлари камаймайдиган (усиб бормайдиган) функциялар бўлсин. У ҳолда бу қаторни деярли ҳар бир нуқтада ҳадлаб дифференциаллаш мумкин, яъни деярли ҳар бир нуқтада:

$$S'(x) = f_1'(x) + f_2'(x) + \dots$$

Исбот. Теореманинг умумийлигини чегараламасдан  $f_n(a) = 0$  ва ҳамма  $f_n$  функцияларни камаймайдиган деб фараз қилиш мумкин.  $f_n'(x)$  ва  $S'(x)$  лар деярли ҳар бир нуқтада мавжуд, демак,  $[a, b]$  да ўлчови  $b - a$  га тенг бўлган шундай  $E$  тўплам мавжудки, бунинг ҳар бир нуқтасида ҳам  $f_n'(x)$  ( $n = 1, 2, \dots$ ), ҳам  $S'(x)$  лар мавжуд.  $x (\in E)$  ва ихтиёрий  $\xi$  учун, ушбу

$$\frac{\sum_{n=1}^{\infty} [f_n(\xi) - f_n(x)]}{\xi - x} = \frac{S(\xi) - S(x)}{\xi - x}$$

муносабатни ёзамиз. Чап томондаги ифоданинг ҳадлари манфий бўлмагани сабабли бундан ихтиёрий натурал  $N$  учун:

$$\frac{\sum_{n=1}^N [f_n(\xi) - f_n(x)]}{\xi - x} \leq \frac{S(\xi) - S(x)}{\xi - x}$$

Бундан  $\xi \rightarrow x$  да лимитга ўтиб

$$\sum_{n=1}^N f_n'(x) \leq S'(x)$$

тенгсизликни ва  $N$  ни  $\infty$  га интиштириб,  $f_n'(x)$  ларнинг манфий эмаслигини ҳисобга олинса,

$$\sum_{n=1}^{\infty} f_n'(x) \leq S'(x) \quad (11)$$

тенгсизлик келиб чиқади.

Энди охириги (11) муносабагга ҳақиқатда деярли ҳар бир нуқтада тенглик ўринлилигини кўрсатамиз. (10) муносабат ўринли бўлгани учун, шундай  $k$  топиладики, (10) қаторнинг  $S_{n_k}$  хусусий йиғиндиси учун:

$$0 \leq S(b) - S_{n_k}(b) < \frac{1}{2^k} \quad (k = 1, 2, \dots)$$

Ушбу

$$S(x) - S_{n_k}(x) = \sum_{i > n_k} f_i(x)$$

айрма камаймайдиган функция эканлигидан барча  $x$  учун

$$0 \leq S(x) - S_{n_k}(x) < \frac{1}{2^k}.$$

Бундан

$$\sum_{k=1}^{\infty} [S(x) - S_{n_k}(x)]$$

қаторнинг  $[a, b]$  сегментнинг ҳар бир нуқтасида яқинлашувчанлиги (ҳатто текис яқинлашувчанлиги) келиб чиқади. У ҳолда (11) муносабатни исботлаганимиз каби, ушбу

$$\sum_{k=1}^{\infty} [S'(x) - S'_{n_k}(x)]$$

қаторнинг деярли ҳар бир нуқтада яқинлашувчанлигини келтириб чиқарамиз. Бу қаторнинг умумий ҳади  $S'(x) - S'_{n_k}(x)$  деярли ҳар бир нуқтада нолга интилади, демак, деярли ҳар бир нуқтада  $S'_{n_k}(x) \rightarrow S'(x)$ . Иккинчи томондан, агар (11) муносабатда  $<$  ишораси турганда эди, ҳеч қандай хусусий йиғиндилар  $S'(x)$  га интила олмас эди. Шундай қилиб, (11) да деярли ҳар бир нуқтада тенглик бўлиши керак. Бизга эса шуни исботлаш керак эди.\*

Энди ҳосиласи деярли ҳар бир нуқтада ноль бўлган ҳамда ҳеч қандай оралиқда ўзгармас сонга тенг бўлмаган монотон узлуксиз функцияга, яъни жиддий монотон узлуксиз функцияга мисол келтирамиз.  $(0, 1)$  дан бирор  $t$  сонини танлаб олиб, индукция ёрдами билан  $[0, 1)$  сегментда аниқланган қуйидаги функциялар кетма-кетлигини тузамиз:  $\varphi_0(x) = x$ ;  $\varphi_n(x)$  функция  $[0, 1]$  сегментда аниқланган ва узлуксиз бўлиб, ҳар бир  $(\alpha, \beta) = (k \cdot 2^{-n}, (k+1) \cdot 2^{-n})$  ( $k$  — натурал сон) кўринишдаги оралиқда чизиқли бўлсин. У ҳолда  $\varphi_{n+1}(x)$  функцияни қуйидагича аниқлаймиз:  $x = \alpha$  ва  $x = \beta$  нуқталарда  $\varphi_{n+1}(x) = \varphi_n(x)$  ( $\alpha, \beta$ ) оралиқнинг ўртасида, яъни  $x = \frac{\alpha + \beta}{2}$  нуқтада:

$$\varphi_{n+1}\left(\frac{\alpha + \beta}{2}\right) = \frac{1-t}{2} \varphi_n(\alpha) + \frac{1+t}{2} \varphi_n(\beta);$$

бу ерда  $t$  юқорида танлаб олинган сон,  $(\alpha, \frac{\alpha + \beta}{2})$  ва  $(\frac{\alpha + \beta}{2}, \beta)$  оралиқларда эса  $\varphi_{n+1}(x)$  ни чизиқли деб ҳисоблаймиз.

Равшанки, бундай аниқланган  $\varphi_n(x)$  функциялар ўсувчи функциялардир ва

$$0 \leq \varphi_n(x) \leq \varphi_{n+1}(x) \leq 1.$$

Шунинг учун  $\{\varphi_n(x)\}$  кетма-кетлик бирор камаймайдиган  $\varphi(x)$  функцияга яқинлашади. Бу  $\varphi(x)$  функциянинг узлуксиз, жиддий ўсиб боровчи ва деярли ҳар бир нуқтада ҳосиласи нолга тенг эканлигини исбот қиламиз. Бунинг учун  $[0, 1]$  сегментдан бирон  $x$  нуқтани оламиз ва ҳар бири бу нуқтани ўз ичига олган ва бир-бирининг ичига жойлашган  $(\alpha_n, \beta_n)$  ораликлар кетма-кетлигини тузамиз, бу ерда

$$\alpha_n = k_n \cdot 2^{-n}, \quad \beta_n = (k_n + 1) \cdot 2^{-n}.$$

Равшанки,

$$\varphi_{n+1}(\beta_{n+1}) - \varphi_{n+1}(\alpha_{n+1}) = \frac{1 \pm t}{2} [\varphi_n(\beta_n) - \varphi_n(\alpha_n)].$$

Бундан ва

$$\varphi_p(\alpha_p) = \varphi(\alpha_p), \quad \varphi_p(\beta_p) = \varphi(\beta_p)$$

тенгликлардан

$$\varphi(\beta_{n+1}) - \varphi(\alpha_{n+1}) = \frac{1 \pm t}{2} [\varphi(\beta_n) - \varphi(\alpha_n)]$$

тенгликни, бундан эса

$$\varphi(\beta_n) - \varphi(\alpha_n) = \prod_{k=1}^n \frac{1 + \varepsilon_k t}{2} \quad (\varepsilon_k = \pm 1)$$

тенгликни ҳосил қилиш мумкин. Бундан

$$\varphi(\beta_n) - \varphi(\alpha_n) > 0$$

ва  $n \rightarrow \infty$  да

$$\varphi(\beta_n) - \varphi(\alpha_n) \leq \left(\frac{1+t}{2}\right)^n - 0$$

муносабатлар келиб чиқади. Демак,  $\varphi(x)$  узлуксиз, жиддий ўсувчи функция ва унинг ҳосиласи (мавжуд бўлган нуқталарда) қуйидаги ифоданинг  $n \rightarrow \infty$  даги лимит қийматига тенг:

$$\frac{\varphi(\beta_n) - \varphi(\alpha_n)}{\beta_n - \alpha_n} = \prod_{k=1}^n (1 + \varepsilon_k t).$$

Аммо бу ифоданинг лимити ёки аниқ бўлмади, ёки чексиз, ёки нолга тенг. Натижада ҳосила мавжуд бўлган ҳамма нуқталарда:  $\varphi'(x) = 0$ .

42. 1- теоремага асосан ҳосила деярли ҳар бир нуқтада мавжуд. Демак, деярли ҳар бир нуқтада  $\varphi'(x) = 0$ .\*

### 43- §. Лебегнинг аниқмас интегралли

1. Анализнинг умумий курсидан маълумки,  $[a, b]$  сегментда аниқланган узлуксиз  $f(x)$  функция ва унинг Риман маъносидаги аниқмас интегралли

$$F(x) = \int_a^x f(t) dt + F(0) \quad (1)$$

учун ҳар бир нуқтада

$$F'(x) = f(x) \quad (2)$$

муносабат ўринли;  $F(x)$  функция  $f(x)$  нинг бошланғич (примитив) функциясиدير.

Шунга ўхшаш ибора Лебег интегралли учун ҳам ўринлими, яъни агар  $f(x)$  жамланувчи бўлиб, узлуксизлиги талаб қилинмаса, (1) ва (2) муносабатлар сақланадими? Бу масала 43. 2- теоремада ечилади.

Дастлаб қуйидаги теоремани исботлаймиз.

**43. 1. Теорема. Агар  $f(x)$  жамланувчи функция бўлса, у ҳолда унинг Лебег маъносидаги аниқмас интегралли**

$$F(x) = \int_0^x f(t) dt + C$$

**ўзгариши чегараланган функция бўлади.**

Исбот.  $F(x)$  нинг  $[a, b]$  да мавжудлиги  $f(x)$  нинг жамланувчилигидан келиб чиқади. Агар  $f(x)$  функция манфий бўлмаса, бу ўз-ўзидан равшан, чунки бу ҳолда  $F(x)$  функция камаймайдиган бўлади ва, демак, унинг ўзгариши чегараланган. Агар  $f(x)$  ишораси турли қийматларга эга бўлса, уни икки манфий бўлмаган функцияларнинг айирмаси сифатида ёзишимиз мумкин, яъни:

$$f(x) = f_+(x) - f_-(x), \quad (3)$$

бу ерда:

$$f_+(x) = \begin{cases} \text{агар } x \text{ нуқтада } f(x) \geq 0 \text{ бўлса, } f(x), \\ \text{агар } x \text{ нуқтада } f(x) < 0 \text{ бўлса, } 0. \end{cases}$$

$$f_-(x) = \begin{cases} \text{агар } x \text{ нуқтада } f(x) \geq 0 \text{ бўлса, } 0 \\ \text{агар } x \text{ нуқтада } f(x) < 0 \text{ бўлса, } -f(x). \end{cases}$$

Демак, бу ҳолда  $F(x)$  иккита камаймайдиган функциянинг айирмасига тенг бўлиб, яна ўзгариши чегараланган бўлади.\*

**43. 2. Теорема (Лебег теоремаси). Жамланувчи  $f(x)$  функциянинг аниқмас интегралли  $F(x)$  деярли ҳар бир нуқтада қиймати  $f(x)$  га тенг ҳосилага эга.**

Исбот. 42. 4- натижага ва 43. 1- теоремага мувофиқ  $F(x)$  функция деярли ҳар бир нуқтада ҳосилага эга. Энди (2) тенглик-

нинг деярли ҳар бир нуқтада ўринлигини  $f(x)$  манфий бўлмаган ҳол учун кўрсатиш кифоя, чунки умумий ҳол (3) муносабат ёрдамида бу ҳолга келтирилади.  $f(x)$  манфий бўлмагани учун унга монотон ўсиб яқинлашувчи поғонали  $\psi_n(x)$  функциялар кетма-кетлиги мавжуд<sup>1</sup>. Равшанки  $\psi_n(x)$  нинг аниқмас интегралли  $F_n(x)$  деярли ҳар бир нуқтада  $F'_n(x)$  ҳосилага эга ва  $F'_n(x) = \psi_n(x)$ , сўнгра  $F(x)$  функцияни 33. 1-теоремага асосан

$$F_1(x) + \sum_{k=1}^{\infty} [F_{k+1}(x) - F_k(x)]$$

қатор сифатида ёзсак ва бу қаторга 42- § даги Фубини теоремасини татбиқ қилсак, теорема исботланади.

**43. 3. Теорема.** *[a, b] сегментда аниқланган  $f(x)$  функцияга нисбатан бошланғич  $F(x)$  функциянинг тўла ўзгариши чегараланган ва*

$$V_a^b(F) = \int_a^b |f(x)| dx.$$

Исбот.  $[a, b]$  сегментни ихтиёрий  $n$  та қисмга бўлиб, ҳар бир  $[a_{k-1}, a_k]$  қисмда ўзгармас  $\varepsilon_k$  ( $|\varepsilon_k| \leq 1$ ) қийматга эга бўлган поғонали  $\varepsilon(x)$  функцияни тузамиз. У ҳолда:

$$\begin{aligned} \int_a^b \varepsilon(x) f(x) dx &= \sum_{k=1}^n \varepsilon_k \int_{a_{k-1}}^{a_k} f(x) dx = \sum_{k=1}^n \varepsilon_k [F(a_k) - F(a_{k-1})] \leq \\ &\leq \sum_{k=1}^n |F(a_k) - F(a_{k-1})| \leq V_a^b(F). \end{aligned}$$

$[a_{k-1}, a_k]$  ярим сегментлардан энг каттасининг узунлиги истаганча кичик қилиб олинса ва

$$\varepsilon_k = \begin{cases} 1, & F(a_k) - F(a_{k-1}) > 0 \\ 0, & F(a_k) - F(a_{k-1}) = 0 \\ -1, & F(a_k) - F(a_{k-1}) < 0 \end{cases}$$

бўлса, у ҳолда  $\sum_{k=1}^n \varepsilon_k [F(a_k) - F(a_{k-1})]$  йиғинди  $V_a^b(F)$  га истаганча яқин қилиниши мумкин. Демак,

$$V_a^b(F) = \sup_{|z(x)| < 1} \int_a^b \varepsilon(x) f(x) dx \leq \int_a^b |f(x)| dx. \quad (4)$$

<sup>1</sup>  $\psi_n(x)$  функцияларни, масалан, қуйидагича олиш мумкин:

$$\psi_n(x) = \begin{cases} \text{агар } x \text{ нуқтада } f(x) \geq n \text{ бўлса, } n \\ \text{агар } x \text{ нуқтада } \frac{i-1}{2^n} < f(x) < \frac{i}{2^n}, i = 1, 2, \dots; 2^n \cdot n \text{ бўлса, } \frac{i-1}{2^n}. \end{cases}$$

Равшанки,  $\psi_n(x)$  функция поғонали бўлиб,  $n \rightarrow \infty$  да монотон ўсиб  $f(x)$  га яқинлашади.

Сўнги тенгсизликда, ҳақиқатда, тенглик муносабати ўринлилигини кўрсатамиз. Бунинг учун  $f(x)$  га деярли яқинлашувчи поғонали  $\psi_n(x)$  функциялар кетма-кетлигини оламиз ва қуйидаги функцияни тузамиз:

$$\lambda_n(x) = \begin{cases} 1 & \text{агар } n\psi_n(x) \geq 1 \text{ бўлса,} \\ n\psi_n(x) & \text{агар } -1 < n\psi_n(x) < 1 \text{ бўлса,} \\ -1 & \text{агар } n\psi_n(x) \leq -1 \text{ бўлса,} \end{cases}$$

У ҳолда деярли  $f(x) > 0$  бўлган нуқталарда  $\lim_n \lambda_n(x) = 1$ , деярли  $f(x) < 0$  бўлган нуқталарда  $\lim_n n\lambda_n(x) = -1$ .

Бундан:

$$\lim_n \lambda_n(x) f(x) = |f(x)|.$$

Иккинчи томондан, ушбу

$$|\lambda_n(x) f(x)| \leq |f(x)|$$

тенгсизлик ўринли бўлганлиги учун ва 33. 2-низоҳга асосан:

$$\lim_n \int_a^b n\psi_n(x) f(x) dx = \int_a^b |f(x)| dx.$$

Бунга ва (4) га мувофиқ:

$$V_a^b(F) = \int_a^b |f(x)| dx.$$

2. 43. 2-теоремани кучайтириш мақсадида қуйидаги таърифни киритамиз.

Таъриф.  $[a, b]$  сегментда бирор ўлчовли  $f(t)$  функция аниқланган бўлсин. Агар  $x (\in [a, b])$  нуқтада

$$\lim_{h \rightarrow 0} \frac{1}{h} \int_x^{x+h} |f(t) - f(x)| dt = 0$$

муносабат бажарилса, у ҳолда бу нуқта  $f(x)$  нинг Лебег нуқтаси дейилади.

43. 4. Теорема. Агар  $x$  нуқта  $f(t)$  функциянинг Лебег нуқтаси бўлса, у ҳолда бу нуқтада аниқмас интеграл

$$F(x) = \int_a^x f(t) dt$$

нинг ҳосиласи  $f(x)$  га тенг.

Исбот. Равшанки,

$$\frac{F(x+h) - F(x)}{h} - f(x) = \frac{1}{h} \int_x^{x+h} \{f(t) - f(x)\} dt,$$



ёки

$$\left| \frac{F(x+h) - F(x)}{h} - f(x) \right| \leq \frac{1}{h} \int_x^{x+h} |f(t) - f(x)| dt.$$

Агар  $x$  нуқта  $f(t)$  нинг Лебег нуқтаси бўлса, у ҳолда сўнгги тенгсизликдан  $F'(x) = f(x)$  келиб чиқади.\*

**43. 5. Теорема.** *Агар  $f(x)$  функция  $[a, b]$  сегментда жамланувчи бўлса, у ҳолда  $[a, b]$  сегментнинг деярли ҳар бир нуқтаси  $f(x)$  нинг Лебег нуқтасидир.*

Исбот. Аввало, деярли ҳар бир  $x \in [a, b]$  нуқтада 43. 2 га мувофиқ қуйидаги тенглик ўринли:

$$\lim_{h \rightarrow 0} \frac{1}{h} \int_x^{x+h} |f(t) - r| dt = |f(x) - r| \quad (r - \text{рационал сон}),$$

чунки  $f(t)$  билан бирга  $[a, b]$  сегментда  $|f(t) - r|$  функция ҳам жамланувчидир.

Сўнгги муносабат бажарилмаган нуқталардан иборат  $Q_r$  тўпламнинг ўлчови нолга тенг. Ҳамма рационал сонларни номерлаб чиқиб, ушбу

$$Q = \bigcup_{n=1}^{\infty} Q_{r_n} \cup Q(|f| = +\infty)$$

тўпламни киритамиз; бу ерда  $Q(|f| = +\infty)$  тўплам  $f(x)$  нинг қиймати чексизга тенг бўлган нуқталардан иборат.  $\mu(Q) = 0$  бўлганлиги учун  $P = [a, b] \setminus Q$  тўплам нуқталари  $f(t)$  нинг Лебег нуқталари эканлиги кўрсатилса теорема исбот этилади.

Ихтиёрий  $\varepsilon > 0$  сонни ва  $P$  тўпламдан ихтиёрий  $x_0$  нуқтани олиб, шундай рационал  $r_n$  сонни топамизки, унинг учун

$$|f(x_0) - r_n| < \frac{\varepsilon}{3} \quad (5)$$

тенгсизлик бажарилсин. У ҳолда:

$$||f(t) - r_n| - |f(t) - f(x_0)|| < \frac{\varepsilon}{3}$$

ёки

$$\left| \frac{1}{h} \int_{x_0}^{x_0+h} |f(t) - r_n| dt - \frac{1}{h} \int_{x_0}^{x_0+h} |f(t) - f(x_0)| dt \right| < \frac{\varepsilon}{3}$$

тенгсизликлар ҳам бажарилади. Лекин  $|h| < \delta$  бўлганда ( $\delta$  сони  $\varepsilon$  га боғлиқ) ушбу

$$\left| \frac{1}{h} \int_{x_0}^{x_0+h} |f(t) - r_n| dt - |f(x_0) - r_n| \right| < \frac{\varepsilon}{3}$$

тенгсизлик ўринли бўлади ёки (5) тенгсизликка мувофиқ:

$$\frac{1}{h} \int_{x_0}^{x_0+h} |f(t) - r_n| dt < \frac{2}{3} \varepsilon;$$

демак,

$$\frac{1}{h} \int_{x_0}^{x_0+h} |f(t) - f(x_0)| dt < \varepsilon$$

тенгсизлик ўринли бўлади, яъни  $x_0$  Лебег нуқтаси.\*

43. 4 ва 43. 5- теоремалардан бевосита қуйидаги натижага келамиз:

43. 6. *Натижа. Агар  $f(x)$  функция  $[a, b]$  сегментда жамланувчи бўлиб,*

$$F(x) = \int_a^x f(x) dx$$

*Бўлса, у ҳолда  $[a, b]$  сегментнинг ҳар бир нуқтасида  $F'(x) = f(x)$ .*

43. 7. Теорема. *Жамланувчи  $f(x)$  функциянинг ҳар бир узлуксиз нуқтаси унинг Лебег нуқтаси бўлади.*

Исбот.  $x_0$  нуқта  $f(x)$  нинг узлуксиз нуқтаси бўлсин. У ҳолда ихтиёрий  $\varepsilon > 0$  учун, шундай  $\delta > 0$  сонини мос келтириш мумкинки,  $|t - x_0| < \delta$  бўлганда

$$|f(t) - f(x_0)| < \varepsilon$$

бўлади.

Бундан

$$\frac{1}{h} \int_{x_0}^{x_0+h} |f(t) - f(x_0)| dt < \varepsilon$$

тенгсизлик ёки  $x_0$  нуқта  $f(x)$  нинг Лебег нуқтаси эканлиги келиб чиқади.\*

#### 44- §. Абсолют узлуксиз функциялар

Энди абсолют узлуксиз функциялар синфини киритамиз. Бу функциялар синфи, ўзгариши чегараланган функциялар синфидан торроқ бўлиб, жамланувчи функцияларнинг аниқмас интегрални билан яқин боғланган.

1- таъриф.  $[a, b]$  сегментда аниқланган  $f(x)$  функция берилган бўлсин. Агар ихтиёрий  $\varepsilon (> 0)$  учун шундай  $\delta (> 0)$  мавжуд бўлсаки, қуйидаги сони чекли ва ҳар иккиси ўзаро кесинмайди-ган

$$[a_1, b_1], [a_2, b_2], \dots, [a_n, b_n] \left( \bigcup_{k=1}^n [a_k, b_k] \subset [a, b], \sum_{k=1}^n (b_k - a_k) < \delta \right)$$

ҳар қандай сегментлар системаси учун ушбу

$$\sum_{k=1}^n |f(b_k) - f(a_k)| < \varepsilon$$

тенгсизлик ўринли бўлса, у ҳолда  $f(x)$  функция  $[a, b]$  сегментда абсолют узлуксиз дейилади.

Таърифдан равшанки, ҳар қандай абсолют узлуксиз функция одатдаги маънода ҳам узлуксиз; буни кўрсатиш учун юқоридаги таърифда  $n = 1$  қилиб олиш kifoya.

Абсолют узлуксиз функцияга мисол сифатида Липшиц шартини, яъни ушбу

$$|f(x_2) - f(x_1)| \leq k |x_2 - x_1|$$

тенгсизликни қаноатлантирувчи функцияни олишимиз мумкин.

**44. 1. Теорема.** *Агар  $f(x)$  ва  $\varphi(x)$  функциялар абсолют узлуксиз бўлса, у ҳолда уларнинг йиғиндис, айирмаси ва кўпайтмаси ҳам абсолют, узлуксиз функциялар бўлади. Бундан ташқари, агар берилган сегментда  $\varphi(x)$  нолга тенг бўлмаса, у ҳолда  $\frac{f(x)}{\varphi(x)}$  ҳам ўша сегментда абсолют узлуксиз бўлади.*

Исбот. Йиғинди ва айирманинг абсолют узлуксизлиги қуйидаги тенгсизликдан бевосита келиб чиқади:

$$| \{f(b_k) \pm \varphi(b_k)\} - \{f(a_k) \pm \varphi(a_k)\} | \leq |f(b_k) - f(a_k)| + | \varphi(b_k) - \varphi(a_k) |.$$

$H_f$  ва  $H_\varphi$  лар билан мос равишда  $|f(x)|$  ва  $|\varphi(x)|$  ларнинг аниқ юқори чегарасини белгилаб, ушбу

$$|f(b_k)\varphi(b_k) - f(a_k)\varphi(a_k)| = | \{f(b_k)\varphi(b_k) - f(a_k)\varphi(b_k)\} + \{f(a_k)\varphi(b_k) - f(a_k)\varphi(a_k)\} | \leq H_\varphi |f(b_k) - f(a_k)| + H_f |\varphi(b_k) - \varphi(a_k)|$$

муносабатларни ёзишимиз мумкин. Бундан эса  $f(x)\varphi(x)$  кўпайтманинг абсолют узлуксизлиги келиб чиқади.

Теореманинг шартига кўра:  $|\varphi(x)| \geq \lambda > 0$ , чунки  $\varphi(x)$  нолга тенг эмас. Шунинг учун

$$\left| \frac{1}{\varphi(b_k)} - \frac{1}{\varphi(a_k)} \right| \leq \frac{|\varphi(b_k) - \varphi(a_k)|}{\lambda^2},$$

яъни  $\frac{1}{\varphi(x)}$  абсолют узлуксиз ва, демак,  $f(x) \cdot \frac{1}{\varphi(x)}$  ҳам абсолют узлуксиз бўлади.

**44. 2. Теорема.**  *$[a, b]$  сегментда абсолют узлуксиз функция бу сегментда чегараланган ўзгаришга эга.*

Исбот.  $f(x)$  функция  $[a, b]$  сегментда узлуксиз бўлсин.  $\varepsilon = 1$  га мос  $\delta$  сонини олиб, узунликларининг йиғиндиси  $\delta$  дан кичик бўлган ўзаро кесишмайдиган ва сони чекли ( $n$  та) оралиқлар системасини тузамиз:

$$\{(a_k, b_k)\}$$

у ҳолда ушбу

$$\sum_{k=1}^n (b_k - a_k) < \delta, \quad \sum_{k=1}^n |f(b_k) - f(a_k)| < 1$$

тенгсизликлар ўринли.

Энди  $[a, b]$  сегментни, ҳар бирининг узунлиги  $\delta$  дан кичик,  $m$  та қисмга бўламиз, яъни:

$$a = c_0 < c_1 < c_2 < \dots < c_m = b$$

ва

$$c_{k+1} - c_k < \delta \quad (k = 0, 1, 2, \dots, m-1).$$

Сўнгра,  $[c_k, c_{k+1}]$  сегмент ўзаро кесишмайдиган ва сони чекли қандай қисмларга бўлинмасин, қуйидаги тенгсизлик ўринли бўлади:

$$V_{c_k}^{c_{k+1}}(f) \leq 1 \quad \text{ва, демак, } V_a^b(f) \leq m,$$

яъни  $f(x)$  нинг ўзгариши чегараланган. \*

Бу теоремадан кўринадики, узлуксиз-у, аммо абсолют узлуксиз бўлмаган функциялар мавжуд экан (38. 5- теоремадан кейинги мисолга қаранг).

**44. 3. Теорема. Ҳар қандай абсолют узлуксиз  $F(x)$  функцияни иккита камаймайдиган абсолют узлуксиз функцияларнинг айирмаси шаклида ифода қилиш мумкин:**

$$F(x) = V(x) - G(x), \quad V(x) = V_a^x[F].$$

Исбот. Теоремани исботлаш учун 44. 2 ва 38. 3- теоремаларга асосан  $V(x)$  ва  $G(x)$  функцияларнинг абсолют узлуксизлигини исботлаш kifоя. Агар  $V(x)$  нинг абсолют узлуксизлигини кўрсатсак, 44. 1- теоремага асосан,  $G(x) = V(x) - F(x)$  ҳам абсолют узлуксиз бўлади.  $V(x)$  нинг абсолют узлуксизлигини исботлаймиз.

Ихтиёрый  $\varepsilon$  ни олиб,  $F(x)$  нинг абсолют узлуксизлиги шартидан  $\delta$  ни топамиз. Узунликларининг йиғиндиси  $\delta$  дан кичик бўлган  $(a_1, b_1), \dots, (a_n, b_n)$  оралиқларни олиб,

$$\sum_{k=1}^n \{V(b_k) - V(a_k)\} = \sum_{k=1}^n V_{a_k}^{b_k}[F] \quad (1)$$

Йиғиндини қурамыз. Бу йиғинди

$$\sum_{k=1}^m \sum_{j=0}^{n_k} |F(x_{k, j+1}) - F(x_{kj})| \quad (2)$$

йиғиндиларнинг юқори чеграсига тенг, бу ерда  $a_k = x_{k_0} < x_{k_1} < \dots < x_{k_{n_k}} = b_k$  эса  $(a_k, b_k)$  оралиқларнинг ихтиёрий бўлинмасидир. Ҳаманки,

$$b_k - a_k = \sum_{j=0}^{n_k-1} (x_{k, j+1} - x_{kj}).$$

Барча  $(a_k, b_k)$  оралиқларнинг узунликлари йиғиндиси  $\delta$  дан кичик бўлгани учун,  $F(x)$  нинг абсолют узлуксизлигига асосан, ҳар бир (2) ифода  $\epsilon$  дан катта эмас. Аммо у ҳолда (1) ҳам  $\epsilon$  дан катта бўлмайди. бу эса  $V(x)$  нинг абсолют узлуксизлигини кўрсатади.\*

**44. 4. Теорема.** *[a, b] сегментда абсолют узлуксиз f(x) функция берилган бўлиб, унинг қийматлари [A, B] сегментда жойлашган бўлсин. Агар [A, B] сегментда берилган  $\psi(y)$  функция Липшиц шартини қаноатлантирса, у ҳолда мураккаб  $\psi(f(x))$  функция абсолют узлуксиз бўлади.*

Исбот.  $\psi(y)$  Липшиц шартини қаноатлантиради, яъни

$$|\psi(y_2) - \psi(y_1)| \leq k |y_2 - y_1|$$

тенгсизлик ўринли. Демак, ихтиёрий ўзаро кесишмайдиган, сони чекли ( $n$  та) ва  $[a, b]$  сегментда жойлашган  $\{(a_k, b_k)\}$  оралиқлар системаси учун ушбу

$$\sum_{k=1}^n |\psi[f(b_k)] - \psi[f(a_k)]| \leq k \sum_{k=1}^n |f(b_k) - f(a_k)|$$

муносабат ўринли.

Агар  $\sum_{k=1}^n (b_k - a_k)$  йиғинди истаганча кичик бўлса, у ҳолда  $f(x)$

нинг абсолют узлуксизлигига мувофиқ бу муносабатнинг ўнг томони ҳам истаганча кичик бўлади.\*

**44. 5. Теорема.** *Агар [a, b] сегментда аниқланган абсолют узлуксиз f(x) функциянинг ҳосиласи f'(x) деявди ҳар бир нуқтада нолга тенг бўлса, у ҳолда f(x) ўзгармас сонга тенг.*

Исбот.  $f'(x) = 0$  тенгликни қаноатлантирувчи нуқталардан иборат тўпلامни  $E$  билан белгилаб, ихтиёрий  $\epsilon (> 0)$  сонни оламиз. Агар  $x \in E$  бўлса, у ҳолда етарли кичик  $h (> 0)$  сони учун ушбу

$$\frac{|f(x+h) - f(x)|}{h} < \epsilon \quad (3)$$

тегсизлик ўринли бўлади.  $\{x, x+h\}$  ( $h$  мусбат ва (3) тегсизликни қаноатлантиради) сегментлар системаси Витали маъносида (20-параграфга қаранг)  $E$  тўп-ламни қоплайди.

Шунинг учун 20.2-теоремага мувофиқ ҳар иккинчи ўзаро кесишмайдиган, сони чекли ва  $[a, b]$  сегментда жойлашган шундай

$$\sigma_1 = [x_1, x_1 + h_1], \sigma_2 = [x_2, x_2 + h_2], \dots, \sigma_n = [x_n, x_n + h_n]$$

( $x_k < x_{k+1}$ ) сегментлар системасини тузишимиз мумкинки,  $E$  тўп-ламнинг булар қопламаган қисмининг ташқи ўлчови, олдиндан берилган ихтиёрий  $\delta > 0$  сондан кичик қилиниши мумкин.

$[a, b]$  сегментдан  $\sigma_1, \sigma_2, \dots, \sigma_n$  сегментларини чиқариб ташлаш натижасида ҳосил бўлган ораликлар

$$[a, x_1], (x_1 + h_1, x_2), (x_2 + h_2, x_3), \dots, (x_{n-1} + h_{n-1}, x_n), (x_n + h_n, b) \quad (4)$$

лардан иборат бўлиб, булар узунликларининг йиғиндисини  $\delta$  дан кичик бўлади, чунки:

$$b - a = \mu(E) \leq \sum_{k=1}^n \mu(c_k) + \mu^*(E \setminus \bigcup_{k=1}^n \sigma_k) < \sum_{k=1}^n \mu(\sigma_k) + \delta$$

ёки

$$\sum_{k=1}^n \mu(\sigma_k) > b - a - \delta.$$

Энди  $f(x)$  нинг абсолют узлуксизлигидан фойдаланиб  $\delta$  ни шундай кичик қилиб олинган дейишимиз мумкинки, унинг учун  $f(x)$  функциянинг (4) ораликлар системасидаги орттирмаларининг йиғиндисининг модули  $\epsilon$  дан кичик, яъни:

$$|f(x_1) - f(a)| + \sum_{k=1}^{n-1} |f(x_{k+1}) - f(x_k + h_k)| + |f(b) - f(x_n + h_n)| < \epsilon \quad (5)$$

бўлсин.

Иккинчи томондан  $\sigma_k$  сегментларнинг тузилишига кўра:

$$|f(x_k + h_k) - f(x_k)| < \epsilon h_k;$$

бундан:

$$\left| \sum_{k=1}^n |f(x_k + h_k) - f(x_k)| \right| < \epsilon(b - a), \quad (6)$$

чунки:

$$\sum_{k=1}^n h_k = \sum_{k=1}^n \mu(\sigma_k) \leq b - a.$$

(5) ва (6) лардан:

$$f(b) - f(a) < \epsilon(1 + b - a)$$

ва  $\epsilon$  нинг ихтиёрийлигидан

$$f(b) = f(a)$$

тенглик келиб чиқади.

Аммо юқоридаги мулоҳазаларни ҳар қандай  $[a, x]$  ( $a < x \leq b$ ) сегмент учун жорий этишимиз мумкин эди. Шунинг учун  $[a, b]$  сегментдан олинган ихтиёрий  $x$  учун ҳам

$$f(x) = f(a),$$

яъни  $f(x)$  функция ўзгармас сонга тенг экан.\*

44. 6. **Натижа.** Агар икки абсолют узлуксиз  $f(x)$  ва  $\psi(x)$  функцияларнинг ҳосилалари  $f'(x)$  ва  $\psi'(x)$  ўзаро эквивалент бўлса, у ҳолда бу функцияларнинг айирмаси ўзгармас сонга тенг.

2-таъриф. Агар 43-параграфдаги (1) нинг ўнг томонидан олинган интеграл остидаги  $f(t)$  функция жамланувчи бўлса, у ҳолда унинг чап томонидаги  $F(x)$  функцияни Лебегнинг аниқмас интегралли дейилади.

44. 7. **Теорема.** Лебегнинг аниқмас интегралли  $F(x)$  абсолют узлуксиз функциядир.

Исбот. Маъ умки ҳар қандай  $\epsilon > 0$  учун шундай  $\delta$  сонни мавжудки, агар  $e$  тўпламнинг ўлчови  $\delta$  дан кичик, яъни  $\mu(e) < \delta$  бўлса, у ҳолда:

$$\left| \int_e f(t) dt \right| < \epsilon.$$

Хусусий ҳолда, яъни ўзаро кесншмайдиган сони чекли  $\{(a_k, b_k)\}$  ( $k = 1, n$ ) ораллиқлар системасининг узунликларининг йиғиндисини  $\delta$  дан кичик бўлса, у ҳолда:

$$\left| \sum_{k=1}^n \int_{a_k}^{b_k} f(t) dt \right| < \epsilon.$$

Аммо

$$\int_{a_k}^{b_k} f(t) dt = F(b_k) - F(a_k);$$

булардан:

$$\left| \sum_{k=1}^n \{F(b_k) - F(a_k)\} \right| < \epsilon,$$

яъни  $F(x)$  абсолют узлуксиз.\*

44. 8. **Теорема** (Лебег теоремаси).  $[a, b]$  сегментда аниқланган абсолют узлуксиз  $F(x)$  функциянинг ҳосиласи  $\varphi(x)$  жамланувчи ва ҳар бир  $x$  учун:

$$\int_a^x \varphi(x) dx = F(x) - F(a).$$

Исб 6т. 44. 3- теоремага асосан абсолют узлуксиз функцияни иккита камаймайдиган абсолют узлуксиз функцияларнинг айирмаси шаклида ифодалаш мумкин; шунинг учун теоремани камаймайдиган абсолют узлуксиз функциялар учун исботлаш кифоя.

44. 2- теорема ва 42. 4- натижага асосан  $F(x)$  нинг ҳосиласи деярли ҳар бир нуқтада мавжуд; уни  $\varphi(x)$  билан белгилаймиз.  $\varphi(x)$  нинг жамланувчанлигини кўрсатамиз.

$F(x)$  нинг ҳосиласи ушбу

$$\Phi_h(x) = \frac{F(x+h) - F(x)}{h}$$

нисбатнинг лимитига тенг<sup>1</sup>.  $F(x)$  камаймайдиган бўлгани учун  $\Phi_h(x)$  манфий эмас ва  $h \rightarrow 0$  да  $[a, b]$  нинг деярли ҳар бир нуқтасида  $\varphi(x)$  га яқинлашади.  $\varphi(x)$  нинг жамланувчанлигини кўрсатиш учун 34. 12- (Фату) теоремасидан фойдаланамиз. Бунинг учун  $\Phi_h(x)$  функциялардан  $[a, b]$  сегмент бўйича олинган интегралларнинг чегараланганлигини кўрсатамиз.

Дарҳақиқат, ушбу

$$\begin{aligned} \int_a^\beta \Phi_h(x) dx &= \frac{1}{h} \int_{a+h}^{\beta+h} F(x) dx - \frac{1}{h} \int_a^\beta F(x) dx = \\ &= \frac{1}{h} \int_\beta^{\beta+h} F(x) dx - \frac{1}{h} \int_a^{a+h} F(x) dx \end{aligned}$$

ифода  $h \rightarrow 0$  да  $F(\beta) - F(a)$  га интилади ва, демак, чегараланган бўлади. Шундай қилиб, Фату теоремасини татбиқ қилиш мумкин. Бу теоремадан  $F'(x) = \varphi(x)$  нинг жамланувчанлиги билан бирга

$$\int_a^\beta F'(x) dx \leq F(\beta) - F(a) \leq F(b-0) - F(a+0)$$

тенгсизлик ҳам келиб чиқади. Агар  $\alpha \rightarrow a$ ,  $\beta \rightarrow b$  бўлса, у ҳолда  $F'(x)$  ҳосила  $[a, b]$  да жамланувчи ва

$$\int_a^b F'(x) dx \leq F(b-0) - F(a+0).$$

$F(x)$  функция  $a$  ва  $b$  нуқталарда узлуксиз бўлгани учун

$$\int_a^b F'(x) dx \leq F(b) - F(a). \quad (7)$$

$F(x)$  абсолют узлуксиз бўлганда (5) тенглик ўринли бўлишини кўрсатамиз<sup>2</sup>.

<sup>1</sup> Агар  $x+h$  сони  $[a, b]$  сегментдан ташқарига чиқиб кетса,  $F(x)$  ни ўзгармас қилиб давом эттирамиз.

<sup>2</sup> 42- § нинг охирида келтирилган мисолдан кўринадики, узлуксиз (ҳатто жиддий монотон узлуксиз) функциялар учун (5) да  $<$  ишораси бўлиши мумкин.



$$G(x) = \int_a^x \varphi(x) dx$$

функцияни киритамиз.  $G(x)$  функция 44. 7-теоремага асосан абсолют узлуксиз ва 43. 6- натижага асосан деярли ҳар бир нуқтада  $G'(x) = \varphi(x)$ . Аммо иккинчи томондан  $F'(x) = \varphi(x)$ ; шунинг учун  $H(x) = F(x) - G(x)$  айирманинг ҳосиласи деярли ҳар бир нуқтада нолга тенг.

Демак, 44. 5- теоремага асосан  $H(x)$  ўзгармас  $C_0$  сонга тенг. У ҳолда:

$$F(x) = G(x) + H(x) = \int_a^x \varphi(\xi) d\xi + C_0.$$

Агар  $x = a$  бўлса,  $C_0 = F(a)$ . Шу билан теорема тўла исбот этилди.

Шундай қилиб, абсолют узлуксиз функция ўз ҳосиласининг аниқмас интегралидир.

44. 7- ва 44. 8- теоремалардан қуйидаги муҳим натижа келиб чиқади.

**44. 9. Натижа.  $F(x)$  функция бирор жамланувчи функциянинг аниқмас интеграла бўлиши учун абсолют узлуксиз бўлиши зарур ва kiffoя.**

#### 45- §. Бошланғич функцияни тиклаш

Бу ерда яна илгари 43- параграфда қўйилган масалага қайтамиз. Аниқроқ қилиб айтганда  $[a, b]$  сегментда аниқлаиан, узлуксиз  $f(x)$  функциянинг ҳосиласи  $f'(x)$  ҳар бир нуқтада мавжуд бўлиб, чегараланмаган бўлса, ушбу

$$f(x) = f(a) + \int_a^x f'(t) dt \quad (1)$$

тенглик ўринлими, деган масалани қараймиз.

Бу тенгликнинг ўнг томонидаги ифода бошланғич функция дейилади.

44- параграфдаги сўнги асосий натижадан,  $f(x)$  абсолют узлуксиз функция бўлса, бу масала ижобий жавобга эга экани кўринади. Аммо биз (1) тенгликнинг бажарилиш шартларини  $f(x)$  нинг ўзига боғламай, балки унинг ҳосиласи  $f'(x)$  га боғлаб, унинг ўринлилигини билмоқчимиз. Бу масалага тегишли қуйидаги теоремани келтирамиз.

**45. 1. Теорема. Агар ҳосила функция  $f'(x)$  ҳар бир нуқтада мавжуд бўлиб, чекли ва жамланувчи бўлса, у ҳолда (1) тенглик ўринли.**

Исбот. Теореманинг исботи қуйидаги учта леммага асосланган.

45. 2. Лемма.  $[a, b]$  сегментда бирор чекли  $\varphi(x)$  функция берилган бўлсин. Агар  $[a, b]$  сегментнинг ҳар бир нуқтасида  $\varphi(x)$  функциянинг ҳосила сонлари манфий бўлмаса, у ҳолда  $\varphi(x)$  ўсувчи функциядир.

Исбот. Бирор  $\varepsilon > 0$  олиб,

$$\varphi_1(x) = \varphi(x) + \varepsilon(x)$$

функцияни тузамиз.

Фараз қилайлик,  $\varphi_1(b) < \varphi_1(a)$  бўлсин. Агар  $c = \frac{a+b}{2}$  бўлса, у ҳолда

$$\varphi_1(b) - \varphi_1(c), \varphi_1(c) - \varphi_1(a)$$

айирмаларнинг камида биттаси манфий.  $[a_1, b_1]$  билан  $[a, c]$ ,  $[c, b]$  сегментларнинг  $\varphi_1(b_1) < \varphi_1(a_1)$  муносабатини қаноатлантириладиганини (иккаласи ҳам қаноатлантирилса, чапдагисини) белгилаймиз.

Агар  $\varepsilon_1 = \frac{\varepsilon_1 + b_1}{2}$  бўлса,

$$\varphi_1(b_1) - \varphi_1(c_1), \varphi_2(c_1) - \varphi_1(a_1)$$

айирмаларнинг камида бири манфийдир.  $[a_2, b_2]$  билан  $[a_1, c_1]$ ,  $[c_1, b_1]$  сегментларнинг  $\varphi_1(b_2) < \varphi_1(a_2)$  муносабатини қаноатлантирадиганини (иккаласи ҳам қаноатлантирилса, чапдагисини) белгилаймиз.

Бундай яшашларни давом эттириб  $\varphi_1(b_n) < \varphi_1(a_n)$  тенгсизликни қаноатлантирувчи  $\{[a_n, b_n]\}$  сегментлар кетма-кетлигини қураимиз.

$x_0$  нуқта  $[a_n, b_n]$  сегментларнинг ҳаммасига тегишли нуқта бўлсин. У ҳолда ҳар бир  $n$  да

$$\varphi_1(b_n) - \varphi_1(x_0), \varphi_1(x_0) - \varphi_1(a_n)$$

айирмаларнинг биттаси манфий. Агар  $\varphi_1(b_n) < \varphi_1(x_0)$  бўлса,  $h_n = b_n - x_0$  ва агар  $\varphi_1(b_n) \geq \varphi_1(x_0)$  бўлса,  $h_n = a_n - x_0$  деб оламиз.

Равшанки

$$\Delta_n = \frac{\varphi_1(x_0 + h_n) - \varphi_1(x_0)}{h_n} < 0.$$

Агар бу кетма-кетликдан чекли ёки чексиз лимитга эга бўлган  $\{\Delta_n\}$  кетма-кетлик қисмини танлаб олсак, ҳосила сон учун

$$D\varphi_1(x_0) \leq 0$$

тенгсизлик олинади. Аммо бунинг бўлиши мумкин эмас, чунки

$$D\varphi_1(x) \geq \varepsilon.$$

Шундай қилиб,  $\varphi_1(b) < \varphi_1(a)$  тенгсизликнинг бўлиши мумкин эмас, демак,

$$\varphi_1(b) \geq \varphi_1(a),$$

яъни:

$$\varphi(b) + \varepsilon b \geq \varphi(a) + \varepsilon a.$$

Бундан  $\varepsilon$  сон ихтиёрый бўлгани учун:

$$\varphi(b) \geq \varphi(a).$$

Бу ерда  $a$  ва  $b$  лар ихтиёрый бўлгани учун лемма исботланди.

45. 3. Лемма.  $[a, b]$  сегментда ўлчови нолга тенг бўлган ихтиёрый  $E$  тўплам берилган бўлсин. У ҳолда шундай ўсувчи узлуксиз  $g(x)$  функция мавжудки,  $E$  тўпламнинг ҳар бир  $x$  нуқтасида:

$$g'(x) = +\infty.$$

Исбот. Ҳар бир натурал  $n$  сони учун ушбу

$$G_n \supset E, \mu G_n < \frac{1}{2^n}$$

шартларни қаноатлантирувчи очиқ тўпламни тузамиз.  $G_n \cap [a, x]$  тўпламнинг ўлчовини  $\psi_n(x)$  билан белгилаймиз, яъни

$$\psi_n(x) = \mu \{G_n \cap [a, x]\},$$

$\psi_n(x)$  функция ўсувчи, манфий эмас, узлуксиз ва

$$\psi_n(x) < \frac{1}{2^n}$$

тенгсизликни қаноатлантиради. Шунинг учун

$$\sum_{n=1}^{\infty} \psi_n(x)$$

қатор  $[a, b]$  да текис яқинлашувчи; бу қаторни  $g(x)$  билан белгилаймиз.  $g(x)$  функция манфий эмас, ўсувчи ва узлуксиз.

$n$  сони берилган ва  $x_0 \in E$  бўлса, у ҳолда  $|h|$  етарли кичик бўлганда  $[x_0, x_0 + h]$  сегмент бутунлай  $G_n$  нинг ичида ётади. Бундай  $h$  ларда (қулайлик учун  $h > 0$  дейиш мумкин) ушбу

$$\psi_n(x_0 + h) = \mu \{G_n \cup [a, x_0] \cup G_n \cap (x_0, x_0 + h)\} = \psi_n(x_0) + h$$

муносабат ўринли. Бундан:

$$\frac{\psi_n(x_0 + h) - \psi_n(x_0)}{h} = 1.$$

Аммо бундан, натурал  $N$  сони қандай бўлмасин,  $|h|$  етарли кичик бўлганда

$$\frac{g(x_0 + h) - g(x_0)}{h} \geq \sum_{n=1}^N \frac{\psi_n(x_0 + h) - \psi_n(x_0)}{h} = N.$$

Демак,

$$g'(x_0) = +\infty.$$

Лемма исботланди.

45. 4. Лемма.  $[a, b]$  сегментда чекли  $\varphi(x)$  функция берилган бўлсин. Агар  $[a, b]$  сегментнинг деярли ҳар бир нуқтасида  $\varphi(x)$  функциянинг барча ҳосила сонлари манфий бўлмаса ва  $[a, b]$  нинг ҳеч қандай нуқтасида  $\varphi(x)$  нинг ҳеч бир ҳосила сони  $-\infty$  га тенг бўлмаса, у ҳолда  $\varphi(x)$  ўсувчидир.

Исбот.  $\varphi(x)$  функция ҳосила сонларидан камида биттаси манфий бўлган  $[a, b]$  сегментнинг нуқталари тўпламини  $E$  билан белгилаймиз. Лемманинг шarti бўйича

$$\mu E = 0.$$

45. 3- леммага асосан шундай узлуксиз ўсувчи  $g(x)$  функция мавжудки,  $E$  тўпламининг ҳар бир нуқтасида

$$g'(x) = +\infty.$$

Бирор  $\varepsilon > 0$  олиб, ушбу

$$\Phi(x) = \varphi(x) + \varepsilon g(x)$$

функцияни киритамиз ва  $\Phi(x)$  нинг ҳеч бир ҳосила сони  $[a, b]$  сегментнинг ҳеч қандай нуқтасида манфий бўлмаслигини кўрсатамиз. Ҳақиқатан ҳам,  $g(x)$  ўсувчи бўлгани учун ушбу

$$\frac{\Phi(x+h) - \Phi(x)}{h} \geq \frac{\varphi(x+h) - \varphi(x)}{h}$$

тенгсизлик ўринли, бундан эса  $[a, b]$  сегментнинг  $E$  тўпламга тегишли бўлмаган ихтиёрлий  $x$  нуқтасида

$$D\Phi(x) \geq 0$$

ни топамиз (чунки  $E$  дан ташқарида  $\varphi(x)$  нинг ҳосила сонлари манфий эмас). Агар  $x \in E$  бўлса, ушбу

$$\frac{\varphi(x+h_n) - \varphi(x)}{h_n}$$

ифода қуйидан чегараланганлиги (чунки акс ҳолда  $\varphi(x)$  нинг бирор ҳосила сони учун  $D\varphi(x) = -\infty$  бўларди) ва  $g'(x) = +\infty$  бўлгани учун:  $\Phi'(x) = +\infty$ . Шундай қилиб,  $[a, b]$  сегментнинг ҳар қандай нуқтаси учун

$$D\Phi(x) \geq 0.$$

Бундан, 45. 2- леммага асосан,  $\Phi(x)$  ўсувчи, яъни  $x < y$  да

$$\Phi(x) \leq \Phi(y),$$

яъни:

$$\varphi(x) + \varepsilon g(x) \leq \varphi(y) + \varepsilon g(y).$$

$\varepsilon$  сонни нолга интилтириб, ушбу

$$\varphi(x) \leq \varphi(y)$$

ифодани оламиз. Шунини исботлаш керак эди.\*

Теореманинг исботи. Қуйидаги функцияларни киритамиз.

$$\varphi_n(x) = \begin{cases} \text{агар } f'(x) \leq n \text{ бўлса, } f'(x) \\ \text{агар } f'(x) > n \text{ бўлса, } n. \end{cases}$$

Равшанки,

$$|\varphi_n(x)| \leq |f'(x)|. \quad (2)$$

Бундан, 34. 7-теоремага асосан,  $\varphi_n(x)$  нинг жамланувчилиги келиб чиқади. Ушбу

$$R_n(x) = f(x) - \int_a^x \varphi_n(x) dx$$

белгини киритиб,  $R_n(x)$  нинг ўсувчилигини кўрсатамиз. Деярли ҳар бир нуқтада

$$R_n'(x) = f'(x) - \varphi_n(x) \geq 0$$

тенгсизлик ўринли бўлгани учун,  $R_n(x)$  нинг бирор ҳосила сони манфий бўлган нуқталар тўпламининг ўлчови нолга тенг. Иккинчи томондан,  $\varphi_n(x) \leq n$  бўлгани учун:

$$\frac{1}{h} \int_x^{x+h} \varphi_n(t) dt \leq n.$$

Бундан эса:

$$\frac{R_n(x+h) - R_n(x)}{h} \geq \frac{f(x+h) - f(x)}{h} - n.$$

Охирги муносабат  $R_n(x)$  функциянинг ҳеч бир ҳосила сони  $-\infty$  га тенг бўлмаслигини кўрсатади. Шунинг учун, 45. 4-леммага асосан  $R_n(x)$  ўсувчидир. Демак,

$$R_n(b) \geq R_n(a),$$

яъни:

$$f(b) - f(a) \geq \int_a^b \varphi_n(x) dx.$$

Аммо

$$\lim_{n \rightarrow \infty} \varphi_n(x) = f'(x).$$

Буни ва (2) ни кўзда тутиб, 34. 11-теоремани татбиқ қилсак,

$$\lim_{n \rightarrow \infty} \int_a^b \varphi_n(x) dx = \int_a^b f'(x) dx$$

муносабатни оламиз. Демак,

$$f(b) - f(a) \geq \int_a^b f'(x) dx.$$

Агар юқоридаги мулоҳазаларни  $-f(x)$  функцияга татбиқ қилсак

$$f(b) - f(a) \leq \int_a^b f'(x) dx$$

муносабатни оламиз. Охирги икки муносабатдан

$$f(b) = f(a) + \int_a^b f'(x) dx$$

келиб чиқади. Бу билан теорема тўла исботланди.

Энди иккита мисол келтирамиз.

1. Ушбу

$$f(x) = x^{\frac{3}{2}} \sin \frac{1}{x} \quad (0 < x \leq 1)$$

$$f(0) = 0$$

функция  $[0, 1]$  сегментнинг ҳар бир нуқтасида чекли ҳосиллага эга:

$$f'(x) = \frac{3}{2} x^{\frac{1}{2}} \sin \frac{1}{x} - x^{-\frac{1}{2}} \cos \frac{1}{x} \quad (x > 0)$$

$$f'(0) = 0$$

ва бу ҳосила жамланувчи функция бўлади, чунки

$$|f'(x)| \leq \frac{3}{2} + \frac{1}{\sqrt{x}}.$$

Шунинг билан  $f(x)$  функция 45. 1-теореманинг шартларини қаноатлантиради ва, демак,

$$f(x) = \int_0^x f'(t) dt.$$

2. Ушбу

$$f(x) = x^2 \cos \frac{\pi}{x^2} \quad (0 < x \leq 1)$$

$$f(0) = 0$$

функция ҳам  $[0, 1]$  сегментнинг ҳар бир нуқтасида чекли ҳосиллага эга, аммо унинг ҳосиласи жамланувчи функция бўлмайди. Дарҳақиқат, агар  $\alpha < \beta \leq 1$  бўлса, у ҳолда  $[\alpha, \beta]$  сегментда  $f'(x)$  чегараланган ва шунинг учун:

$$\int_{\alpha}^{\beta} f'(t) dt = \beta^2 \cos \frac{\pi}{\beta^2} - \alpha^2 \cos \frac{\pi}{\alpha^2}$$

Агар  $\alpha_n = \sqrt{\frac{2}{4n+1}}$ ,  $\beta_n = \frac{1}{\sqrt{2n}}$  бўлса, у ҳолда

$$\int_{\alpha_n}^{\beta_n} f'(t) dt = \frac{1}{2n}$$

бўлади. Лекин  $[\alpha_n, \beta_n]$  сегментлар  $n = 1, 2, \dots$  бўлганда ўзаро кесишмайди; шунинг учун, агар  $E = \bigcup_{n=1}^{\infty} [\alpha_n, \beta_n]$  бўлса, у ҳолда:

$$\int_E f'(t) dt = \frac{1}{2} \sum_{n=1}^{\infty} \frac{1}{n} = +\infty,$$

яъни  $f'(x)$  жамланувчи эмас. Бу мисол кўрсатадики, Лебег маъносида интеграллаш процесси ҳам ҳосила-функция ёрдами билан бошланғич функцияни тиклаш масаласини тўла ҳал қилмас экан. Бу масалани Лебегнинг интеграллаш процессини умумлаштирувчи Перрон-Данжуа интеграллаш процесси тўла ҳал қилади.

### МАШҚ УЧУН МАСАЛАЛАР

1.  $[-1, +1]$  сегментда аниқланган шундай функция тузилсинки, бу функция 0 нуқтада ҳосиллага эга бўлиб, қолган барча нуқталарда узлуксиз бўлсин.

2.  $[0, 1]$  даги узлуксиз функциянинг ҳосиласи мавжуд бўлган нуқталари тўплами  $D$  ўлчовли эканлигини ва  $F_{\infty}$  типдаги тўплам эканини исботланг.

3.  $[0, 1]$  даги узлуксиз  $f(x)$  функциянинг ҳосиласи  $f'(x)$  (бу функция илгариги масалада киритилган  $D$  тўпламда аниқланган) ўлчовли эканлиги исботлансин.

4.  $[0, 1]$  да аниқланган узлуксиз  $f(x)$  функциянинг  $[0, 1]$  нинг ҳар бир нуқтасида  $f'(x)$  ҳосиласи мавжуд бўлсин.  $f'(x)$  функция  $[0, 1]$  сегментнинг ҳар бир нуқтасида узлуксиз бўлолмаслиги исботлансин.

5.  $f(x)$  функция  $[a, b]$  да аниқланган бўлиб, бу оралиқнинг ҳар бир нуқтасида  $f'(x)$  ҳосиласи мавжуд бўлсин. У ҳолда  $f'(x)$  функция  $(a, b)$  ва  $f'(a)$  ва  $f'(b)$  орасидаги барча қийматларни қабул қилиши исботлансин.

6. Агар  $f'(x)$  ҳар бир нуқтада мавжуд бўлса, у биринчи турдаги узилишга эга бўлолмаслиги исботлансин.

7.  $[0, 1]$  даги барча рационал сонларни номерлаб чиқамиз:

$$r_1, r_2, \dots, r_n, \dots$$

ва

$$f(x) = \sum_{n=1}^{\infty} \frac{1}{n^2} |x - r_n|$$

функцияни тузамиз (IV боб, 7- масалага қаранг). Бу функция  $[0,1]$  сегментнинг барча иррационал нуқталарида ҳосилага эга бўлиб, рационал нуқталарида ҳосиласи мавжуд эмаслиги исботлансин.

8.  $[0, 1]$  да узлуксиз  $f(x)$  функция берилган бўлсин. Бу функциянинг  $n$ - ҳосиласи мавжуд бўлган нуқталари тўпламини  $D^{(n)}$  билан белгилаймиз. Бу тўпламнинг ўлчовли экани исботлансин.

9.  $[a, b]$  да аниқланган  $f(x)$  функция берилган бўлиб, у  $[a, b]$  нинг деярли ҳар бир нуқтасида чекли ҳосилага эга. Бундан  $f(x)$  нинг ўзгариши чегараланганлиги келиб чиқадими? (Бу масалани 42. 3- теорема билан солиштиринг.)

## Х Б О Б

### МЕТРИК ФАЗОЛАР

#### 46- §. Метрик фазо тушунчаси. Мисоллар

Математик анализнинг асосий амалларидан бири лимитга ўтиш тушунчасидир. Бу амални тўғри чизиқ нуқталаридан иборат тўпламда жорий этишда биз икки нуқта орасидаги масофа тушунчасидан доимо фойдаланиб келган эдик. Аммо лимитга ўтиш масаласига кенгроқ қараладиган бўлса, асосий мазмун олинган тўплам элементларининг табиий тузилишида эмас, балки унинг икки элементи орасида масофа тушунчасини кирита билишдадир. Бу мулоҳаза француз математиги М. Фрешени 1906 йилда метрик фазо тушунчасига олиб келди.

*Таъриф. Агар бирон  $X$  тўпламнинг ўзини ўзига тўғри (Декарт) кўпайтмаси  $[X, X]$  ни  $[0, \infty) = R_+$  тўпламга акс эттирувчи  $\rho(x, y)$  функция мавжуд бўлиб, у қуйидаги шартларни (ёки метрик аксиомаларни) қаноатлантирса,  $X$  тўплам метрик фазо таъкил этади дейилади:*

1)  $\rho(x, y) \geq 0$  ва  $\rho(x, y) = 0$  муносабат  $x = y$  бўлгандагина бажарилади,

2)  $\rho(x, y) = \rho(y, x)$  (симметриклик аксиомаси),

3)  $\rho(x, y) \leq \rho(x, z) + \rho(z, y)$  (учбурчак аксиомаси).

$\rho(x, y)$  функцияни эса метрика дейилади. Метрик фазонинг элементларини унинг нуқталари деб ҳам юритилади. Метриканинг юқоридаги хоссаларига одатдаги тўғри чизиқ, текислик ва Эвклид фазоларидаги масофа тушунчаларини умумийлаштириш деб ҳам қараш мумкин.

Энди бир неча мисол келтирамиз.



1.  $X$  — ихтиёрый тўплам бўлсин; ушбу

$$\rho(x, y) = \begin{cases} \text{агар } x \neq y \text{ бўлса, } 1. \\ \text{агар } x = y \text{ бўлса, } 0 \end{cases}$$

функция метрик фазо аксиомаларини қаноатлантиради.

2.  $n$  ўлчовли векторлардан иборат  $R^n = \{x: x = (a_1, a_2, \dots, a_n)\}$  тўпламида икки  $x = (a_1, a_2, \dots, a_n)$  ва  $y = (b_1, b_2, \dots, b_n)$  векторлар учун масофа ушбу

$$\rho(x, y) = \left( \sum_{i=1}^n (a_i - b_i)^2 \right)^{1/2} \quad (1)$$

кўринишда киритилса, у ҳолда  $R^n$  метрик фазони ташкил этади; бу эса маълум Эвклид фазосидир.

1 ва 2- аксиомаларнинг бажарилиши ўз-ўзидан равшан. Учбурчак аксиомасини Коши — Буняковский<sup>1</sup> тенгсизлигидан келтириб чиқарамиз.

Учта

$$x = (a_1, a_2, \dots, a_n), y = (b_1, b_2, \dots, b_n), z = (c_1, c_2, \dots, c_n)$$

нуқтани олиб, ушбу белгилашларни киритамиз:

$$d_i = b_i - a_i, e_i = c_i - b_i, \text{ бундан: } c_i - a_i = d_i + e_i.$$

У ҳолда

$$\begin{aligned} \rho^2(x, z) &= \sum_{i=1}^n (c_i - a_i)^2 = \sum_{i=1}^n (d_i + e_i)^2 = \sum_{i=1}^n d_i^2 + 2 \sum_{i=1}^n d_i e_i + \\ &+ \sum_{i=1}^n e_i^2 \leq \sum_{i=1}^n d_i^2 + 2 \sqrt{\sum_{i=1}^n d_i^2 \sum_{i=1}^n e_i^2} + \sum_{i=1}^n e_i^2 = \\ &= \left( \sqrt{\sum_{i=1}^n d_i^2} + \sqrt{\sum_{i=1}^n e_i^2} \right)^2 = (\rho(x, y) + \rho(y, z))^2. \text{ Бундан:} \\ &\rho(x, z) \leq \rho(x, y) + \rho(y, z). * \end{aligned}$$

Шуни ҳам айтиш керакки, агар  $n$  ўлчовли векторлар тўпламида масофа бошқача киритилса, у яна метрик фазо бўлиб, юқоридаги

<sup>1</sup> Яъни:  $\left( \sum_{i=1}^n a_i b_i \right)^2 < \sum_{i=1}^n a_i^2 \sum_{i=1}^n b_i^2$  тенгсизликдан келтириб чиқарамиз. Бу тенгсизлик эса ушбу

$$\left( \sum_{i=1}^n a_i b_i \right)^2 = \sum_{i=1}^n a_i^2 \sum_{i=1}^n b_i^2 - \frac{1}{2} \sum_{i=1}^n \sum_{j=1}^n (a_i b_j - b_i a_j)^2$$

айниятдан бевосита келиб чиқади.

Эвклид фазосидан фарқли бўлади. Масалан,  $R^n$  тўпламда метрикаи ушбу

$$\rho(x, y) = \sum_{i=1}^n |a_i - b_i| \quad (2)$$

формула билан ҳам бериш мумкин; бу масофа учун метрика аксиомаларининг ўринли эканини кўрсатишни ўқувчига тавсия этамиз.

3.  $l_2$  — Ҳилберт фазоси қуйидагича аниқланади:

$$l_2 = \left\{ x : x = (a_1, a_2, \dots); \sum_{i=1}^{\infty} a_i^2 < +\infty \right\},$$

яъни  $l_2$  нинг элементлари ҳамма ҳақиқий сонлар кетма-кетлигидан иборат бўлиб, бу сонлар квадратларининг йиғиндисидан иборат қатор яқинлашувчи ва

$$\rho(x, y) = \left[ \sum_{i=1}^{\infty} (b_i - a_i)^2 \right]^{1/2};$$

бу ерда

$$\begin{aligned} x &= (a_1, a_2, \dots) \in l_2, \\ y &= (b_1, b_2, \dots) \in l_2. \end{aligned}$$

Биринчи ва иккинчи аксиомаларнинг ўринлилиги равшан, учбурчак аксиомасининг бажарилишини кўрсатамиз. Дарҳақиқат, ихтиёрий натурал  $n$  сони учун

$$\left[ \sum_{k=1}^n (b_k - a_k)^2 \right]^{1/2} \leq \left( \sum_{k=1}^n a_k^2 \right)^{1/2} + \left( \sum_{k=1}^n b_k^2 \right)^{1/2} \quad (3)$$

тенгсизлик ўринли (2-мисолга қаранг). Бу тенгсизликнинг ўнг томонидаги ҳадларнинг ҳар бири  $n \rightarrow \infty$  да лимитга эга, чунки  $x \in l_2$  ва  $y \in l_2$ . Демак, (3) нинг чап томонидаги ифода ҳам камаймайдиган ва чегараланган бўлганлиги учун лимитга эга. (3) да  $x$  ни  $(-x)$  га алмаштириб

$$\left( \sum_{k=1}^{\infty} (b_k + a_k)^2 \right)^{1/2} \leq \left( \sum_{k=1}^{\infty} a_k^2 \right)^{1/2} + \left( \sum_{k=1}^{\infty} b_k^2 \right)^{1/2} \quad (4)$$

тенгсизликни ёзишимиз мумкин. (4) дан учбурчак аксиомасини келтириб чиқариш жуда осон. Бунинг учун  $l_2$  фазодан учта:

$$x = (a_1, a_2, \dots), y = (b_1, b_2, \dots), z = (c_1, c_2, \dots)$$

нуқталарни оламиз ва 2-мисолдагидек қуйидаги белгилашларни критамиз:

$$d_i = b_i - a_i, e_i = c_i - b_i; \text{ равшанки, } c_i - a_i = d_i + e_i.$$

(4) тенгсизликдан фойдаланиб, 2 мисолдаги каби усул билан

$$\left( \sum_{i=1}^{\infty} (c_i - a_i)^2 \right)^{1/2} \leq \left( \sum_{i=1}^{\infty} (b_i - a_i)^2 \right)^{1/2} + \left( \sum_{i=1}^{\infty} (c_i - b_i)^2 \right)^{1/2}$$

ёки  $\rho(x, z) \leq \rho(x, y) + \rho(y, z)$  тенгсизликни чиқарамиз.

Келгуси мисолларда ҳам биринчи ва иккинчи аксиомаларнинг бажарилиши ўз-ўзидан равшан бўлганлиги учун биз уларнинг исботи устида тўхтамаймиз.

4.  $X$  тўплам  $[a, b]$  сегментда аниқланган ҳамма узлуксиз функциялардан иборат. Бу тўпламда метрикани қуйидагича киритамиз:

$$\rho(x, y) = \max_{a \leq t \leq b} |x(t) - y(t)| \quad (5)$$

**Учбурчак** аксиомасининг бажарилишини кўрсатамиз. Ихтиёрий  $t \in [a, b]$  нуқта ва  $x(t), y(t), z(t) \in X$  функциялар учун ушбу

$$\begin{aligned} |x(t) - z(t)| &= |[x(t) - y(t)] + [y(t) - z(t)]| \leq |x(t) - y(t)| + \\ &+ |y(t) - z(t)| \leq \max_t |x(t) - y(t)| + \max_t |y(t) - z(t)| = \\ &= \rho(x, y) + \rho(y, z) \end{aligned}$$

муносабатлар бажарилади. Бундан:

$$\rho(x, z) \leq \rho(x, y) + \rho(y, z).$$

Бу фазони  $C[a, b]$  билан белгилашади.

5.  $L_p[a, b]$  ( $p \geq 1$ ) фазоси ҳам метрик фазо (VII бобга қаранг).

Бу фазодан олинган икки функциянинг фарқ қиладиган нуқталаридан иборат тўпламнинг ўлчови нолга тенг бўлса, уларни битта нуқта деб ҳисоблаймиз. Ушбу

$$x(t) \in L_p[a, b] \text{ ва } y(t) \in L_p[a, b]$$

функциялар учун масофани қуйидагича аниқлаймиз:

$$\rho(x, y) = \left( \int_a^b [x(t) - y(t)]^p dt \right)^{1/p}. \quad (6)$$

**Учбурчак** аксиомаси Минковский тенгсизлигидан бевосита келиб чиқади (VII бобга қаранг).

6.  $X$  тўплам ҳамма чегараланган ҳақиқий сонлар кетма-кетлигидан иборат, яъни:

$$X = \{x : x = (a_1, a_2, \dots); |a_k| < M_x, k = 1, 2, \dots\}.$$

Агар иккита  $x = (a_1, a_2, \dots)$  ( $|a_k| \leq M_x, k = 1, 2, \dots$ ),  $y = (b_1, b_2, \dots)$  ( $|b_k| \leq M_y, k = 1, 2, \dots$ ) нуқталар учун масофа

$$\rho(x, y) = \sup_i |a_i - b_i| \quad (7)$$

тенглик билан аниқланса, бу тўплам ҳам метрик фазога айланади.

Дарҳақиқат учбурчак аксиомаси қуйидагича текширилади:

$$|a_i - c_i| \leq |a_i - b_i| + |b_i - c_i| \leq \sup_i |a_i - b_i| + \sup_i |b_i - c_i| = \\ = \rho(x, y) + \rho(y, z) \\ [z = (c_1, c_2, \dots), |c_i| \leq M_2, i = 1, 2, \dots]$$

Бундан:

$$\sup_i |a_i - c_i| = \rho(x, z) \leq \rho(x, y) + \rho(y, z).$$

Бу фазони  $m$  билан белгиланади.

7.  $X$  тўплам ҳамма яқинлашувчи сонлар кетма-кетлигидан иборат, яъни:

$$X = \{x : x = (a_1, a_2, \dots); \lim_n a_n = \alpha\}$$

Равшанки,  $X \subset m$ , яъни  $X$  нинг ҳар бир элементи  $m$  нинг ҳам элементиدير. Демак,  $X$  да  $m$  даги масофа киритилса, у ҳам метрик фазони ташкил этади. Бу фазони  $s$  билан белгилайдилар.

8.  $X$  тўплам ҳамма ҳақиқий сонлар кетма-кетлигидан иборат, яъни:

$$X = \{x : x = (a_1, a_2, \dots)\}.$$

Бу тўпламда икки  $x = (a_1, a_2, \dots)$  ва  $y = (b_1, b_2, \dots)$  нуқталар учун масофани қуйидагича киритамиз:

$$\rho(x, y) = \sum_k \frac{1}{2^k} \frac{|a_k - b_k|}{1 + |a_k - b_k|} \quad (8)$$

Учбурчак аксиомаси ушбу

$$\frac{|a+b|}{1+|a+b|} \leq \frac{|a|}{1+|a|} + \frac{|b|}{1+|b|} \quad (9)$$

тенгсизликдан келиб чиққани учун дастлаб (9) ни исбот этамиз.  $a$  ва  $b$  ларнинг ишоралари бир хил, масалан,  $a > 0$ ,  $b > 0$  бўлсин; у ҳолда:

$$\frac{|a+b|}{1+|a+b|} = \frac{a+b}{1+a+b} = \frac{a}{1+a+b} + \frac{b}{1+a+b} < \frac{a}{1+a} + \frac{b}{1+b}.$$

Энди  $a$  билан  $b$  нинг ишоралари турли бўлсин ва, масалан,  $|a| \geq |b|$ . У ҳолда:

$$|a+b| \leq |a|. \quad (10)$$

Иккинчи томондан,  $f(x) = \frac{x}{1+x}$  функция ўсувчи, чунки  $f'(x) = \frac{1}{(1+x)^2} > 0$ . Бундан ва (10) дан

$$\frac{|a+b|}{1+|a+b|} \leq \frac{|a|}{1+|a|} \leq \frac{|a|}{1+|a|} + \frac{|b|}{1+|a|}$$

келиб чиқади. Шундай қилиб, (9) тенгсизлик доим ўришли. Энди учбурчак тенгсизлигини исботлаймиз. (9) га мувофиқ:

$$\rho(x, z) = \sum_{k=1}^{\infty} \frac{1}{2^k} \frac{|a_k - c_k|}{1 + |a_k - c_k|} = \sum_{k=1}^{\infty} \frac{1}{2^k} \frac{|a_k - b_k + b_k - c_k|}{1 + |a_k - b_k + b_k - c_k|} \leq$$

$$\leq \sum_{k=1}^{\infty} \frac{1}{2^k} \frac{|a_k - b_k|}{1 + |a_k - b_k|} + \sum_{k=1}^{\infty} \frac{1}{2^k} \frac{|b_k - c_k|}{1 + |b_k - c_k|} = \rho(x, y) + \rho(y, z).$$

бу ерда  $z = (c_1, c_2, \dots)$ , шу билан учбурчак аксиомаси исботланди. Бу метрик фазо  $s$  ҳарфи билан белгиланади.

9.  $X$  тўпam  $[a, b]$  сегментда аниқланган ҳамма ўлчовли функциялардан иборат. Агар икки функция бир-биридан фарқ қиладиган нуқталардан иборат тўпamнинг ўлчови нолга тенг бўлса, уларни тўпamнинг битта элементи деб ҳисоблаймиз.

Икки  $x(t)$  ва  $y(t)$  функциялар орасидаги масофани ушбу

$$\rho(x, y) = \int_a^b \frac{|x(t) - y(t)|}{1 + |x(t) - y(t)|} dt \quad (11)$$

формула билан аниқлаймиз. 8- мисолдагидек бу ҳол учун ҳам учбурчак аксиомаси бажарилади; қолган икки аксиоманинг ўринлилиги равшан. Бу фазо  $S[a, b]$  билан белгиланади.

#### 47- §. Метрик фазода яқинлашиш тушунчаси

**Таъриф.** Метрик  $X$  фазода бирон  $\{x_n\}$  кетма-кетлик берилган бўлсин. Агар  $n \rightarrow \infty$  да  $\rho(x_n, x) \rightarrow 0$  бўлса, бу кетма-кетлик  $X$  фазонинг  $x$  элементига яқинлашади ( $x_n \rightarrow x$  ёки  $\lim_n x_n = x$ ) дейилади; бу яқинлашишни (бошқа яқинлашишлар билан адаштирмаслик учун) метрика маъносида яқинлашиш ҳам дейилади.

Бу  $x$  нуқтани  $\{x_n\}$  кетма-кетликнинг лимити дейилади.

**47. 1. Теорема.** Ҳар бир яқинлашувчи кетма-кетлик биргина лимит нуқтага эга бўлиши мумкин.

**Исбот.** Дарҳақиқат,  $x_n \rightarrow x$  ва  $x_n \rightarrow y$ , яъни лимит нуқталар иккита бўлсин:  $x$  ва  $y$ . У ҳолда учбурчак аксиомасига мувофиқ:

$$0 \leq \rho(x, y) \leq \rho(x, x_n) + \rho(x_n, y).$$

Аmmo бу тенгсизликнинг ўнг томони  $n \rightarrow \infty$  да нолга интилади; демак,  $\rho(x, y) = 0$ , яъни  $x = y$ .

**47. 2. Теорема.**  $\rho(x, y)$  *масофа*  $x$  ва  $y$  *элементларнинг узлуксиз функцияси*, яъни *агар*  $x_n \rightarrow x$  ва  $y_n \rightarrow y$  *бўлса*,  $y$  *ҳолда*:

$$\rho(x_n, y_n) \rightarrow \rho(x, y).$$

Исбот. Аввало ихтиёрий  $x, y, z, u \in X$  тўрт нуқта учун

$$|\rho(x, y) - \rho(z, u)| \leq \rho(x, z) + \rho(y, u) \quad (1)$$

тенгсизлик ўринли. Ҳақиқатан ҳам, учбурчак аксиомасидан фойдаланиб

$$\rho(x, y) \leq \rho(x, z) + \rho(z, y) \leq \rho(x, z) + \rho(z, u) + \rho(u, y) \quad (2)$$

тенгсизликни ёзишимиз мумкин. Бундан:

$$\rho(x, y) - \rho(z, u) \leq \rho(x, z) + \rho(y, u),$$

бу тенгсизликда  $x, y$  лар билан мос равишда  $z, u$  ларнинг ўринлари алмаштирилса:

$$\rho(z, u) - \rho(x, y) \leq \rho(x, z) + \rho(y, u) \quad (3)$$

тенгсизлик ҳосил бўлади. (2) ва (3) лардан (1) келиб чиқади. (1) дан ( $z$  ва  $u$  мос равишда  $x_n$  ва  $y_n$  билан алмаштирилса) теореманинг шартига кўра:

$$|\rho(x_n, y_n) - \rho(x, y)| \leq \rho(x_n, x) + \rho(y_n, y) \rightarrow 0.$$

Бундан:

$$\rho(x_n, y_n) \rightarrow \rho(x, y). *$$

Қуйидаги теореманинг тўғрилиги ўз-ўзидан кўриниб турибди.

**47. 3. Теорема.** *Агар*  $\{x_n\}$  *кетма-кетлик*  $x$  *нуқтага яқинлашса*,  $y$  *ҳолда*  $y$  *кетма-кетликнинг ихтиёрий*  $\{x_{n_k}\}$  *қисми ҳам шу нуқтага яқинлашади.*

**47. 4. Теорема.** *Агар*  $\{x_n\}$  *кетма-кетлик*  $x$  *нуқтага яқинлашса*,  $y$  *ҳолда*  $\rho(x_n, x_0)$  *сонлар тўплами чегараланган бўлади (бу ерда*  $x_0 (\in X)$  *аниқ бир нуқта).*

Исбот. Дарҳақиқат, учбурчак аксиомасига кўра:

$$\rho(x_n, x_0) \leq \rho(x_n, x) + \rho(x, x_0) \leq M + \rho(x, x_0) = K,$$

чунки  $\rho(x_n, x)$  яқинлашувчи сонлар кетма-кетлиги бўлганлиги учун чегараланган бўлади;  $M$  эса уларнинг юқори чегараси.

Энди метрик  $X$  фазода баъзи бир геометрик тушунчаларни киритамиз.

Ушбу

$$S(a, r) = \{x: \rho(x, a) < r\} \quad (\bar{S}(a, r) = \{x: \rho(x, a) \leq r\})$$

тўплам шар (ёпиқ шар),  $a$  нуқта шарнинг маркази,  $r (> 0)$  сони унинг радиуси дейилади. Ушбу  $\{x: \rho(x, a) = r\}$  тўплам маркази  $a$  нуқтада, радиуси  $r$  бўлган сфера дейилади.  $a (\in X)$  нуқтанинг  $\varepsilon$  атрофи деб, шу нуқта маркази бўлган ва радиуси

$\varepsilon$  га тенг шарга айтилади; бу атрофни  $S(a, \varepsilon)$  билан белгилаймиз. Равшанки,  $x_0$  нуқта бирон  $\{x_n\}$  кетма-кетликнинг лимит нуқтаси бўлиши учун  $x_0$  нинг ихтиёрий атрофи бирон номердан бошлаб шу кетма-кетликнинг ҳамма элементларини ўз ичига олиши зарур ва кифоядир.

Агар  $A (\subset X)$  тўпلامнинг ҳамма элементлари бирон шарнинг ичида жойлашган бўлса,  $A$  тўплам метрик  $X$  фазода чегараланган дейилади.

Баъзан фазода элементлар кетма-кетлигининг лимити тушунчаси (метрика тушунчаси киритилмаган ҳолда) бевосита аниқланган бўлиши ҳам мумкин. Агар бу фазода метрика киритилиб, шу метрика маъносида аниқланган лимит нуқта тушунчаси, бевосита киритилган лимит нуқта тушунчаси билан бир хилда бўлса<sup>1</sup>, у ҳолда бу фазо метрикалаштирилган фазо дейилади.

Энди 46- параграфда мисол сифатида келтирилган метрик фазоларда яқинлашишнинг конкрет маъносини аниқлаш билан шуғулланамиз.

1. 1- мисолдаги фазодан олинган бирон кетма-кетлик яқинлашувчи бўлиши учун бирон номердан бошлаб у кетма-кетликнинг ҳамма элементлари бир-бирига тенг бўлиши керак.

2 — 3.  $R^n$  ва  $l_2$  фазолардан олинган  $\{x_n\}$  кетма-кетликнинг  $x$  элементга яқинлашиши учун  $x_n$  нуқта координаталарининг мос равишда  $x$  нинг координаталарига яқинлашиши зарур ва кифоя.

Дарҳақиқат, агар  $R^n$  да  $\rho(x_n, x) = \left( \sum_{k=1}^n (a_i^{(k)} - a_i)^2 \right)^{1/2} \rightarrow 0$  ( $k \rightarrow \infty$ ), у ҳолда  $a_i^{(k)} \rightarrow a_i$ ,  $i = 1, 2, \dots, n$  ( $k \rightarrow \infty$ ) ва, аксинча,  $l_2$  фазода ҳам худди шунга ўхшаш муносабатлар бажарилади.

4.  $\{x_n(t)\}$  кетма-кетлик  $C[a, b]$  фазонинг элементларидан тузилган ва  $x_n(t) \rightarrow x(t)$  бўлсин яъни:

$$\rho(x_n, x) = \max_{a < t < b} |x_n(t) - x(t)| \rightarrow 0, \quad n \rightarrow \infty.$$

Бундан, ихтиёрий  $\varepsilon > 0$  учун шундай натурал  $n_0 = n_0(\varepsilon)$  сон мавжудки,  $n > n_0$  бўлганда:

$$\max_{a < t < b} |x_n(t) - x(t)| < \varepsilon.$$

Демак,  $t (\in [a, b])$  нинг ҳамма қийматлари учун  $n > n_0$  бўлганда:

$$|x_n(t) - x(t)| < \varepsilon.$$

Бу эса  $\{x_n(t)\}$  кетма-кетликнинг  $x(t)$  га текис яқинлашишининг худди ўзидир. Равшанки, аксинча,  $\{x_n(t)\}$  кетма-кетлик  $[a, b]$  сегментда  $x(t)$  га текис яқинлашса, у ҳолда  $\rho(x_n, x) \rightarrow 0$ . Демак,

<sup>1</sup> Бошқача айтганда, бирон кетма-кетлик учун бевосита аниқланган лимит нуқта билан метрика ёрдами билан киритилган лимит нуқта бир-бирига тенг бўлса.

$C[a, b]$  фазода метрика маъносида яқинлашиш маълум текис яқинлашиш тушунчасига эквивалент экан.

5.  $L_p[a, b]$  фазода метрика маъносида  $\rho(x_n, x) = \int_a^b |x_n(t) - x(t)|^p dt \rightarrow 0$  ( $n \rightarrow \infty$ ) яқинлашишни  $p$ -даражали ўрта маънода яқинлашиш дейилади.  $p = 2$  бўлганда ўрта маънода яқинлашади дейилади (2-даражали сўзлари қўшилмайди).

6.  $\{x_k\}$  кетма-кетлик  $m$  фазонинг элементларидан тузилган ва

$x_k \rightarrow x$  ( $k \rightarrow \infty$ ) бўлсин; бу ерда

$$x_k = (a_1^{(k)}, a_2^{(k)}, \dots), \quad x = (a_1, a_2, \dots)$$

ва

$$\rho(x_k, x) = \sup_i |a_i^{(k)} - a_i| \rightarrow 0 \quad (k \rightarrow \infty).$$

Сўнги муносабатдан кўринадики, ҳар қандай  $\varepsilon > 0$  учун шундай натурал  $n_0 = n_0(\varepsilon)$  сони мавжудки, унинг учун  $k > n_0$  бўлганда

$$\rho(x_k, x) = \sup_i |a_i^{(k)} - a_i| < \varepsilon.$$

Бундан,  $i$  нинг ҳамма қийматлари учун  $k > n_0$  бўлганда:

$$|a_i^{(k)} - a_i| < \varepsilon.$$

Аксинча  $k > n_0$  бўлганда  $i$  нинг ҳамма қийматлари учун

$$|a_i^{(k)} - a_i| < \varepsilon$$

бўлса, у ҳолда  $k \rightarrow \infty$  да  $\rho(x_k, x) \rightarrow 0$  бўлиши равшан. Демак,  $m$  фазода метрика маъносида яқинлашиш координаталар бўйича текис яқинлашиш билан эквивалент экан.

7.  $s$  фазо  $m$  нинг қисм-фазоси бўлганлиги учун бу фазода ҳам яқинлашиш маъноси худди  $m$  фазодагидекдир.

8.  $s$  фазода метрика маъносида яқинлашиш координаталар бўйича яқинлашишга (умуман айтганда текис эмас!) эквивалент. Дарҳақиқат,

$$x_k = (a_1^{(k)}, a_2^{(k)}, \dots), \quad x = (a_1, a_2, \dots) \quad \text{ва} \quad x_k \rightarrow x \quad (k \rightarrow \infty)$$

бўлсин. У ҳолда  $k > n_0(\varepsilon)$  бўлганда:

$$\sum_{i=1}^{\infty} \frac{1}{2^i} \frac{|a_i^{(k)} - a_i|}{1 + |a_i^{(k)} - a_i|} < \varepsilon.$$

Бундан ҳар қандай  $i$  учун ҳам  $k > n_0(\varepsilon)$  бўлганда:

$$\frac{1}{2^i} \frac{|a_i^{(k)} - a_i|}{1 + |a_i^{(k)} - a_i|} < \varepsilon.$$



Лекин бу тенгсизликнинг чап томонида  $i$  ни тайинлаб қўйиб,  $k$  бўйича лимитга ўтилса, қуйидаги муносабат ҳосил бўлади:

$$|a_i^{(k)} - a_i| \rightarrow 0, k \rightarrow \infty.$$

Аксинча,  $i$  нинг ҳар бир қиймати учун  $k \rightarrow \infty$  да  $|a_i^{(k)} - a_i| \rightarrow 0$  бўлсин.  $\varepsilon (> 0)$  ни ихтиёрий қилиб олиб, натурал  $k$  сонни

$$\sum_{i=k+1}^{\infty} \frac{1}{2^i} < \frac{\varepsilon}{2}$$

тенгсизлик ўринли бўладиган қилиб танлаб оламиз. У ҳолда:

$$\begin{aligned} \rho(x_n, x) &= \sum_{i=1}^{\infty} \frac{1}{2^i} \frac{|a_i^{(n)} - a_i|}{1 + |a_i^{(n)} - a_i|} = \sum_{i=1}^k \frac{1}{2^i} \frac{|a_i^{(n)} - a_i|}{1 + |a_i^{(n)} - a_i|} + \\ &+ \sum_{i=k+1}^{\infty} \frac{1}{2^i} \frac{|a_i^{(n)} - a_i|}{1 + |a_i^{(n)} - a_i|} < \sum_{i=1}^k \frac{1}{2^i} \frac{|a_i^{(n)} - a_i|}{1 + |a_i^{(n)} - a_i|} + \frac{\varepsilon}{2}. \end{aligned}$$

Ўнг томондаги йиғиндида ҳадларнинг сони чекли бўлганлиги учун,  $k$  ни аниқлаб қўйиб,  $n_0 = n_0(\varepsilon)$  ни шу қадар катта қилиб оламизки,  $n > n_0$  бўлганда

$$\sum_{i=1}^k \frac{1}{2^i} \frac{|a_i^{(n)} - a_i|}{1 + |a_i^{(n)} - a_i|} < \frac{\varepsilon}{2}$$

тенгсизлик бажарилсин. Натижада  $n > n_0$  бўлганда  $\rho(x_n, x) < \varepsilon$ .

#### 48-§. Ёпиқ ва очик тўплamlар

1-таъриф. Метрик  $X$  фазода бирон  $M$  тўплам берилган бўлсин. Агар  $x_0$  нуқтанинг ихтиёрий атрофида  $M$  тўпламнинг камида битта,  $x_0$  дан фарқли, элементи мавжуд бўлса, яъни ҳар қандай  $\varepsilon > 0$  учун

$$S(x_0, \varepsilon) \cap (M \setminus \{x_0\}) \neq \emptyset$$

ўринли бўлса,  $x_0$  нуқта  $M$  нинг лимит нуқтаси дейилади. Агар  $M = \bar{M} = M \cup M'$  тенглик бажарилса,  $M$  тўплам ёпиқ тўплам дейилади; бу ерда  $M'$  билан  $M$  нинг ҳамма лимит нуқталаридан иборат тўплам белгиланган.  $\bar{M}$  тўплам  $M$  нинг ёпиғи дейилади.  $\bar{M}$  тўплам аниқланишига кўра ёпиқ тўплам бўлади.

Турли метрик фазоларда ёпиқ тўплamlарга мисоллар келтирамиз.

1. Бизга маълумки, тўғри чизиқдаги ҳар қандай  $[a, b]$  сегмент ёпиқ тўплам бўлади.

2. Ҳар қандай метрик фазода ёпиқ  $\overline{S}(a, r)$  шар ёпиқ тўпламдир; хусусан,  $C[a, b]$  фазода қуйидаги тенгсизликни қаноатлантирадиган функциялардан иборат тўплам ёпиқ тўпламдир:

$$|f| \leq K.$$

3. Ҳар қандай метрик фазода чекли тўплам ёпиқ; шу жумладан бўш тўплам ҳам ёпиқ ҳисобланади.

2-таъриф. Агар  $x$  нуқтанинг  $M$  тўпламда бутунлай жойлашган атрофи мавжуд бўлса,  $x$  нуқти  $M$  тўпламнинг ички нуқтаси дейилади. Агар  $M$  тўпламнинг ҳамма нуқталари ички бўлса, у очиқ тўплам дейилади.

Масалан, тўғри чизиқда ҳар қандай  $(a, b)$  оралиқ очиқ тўплам бўлади. Ҳар қандай метрик  $X$  фазода  $S(a, r) = \{x : \rho(a, x) < r\}$  шар очиқ тўплам бўлади; хусусан,  $|f| < K$  тенгсизликни қаноатлантирадиган,  $C[a, b]$  фазодан олинган функциялардан иборат тўплам очиқ тўплам бўлади.

Метрик фазода ёпиқ ва очиқ тўпламлар учун, худди иккинчи бобдагидек, қуйидаги хоссалар ўришли.

48. 1. Хосса.  $x_0$  нуқта  $M$  тўпламнинг лимит нуқтаси бўлса, унинг ихтиёрий атрофида  $M$  нинг чексиз кўп элементлари мавжуд.

Буни исбот этишни ўқувчига тавсия қиламиз. Бу ерда ва кейинги ибораларда киритилаётган тўпламларни метрик  $X$  фазодан олинган, деб фараз қиламиз.

48. 2. Хосса. Ҳар қандай  $M (\subset X)$  тўпламнинг ёпиғининг ёпиғи  $M$  нинг ёпиғига тенг:  $\overline{\overline{M}} = \overline{M}$ .

Исбот.  $x \in \overline{\overline{M}}$  бўлсин. У ҳолда бу нуқтанинг ихтиёрий  $\varepsilon$  атрофида  $\overline{M}$  га тегишли  $x_1$  нуқта топилади; сўнг  $x_1$  нуқтанинг  $\varepsilon_1$  атрофини оламиз, бу ерда  $\varepsilon_1 = \varepsilon - \rho(x, x_1)$ .  $S(x_1, \varepsilon_1)$  нинг тузилишига кўра  $S(x_1, \varepsilon_1) \subset S(x, \varepsilon)$  экани равшан. Аммо  $x_1 \in \overline{M}$  демак,  $x$  нинг  $\varepsilon_1$  атрофида  $M$  га тегишли  $x_2$  нуқта мавжуд;  $\varepsilon_1 < \varepsilon$  бўлганлиги учун  $x_2 \in S(x, \varepsilon)$ . Лекин  $S(x, \varepsilon)$  шар  $x$  нуқтанинг ихтиёрий атрофи бўлганлиги учун  $x \in \overline{M}$ .

48. 3. Хосса. Агар  $M_1 \subset M_2$  бўлса, у ҳолда  $\overline{M_1} \subset \overline{M_2}$ . Бўш тўпламнинг ёпиғи ҳам бўш тўплам. Бу хосса ўз-ўзидан равшан.

48. 4. Хосса. Йиғиндининг ёпиғи ҳадлари ёпиқларининг йиғиндисига тенг, яъни:

$$\overline{M_1 \cup M_2} = \overline{M_1} \cup \overline{M_2}.$$

Исбот.  $x \in \overline{M_1 \cup M_2}$  бўлсин; у ҳолда  $x$  нуқтанинг ихтиёрий  $S(x, \varepsilon)$  атрофида  $M_1 \cup M_2$  га тегишли  $x_1$  элемент мавжуд. Агар  $x \in \overline{M_1}$  ва  $x \in \overline{M_2}$  бўлса, у ҳолда  $x$  нинг шундай  $S(x, \varepsilon_1)$  ва  $S(x, \varepsilon_2)$

атрофлари мавжудки, бу атрофлар мос равишда  $M_1$  ва  $M_2$  тўпламлар билан кесинмайди, яъни:  $S(x, \varepsilon_1) \cap M_1 = \emptyset$  ва

$$S(x, \varepsilon_2) \cap M_2 = \emptyset.$$

У ҳолда  $x$  нуқтанинг  $S(x, \varepsilon)$  атрофи ( $\varepsilon = \min(\varepsilon_1, \varepsilon_2)$ )  $M_1 \cup M_2$  тўплам билан кесинмаган бўлиб, зиддият ҳосил бўлар эди. Демак, бундан келиб чиқадики,  $x$  нуқта  $\overline{M_1}$  ёки  $\overline{M_2}$  тўпламлардан камида биттасига тегишли, яъни:

$$\overline{M_1 \cup M_2} \subset \overline{M_1} \cup \overline{M_2}.$$

Тескари муносабатнинг ўринлилиги  $M_1 \subset M_1 \cup M_2$  ва  $M_2 \subset M_1 \cup M_2$  муносабатлардан ва 48. 3-хоссалардан келиб чиқади.\*

**48. 5. Теорема. Сони чекли ёпиқ тўпламларнинг йиғиндисини яна ёпиқдир.**

Исбот. Бу теоремани икки ёпиқ тўплам учун исбот қилинса кифоя:  $F_1$  ва  $F_2$  ёпиқ тўпламлар ва  $x$  улар йиғиндисининг, яъни  $F_1 \cup F_2 = F$  тўпламнинг лимит нуқтаси бўлсин. Модомики,  $F$  учун  $x$  лимит нуқтадир, демак унинг ихтиёрий  $\varepsilon$  атрофида  $F$  нинг чексиз кўп элементлари мавжуд. У ҳолда  $S(x, \varepsilon)$  да ёки  $F_1$  нинг, ёки  $F_2$  нинг чексиз кўп элементлари мавжуд бўлади; яъни  $x$  нуқта ёки  $F_1$  учун, ёки  $F_2$  учун лимит нуқта бўлади. Аммо уларнинг ҳар бири ёпиқ тўплам бўлганлиги учун  $x \in F_1$  ёки  $x \in F_2$  муносабатлардан бири, албатта, ўринли. Бундан эса  $x \in F$  муносабат келиб чиқади, бу эса  $F$  нинг ёпиқлигини кўрсатади.\*

**48. 6. Теорема. Сони ихтиёрий бўлган ёпиқ тўпламларнинг кўпайтмасини ёпиқ тўплам бўлади.**

Исботи.  $\{F_\alpha\}$  ( $\alpha \in A$ ) ёпиқ тўпламлар системаси ва  $x$  улар кўпайтмасининг, яъни  $\bigcap_\alpha F_\alpha = F$  тўпламнинг лимит нуқтаси бўлсин. У ҳолда  $x$  нинг ихтиёрий  $\varepsilon$  атрофида  $F$  нинг камида битта  $x$  дан фарқли  $x_1$  элементи мавжуд ва, демак,  $\alpha$  нинг ҳамма қийматлари учун  $x_1 \in F_\alpha$ , чунки  $F_\alpha$  дар ёпиқ. Демак, бундан:  $x_1 \in \bigcap_\alpha F_\alpha = F$ , яъни  $F$  ёпиқ тўплам.\*

**48. 7. Теорема.  $M$  тўпламнинг  $\overline{M}$  ёпиғи  $M$  ни ўз ичига олган энг кичик ёпиқ тўпламдир.**

Исбот.  $F$  ихтиёрий ёпиқ тўплам бўлиб,  $M$  ни ўз ичига олсин, яъни  $M \subset F$ , у ҳолда  $M$  нинг ҳамма лимит нуқталаридан иборат  $M'$  тўплам  $F$  га киради, чунки  $F$  ёпиқ, яъни:  $M' \subset F$ . Демак,  $\overline{M} = M \cup M' \subset F$ . Шундай қилиб,  $\overline{M}$  тўплам  $M$  ни ўз ичига олган ихтиёрий ёпиқ  $F$  тўпламнинг қисми экан.\*

**48. 8. Теорема.  $G (\subset X)$  тўпламнинг очик бўлиши учун, унинг тўлдирувчиси  $F = X \setminus G$  тўпламнинг ёпиқ бўлиши зарур ва кифоя.**

Исбот. а) Зарурлиги.  $G$  очик бўлсин; у ҳолда ҳар бир  $x (\in G)$  нуқта бутунлай  $G$  га кирадиган атрофга эга. Демак, бу

атроф  $F$  билан кесишмайди. Бундан равшанки,  $F$  тўпламининг бирорта ҳам лимит нуқтаси  $G$  га крмайди, яъни  $F$  ёниқ тўплaм.

б) Кифоялик.  $F = X \setminus G$  ёниқ бўлсин; у ҳолда  $G$  дан олинган ихтиёрый нуқта  $G$  да бутунлай жойлашган атрофга эга, яъни  $G$  очик тўплaм бўлади.\*

48. 9. **Натижа.** *Бўш  $\emptyset$  тўплaм ва  $X$  фазо ҳам очик, ҳам ёниқ тўплaмлардир.*

48. 10. **Теорема.** *Сони ихтиёрый бўлган очик тўплaмларнинг йиғиндиси ва сони чекли бўлган очик тўплaмларнинг кўпайтмаси очик тўплaмлар бўлади.*

Небот.  $\{G_\alpha\}$  ( $\alpha \in A$ ) очик тўплaмлар системаси бўлсин. У ҳолда уларнинг тўлдирувчилари  $F_\alpha = X \setminus G_\alpha$  48. 8- теоремага асосан, ёниқ тўплaмлар бўлади ва  $X \setminus \bigcup_\alpha G_\alpha = \bigcap_\alpha F_\alpha$  тенгликка ва 48. 6- теоремага биноан  $\bigcup_\alpha G_\alpha$  йиғинди очик тўплaмдир.

Шунга ўхшаш, агар  $G_i$  тўплaмларнинг ҳар бири очик бўлса  $G = \bigcap_{i=1}^n G_i$  тўплaм очик бўлади, дарҳақиқат,  $F_i = X \setminus G_i$  ва  $\bigcup_i F_i = F$  тўплaмлар ёниқ бўлади (48. 5- теоремага биноан). Демак,  $G = X \setminus F = X \setminus \bigcup_{i=1}^n F_i$  очик тўплaм бўлади. Ўқувчиларга бу теоремани 48. 5 ва 48. 6- теоремаларга бадикқат солиштиришларини тавсия қиламиз.

## 49-§. Тўла метрик фазолар

Ҳақиқий сонлар тўплами тўла экани, бошқача айтганда ҳақиқий сонлар кетма-кетлиги учун Коши белгиси бажарилса, бу кетма-кетлик яқинлашувчи бўлиши математик анализнинг умумий курсидан маълум. Бу факт, яъни тўғри чизиқнинг тўлалиги унинг муҳим хоссаларидан бири бўлиб, математик анализда катта аҳмиятга эга.

Энди тўғри чизиқнинг бу хоссаси ҳар қандай метрик фазо учун ҳам ўринлими, деган саволни қўйиш мумкин. Масалани аниқроқ ифода қилиш учун қуйидаги таърифни киритамиз.

1- таъриф. *Агар метрик  $X$  фазодан олинган  $\{x_n\}$  кетма-кетлик Коши белгисини қаноатлантирса, яъни ихтиёрый  $\varepsilon > 0$  учун шундай натурал  $n_\varepsilon$  сон мавжуд бўлсаки,  $\rho(x_n, x_m) < \varepsilon$  тенгсизлик  $n$  ва  $m$  сонларнинг  $n_\varepsilon$  дан катта бўлган ҳамма қийматлари учун бажарилса,  $\{x_n\}$  кетма-кетлик фундаментал кетма-кетлик дейилади.*

Агар  $X$  фазода ҳар қандай фундаментал кетма-кетлик яқинлашувчи бўлса, у тўла фазо дейилади. Равшанки, ҳар қандай яқинлашувчи кетма-кетлик фундаментал бўлади. Юқоридаги савол

ни энди қуйидагича ифода қилиш мумкин: ҳар қандай метрик фазо тўла бўладими? Бу саволга бериладиган жавоб ҳар доим ижобий бўлавермайди.

Мисоллар: 1.  $X$  тўплам ҳамма рационал сонлардан иборат; бу тўпламда масофа  $\rho(r_1, r_2) = |r_1 - r_2|$  формула билан аниқланади. Равшанки,  $X$  метрик фазо; аммо бу фазо тўла эмас, чунки  $\{r_n = (1 + \frac{1}{n})^n\}$  тўплам рационал сонлар кетма-кетлигидан иборат бўлиб, рационал сонга яқинлашмайди.

2.  $[a, b]$  сегментда аниқланган ҳамма ҳақиқий функциялардан иборат тўпламни олиб, унда масофани қуйидагича аниқлаймиз:

$$\rho(x, y) = \left( \int_a^b (x(t) - y(t))^2 dt \right)^{1/2}$$

Коши — Буняковский тенгсизлигидан фойдаланиб, бу масофа учун учбурчак аксиомасининг ўринлилигини кўрсатиш қийин эмас. Метриканинг қолган икки аксиомаси ўз-ўзидан равшан. Демак, бу метрик фазо ва  $u \in C^2[a, b]$  кўринишда ифодаланади; аммо бу фазо ҳам тўла эмас, чунки бу метрикада узлуксиз функциялар кетма-кетлиги яна узлуксиз функцияга яқинлашиш шарт эмас. Конкрет мисол келтирамиз. Масалан,  $\{\varphi_n(t) = \arctg nt, -1 \leq t \leq 1\}$  узлуксиз функциялар кетма-кетлиги фундаментал, лекин бирорта ҳам узлуксиз функцияга яқинлашмайди. Бу кетма-кетлик метрика маъносидан узлукли

$$\psi(t) = \begin{cases} \frac{\pi}{2}, & t < 0 \\ 0, & t = 0 \\ -\frac{\pi}{2}, & t > 0 \end{cases}$$

функцияга яқинлашади.

46- параграфда мисол сифатида келтирилган ҳамма метрик фазолар тўла.

Бу хоссани уларнинг баъзилари учунгина исботлаймиз.

3.  $C[a, b]$  фазонинг тўлалиги. Бу фазодан  $\{x_n(t)\}$  фундаментал кетма-кетликни олиб, унинг яқинлашувчи эканлигини кўрсатамиз.  $n, m \rightarrow \infty$  да

$$\rho(x_n, x_m) \rightarrow 0 \quad (1)$$

эқани берилган.  $C[a, b]$  фазода яқинлашиш текис яқинлашиш тушунчаси билан эквивалент эканлигини 47- параграфда кўрсатган эдик. Шунинг учун (1) дан  $\{x_n(t)\}$  кетма-кетлик учун Кошининг текис яқинлашиш шартининг бажарилиши келиб чиқади.  $x_0(t)$  функция,  $\{x_n(t)\}$  кетма-кетликнинг лимити бўлиб, узлуксиз функция бўлади, чунки яқинлашиш текис яқинлашишдир. Натижада  $\rho(x_n, x_0) \rightarrow 0$ ,  $x_0(t) \in C[a, b]$  ва, демак,  $C[a, b]$  фазо тўла фазодир.

4.  $I_2$  фазонинг тўлалиги. Бу фазодан олинган  $\{x_n\}$  ( $x_n = (a_1^{(n)}, a_2^{(n)}, \dots)$ ,  $\sum_{i=1}^{\infty} a_i^{(n)} < +\infty$ ) кетма-кетлик фундаментал бўлсин. Ихтиёрий  $\varepsilon > 0$  учун, шундай натурал  $n_0$  сон мавжудки, улар учун:

$$\rho^2(x_n, x_m) = \sum_{i=1}^{\infty} (a_i^{(n)} - a_i^{(m)})^2 < \varepsilon, \quad m, n > n_0. \quad (2)$$

Бундан, ҳар қандай  $k$  учун:

$$(a_k^{(n)} - a_k^{(m)})^2 < \varepsilon, \quad m, n > n_0;$$

яъни ҳар бир  $k$  учун  $\{a_k^{(n)}\}$  ҳақиқий сонлар кетма-кетлиги яқинлашувчи. Бу кетма-кетликнинг лимитини  $a_k$  билан белгилаб,  $x = (a_1, a_2, \dots)$  элементни ҳосил қиламиз. Агар  $\sum_{i=1}^{\infty} a_i^2 < +\infty$  ва, 47-параграфдаги мисолларда юритилган мулоҳазаларга мувофиқ,  $\lim_{n \rightarrow \infty} \rho(x_n, x) = 0$  муносабатларнинг ўрнчилиги кўрсатилса,  $I_2$  фазонинг тўлалиги исбот этилган бўлади.

(2) тенгсизликни қуйидаги кўринишда ёзамиз:

$$\sum_{i=1}^{\infty} (a_i^{(n)} - a_i^{(m)})^2 = \sum_{i=1}^p (a_i^{(n)} - a_i^{(m)})^2 + \sum_{i=p+1}^{\infty} (a_i^{(n)} - a_i^{(m)})^2 < \varepsilon,$$

бу ерда  $p$  ихтиёрий натурал сон. Бундан ихтиёрий  $p$  учун:

$$\sum_{i=1}^p (a_i^{(n)} - a_i^{(m)})^2 < \varepsilon,$$

ёки  $p$  билан  $m$  ни аниқлаб қўйиб,  $n$  бўйича лимитга ўтилса, ушбу

$$\sum_{i=1}^p (a_i - a_i^{(m)})^2 < \varepsilon$$

тенгсизлик келиб чиқади. Бу тенгсизлик ихтиёрий  $p$  учун ўрншли; шунинг учун бунда  $p$  бўйича лимитга ўтиш мумкин. У ҳолда

$$\sum_{i=1}^{\infty} (a_i - a_i^{(m)})^2 \leq \varepsilon; \quad (3)$$

бундан ва  $\sum_{i=1}^{\infty} (a_i^{(m)})^2 < +\infty$  муносабатдан қуйидаги тенгсизлик бевосита келиб чиқади:

$$\sum_{i=1}^{\infty} a_i^2 < +\infty.$$

Демак,  $x = (a_1, a_2, \dots) \in l_2$ . Сўнгра  $\varepsilon > 0$  ихтиёрий бўлганлиги учун (3) дан

$$\lim_{m \rightarrow \infty} \rho(x_m, x) = 0$$

тенглик келиб чиқади.

5.  $m$  фазонинг тўлалиги.  $\{x_n\}$  кетма-кетлик фундаментал бўлсин.  $x_n = (a_1^{(n)}, a_2^{(n)}, \dots) \in m$  бўлганлиги учун  $|a_i^{(n)}| < M_n$  ( $i = 1, 2, \dots$ ) тенгсизлик ўринли ва ихтиёрий  $\varepsilon$  учун шундай натурал  $n_0$  сон мавжудки, улар учун:

$$\rho(x_n, x_m) < \varepsilon, \quad n, m > n_0$$

ёки

$$\sup_i |a_i^{(n)} - a_i^{(m)}| < \varepsilon, \quad n, m > n_0.$$

Бундан:

$$|a_i^{(n)} - a_i^{(m)}| < \varepsilon \cdot n, \quad m > n_0 \quad (4)$$

муносабатнинг  $i$  га нисбатан текис бажарилиши келиб чиқади. Демак, ихтиёрий  $i$  учун  $\{a_i^{(n)}\}$  кетма-кетлик  $n$  бўйича яқинлашувчи бўлади; унинг лимитини  $a_i$  билан белгилаб,

$$x = (a_1, a_2, \dots)$$

элементни ҳосил қиламиз ва  $x \in m$ ,  $\rho(x_n, x) \rightarrow 0$  муносабатларнинг ўринлилигини исбот қиламиз.

(4) да  $m$  га нисбатан лимитга ўтилса:

$$|a_i^{(n)} - a_i| \leq \varepsilon \quad n > n_0 \quad (5)$$

тенгсизлик келиб чиқади ва бу ҳамма  $i$  лар учун ўринли. Бундан:

$$|a_i| \leq |a_i^{(n_0+1)} - a_i| + |a_i^{(n_0+1)}| < \varepsilon + M_{n_0+1}$$

тенгсизликни ҳамма  $i$  лар учун ҳосил қилиш мумкин, яъни  $x = (a_1, a_2, \dots) \in m$  муносабат келиб чиқади. (5) дан равшанки:  $\sup_i |a_i^{(n)} - a_i| \leq \varepsilon$ ,  $n > n_0$  ёки  $\rho(x_n, x) \leq \varepsilon$ ,  $n \geq n_0$ .  $\varepsilon > 0$  ихтиёрий бўлганлиги учун бундан

$$\rho(x_n, x) \rightarrow 0 \quad \text{ёки} \quad x_n \rightarrow x \quad (n \rightarrow \infty)$$

муносабат келиб чиқади. Демак,  $m$  фазо тўла фазодир.

6.  $S$  фазонинг тўлалиги, 47-§, 8-пунктда келтирилган яқинлашиш маъносидан осонгина келтириб чиқарилиши мумкин.

Энди метрик фазоларни тўлалигига оид баъзи теоремаларни келтирамиз.

49. 1. Теорема. Тўла метрик  $X$  фазода  $\bar{S}_n = \bar{S}_n(a_n, \varepsilon)$  ёпиқ шарлар кетма-кетлиги берилган бўлиб, булар учун қуйидаги шартлар бажарилсин:

$$\bar{S}_{n+1} \subset \bar{S}_n \quad (n = 1, 2, \dots) \quad \text{ва} \quad \varepsilon_n \rightarrow 0, \quad n \rightarrow \infty.$$

**У ҳолда бу шарларнинг умумий қисми биргина нуқтадан иборат бўлади.**

Исбот. Қуйидаги кетма-кетликни тузамиз:

$$a_1, a_2, \dots, a_i, \dots \quad (6)$$

бунда  $a_i$  нуқта  $\bar{S}_i$  шарнинг маркази. Теореманинг шартига кўра  $a_{n+p} \in \bar{S}_n$  ( $p = 1, 2, \dots$ ); шунинг учун

$$\rho(a_{n+p}, a_n) \leq \varepsilon_n$$

ёки

$$\rho(a_{n+p}, a_n) \rightarrow 0; n \rightarrow \infty.$$

Демак, (6) кетма-кетлик фундаментал кетма-кетликдир.  $X$  тўла фазо бўлганлиги учун бу кетма-кетлик яқинлашувчи бўлади ва унинг лимити  $a \in X$ .

Энди ихтиёрий  $\bar{S}_m$  ёпиқ шарни оламиз ( $m$  — аниқ, натурал сон); у ҳолда  $a \in \bar{S}_m$ , чунки  $a_m, a_{m+1}, \dots$  нуқталар.  $\bar{S}_m$  га киради ва  $\bar{S}_m$  ёпиқ.  $m$  ихтиёрий бўлганлиги учун

$$a \in \bar{S}_m, m = 1, 2, \dots$$

Демак,

$$a \in \bigcap_m \bar{S}_m.$$

Энди  $\bigcap_m \bar{S}_m$  га  $a$  нуқтадан бошқа яна бирор  $b$  элемент ҳам тегишли деб фараз қиламиз. У ҳолда, бир томондан, ҳар қандай  $n$  учун

$$0 < \rho(a, b) = \alpha \leq \rho(a, a_n) + \rho(a_n, b) \leq 2\varepsilon_n$$

муносабат ўринли; иккинчи томондан,  $n \rightarrow \infty$  да  $\varepsilon_n \rightarrow 0$ . Ҳосил бўлган зиддиятдан  $a = b$  тенглик келиб чиқади. \*

**49. 2. Теорема. Агар метрик  $X$  фазода, 49. 1-теореманинг шартларини қаноатлантирадиган ҳар қандай ёпиқ шарлар кетма-кетлиги бўш бўлмаган умумий қисмга эга бўлса, у ҳолда  $X$  фазо тўла бўлади.**

Исбот. Фундаментал  $\{x_n\}$  кетма-кетликни олиб, ҳар қандай натурал  $p (> 0)$  сон учун қуйидаги тенгсизликни қаноатлантирадиган натурал  $n_k$  сонни ташлаб оламиз:

$$\rho(x_{n_k+p}, x_{n_k}) < \frac{1}{2^k}.$$

Ушбу  $S_k = \bar{S}(x_{n_k}, \frac{1}{2^k})$  ёпиқ шарларни қараб чиқамиз.

Равшанки,  $\bar{S}_{k+1} \subset \bar{S}_k$ , чунки  $x \in \bar{S}_{k+1}$  бўлса, у ҳолда:

$$\rho(x, x_{n_k}) \leq \rho(x, x_{n_{k+1}}) + \rho(x_{n_{k+1}}, x_{n_k}) < \frac{1}{2^k} + \frac{1}{2^k} = \frac{1}{2^{k-1}},$$



яъни  $x \in \overline{S_k}$ . Теореманинг шартига кўра бу ёпиқ шарларнинг ҳаммасига тегишли  $x_0$  элемент мавжуд. Агар  $\{x_n\}$  кетма-кетликнинг  $x_0$  га яқинлашиши кўрсатилса, теоремамиз исбот этилган бўлади.  $\{x_{n_k}\}$  кетма-кетлик қисми бўлиб  $x_0$  га яқинлашади, чунки

$$\rho(x_{n_k}, x_0) \leq \frac{1}{2^{k-1}} \rightarrow 0.$$

У ҳолда бутун  $\{x_n\}$  кетма-кетлик ҳам  $x_0$  га яқинлашади, чунки ушбу

$$\rho(x_n, x_0) \leq \rho(x_n, x_{n_k}) + \rho(x_{n_k}, x_0)$$

тенгсизликнинг ўнг томони  $n$  ва  $n_k$  етарли катта бўлганда истаганча кичик қилиниши мумкин.\*

Бу параграфни қуйидаги муҳим таъриф ва исботсиз келтирилган теорема билан тугатамиз.

**2-таъриф.** Агар  $X$  ихтиёрий метрик фазо бўлиб, шундай  $X^*$  фазо мавжуд бўлсаки, а)  $X$  фазо  $X^*$  нинг қисми ва б)  $X$  тўпламнинг ёпиғи  $X^*$  га тенг, яъни  $\overline{X} = X^*$  бўлса, бу ҳолда  $X$  тўплам  $X^*$  нинг ҳамма ерида зич дейилади. Агар шу билан бирга  $X^*$  тўла бўлса,  $X^*$  метрик фазо  $X$  фазонинг тўлдирувчиси дейилади.

Масалан, тўғри чизиқдаги ҳамма рационал сонлардан иборат бўлган тўплам метрик фазо бўлса, у ҳолда тўғри чизиқнинг ўзи унга нисбатан тўлдирувчи фазо бўлади. Булардан биринчиси тўла фазо эмас, иккинчиси эса тўла фазо.

Қуйидаги теоремани исботсиз келтираемиз.

**49. 3. Теорема.** *Ҳар қандай метрик фазо тўлдирувчи фазога эга.*

## 50-§. Сепарабел фазолар

**Таъриф.**  $X$  метрик фазо бўлсин. Агар  $X$  нинг ҳамма ерида зич ва санокли ёки чекли тўплам мавжуд бўлса, у ҳолда  $X$  сепарабел фазо дейилади.

Равшанки, агар  $X$  да чекли  $A$  тўплам зич бўлса, у ҳолда  $X = A$ .

**Мисоллар.** 1.  $R^n$  сепарабел фазо.

Дарҳақиқат,  $R^n$  фазода координаталари рационал сонлардан иборат ҳамма нуқталар тўплами  $A$  санокли бўлиб,  $R^n$  нинг ҳамма ерида зич бўлади.

2.  $C[a, b]$  — сепарабел фазо. Коэффициентлари рационал сонлардан иборат ҳамма кўп ҳадлилар тўпламини  $P$  билан белгилаймиз.  $P$  санокли ва  $C[a, b]$  нинг ҳамма ерида зич бўлади.  $P$  нинг саноклилиги равшан. Унинг  $C[a, b]$  фазонинг ҳамма ерида зичлиги математик анализдаги маълум Вейерштрасс теоремасидан келиб чиқади.

3.  $l_p$  — сепарабел фазо.  $A$  тўплам қуйидаги кўринишда бўлган нуқталардан иборат тўплам бўлсин:

$$A = \{x : x = (r_1, r_2, \dots, r_n, 0, 0, \dots)\};$$

бу ерда  $r_i$  лар ихтиёрий рационал ва  $n$  ихтиёрий натурал сон.  $A$  нинг  $l_p$  да зичлигини кўрсатамиз. Дарҳақиқат,  $x = (a_1, a_2, \dots) \in l_p$  ихтиёрий элемент ва  $\varepsilon > 0$  ихтиёрий сон бўлсин;  $n$  натурал сон бўлиб, унинг учун

$$\sum_{i=n+1}^{\infty} |a_i|^p < \frac{\varepsilon^p}{2}$$

тенгсизлик бажарилсин.  $A$  тўпламдан шундай  $x_0 = (r_1, r_2, \dots, r_n, 0, \dots)$  элементи оламизки, бу нуқта учун

$$\sum_{i=1}^n |a_i - r_i|^p < \frac{\varepsilon^p}{2}$$

тенгсизлик бажарилсин. У ҳолда:

$$[\rho(x, x_0)]^p = \sum_{i=1}^n |a_i - r_i|^p + \sum_{i=n+1}^{\infty} |a_i|^p < \frac{\varepsilon^p}{2} + \frac{\varepsilon^p}{2} = \varepsilon^p$$

ёки

$$\rho(x, x_0) < \varepsilon$$

тенгсизликлар ҳам бажарилади. Сўнги тенгсизликдан ва  $x$  нинг  $l_p$  нинг ихтиёрий элементи эканлигидан  $A$  нинг  $l_p$  нинг ҳамма ерида зичлиги келиб чиқади.

4.  $s$  — сепарабел фазо.  $A$  тўплам 3- мисолдагидек бўлиб,  $x = (a_1, a_2, \dots) \in S$  ихтиёрий элемент бўлсин. Ҳар бир  $a_n$  учун, унга яқинлашувчи  $\{r_n^{(k)}\}$  рационал сонлар кетма-кетлигини тузамиз, яъни  $k \rightarrow \infty$  да  $r_n^{(k)} \rightarrow a_n$ .

Энди  $A$  дан ушбу

$$\{x^{(k)}\} [x^{(k)} = (r_1^{(k)}, r_2^{(k)}, \dots, r_n^{(k)}, 0, 0, \dots)]$$

элементлар кетма-кетлиги олинса, у ҳолда ўз-ўзидан равшанки,  $k \rightarrow \infty$  да

$$x^{(k)} \rightarrow x.$$

Демак,  $A$  тўплам санокли бўлиб  $s$  нинг ҳамма ерида зич, чунки  $x$  ундан олинган ихтиёрий элемент эди.

5.  $m$  фазо сепарабел эмас. Бу фазодан қуйидаги тўпламни оламиз:

$$Q = \{x : x = (a_1, a_2, \dots) \in m, a_i = 0 \text{ ёки } 1\}.$$

Равшанки,  $Q$  континуум қувватга эга. Агар  $Q$  дан икки турли  $x$  ва  $y$  элементлар олинса, улар орасидаги масофа  $\rho(x, y) = \sup_i |a_i -$

—  $b_i| = 1$ . Бундан фойдаланиб  $m$  сепарабел эмаслигини исбот эта-  
 миз. Бунинг учун  $m$  нинг ҳамма ерида зич ва санокли  $A$  тўплам  
 мавжуд деб фараз қиламиз.  $A$  нинг ҳар бир элементи атрофида  
 радиуси  $\varepsilon = \frac{1}{3}$  тенг шарни оламиз. У ҳолда бу шарларнинг йиғин-  
 дисида  $m$  фазонинг ҳамма элементлари жойлашган бўлади. Аммо  
 элементлари юқоридаги шарлардан иборат тўплам санокли бўлган-  
 лиги учун, уларнинг ҳеч бўлмаганда биттасининг ичида  $m$  нинг  
 камида иккита турли  $x, y$  элементлари жойлашган бўлади. Шу  
 икки  $x$  ва  $y$  элементлар кирган шарнинг маркази  $x_0$  нуқтада бўл-  
 син. У ҳолда ушбу

$$1 \leq \rho(x, y) \leq \rho(x, x_0) + \rho(x_0, y) \leq \frac{1}{3} + \frac{1}{3} = \frac{2}{3}$$

зиддият келиб чиқади. Бу зиддият эса қилган фаразимиз натижа-  
 сида ҳосил бўлди. Демак,  $m$  фазо сепарабел эмас.

## 51-§. Метрик фазода компакли тўпламлар

Тўғри чизиқнинг ажойиб хоссаларидан бири шуки, унда жой-  
 лашган ва чегараланган ҳар қандай тўплам камида битта лимит  
 нуқтага эга. Бу факт эса Больцано — Вейерштрасс теоремасидан  
 келиб чиқади. Лекин ихтиёрий метрик фазода бундай содда нати-  
 жа, умуман айтганда, ўринли бўлмайди. Шунинг учун қуйидаги  
 саволнинг қўйилиши табиий. Метрик фазода қандай тўпламлар син-  
 фи учун Больцано — Вейерштрасс теоремасининг мазмуни сақланиб  
 қолади? Мана шу саволнинг қўйилиши муносабати билан қуйидаги  
 муҳим таърифни киритамиз.

**1-таъриф.** Агар метрик  $X$  фазодан олинган  $M$  тўпламнинг  
 элементларидан тузилган ихтиёрий кетма-кетликдан бирон  
 $x \in X$  элементга яқинлашувчи қисмий кетма-кетлик ажратиб  
 олиш мумкин бўлса, бу тўплам компакли тўплам дейи-  
 лади.

Агар бу хосса  $X$  фазонинг ўзи учун ўринли бўлса, у ҳолда  $X$   
 компакли фазо дейилади. Больцано — Вейерштрасс теорема-  
 сига кўра тўғри чизиқда ҳар қандай чегараланган тўплам компакт-  
 ли тўплам бўлади.

Равшанки, компакли тўпламнинг ихтиёрий қисми яна компакт-  
 ли тўплам бўлади.

**51.1. Теорема.** *Компактли тўплам чегараланган бўлади.*

**Исбот.**  $A (\subset X)$  компакли тўплам бўлиб, чегараланган бўл-  
 масин, деб фараз қиламиз.  $A$  дан ихтиёрий  $x_1$  нуқтани марказ қи-  
 либ олиб, радиуси  $r_1 = 1$  га тенг бўлган  $S(x_1, r_1)$  шарни қура-  
 миз.  $A$  чегараланмаганлиги сабабли бу шарда бутунлай жойлашмайди.

$S(x_1, r_1)$  шарга кирмаган  $A$  тўпلامнинг бирови  $x_2$  элементи ола-  
 миз. У ҳолда:  $\rho(x_1, x_2) \geq r_1$ . Энди радиуси  $r_2 = \rho(x_1, x_2) + 1$  га  
 тенг  $S(x_1, r_2)$  шарни қуриб,  $A$  тўпلامнинг бу шарга кирмаган  
 бирови  $x_3$  элементи ола- миз; бундай элемент мавжуд, чунки  $A$   
 чегараланмаган тўпلام ва  $r(x_1, x_3) \geq r_2$ . Сўнгра радиуси  $r_3 =$   
 $= \rho(x_1, x_3) + 1$  га тенг  $S(x_1, r_3)$  шарни қура- миз ва бу процессни,  
 $A$  тўпلام чегараланмаганлиги сабабли чексиз давом эттиришимиз  
 мумкин. Натижада  $\{x_n\}$  ( $x_n \in A$ ) кетма-кетлик ва ўсиб бору-  
 вчи  $\{r_n\}$  сонлар кетма-кетлиги ҳосил бўлиб, ушбу

$$\rho(x_1, x_n) + 1 = r_n > r_{n-1} \quad (n = 2, 3, \dots)$$

тенгсизликлар бажарилади.

Энди ихтиёрий  $n > m \geq 2$  натурал сонлар учун

$$\rho(x_1, x_n) + 1 = r_n \geq r_{n-1} \geq r_m; \quad \rho(x_1, x_m) + 1 = r_m$$

муносабатлар ўринли. Шунинг учун

$$\rho(x_1, x_n) \leq \rho(x_1, x_m) + \rho(x_m, x_n)$$

тенгсизликдан:

$$r_m \leq (r_m - 1) + \rho(x_m, x_n)$$

ёки

$$\rho(x_m, x_n) \geq 1$$

муносабатлар келиб чиқади.

Сўнги муносабат кўрсатадики, на  $\{x_n\}$  кетма-кетликнинг ўзи  
 ва на унинг қисми фундаментал бўла олмайди, демак, яқинлашув-  
 чи ҳам бўлиши мумкин эмас. Бу эса зиддиятга олиб келади, чун-  
 ки  $\{x_n\}$  кетма-кетликнинг элементлари компактли  $A$  тўпلامдан  
 олинган. \*

Бу теореманинг тескариси, умуман айтганда, ўринли эмас, яъни  
 тўпلام чегараланган бўлса у компактли бўлиши шарт эмас. Бун-  
 га  $l_2$  фазодан конкрет мисол келтира- миз.  $l_2$  фазодан ушбу

$$e_1 = (1, 0, 0, \dots), \quad e_2 = (0, 1, 0, 0, \dots), \quad e_3 = (0, 0, 1, 0, 0, \dots), \dots$$

элементлардан иборат чегараланган тўпلامни туза- миз, бу элемент-  
 ларнинг ихтиёрий иккитаси орасидаги масофа  $\rho(e_m, e_n) = \sqrt{2}$   
 $(m \neq n)$  га тенг, шунинг учун бу кетма-кетлик ва унинг ҳеч қан-  
 дай қисми яқинлашувчи бўлмайди, демак, тузилган тўпلام ком-  
 пактли тўпلام эмас.

Метрик фазода компактлик тушунчаси билан яқиндан боғлиқ  
 бўлган тушунчани кирита- миз.

2- таъриф.  $A$  метрик  $X$  фазодан олинган бирор тўпلام ва  
 $\epsilon > 0$  бирор сон бўлсин. Агар  $A$  дан олинган ихтиёрий  $x$  элемент  
 учун  $B$  да шундай  $y$  элемент мавжуд бўлсаки, булар учун  $\rho(x,$   
 $y) < \epsilon$  тенгсизлик ўринли бўлса  $B (\subset X)$  тўпلام  $A$  тўпلامга нис-  
 батан  $\epsilon$ -тўрға эга дейилади. Агар  $B$  чекли тўпلام бўлса,  $y$   
 ҳолда  $A$  тўла чегараланган дейилади.

Мисоллар. 1)  $R^n$  фазода ҳар қандай чегараланган  $A$  тўплам чекли  $\epsilon$ -тўрга эга, яъни  $A$  тўла чегараланган.

2) Текисликда координаталари бутун сонлардан иборат тўплам  $\frac{\sqrt{2}}{2}$ -тўрни ташкил этади.

3)  $l_2$  фазода  $A$  тўпламни қуйидагича аниқлаймиз. Агар

$$|a_1| \leq 1, |a_2| \leq \frac{1}{2}, \dots, |a_n| \leq \frac{1}{2^n}, \dots$$

тенгсизликлар бажарилса,  $x = (a_1, a_2, \dots) \in A$  бу тўплам ихтиёрий  $\epsilon > 0$  учун чекли  $\epsilon$ -тўрга эга. Дарҳақиқат, берилган  $\epsilon > 0$  учун натурал  $n$  сонни  $\frac{1}{2^n} < \frac{\epsilon}{2}$  бўладиган қилиб танлаб оламиз.  $A$  дан олинган ҳар бир  $x = (a_1, a_2, \dots)$  нуқтага шу тўпламнинг ўзидан олинган

$$x^* = (a_1, a_2, \dots, a_n, 0, 0, \dots) \quad (1)$$

нуқтани мос қўямиз. У ҳолда

$$\rho(x, x^*) = \left( \sum_{k=n+1}^{\infty} a_k^2 \right)^{1/2} \leq \left( \sum_{k=n+1}^{\infty} \frac{1}{4^k} \right)^{1/2} < \frac{\epsilon}{2}.$$

(1) кўринишдаги нуқталардан иборат  $B$  тўплам  $R^n$  фазода чегараланган; демак,  $B$  тўплам ихтиёрий  $\epsilon > 0$  учун чекли  $\frac{\epsilon}{2}$ -тўрга эга, натижада  $A$  тўплам  $\epsilon$ -тўрга эга бўлиб, тўла чегараланган бўлади.

4) Юқоридаги  $\{e_n\}$  кетма-кетликдан иборат тўплам чегараланган бўлиб, тўла чегараланган эмас. Агар  $\epsilon < \frac{\sqrt{2}}{2}$  бўлса, унинг учун сони чекли  $\epsilon$ -тўрни қуриб бўлмайди.

Компактлик, тўлалик ва тўла чегараланганлик тушунчалари орасида қандай боғланиш борлигини қуйидаги теоремадан кўриш мумкин.

**51. 2. Теорема. Тўла метрик  $X$  фазода жойлашган  $A$  тўпламнинг компактли бўлиши учун, унинг тўла чегараланган бўлиши зарур ва қифоя.**

Исбот. Зарурийлик. Компактли  $A$  тўпламни тўла чегараланмаган, яъни бирон  $\epsilon > 0$  учун  $A$  да чекли  $\epsilon$ -тўр йўқ, деб фараз қилайлик. У ҳолда  $A$  дан олинган ихтиёрий  $x_1$  нуқта учун, шундай  $x_2$  нуқта мавжудки,  $\rho(x_1, x_2) \geq \epsilon$ . Сўнгра шундай  $x_3$  нуқта мавжудки,  $\rho(x_2, x_3) \geq \epsilon$  бўлади ва ҳоказо. Бу процессни давом эттириб, қуйидаги тенгсизликларни қаноатлантирадиган  $\{x_n\}$  кетма-кетликни тузамиз:

$$\rho(x_n, x_m) \geq \epsilon, \quad m \neq n.$$

Равшанки, бундай кетма-кетликдан ҳеч қандай яқинлашувчи кетма-кетлик қисмини ажратиш олиш мумкин эмас. Бу эса  $A$  нинг компактлигига зид.

Кифоялик. Энди  $X$  тўла фазо бўлиб,  $A (\subset X)$  тўла чегараланган тўплам бўлсин.  $A$  нинг компактлигини кўрсатамиз. Ихтиёрий  $\{x_n\}$  кетма-кетлик  $A$  нинг элементларидан тузилган бўлсин. Ҳар бир  $\epsilon_k = \frac{1}{k}$  ( $k = 1, 2, \dots$ ) учун  $A$  да мос равишда чекли  $\epsilon_k$ -тўрни қурамиз:

$$a_1^{(k)}, a_2^{(k)}, \dots, a_{p_k}^{(k)}.$$

Марказлари  $\epsilon_1$ -тўрни ташкил этувчи нуқталарда жойлашган ва радиуслари  $1$  га тенг шарларни қурамиз. Бу сони чекли шарлар  $A$  тўпламини бутунлай қоплайди. Улардан камида биттаси, масалан, уни  $S_1$  билан белгилайлик,  $\{x_n\}$  кетма-кетликнинг чексиз  $\{x'_n\}$  кетма-кетлик қисмини ўз ичига олади. Сўнгра марказлари  $\epsilon_2 = \frac{1}{2}$  - тўрни ташкил этувчи нуқталарда жойлашган ва радиуслари  $\frac{1}{2}$  га тенг шарларни қурамиз. Бу шарларнинг сони ҳам чекли бўлганлиги учун, улардан камида биттаси, масалан, уни  $S_2$  билан белгилайлик,  $\{x'_n\}$  кетма-кетликнинг чексиз  $\{x''_n\}$  кетма-кетлик қисмини ўз ичига олади ва ҳоказо. Бу процессни чексиз давом эттираемиз. Энди қуйидаги кетма-кетликларнинг

$$\begin{array}{ccccccc} x'_1 & x'_2 & \dots & x'_n & \dots & & \\ x''_1 & x''_2 & \dots & x''_n & \dots & & \\ & & & & & & \end{array}$$

диагоналида жойлашган элементлардан кетма-кетлик тузамиз:

$$x'_1, x''_2, \dots, x^{(n)}, \dots \quad (2)$$

Бу кетма-кетлик фундаментал кетма-кетлик бўлади, чунки  $x^{(n)}$  элементдан бошлаб (2) кетма-кетликнинг ҳамма элементлари  $S_n$  шарда (бу шарнинг радиуси  $\frac{1}{n}$  га тенг) жойлашган бўлади. Аммо метрик  $X$  фазо тўла бўлганлиги учун (2) кетма-кетлик лимитга эга, яъни  $A$  тўпламдан олинган ихтиёрий  $\{x_n\}$  кетма-кетликдан яқинлашувчи  $\{x^{(n)}\}$  кетма-кетликни ҳосил қилдик, демак,  $A$  компактни тўплам.\*

51. 2- теоремада зарурий ва кифоявий шартлар берилган бўлсада, бу теоремадан конкрет метрик фазоларда фойдаланиши осон эмас. Махсус метрик фазоларда жойлашган тўпламларнинг компактлигини аниқлаш учун одатда махсус компактлик белгилари ахтарилади. Биз бу масала билан икки  $s$  ва  $C[a, b]$  фазоларда иш қурамиз.

51. 3. Теорема ( $s$  фазода компактлик белгиси ҳақидаги теорема). *А тўплам  $s$  фазодан олинган бўлиб,  $A_i$  унинг  $i$ - номерли ( $i = 1, 2, \dots$ ) координаталаридан тузилган тўплам бўлсин. А нинг компакти бў-*

**лиши учун  $A_i$  тўпламларнинг чегараланган бўлиши зарур ва kifоя.**

Сонлардан иборат  $A_i$  тўпламнинг юқори чегараси  $i$  га боғлиқ бўлиши ҳам мумкин.

Исбот. Зарурлиги. Бизга маълумки,  $s$  фазода яқинлашиш координаталар бўйича яқинлашишдир (2- §, 8- мисол).  $A$  тўплам компактли (47- §, 8- мисол) бўлганлиги учун  $A_i$  лар ҳам компактли ва, демак, чегараланган бўлади, чунки  $A_i$  тўғри чизиқда жойлашган тўплам.

Kifоялиги.  $A (\subset S)$  шундай тўплам бўлсинки, унинг учун юқорида тузилган  $A_i$  тўпламларнинг ҳар бири чегараланган бўлсин.

Ихтиёрий  $\varepsilon (> 0)$  ни олиб, натурал  $p$  сонни  $\sum_{k=p+1}^{\infty} \frac{1}{2^k} = \frac{1}{2^p} < \varepsilon$  муносабат ўринли бўладиган қилиб танлаб оламиз. Сўнгра ҳар бир  $x = (a_1, a_2, \dots, a_p, a_{p+1}, \dots) (\in S)$  элементга  $y = (a_1, a_2, \dots, a_p, 0, \dots) (\in S)$  элементни мос қўямиз. Бу кўринишда тузилган  $y$  элементлардан иборат тўпламни  $B$  билан белгилаймиз. Равшанки,

$$\rho(x, y) = \sum_{k=p+1}^{\infty} \frac{1}{2^k} \frac{|a_k|}{1 + |a_k|} < \sum_{k=p+1}^{\infty} \frac{1}{2^k} < \varepsilon;$$

яъни  $B$  тўплам  $A$  га нисбатан  $\varepsilon$ -тўрни ташкил этар экан. Аммо  $B$  эса, тузилишига кўра,  $R^n$  фазода бутунлай жойлашган ва чегараланган тўплам. Демак,  $B$  чекли  $\varepsilon$ -тўрга эга, натижада  $A$  тўплам ҳам чекли  $\varepsilon$ -тўрга эга, яъни  $A$  тўла чегараланган ва 51. 2- теореманинг kifоялик шартига ва  $s$  нинг тўлалигига мувофиқ  $A$  компактли тўплам бўлади. \*

Энди  $C[a, b]$  фазода компактлиқ белгисини берамиз. Бу белгини ифода қилиш учун қуйидаги икки тушунчани келтирамиз.  $[a, b]$  сегментда аниқланган бирор  $\Phi = \{\varphi(t)\}$  функциялар системаси берилган бўлсин. Агар  $t$  нинг ҳамма қийматлари ва  $\Phi$  системанинг ҳамма элементлари учун

$$|\varphi(t)| \leq K \quad (t \in [a, b], \varphi \in \Phi)$$

тенгсизликни қаноатлантирадиган  $K$  сони мавжуд бўлса,  $\Phi$  функциялар системаси текис чегараланган дейилади. Агар ихтиёрий  $\varepsilon > 0$  учун шундай  $\delta > 0$  сони мавжуд бўлсаки,

$$|t_1 - t_2| < \delta$$

тенгсизлик бажарилганда  $\Phi$  системага тегишли ихтиёрий  $\varphi(t)$  функция учун

$$|\varphi(t_1) - \varphi(t_2)| < \varepsilon$$

бўлса,  $\Phi$  система текис даражада узлуксиз дейилади.

**51. 4. Теорема (Арцела теоремаси).  $[a, b]$  сегментда аниқланган узлуксиз функциялар системаси  $C[a, b]$**

**фазода компактли бўлиши учун, бу функциялар системасининг текис чегараланган ва текис даражада узлуксиз бўлиши зарур ва кифоя.**

Исбот. Зарурлиги.  $\Phi$  тўплам  $C[a, b]$  фазода компактли бўлсин. У ҳолда 51. 2-теоремага мувофиқ, ихтиёрий  $\varepsilon (> 0)$  учун  $\Phi$  да чекли  $\frac{\varepsilon}{3}$ -тўрни ташкил этувчи

$$\varphi_1, \varphi_2, \dots, \varphi_p \quad (3)$$

функциялар мавжуд бўлади. Бу функцияларнинг ҳар бири  $[a, b]$  да узлуксиз бўлганлиги сабабли чегаралангандир, яъни:

$$|\varphi_i| \leq K_i, \quad i = 1, 2, \dots, p.$$

Чекли  $\frac{\varepsilon}{3}$ -тўрнинг таърифига кўра,  $\Phi$  дан олинган ҳар қандай  $\varphi$  элемент учун (3) даги сони чекли функциялар орасида шундай  $\varphi_i$  функция топиладики, унинг учун

$$\rho(\varphi, \varphi_i) = \max_{a < t < b} |\varphi(t) - \varphi_i(t)| < \frac{\varepsilon}{3}$$

тенгсизлик ўринли. Натижада:

$$|\varphi| \leq |\varphi_i| + \frac{\varepsilon}{3} \leq K_i + \frac{\varepsilon}{3} \leq K, \quad K = \max_{1 \leq i \leq p} K_i + \frac{\varepsilon}{3},$$

яъни  $\Phi$  система текис чегараланган. Сўнгра (3) кетма-кетликдаги чекли  $\frac{\varepsilon}{3}$ -тўрни ташкил этувчи, функцияларнинг ҳар бири узлуксиз ва уларнинг сони чекли, демак, улар  $[a, b]$  да текис узлуксиз; демак, берилган  $\frac{\varepsilon}{3}$  учун, шундай  $\delta_i$  сони мавжудки, бунинг учун қуйидагиларни ёзишимиз мумкин: агар  $|t_1 - t_2| < \delta_i$  бўлса,  $|\varphi_i(t_1) - \varphi_i(t_2)| < \frac{\varepsilon}{3}$ . Агар  $|t_1 - t_2| < \delta$  бўлса ( $\delta = \max_{1 \leq i \leq p} \delta_i$ ), у ҳолда ихтиёрий  $\varphi \in \Phi$  учун  $\varphi_i$  нинг (3) функциялар орасида  $\rho(\varphi, \varphi_i) < \frac{\varepsilon}{3}$  тенгсизликни қаноатлантирадиганини олиб, ушбу

$$\begin{aligned} |\varphi(t_1) - \varphi(t_2)| &\leq |\varphi(t_1) - \varphi_i(t_1) + \varphi_i(t_1) - \varphi_i(t_2) + \varphi_i(t_2) - \varphi(t_2)| \leq \\ &\leq |\varphi(t_1) - \varphi_i(t_1)| + |\varphi_i(t_1) - \varphi_i(t_2)| + |\varphi_i(t_2) - \varphi(t_2)| < \\ &< \frac{\varepsilon}{3} + \frac{\varepsilon}{3} + \frac{\varepsilon}{3} = \varepsilon \end{aligned}$$

муносабатларни ёза оламиз. Шунинг билан  $\Phi$  системанинг текис даражада узлуксизлиги ҳам кўрсатилди, яъни теореманинг зарурлик қисми исбот этилди.

Кифоялиги.  $\Phi$  система текис чегараланган ва текис даражада узлуксиз бўлсин. Агар ихтиёрий  $\varepsilon > 0$  учун унга нисбатан  $C[a, b]$  да чекли  $\varepsilon$ -тўр мавжуд бўлса, бу системанинг  $C[a, b]$  фазода компактлиги кўрсатилган бўлади.



$K$  ва  $\delta$  қуйидаги муносабатларни қаноатлантирадиган сонлар бўлсин:  $|\varphi| \leq K$  (ҳамма  $\varphi \in \Phi$  учун); агар  $|t_1 - t_2| < \delta$  бўлса,  $|\varphi(t_1) - \varphi(t_2)| < \frac{\varepsilon}{5}$  (ҳамма  $\varphi \in \Phi$  учун).

Энди  $[a, b]$  сегментни

$$t_0 = a < t_1 < t_2 < \dots < t_n = b$$

нуқталар билан ҳар бирининг узунлиги  $\delta$  дан кичик  $n$  та қисмларга бўлиб, бу нуқталарнинг ҳар биридан вертикал тўғри чизиқ ўтказамиз. Ординаталар ўқида  $[-K, K]$  сегментни

$$y_0 = -K < y_1 < y_2 < \dots < y_m = K$$

нуқталар билан ҳар бирининг узунлиги  $\frac{\varepsilon}{5}$  га тенг  $m$  та қисмга бўлиб, бу нуқталарнинг ҳар бирида горизонтал тўғри чизиқларни ўтказамиз. Натижада ушбу  $[a \leq t \leq b, -K \leq y \leq K]$  тўғри тўртбурчак қисмларга бўлиниб, бу қисмларининг горизонтал томонлари  $\frac{\varepsilon}{5}$  ва вертикал томонлари  $\delta$  дан кичик бўлади. яъни тўғри тўртбурчакда тўр тузилди. Энди ҳар бир  $\varphi \in \Phi$  функцияга учлари  $(t_k, y_l)$  нуқтада жойлашган синиқ  $\psi(t)$  функцияни мос қўямиз (агар функциянинг графиги туташган кесмалардан иборат бўлса, бу функцияни синиқ деймиз). Тузилган тўрнинг учларида, тузилишига кўра  $|\psi(t_k) - \varphi(t_k)| < \frac{\varepsilon}{5}$  ( $k = 0, 1, 2, \dots, n$ ) тенгсизлик бажарилади.

Сўнги ва

$$|\varphi(t_{k+1}) - \psi(t_{k+1})| < \frac{\varepsilon}{5}, \quad |\varphi(t_k) - \varphi(t_{k+1})| < \frac{\varepsilon}{5}$$

тенгсизликлардан:

$$|\psi(t_k) - \psi(t_{k+1})| < \frac{3\varepsilon}{5}$$

тенгсизлик келиб чиқади.

$[t_k, t_{k+1}]$  сегментда  $\psi(t)$  чизиқли функция бўлганлиги учун

$$|\psi(t_k) - \psi(t)| < \frac{3\varepsilon}{5}$$

тенгсизлик  $t$  нинг  $[t_k, t_{k+1}]$  сегментдаги ҳамма қийматлари учун бажарилади.

Энди  $[a, b]$  сегментнинг ихтиёрий  $t$  нуқтасини олиб, чапдан унга энг яқин турган  $t_k$  нуқтани оламиз (бу бўлиш нуқтаси). У ҳолда:

$$|\varphi(t) - \psi(t)| \leq |\varphi(t) - \varphi(t_k)| + |\varphi(t_k) - \psi(t_k)| + |\psi(t_k) - \psi(t)| \leq \varepsilon$$

тенгсизлик ўришдир. Демак, сони чекли синиқ  $\psi(t)$  функциялар  $\Phi$  системага нисбатан чекли  $\varepsilon$ -тўрни ташкил этади, яъни  $\Phi$  система тўла чегараланган системадир.

## 52- §. Қисқартириб акс эттириш принципи ва унинг татбиқлари

Тўла метрик фазоларда берилган турли тенгламаларнинг ечим-ларининг мавжудлиги ва ягоналигини исбот этишда қисқартириб акс эттириш принципи муҳим ва фойдали метод сифатида ишлатилиши мумкин. Ҳозир мана шу принцип билан ўқувчини қисқача таништирамиз.  $T$  метрик  $X$  фазонинг ўзини-ўзига акс эттириш бўлиши. Агар  $X$  фазодан олинган ихтиёрий  $x$  ва  $y$  элементлар учун

$$\rho(Tx, Ty) \leq \alpha \cdot \rho(x, y). \quad (1)$$

тенгсизлиكنи қаноатлантирадиган  $\alpha$  ( $0 < \alpha < 1$ ) сони мавжуд бўлса у ҳолда  $T$  ни қисқартириб акс эттириш дейлади. (1) га мувофиқ, агар  $n \rightarrow \infty$  да  $x_n \rightarrow x_0$  бўлса, у ҳолда  $Tx_n \rightarrow Tx_0$ , яъни  $T$  акс эттириш узлуксиз бўлади.

**Теорема** (қисқартириб акс эттириш принци-пи). *Тўла метрик  $X$  фазода аниқланган ҳар қандай қисқартириб акс эттириш биргина қўзғалмас нуқтага эга, яъни  $Tx = x$  тенгламанинг биргина ечими мавжуддир.*

Исбот. Метрик  $X$  фазодан ихтиёрий  $x_0$  нуқтани олиб, ушбу  $x_1 = Tx_0$ ,  $x_2 = Tx_1 = T^2x_0$ ,  $x_3 = Tx_2 = T^3x_0$ , ...,  $x_n = Tx_{n-1} = T^n x_0$ , ...

кетма-кетликни тузамиз ва бу кетма-кетликнинг фундаменталлигини кўрсатамиз. Дарҳақиқат, (1) ва учбурчак аксиомасига мувофиқ:

$$\begin{aligned} \rho(x_n, x_m) &= \rho(T^n x_0, T^m x_0) = \rho(T^n x_0, T^{m-n} x_0) \leq \alpha^n \rho(x_0, x_{m-n}) \leq \\ &\leq \alpha^n [\rho(x_0, x_1) + \rho(x_1, x_2) + \dots + \rho(x_{m-n-1}, x_{m-n})] \leq \\ &\leq \alpha^n \rho(x_0, x_1) [1 + \alpha + \alpha^2 + \dots + \alpha^{m-n-1}] \leq \frac{\alpha^n}{1-\alpha} \cdot \rho(x_0, x_1). \end{aligned}$$

$n$  деярли катта бўлганда бу тенгсизлиكنинг ўнг томони истанганча кичик қилиниши мумкин, чунки  $\alpha < 1$ . Демак,  $\{x_n\}$  кетма-кетлик фундаменталдир.  $X$  фазо тўла бўлганлиги учун  $\{x_n\}$  кетма-кетликнинг фундаменталлигидан унинг яқинлашувчилиги келиб чиқади, яъни:

$$\lim_{n \rightarrow \infty} x_n = x.$$

$T$  узлуксиз акс эттириш бўлганлиги учун:

$$Tx = T(\lim_{n \rightarrow \infty} x_n) = \lim_{n \rightarrow \infty} Tx_n = \lim_{n \rightarrow \infty} x_{n+1} = x.$$

Демак,  $x$  қўзғалмас нуқта.

Энди қўзғалмас нуқтанинг ягоналигини исбот қиламиз. Дарҳақиқат,  $Tx = x$  ва  $Ty = y$ , яъни қўзғалмас нуқта иккита бўлиши.

У ҳолда  $\rho(x, y) = \rho(Tx, Ty) \leq \alpha \cdot \rho(x, y)$  ( $\alpha < 1$ ); бундан

$$\rho(x, y) = 0 \text{ ёки } x = y. *$$

Бир неча мисол келтирамиз.

1.  $y = \varphi(x)$  тенгламада  $\varphi$  функция  $[a, b]$  сегментда аниқланган бўлиб, Липшиц шартини қаноатлантирсин ва  $[a, b]$  сегментни ўзини ўзига акс эттирсин, яъни:

$$|\varphi(x_2) - \varphi(x_1)| < \alpha |x_2 - x_1| \quad (0 < \alpha < 1),$$

у ҳолда

$$x_0, x_1 = \varphi(x_0), x_2 = \varphi(x_1), \dots$$

кетма-кетлик яқинлашувчи ва унинг лимити  $\varphi$  акс эттиришнинг ягона қўзғалмас нуқтаси бўлади.

2. Қуйидаги тенгламани текширамиз:

$$y_k = \sum_{k=1}^n a_{ik} x_k + b_i \quad (i = 1, 2, \dots, n). \quad (2)$$

Бу тенглама  $n$  ўлчовли векториал фазони ўзининг ўзига акс эттиришини ифода қилади ва буни  $y = Tx$  кўринишда ҳам ёзиш мумкин. Қисқартириб акс эттириш принципини бу тенгламага татбиқ қилиш учун тегишли шартларни аниқлашимиз керак, яъни қандай шартлар бажарилганда бу акс эттириш (1) тенгсизликни қаноатлантиради. Бу шартларни аниқлаш эса берилган фазода метриканинг киритилишига боғлиқдир. Масалан:

$$a) \rho(x, y) = \max_{1 \leq i < n} |\alpha_i - \beta_i|; \quad x = (\alpha_1, \alpha_2, \dots, \alpha_n),$$

$$y = (\beta_1, \beta_2, \dots, \beta_n);$$

Бу ҳолда ихтиёрий иккита

$$x' = (\alpha'_1, \alpha'_2, \dots, \alpha'_n), \quad x'' = (\alpha''_1, \alpha''_2, \dots, \alpha''_n)$$

нуқталар учун:

$$\begin{aligned} \rho(Tx', Tx'') &= \rho(y', y'') = \max_i |\beta'_i - \beta''_i| = \max \left| \sum a_{ik} (\alpha'_k - \alpha''_k) \right| \leq \\ &\leq \max_i \sum_k |a_{ik}| \cdot |\alpha'_k - \alpha''_k| \leq \max_i \sum_k |a_{ik}| \max_k |\alpha'_k - \alpha''_k| = \\ &= \rho(x', x'') \max_i \sum_k |a_{ik}|. \end{aligned}$$

Бундан (1) шарт бажарилиши учун

$$\sum_{k=1}^n |a_{ik}| \leq \alpha < 1 \quad (3)$$

тенгсизлик ўринли бўлиши керак. Демак, (3) муносабат бу хусусий ҳол учун қисқартириб акс эттириш шартини беради.

б)

$$\rho(x, y) = \sum_{i=1}^n |\alpha_i - \beta_i|.$$

Бу ҳолда:

$$\begin{aligned} \rho(Tx', Tx'') &= \rho(y', y'') = \sum_{i=1}^n |\beta'_i - \beta''_i| = \\ &= \sum_i \left| \sum_k a_{ik} (\alpha'_k - \alpha''_k) \right| \leq \sum_i \sum_k |a_{ik}| \cdot |\alpha'_k - \alpha''_k| \leq \\ &\leq \rho(x', x'') \max_k \sum_i |a_{ik}|. \end{aligned}$$

Бундан қисқартириб акс эттириш шarti қуйидагидан иборат бўлади:

$$\sum_i |a_{ik}| \leq \alpha < 1. \quad (4)$$

в)

$$\rho(x, y) = \left( \sum_{i=1}^n (\alpha_i - \beta_i)^2 \right)^{1/2}.$$

Бу ҳолда Коши — Буняковский тенгсизлигига биноан:

$$\rho^2(y', y'') = \sum_i \left( \sum_k a_{ik} (\alpha'_k - \alpha''_k) \right)^2 \leq \sum_i \sum_k a_{ik}^2 \rho^2(x', x'').$$

Бу ҳолда қисқартириб акс эттириш шarti қуйидагича бўлади:

$$\sum_{i,k} a_{ik}^2 \leq \alpha' < 1. \quad (5)$$

Юқорида кўрилган уч ҳол учун топилган қисқартириб акс эттириш шартларининг ҳаммаси кифоявий шартлардир. (3), (4) ва (5) шартларнинг ҳар бири бажарилганда, шу параграфдаги теореманинг исботидагидек, (2) тенгламанинг биргина ечимга эғалигини кўрсатиш мумкин.

3. Охириги мисол сифатида ушбу

$$\frac{dy}{dx} = f(x, y) \quad (6)$$

$$y_0 = \varphi(x_0) \quad (\text{бошланғич шарт}) \quad (7)$$

дифференциал тенгламани кўриб чиқамиз. Тенгламанинг ўнг томонидаги  $f(x, y)$  функция,  $(x_0, y_0)$  нуқтани ўз ичига олган текисликдаги бирон  $G$  соҳада аниқланган узлуксиз ва

$$|f(x, y_1) - f(x, y_2)| \leq K |y_1 - y_2|$$

Липшиц шартини қаноатлантиради, деб фараз қиламиз ( $K$  — ўзгармас сон).

Энди (6) тенгламаши бирон  $[x_0 - c, x_0 + c]$  сегментда, (7) бошланғич шартни қаноатлантирадиган биргина  $y = \psi(x)$  ечимга эгаллигини исбот этамиз (бу эса Пикарнинг маълум теоремасидир).

Аввало (6) тенглама, (7) шарт бажарилганда, қуйидаги содда интеграл тенглама шаклида ёзилиши мумкин:

$$\psi(x) = y_0 + \int_{x_0}^x f(t, \psi(t)) dt. \quad (8)$$

$f(x, y)$  функция  $G$  соҳада узлуксиз бўлганлиги учун,  $(x_0, y_0)$  нуқтани ўз ичига олган, бирон  $G' \subset G$  соҳада чегараланган бўлади, яъни  $|f(x, y)| < d$ . Сўнг  $c$  сонни шундай ташлаб оламизки, унинг учун қуйидаги шартлар бажарилсин:

а) Агар  $|x - x_0| \leq c$ ,  $|y - y_0| \leq cd$  бўлса, у ҳолда:  $(x, y) \in G'$ .

б)  $Kc < 1$ .

$[x_0 - c, x_0 + c]$  сегментда аниқланган ва  $|\psi(x) - y_0| < cd$  тенгсизликни қаноатлантирадиган узлуксиз  $\{\psi\}$  функциялар системасини  $C_1$  билан белгилаймиз ва бу системада метрикани қуйидагича кiritамиз:

$$\rho(\psi_1, \psi_2) = \max_x |\psi_1(x) - \psi_2(x)|.$$

Метрик  $C_1$  фазо тўла, чунки у тўла  $C[a, b]$  фазонинг ёпиқ қисмидир. Ушбу

$$\psi(x) = y_0 + \int_{x_0}^x f(t, \varphi(t)) dt \quad (9)$$

акс эттиришда  $x \in [x_0 - c, x_0 + c]$  бўлсин. У ҳолда бу акс эттириш  $C_1$  фазони ўзини ўзига қисқартириб акс эттиради. Дарҳақиқат,  $\varphi \in C_1$  ва  $x \in [x_0 - c, x_0 - c, x_0 + c]$  бўлсин. У ҳолда

$$|\psi(x) - y_0| = \left| \int_{x_0}^x f(t, \varphi(t)) dt \right| \leq cd$$

муносабат ўринли ва, демак, (9) акс эттириш  $C_1$  фазони ўзини ўзига акс эттиради. Энди:

$$\begin{aligned} |\psi_1(x) - \psi_2(x)| &\leq \int_{x_0}^x |f(t, \varphi_1(t)) - f(t, \varphi_2(t))| dt \leq \\ &\leq Kc \max_t |\varphi_1(t) - \varphi_2(t)| = Kc \rho(\varphi_1, \varphi_2). \end{aligned}$$

Бундан  $Kc < 1$  бўлганлиги учун (9) акс эттиришнинг қисқартирувчи акс эттириш эканлиги келиб чиқади. Демак, шу параграфдаги теоремага кўра (8) тенглама  $C_1$  фазода бошланғич (7) шартни қаноатлантирадиган биргина ечимга эга.

1. Қандай  $\alpha$  ва  $\beta$  лар учун ушбу

$$\rho(x, y) = |x^\alpha - y^\alpha|^\beta$$

функция тўғри чизиқда метрикали беради?

2.  $[a, b]$  да аниқланган ҳамда узлуксиз ҳосилага эга бўлган функциялар тўпламини  $C_1[a, b]$  билан белгилаймиз.  $C_1[a, b]$  да қуйидаги функцияни аниқлаймиз:

$$\rho(f, g) = \sup_{a < x < b} |f(x) - g(x)| + |f'(a) - g'(a)|,$$

$\rho(f, g)$  нинг  $C_1[a, b]$  да метрика эканлиги исботлансин.

3. Барча бир номаълумли кўпҳаддиллар тўплами  $S$  ни олиб, ихтиёрй иккита

$$\begin{aligned} f(x) &= a_0 + a_1x + \dots + a_nx^n, \\ g(x) &= b_0 + b_1x + \dots + b_mx^m \end{aligned}$$

кўпҳаддиллар учун қуйидаги функцияни тузамиз:

$$\rho(f, g) = \sqrt{\sum_{i=0}^{\infty} |a_i - b_i|^2};$$

бу ерда, агар  $i > n$  бўлса,  $a_i = 0$  ва агар  $i > m$  бўлса;  $b_i = 0$ .  $\rho(f, g)$  функциянинг  $S$  да метрика эканлигини исботланг ҳамда бу метрикага нисбатан  $S$  нинг тўлдирувчисини топинг.

4. 3- масала

$$\rho(f, g) = \max_{0 < i < \infty} |a_i - b_i|$$

функция учун ечилсин.

5. 4- масалада компактлик белгисининг зарурий ва кифоявий шарти топилсин (бу масалани 51. 4- теорема билан солиштиринг).

6. Қисқартириб акс эттириш принципини (52- § га қаранг) ушбу

$$z_i = \sum_{k=1}^n a_{ik}x_k + b_i \quad (i = 1, 2, \dots, n)$$

тенгламага метрика

$$\rho(x, y) = \sum_{i=1}^s |a_i - b_i| + \max_{s+1 < j < n} |a_j - b_j|$$

бўлганда татбиқ этилсин.

7. 6- масала метрика

$$\rho(x, y) = \sum_{i=1}^{s_1} |a_i - b_i| + \max_{s_1+1 < j < s_2} |a_j - b_j| + \left( \sum_{k=s_2+1}^n |a_k - b_k|^2 \right)^{1/2}$$

бўлганда ечилсин.

ҚЎШИМЧАЛАР

**53- §. Қувватлар устида амаллар.  
Ихтиёрий катта қувватларнинг мавжудлиги**

Икки чекли  $A$  ва  $B$  тўпламлар берилган бўлсин. Агар  $A$  да  $n$  та,  $B$  да  $m$  та элемент бўлса, у ҳолда бу тўпламлар йиғиндиси  $A \cup B$  да  $n + m$  та элемент бўлади. Тўпламнинг қуввати тушунчаси чекли тўплам элементларининг сони тушунчасининг умумлаштирилган ҳоли бўлганлиги сабабли, ихтиёрий қувватларни қўшиш амали таърифини қуйидагича бериш мумкин.

Икки  $A$  ва  $B$  тўпламлар умумий элементларга эга бўлмасин,  $\alpha$  ва  $\beta$  тегишлича  $A$  ва  $B$  ларнинг қувватлари бўлсин.  $A \cup B$  тўпламнинг қувватига  $\alpha$  ва  $\beta$  қувватларнинг йиғиндиси дейилади ва

$$\alpha + \beta$$

шаклида ёзилади.

Тўпламлар системаси  $\{X_\tau, \tau \in I\}$  берилган бўлиб, бу системадаги тўпламлар ўзаро кесишмасин ва  $X_\tau$  нинг қуввати  $\alpha_\tau$  бўлсин. Барча  $\alpha_\tau$  қувватларнинг йиғиндиси деб, тўпламлар системаси йиғиндисининг қувватига айтилади.

Масалан,  $\omega$  — sanoqli тўпламнинг қуввати,  $c$  — континуум қувват бўлса, 6 ва 7- параграф теоремаларига асосан:

$$\omega + \omega = \omega$$

$$\omega + c = c$$

$$c + c = c \tag{1}$$

Сони sanoqli  $\omega$  ларнинг йиғиндиси ҳам  $\omega$  га, сони sanoqli  $c$  ларнинг йиғиндиси  $c$  га тенг.

53. 1- изоҳ. (1) формулаларга қараб қуйидаги гипотезани айтиш мумкин: агар  $A$  чексиз тўплам бўлиб, қуввати  $\alpha$  га тенг бўлса, у ҳолда  $\alpha + \alpha = \alpha$ . Бу гипотеза ихтиёрий чексиз қувват учун ҳозиргача исботланмаган; аммо у тўла тартибланган тўпламлар учун ўришли ([1] га қаранг).

Энди қувватлар кўпайтмасининг таърифига ўтамыз.

$A$  ва  $B$  чекли тўпламлар бўлиб, уларнинг элементлари сони мос равишда  $n$  ва  $m$  га тенг бўлсин.  $A$  ва  $B$  ларнинг Декарт кўпайтмаси  $A \times B$   $n \cdot m$  та элементдан иборат.

Бунга кўра ихтиёрий тўпламлар учун қуйидаги таърифни бериш мумкин.

$A$  ва  $B$  — ихтиёрий тўпламлар ва  $\alpha, \beta$  — уларнинг қувватлари бўлсин.  $\alpha$  ва  $\beta$  қувватларнинг кўпайтмаси деб,  $A$  ва  $B$  тўпламларнинг Декарт кўпайтмаси  $A \times B$  нинг қувватига айтилади ва

$$\alpha \cdot \beta$$

шаклида ёзилади.

Тўпламлар системасининг Декарт кўпайтмасидан фойдаланиб, сони ихтиёрий қувватларнинг кўпайтмасини ҳам таърифлаш мумкин.

Масалан,  $N$  натурал сонлар тўплами бўлса,  $N \times N$  ҳам санокли тўплам бўлгани учун

$$\omega \cdot \omega = \omega;$$

агар  $R$  тўғри чизик нуқталари тўплами бўлса,  $R \times R$  текислик нуқталари тўплами бўлгани ва  $R$  ҳам  $R \times R$  ларнинг қувватлари  $c$  бўлгани учун (54-§ га қаралсин)

$$c \cdot c = c.$$

### 53. 2. Изоҳ. Ҳар қандай чексиз $\alpha$ қувват учун

$$\alpha \cdot \alpha = \alpha$$

муносабатни гипотеза сифатида ёзини мумкин. Бу гипотеза ҳам тўла тартибланган тўпламлар учунгина исботланган.

53. 3. Изоҳ. Ихтиёрий қувватларнинг чекли сонлардан фарқи (1) формулаларданоқ кўринади; иккинчи муҳим би. фарқ шуки, сони ихтиёрий қувватларни қўшиш ва кўпайтириш мумкин. Учинчи фарқ шундаки, қувватларнинг айирмаси тушунчасини (қувватларнинг йиғиндиси, тўпламларнинг йиғиндиси орқали таърифланганидек) тўпламларнинг айирмаси орқали таърифлаш мумкин эмас. Ҳақиқатан ҳам, агар  $A \times B$  тўпламлар берилиб,  $A$  нинг қуввати  $\alpha$ ,  $B$  нинг қуввати  $\beta$  бўлса,  $A$ ,  $B$  тўплам,  $\alpha$  ва  $\beta$  лар ўзгармаган ҳолда, чексиз, чекли ёки бўш бўлиши мумкин, шунинг учун бу тўпламнинг қуввати тўғрисида ҳеч нарса айтиш мумкин эмас ва, демак,  $\alpha - \beta$  аниқ бир маънога эга эмас.

Агар  $A$ ,  $B$  — чекли тўпламлар бўлиб,  $n$ ,  $m$  мос равишда бу тўпламлар элементларининг сони бўлса,  $A$  тўпламни  $B$  тўпламга барча акс эттирилишлари сони  $m^n$  га тенг. Ҳақиқатан ҳам,  $A$  тўпламнинг ҳар бир  $x$  элементи,  $B$  элементларининг сони  $m$  та бўлгани учун  $B$  га  $m$  та усул билан акс эттирилиши мумкин.

$A$  да  $n$  та элемент бўлгани ҳамда ҳар бир элемент бошқа элементларга боғлиқмас равишда  $B$  га  $m$  усул билан акс эттирилиши мумкинлиги сабабли  $A$  нинг  $B$  га барча акс эттирилишлари сони  $m^n$  га тенг. Бунга кўра ихтиёрий қувватларни даражага кўтаришни қуйидагича таърифлаш мумкин.

$A$  ва  $B$  тўпламлар берилиб,  $A$  нинг қуввати  $\alpha$ ,  $B$  нинг қуввати  $\beta$  га тенг бўлсин. У ҳолда  $A$  нинг  $B$  га барча акс эттирилишлари тўплами  $B^A$  нинг қувватига  $\beta$  нинг  $\alpha$  - даражаси дейилади ва  $\beta^\alpha$  шаклида ёзилади.

Масалан,  $N$  натурал сонлар тўплами ва  $Z_2 = \{0, 1\}$  тўплам бўлса,  $N$  нинг  $Z_2$  га ҳар бир акс эттирилишини қуйидаги кўринишда ёзиш мумкин:

$$\begin{array}{ccccccc} 1 & 2 & 3 & \dots & n & \dots \\ i_1 & i_2 & i_3 & \dots & i_n & \dots \end{array}$$



бу ерда  $i_s = \begin{cases} 0 \\ 1 \end{cases}$ . Бундан чиқадики,  $N$  нинг  $Z_2$  га ҳар бир акс эттирилишига

$$0, i_1 i_2 \dots i_s \dots$$

иккили касрни мос қўйиш мумкин. Натижада  $Z_2^N$  тўплам билан бутун қисми ноль бўлган барча иккили касрлар тўплами орасида ўзаро бир қийматли мослик ўрнатилган бўлади. Аммо бутун қисми ноль бўлган барча иккили касрлар тўплами  $c$  континуум қувватга эга.

Шундай қилиб, агар  $N$  нинг қуввати  $\omega$  бўлса,  $Z_2^N$  нинг қуввати  $2^\omega$  бўлиб,

$$2^\omega = c.$$

Бу ерда, умуман, чекли сонлар учун  $2^\alpha > \alpha$  тенгсизлик ўринли.

Бу ҳол тасодифий ҳол эмас, бунда қуйидаги умумий теорема ўринли:

**53. 4. Теорема. А бирор тўплам бўлиб, унинг қуввати  $\alpha$  бўлса, у ҳолда  $A$  нинг барча қисм-тўпламлари системасининг қуввати  $2^\alpha$   $A$  нинг қувватидан катта, яъни:  $2^\alpha > \alpha$ .**

Исбот. Бирор  $A = \{a\}$  тўплам берилган бўлиб,  $B = \{b\}$  тўплам  $A$  нинг барча қисм-тўпламларидан тузилган система бўлсин. Бу системага, хусусан  $A$  нинг бир элементли қисмлари, бўш тўплам ва  $A$  нинг ўзи киради.

$B$  нинг қуввати  $A$  нинг қувватидан катталигини исботлаш учун  $B$  да  $A$  га эквивалент бўлган қисм борлигини, аммо  $B$  нинг  $A$  га эквивалент эмаслигини исботлаш керак.

$B$  дан  $A$  нинг бир элементли қисмларидан иборат қисмий системани ажратиб олсак, бу қисмий система  $A$  га эквивалент бўлиши равишан.

Энди  $B$  нинг  $A$  га эквивалент эмаслигини кўрсатамиз.

Аксини фараз қилайлик, яъни  $A \sim B$  бўлсин. У ҳолда  $B$  системанинг элементлари билан  $A$  нинг элементлари орасида ўзаро бир қийматли мослик ўрнатиш мумкин, яъни  $B$  ва  $A$  нинг элементлари маълум бир жуфтларга боғланган бўлади:

$$A_i \leftrightarrow a, A_i \in B, a \in A.$$

Бу жуфтларнинг бирортасини олайлик:  $A_i \leftrightarrow a$ . Бу ерда икки ҳол бўлиши мумкин: ё  $A_i$  тўплам  $A$  нинг қисми бўлгани учун  $a$  ни ўз ичига олади ёки  $A_i$  тўплам  $A$  нинг қисми бўла туриб,  $a$  ни ўз ичига олмайди.

Бу ҳолларга қараб  $A$  тўпламнинг элементини мос равишда 1-ёки 2-тур элементлар дейилади. Демак, 1-тур элементлар шундай элементларки, уларнинг

$$A_i \leftrightarrow a$$

жуфтларидаги  $A_1$  тўплам  $a$  ни ўз ичига олади, 2-тур элементлар шундай элементларки, уларнинг

$$A_1 \leftrightarrow a$$

жуфтларидаги  $A_2$  тўплами  $a$  ни ўз ичига олмайди. Барча 2-тур элементлар тўпламини  $A'$  билан белгилаймиз.  $A'$  ning

$$A' \leftrightarrow a$$

жуфтнинг олами. Бу ерда икки ҳол бўлиши мумкин:  $a$  элемент 1-тур элемент, ё 2-тур элемент. Агар  $a$  1-тур элемент бўлса,  $a$  элемент  $A'$  га кириши керак, аммо  $A'$  тузилишига кўра, 2-тур элементлардан иборат. Демак, бу ҳолнинг бўлиши мумкин эмас. Агар  $a$  2-тур элемент бўлса,  $a$  элемент, бир томондан, таърифга асосан  $A'$  га кирмаслиги керак, иккинчи томондан,  $A'$  ning тузилишига кўра,  $a$  элемент  $A'$  га кириши керак. Ушбу қарама-қаршиликка келдик. Демак, бу ҳолнинг ҳам бўлиши мумкин эмас.

Шундай қилиб,  $A'$  тўпламининг мавжудлиги қарама-қаршиликка олиб келаяпти. Демак,  $A$  ва  $B$  тўпламлар ўзаро эквивалент эмас.

Умуман қуйидаги теорема ўришли.

**53. 5. Теорема.** Агар  $X$  ва  $Y$  тўпламларнинг қувватлари мос равишда  $\alpha$  ва  $\beta$  бўлиб,  $\beta > 1$  бўлса, у ҳолда:

$$\beta^\alpha > \alpha.$$

Ўқувчи бу теорема ҳақида П. С. Александровнинг китобига қараши мумкин.

**53. 4-теорема** аслида қуйидаги тасдиқни умумлаштиради: Агар  $n$  натурал сон бўлиб,  $n > 1$  бўлса,

$$2^n > n$$

**тенгсизлик ўришли.**

Шунга ўхшаш,  $n > 4$  да

$$2^n > n^2$$

тенгсизлик ўришли бўлгани учун қуйидаги тасдиқ тўғри бўлса керак: агар  $\alpha$  қувват  $\alpha > 4$  тенгсизликни қаноатлантирса,

$$2^\alpha > \alpha^2$$

**тенгсизлик ўришли.** Аммо бу тасдиқ ҳозиргача исботланмаган.

#### **54-§. Тўпламларнинг Декарт кўпайтмасининг қуввати**

Энди тўпламларнинг Декарт кўпайтмасини текшириш билан шуғулланамиз.

**54. 1. Теорема.** Агар  $A$  ва  $B$  sanoqli тўпламлар бўлса, уларнинг Декарт кўпайтмаси ҳам sanoqli бўлади.

Исбот.  $A$  ва  $B$  лар санокли бўлгани учун уларни куйидаги кўринишда ёзиш мумкин:

$$A = \{a_1, a_2, \dots, a_n, \dots\}$$

$$B = \{b_1, b_2, \dots, b_n, \dots\}$$

Бу тўпламларнинг Декарт кўпайтмасини эса куйидагича ёзиш мумкин:

$$A \times B = \left\{ \begin{array}{l} (a_1, b_1), (a_1, b_2), \dots, (a_1, b_n), \dots \\ (a_2, b_1), (a_2, b_2), \dots, (a_2, b_n), \dots \\ \dots \\ (a_n, b_1), (a_n, b_2), \dots, (a_n, b_n), \dots \\ \dots \end{array} \right\}$$

Бу жадвалдаги элементларни б. 1- теоремадагидек, куйидагича номерлаб чиқамиз:

$$c_1 = (a_1, b_1), c_2 = (a_1, b_2), c_3 = (a_2, b_1), c_4 = (a_1, b_3),$$

$$c_5 = (a_2, b_2), c_6 = (a_3, b_1), c_7 = (a_1, b_4), \dots \quad (1)$$

Бу кетма-кетлик куйидаги қоида бўйича тузилди: агар  $i + k < j + e$  бўлса, у ҳолда  $(a_i, b_k)$  элемент  $(a_j, b_e)$  дан илгари ёзилади; агар  $i + k = j + e$  ва  $i < j$  бўлса, у ҳолда  $(a_i, b_k)$  элемент  $(a_j, b_e)$  дан илгари ёзилади.

(1) кетма-кетлик эса  $A \times B$  тўпламнинг саноклилигини кўрсатади.\*

Худди шунга ўхшаш куйидаги теорема исботланади:

**54. 2. Теорема.** Агар  $A_1, A_2, \dots, A_n$  санокли тўпламлар бўлса, у ҳолда бу тўпламларнинг Декарт кўпайтмаси

$$A = A_1 \times A_2 \times \dots \times A_n$$

*ҳам саноклидир.*

**54. 3. Натижа.**  $n$  ўлчовли фазрдаги барча координаталари бутун сонлардан иборат нуқталар тўплами саноклидир.

Бу натижанинг исботи барча бутун сонлар тўплами  $M$  нинг саноклилигидан ва  $n$  ўлчовли фазодаги бутун координатали нуқталар тўплами

$$M^n = \underbrace{M \times M \times \dots \times M}_{n \text{ марта}}$$

га тенг бўлганлигидан келиб чиқади.

**54. 4. Натижа.**  $n$  ўлчовли фазодаги барча рационал координатали нуқталар тўплами  $R^n$  саноклидир.

Бунинг исботи рационал сонлар тўплами  $R$  нинг sanoқлилигидан (1- бобга қаранг) ва

$$R^n = \underbrace{R \times R \times \dots \times R}_n$$

тенгликдан келиб чиқади.

Энди  $A_1, A_2, \dots, A_n, \dots$  тўплamlар кетма-кетлиги берилган бўлсин. Ушбу

$$B_n = A_1 \times A_2 \times \dots \times A_n$$

кетма-кетликни тузамиз. Барча  $B_n$  тўплamlарнинг

$$B = \bigcup_{n=1}^{\infty} B_n$$

йиғиндисига  $A_1, A_2, \dots, A_n, \dots$  кетма-кетликнинг чала Декарт кўпайтмаси деймиз.

**54. 5. Теорема.** *Агар  $A_1, A_2, \dots, A_n, \dots$  sanoқли тўплamlар бўлса, у ҳолда уларнинг чала Декарт кўпайтмаси ҳам sanoқлидир.*

Исботи.  $B_n = A_1 \times A_2 \times \dots \times A_n$  тўплamlарнинг sanoқлилиги юқоридаги 54. 1- теоремадан,  $B = \bigcup_{n=1}^{\infty} B_n$  тўплamlанинг sanoқлилиги эса 6. 1- теоремадан келиб чиқади.

**54. 6. Натижа.** *Барча рационал коэффициентли кўп ҳадлиларнинг тўплamlи  $P$  sanoқлидир.*

Исботи. Даражаси  $n - 1$  дан катта бўлмаган рационал коэффициентли кўп ҳадлилар тўплamlи  $P^{n-1}$  аслида  $n$  ўлчовли фазодаги барча рационал координатали нуқталар тўплamlини ташкил этади, демак, 54. 4- натижага асосан sanoқлидир.  $P$  тўплaml,  $P^{n-1}$  тўплamlларнинг йиғиндисига тенг, яъни  $P = \bigcup_{n=1}^{\infty} P^{n-1}$  бўлгани учун sanoқлидир.\*

**54. 7. Натижа.** *Барча алгебраик<sup>1</sup> сонлар тўплamlи sanoқлидир.*

Исбот. Бутун коэффициентли кўп ҳадлилар тўплamlи sanoқли бўлгани учун ҳамда ҳар бир кўп ҳадли сони чекли илдизга эга бўлгани учун алгебраик сонлар тўплamlи сони sanoқли чекли тўплamlларнинг йиғиндисига тенг. Бу тўплaml эса 6. 1- теоремага асосан sanoқлидир.

**54. 8. Натижа.** *Трансцендент сонлар тўплamlи континуум қувватга эга.*

Бунинг исботи 54. 7- натижадан ҳамда 6 ва 7- параграфлардаги теоремалардан бевосита келиб чиқади.

<sup>1</sup> Агар бирор сон коэффициентлари бутун сонлардан иборат бўлган бирор кўпҳаднинг илдизи бўлса, бу сон алгебраик сон дейилади. Бу таърифни қаноатлантирмайдиган сонлар трансцендент сонлар дейилади.

Энди саноқсиз тўпламларнинг Декарт кўпайтмаси билан шу-  
ғулланамиз.

**54. 9. Теорема.** *Агар  $A$  ва  $B$  тўпламлар континуум қувватга эга бўлса, уларнинг Декарт кўпайтмаси ҳам континуум қувватга эга.*

Исбот.  $A$  ва  $B$  континуум қувватга эга бўлгани учун  $A = I = [0, 1]$  ва  $B = I = [0, 1]$  деб олиш мумкин. У ҳолда  $A \times B$  нинг элементлари текисликдаги  $I^2 = \{0 \leq x \leq 1, 0 \leq y \leq 1\}$  квадратнинг нуқталари тўпламидан иборат. Теоремани исботлаш учун бу квадратнинг нуқталари билан  $I = [0, 1]$  сегментнинг нуқталари орасида ўзаро бир қийматли муносабатни ўр атиш кифоя. Бундай муносабат қуйидагича ўрнатилади: агар  $(p, q) \in I^2$  бўлиб,

$$p = 0, p_1 p_2 \dots p_n \dots,$$

$$q = 0, q_1 q_2 \dots q_n \dots$$

чексиз ўнли касрга ёйилса, бу  $(p, q)$  га  $I$  даги ушбу

$$0, p_1 q_1 \ p_2 q_2 \ p_3 q_3 \ \dots \ p_n q_n \ \dots$$

элементни мос қўямиз. Равшанки, бу мослик ўзаро бир қийматли-  
дир.\*

Индукция йўли билан қуйидаги теоремани исботлаш мумкин.

**54. 10. Теорема.** *Агар  $A_1, \dots, A_n$  континуум қувват-  
ли тўпламлар берилган бўлса, уларнинг Декарт кў-  
пайтмаси ҳам континуум қувватга эга.*

Бу теоремадан ҳамда  $n$  ўлчовли фазо  $n$  та тўғри чизиқнинг Декарт кўпайтмасига тенг бўлгани ва тўғри чизиқ нуқталари тўп-  
лами континуум қувватга эга бўлганидан қуйидаги натижани ҳо-  
сил қилиш мумкин.

**54. 11. Натижа.**  *$n$  ўлчовли фазо континуум қувватга  
эга.*

### **55-§. Функциянинг тебраниши. Функциянинг узилиш нуқталари тўпламининг тузилиши**

Бирор  $E$  тўпланда берилган  $f(x)$  функция  $x \rightarrow x_0$  да  $(x, x_0 \in E$   
ва  $x_0$  нуқта  $E$  нинг лимит нуқтаси) ҳеч қандай лимитга интил-  
маслиги мумкин. Бу ҳолда  $f(x)$  функциянинг  $x$  нуқта  $E$  бўйича  
 $x_0$  га интилгандаги юқори ва қуйи лимитлари ўрганилади. Юқори  
ва қуйи лимитларнинг таърифларини эслатамиз.

Ҳар бир  $\varepsilon > 0$  учун  $x_0$  нуқтанинг  $\varepsilon$  атрофи  $U(x_0, \varepsilon)$  ни олиб,  
 $M_\varepsilon$  ва  $m_\varepsilon$  билан мос равишда  $f(x)$  функциянинг  $E \cap U(x_0, \varepsilon)$  тўп-  
ламда қабул қиладиган қийматларининг юқори ва қуйи чегарала-  
рипи белгилаймиз. Шундай қилиб:

$$M_\varepsilon = \sup_{x \in E \cap U(x_0, \varepsilon)} (f(x)), \quad m_\varepsilon = \inf_{x \in E \cap U(x_0, \varepsilon)} (f(x))$$

ε сони камайганда  $M_\epsilon$  фақат камайиши мумкин, шунинг учун ε нолга интилганда аниқ бир лимитга интилади, яъни  $\lim M_\epsilon$  мавжуд; бу лимитни (агар ҳар қандай  $\epsilon > 0$  учун  $M_\epsilon = +\infty$  бўлса,  $+\infty$  га тенг бўлади)  $f(x)$  функциянинг  $x$  нуқтанинг  $E$  тўплам бўйича  $x_0$  нуқтага яқинлашгандаги юқори лимити дейилади ва

$$\lim_{\substack{x \rightarrow x_0 \\ x \in E}} f(x) \quad \text{ёки қисқароқ} \quad \overline{\lim}_{x_0, E} f$$

билан белгиланади.

ε камайганда  $m_\epsilon$  сони фақат ортиши мумкин, шунинг учун  $\lim m_\epsilon$  мавжуд, уни  $\lim_{\substack{x \rightarrow x_0 \\ x \in E}} f(x)$  ёки  $\underline{\lim}_{x_0, E} f$  билан белгилаб,  $f(x)$  функциянинг  $x$  нуқтанинг  $E$  тўплам бўйича  $x_0$  нуқтага интилгандаги қуйи лимити дейилади. Шунини айтиш керакки,

$$\lim_{\substack{x \rightarrow x_0 \\ x \in E}} f(x) = -\infty$$

тенглик фақат ҳар қандай ε учун  $m = -\infty$  тенглик бажарилгандагина ўринли. Доимо:

$$\lim_{x_0, E} f \leq \overline{\lim}_{x_0, E} f$$

экани равшан. Хусусан, агар  $x_0 \in E$  бўлса, у ҳолда:

$$\lim_{x_0, E} f \leq f(x_0) \leq \overline{\lim}_{x_0, E} f.$$

Агар  $E = R^1$  ёки мос равишда  $R^2$  бўлса, қуйидаги содда белгиларни ишлатамиз:  $\lim_a f$ ,  $\overline{\lim}_a f$ .

Юқоридаги мулоҳазалардан қуйидаги теорема ҳосил қилинади:  
**55. 1. Теорема.** *Бирор  $E$  тўпланда аниқланган  $f(x)$  функция  $x$  ўзгарувчи  $E$  тўплам бўйича  $a$  га яқинлашганда аниқ бир лимитга эга бўлиши учун қуйидаги шартнинг бажарилиши зарур ва кифоя:*

$$\lim_{a, E} f = \overline{\lim}_{a, E} f.$$

Бу ҳолда:

$$\lim_{a, E} f = \underline{\lim}_{a, E} f = \overline{\lim}_{a, E} f.$$

Бу теоремадан ва функциянинг узлуксизлиги таърифидан қуйидаги натижа келиб чиқади.

**55. 2. Натижа.**  *$f(x)$  функция ўзининг аниқланиш соҳасига тегишли  $a$  нуқтада узлуксиз бўлиши учун қуйидаги шартнинг бажарилиши зарур ва кифоя:*

$$\lim_a f = \overline{\lim}_a f;$$

бу ҳолда ўз-ўзидан

$$\underline{\lim}_a f = \overline{\lim}_a f = f(a)$$

муносабат ўринли.

55. 3. **Изоҳ.** Агар  $\overline{\lim}_{a, E} f = -\infty$  бўлса (бу фақат  $a$  нуқта  $E$  га кирмаган ҳолдагина бўлиши мумкин, чунки  $a \in E$  ҳолда:  $\overline{\lim}_{a, E} f \geq f(a)$ ), у ҳолда  $\underline{\lim}_{a, E} f = -\infty$ , шунинг учун ҳам

$$\lim_{a, E} f = -\infty.$$

Шунга ўхшаш, агар  $\underline{\lim}_{a, E} f = +\infty$  бўлса, у ҳолда:

$$\lim_{a, E} f = +\infty.$$

**Таъриф.**  $f$  функция  $E$  тўпламда аниқланган бўлсин. Ушбу

$$\omega_{a, E} f = \overline{\lim}_{a, E} f - \underline{\lim}_{a, E} f$$

ифодага  $f$  функциянинг  $a \in E$  нуқтадаги ( $E$  тўпلام бўйича) тебраниши дейилади.

Бу  $\overline{\lim}_{a, E} f$ ,  $\underline{\lim}_{a, E} f$  лар чекли бўлса,  $\omega_{a, E}$  сон манфий эмас; агар қуйидаги шартларнинг камида биттаси бажарилса:

$$\overline{\lim}_{a, E} f = +\infty, \underline{\lim}_{a, E} f = -\infty,$$

у сон  $+\infty$  га тенг, ҳеч қандай учинчи ҳолнинг, яъни  $\overline{\lim}_{a, E} f = -\infty$  ёки  $\underline{\lim}_{a, E} f = +\infty$  ҳолнинг бўлиши мумкин эмас, чунки  $f(x)$  функция  $a$  нуқтада аниқ  $f(a)$  қийматни қабул қилади ва

$$\overline{\lim}_{a, E} f \geq f(a) \geq \underline{\lim}_{a, E} f.$$

Шундай қилиб,  $\omega_{a, E} f$  ё манфий бўлмаган сон, ё  $+\infty$  га тенг. Агар  $E$  сегмент ёки интервал бўлса,  $\omega_{a, E} f$  белги ўрнига соддароқ  $\omega_a f$  белгини ишлатамиз.

Энди юқоридаги натижани қуйидагича айтиш мумкин:

55. 4. **Теорема.**  $E$  тўпلامда аниқланган  $f(x)$  функциянинг  $a \in E$  нуқтада узлуксиз бўлиши учун  $f(x)$  нинг бу нуқтада  $E$  бўйича тебраниши нолга тенг бўлиши зарур ва кифоя.

Бу теоремадан фойдаланиб, қуйидаги теоремани исботлаймиз.

55. 5. **Теорема.** Тўғри чизиқдаги бирор очиқ ёки ёпиқ  $E$  тўпلامда аниқланган  $f$  функциянинг узлуксиз нуқталаридан иборат  $C$  тўпلام  $G$  типдаги тўпладир (у бўш ёки  $E$  га тенг бўлиши ҳам мумкин).

Бу теорема билан қуйидаги теорема эквивалентдир.

55. 6. Теорема.  $f$  функциянинг узлукли нуқталаридан иборат  $D$  тўплам  $F$ , типдаги тўпландир<sup>1</sup>.

Бу теореманинг исботи қуйидаги леммага асосланган.

55. 7. Лемма. Берилган  $\varepsilon$  учун ушбу

$$\omega_{x, E} f > \varepsilon$$

тенгсизликни қаноатлантирувчи барча нуқталардан иборат  $E_\varepsilon(\varepsilon)$  тўплам ёпиқдир.

Лемманинг исботи.  $a$  нуқта  $E_\varepsilon(\varepsilon)$  тўпланинг лимит нуқтаси бўлсин. У ҳолда  $a$  нуқтанинг ихтиёрий  $U = U(a, \eta)$  атрофида  $\omega_{a', E} f > \varepsilon$  тенгсизликни қаноатлантирувчи  $a'$  нуқта мавжуд.

$M$  ва  $m$  билан мос равишда  $f$  функциянинг  $a$  даги юқори ва қуйи чегараларини белгилаймиз.  $U$  да  $a'$  нуқтанинг бирор атрофи жойлашганлиги учун

$$M > \overline{\lim}_{a'} f; \underline{\lim}_{a'} f > m.$$

Шунинг учун

$$M - m > \omega_{a', E} f > \varepsilon.$$

Агар  $\omega_{a, E} f < \varepsilon$  бўлганда эди, у ҳолда  $U$  ни шундай танлаш мумкин бўлардики, натижада  $M - m < \varepsilon$  тенгсизлик ўринли бўларди.

55. 6- теореманинг исботи. 55. 4- теоремага асосан  $f$  функциянинг барча узилиш нуқталари тўплами  $\bigcup_{n=1}^{\infty} E_f\left(\frac{1}{n}\right)$  йиғинди-га тенг. Аммо леммага асосан  $E_f\left(\frac{1}{n}\right)$  тўплам ёпиқ. Шу билан 55. 6- теорема, демак, 55. 5- теорема ҳам исботланади.\*.

## 56- §. Узлуксиз чизиқлар.

### Жордан ва Пеако чизиқлари

Текисликдаги чизиқ деганда биз текисликда ҳаракат қилувчи моддий нуқтанинг изини тасаввур қиламиз. Бу, албатта, ҳеч қандай таъриф эмас. Жордан чизиқнинг аниқ таърифини қуйидагича берган:

Текисликдаги чизиқ деб,  $x, y$  координаталари

$$\begin{aligned} x &= \varphi(t), \\ y &= \psi(t) \end{aligned} \quad (1)$$

<sup>1</sup> Бу теоремадан  $R \setminus D$  тўпланинг  $G_\delta$  типдаги тўплам эканлиги бевосита келиб чиқади; аммо  $C = E \cap (R \setminus D)$ ,  $E$  тўплам очиқ ёки ёпиқ бўлгани учун,  $G_\delta$  типдаги тўплам ҳамда иккита  $G_\delta$  типдаги тўпламлар кўпайтмаси  $G_\delta$  — тўплам бўлгани учун,  $C$  ҳам  $G_\delta$  тўпландир.



тенгламаларни қаноатлантирувчи текисликдаги барча нуқталар тўп-  
ламани айтади. Бу ерда  $\varphi(t)$ ,  $\psi(t)$  лар  $t_0 \leq t \leq T$  сегментда  
аниқланган узлуксиз функциялардир.

Бу маънодаги чизиқ Жордан чизиғи дейилади.

Жорданнинг таърифи бизнинг чизиқ тўғрисидаги тасаввуримиз-  
га тўғри келади. Ҳақиқатан ҳам, агар  $t$  ўзгарувчини вақт деб қа-  
расак, у ҳолда (1) тенгламалар  $t$  вақтнинг  $[t_0, T]$  оралиқдаги турли  
қийматларида текисликда ҳаракат қилувчи нуқтанинг координата-  
ларини ифодалайди

Шуниси қизиқки,  $\varphi(t)$  ва  $\psi(t)$  узлуксиз функцияларни шундай  
ташлаш мумкин эканки, текисликдаги бирор квадрат ичидаги ҳар  
бир нуқтанинг координатаси бирор  $t \in [t_0, T]$  да (1) тенгламалар  
билан аниқланади.

Шундай қилиб, Жордан чизиғи  $t$  ўзгарувчи  $[t_0, T]$  сегментда  
ўзгарганда квадратнинг ичидаги ҳар бир нуқтадан ўтиб, квадрат-  
нинг юзини тўлдириши мумкин.

Айтиб ўтилган хоссага эга бўлган чизиқлар Пеано чизиқ-  
лари дейилади, чунки бундай чизиқларнинг мавжудлигини Пе-  
но кўрсатган. Агар  $[t_0, T]$  сегментдаги турли  $t$  ларга текисликнинг  
турли нуқталари мос келса, (1) тенгламалар билан берилган Жордан  
чизиғи содда ёки каррали нуқтасиз Жордан чизиғи  
дейилади. Агар  $t = t_0$  ва  $t = T$  ларда (1) тенглама текисликда  
биттагина нуқтани ифодаласа, яъни Жордан чизиғининг бошланғич  
нуқтаси  $M_0 \{ \varphi(t_0), \psi(t_0) \}$  ва охириги нуқтаси  $M \{ \varphi(T), \psi(T) \}$  уст-  
ма-уст тушса, Жордан чизиғи ёпиқ бўлади. Агар  $[t_0, T]$  сегмент-  
да  $t_0$  ва  $T$  лардан бошқа текисликда битта нуқтани ифодаловчи  
турли  $t_1$  ва  $t_2$  лар мавжуд бўлмаса, ёпиқ Жордан чизиғи содда  
ёпиқ контур ёки каррали нуқтасиз ёпиқ Жордан  
чизиғи дейилади.

Агар Жордан чизиғини ифодаловчи (1) тенгламалар  $t$  нинг икки  
ёки ундан ортиқ қийматларида текисликда биттагина нуқтани ифо-  
даласа, бундай нуқтани Жордан чизиғининг каррали нуқтаси  
дейилади.

Қуйидаги теоремаларни исботсиз келтирамиз.

**56. 1. Теорема.** *Ҳар қандай содда ёпиқ Жордан чи-  
зиғи текисликни иккита очақ тўпلامга ажратади,  
бу тўпламларнинг бири чизиққа нисбатан ички бўлиб,  
иккинчиси эса ташқи бўлади.*

**56. 2. Теорема.** *Ҳар қандай Пеано чизиғи каррали  
нуқталарга эга.*

## 57-§. Тўғриланувчи чизиқлар

Ушбу

$$x = \varphi(t),$$

$$y = \psi(t)$$

тенгламалар Жордан чизиғини ифодаласин, бу ерда  $\varphi(t)$  ва  $\psi(t)$

$[t_0, T]$  сегментдаги узлуксиз функциялар.  $[t_0, T]$  сегментни ушбу

$$t_0 < t_1 < t_2 < \dots < t_n = T$$

нуқталик билан ихтиёрый  $n$  қисмга бўламиз ва

$$x_k = \varphi(t_k),$$

$$y_k = \psi(t_k)$$

Белгилашларни киритамиз.

Учлари

$$M_0(x_0, y_0), M_1(x_1, y_1), \dots, M_{n-1}(x_{n-1}, y_{n-1}), M_n(x_n, y_n)$$

нуқталардан иборат бўлган синиқ чизиқни тузамиз. Бу синиқ чизиқни Жордан чизиғи ичига чизилган синиқ чизиқ деб атаймиз. Бу синиқ чизиқнинг  $M_k$  ва  $M_{k+1}$  нуқталарини туташтирувчи кесманинг узунлигини  $c_k$  билан белгилаймиз. Тузилган синиқ чизиқнинг периметри

$$p = \sum_{k=0}^{n-1} c_k$$

га тенг. Аммо

$$c_k = \sqrt{(x_{k+1} - x_k)^2 + (y_{k+1} - y_k)^2}$$

бўлгани учун:

$$p = \sum_{k=0}^{n-1} \sqrt{(x_{k+1} - x_k)^2 + (y_{k+1} - y_k)^2}.$$

$[t_0, T]$  сегментнинг элементар қисмлари сони  $n$  ни (ёки синиқ чизиқ қисмлари сонини) чексизга шундай интилтирамизки, барча  $[t_k, t_{k+1}]$  кесмаларнинг узунлиги  $\Delta t_k = t_{k+1} - t_k$  (ёки синиқ чизиқнинг барча қисмлари узунлиги) нолга интилсин. Агар бунинг натижасида Жордан чизиғининг ичига чизилган синиқ чизиқнинг периметри  $p$  бирор чекли лимитга интилса ҳамда бу лимит  $[t_0, T]$  сегментнинг бўлинишига боғлиқ бўлмаса, бу лимитни берилган Жордан чизиғининг узунлиги, чизиқни эса тўғриланувчи чизиқ дейилади.

**Теорема. Жордан чизиғи**

$$x = \varphi(t),$$

$$y = \psi(t), t \in [x_0, T]$$

тўғриланувчи бўлиши учун  $\varphi(t)$  ва  $\psi(t)$  функцияларнинг ҳар бири  $[t_0, T]$  сегментда ўзгариши чегараланган бўлиши зарур ва кифоя.

Исбот. Зарурлиги. Берилган чизиқ тўғриланувчи бўлсин деб фараз қилайлик. Бу Жордан чизиғининг ичига чизилган синиқ чизиқнинг периметри

$$p = \sum_{k=0}^{n-1} c_k$$

нинг лимити мавжуд демакдир.  $\Delta t_k$  лар нолга интилганда  $\rho$  нинг лимити мавжудлигидан  $[t_0, T]$  сегментнинг барча бўлинишларига мос келувчи  $\rho$  ларнинг қийматлари тўплами чегараланганлигидан келиб чиқади. Бундан ва ушбу

$$|x_{k+1} - x_k| \leq c_k, \quad |y_{k+1} - y_k| \leq c_k$$

тенгсизликлардан ушбу

$$\sum_{k=0}^{n-1} |x_{k+1} - x_k| \quad \text{ва} \quad \sum_{k=0}^{n-1} |y_{k+1} - y_k|$$

ийгиндиларнинг чегараланганлиги, яъни  $x = \varphi(t)$  ва  $y = \psi(t)$  функцияларнинг ҳар бири  $[t_0, T]$  сегментда чегараланган ўзгаришга эгаллиги келиб чиқади.

Қифоялиги.  $\varphi(t)$  ва  $\psi(t)$  функцияларнинг ҳар бири  $[t_0, T]$  сегментда ўзгариши чегараланган бўлсин. Бу демак ушбу

$$\sum_{k=0}^{n-1} |x_{k+1} - x_k| \quad \text{ва} \quad \sum_{k=0}^{n-1} |y_{k+1} - y_k|$$

ийгиндилар чегараланган демакдир. Аммо, равшанки.

$$c_k \leq |x_{k+1} - x_k| + |y_{k+1} - y_k|$$

ва

$$\rho = \sum_{k=0}^{n-1} c_k$$

периметр чегараланган.  $\rho$  периметрнинг барча қийматлари тўплами чегараланганлиги учун у юқори чегара  $L$  га эга.

Энди  $\Delta t_k$  лар нолга интилганда (ва демак, синиқ чизиқ бўлақларининг узунлиги нолга интилганда), ўзгарувчи  $\rho$  периметрнинг  $L$  га интилишини кўрсатамиз. Бунинг учун, ихтиёрий  $\varepsilon > 0$  учун шундай  $\delta > 0$  топилишини кўрсатиш керакки, барча  $k$  лар учун

$$|\Delta t_k| < \delta$$

бўлганда

$$|\rho - L| < \varepsilon$$

тенгсизлик ўринли бўлсин.

Ҳақиқатан ҳам, юқори чегаранинг таърифига асосан,  $[t_0, T]$  сегментнинг ҳар қандай бўлинишида ҳам

$$\rho \leq L, \quad (1)$$

аммо  $[t_0, T]$  сегментни  $S_0$  нуқталар системаси билан шундай  $n$  та қисмга бўлиш мумкинки, бу бўлинишга мос келувчи синиқ чизиқнинг периметри  $\rho_0$  учун

$$L - \frac{\varepsilon}{2} < \rho_0 \leq L \quad (2)$$

тенгсизлик ўринли.

$[t_0, T]$  сегментни  $S$  нуқталар системаси билан элементар  $[t_k, t_{k+1}]$  сегментларга бўлиб,  $\delta$  соқини шундай кичик қилиб таълай мизки, натижада

$$|\Delta t_k| < \delta$$

ҳамда  $\varphi(t)$  ва  $\psi(t)$  функцияларнинг  $[t_k, t_{k+1}]$  сегментдаги тебранишлари  $\omega_k(\varphi)$  ва  $\omega_k(\psi)$  лар  $\frac{\varepsilon}{8n}$  дан кичик бўлсин.  $\varphi(t)$  ва  $\psi(t)$  функциялар узлуксиз бўлгани учун бундай  $\delta$  доим топилади. Иккинчи бўлинишга (яъни  $S$  система нуқталари ёрдами билан тузилган бўлинишга) мос келувчи синиқ чизиқнинг периметрини  $\rho$  билан белгилаймиз.  $S_0$  ва  $S$  системаларни бирлаштириш натижасида ҳосил бўлган  $S'$  нуқталар системасини олиб,  $[t_0, T]$  сегментни  $S'$  нуқталар системаси билан бўламиз. Бу бўлинишга мос келувчи синиқ чизиқнинг периметрини  $\rho'$  билан белгилаймиз. Равшанки,

$$\rho' \geq \rho, \quad (3)$$

чунки  $S'$  система  $S$  системага янги нуқталарни қўйиш натижасида ҳосил қилинган, бундай бўлиниш эса синиқ чизиқнинг периметрини фақат ошириши мумкинлиги равшан.

Энди шуни назарда тутиш керакки,  $t_k$  ва  $t_{k+1}$  нуқталарининг орасига бирор янги  $\tau_k$  нуқта киритилса, у ҳолда синиқ чизиқ периметри

$$c'_k + c''_k$$

дан ортиқ ўзгаролмайди. Бу ерда  $c'_k$  ва  $c''_k$  эски  $c_k$  бўлакни алмаштирган икки янги бўлақларнинг узунликлари.

Аmmo

$$\begin{aligned} c'_k &\leq |\varphi(\tau_k) - \varphi(t_k)| + |\psi(\tau_k) - \psi(t_k)|, \\ c''_k &\leq |\varphi(t_{k+1}) - \varphi(\tau_k)| + |\psi(t_{k+1}) - \psi(\tau_k)|. \end{aligned}$$

Булардан

$$c'_k + c''_k \leq 2\{\omega_k(\varphi) + \omega_k(\psi)\}$$

муносабат келиб чиқади; бу ерда  $\omega_k(\varphi)$  ва  $\omega_k(\psi)$  лар  $\varphi(t)$  ва  $\psi(t)$  функцияларнинг  $[t_k, t_{k+1}]$  сегментдаги тебранишлари.

Шундай қилиб, агар  $t_k$  ва  $t_{k+1}$  орасига янги бир бўлиниш нуқтаси киритилса, у ҳолда синиқ чизиқнинг периметри  $2\{\omega_k(\varphi) + \omega_k(\psi)\}$  дан ортиққа оша олмайди. Буни назарда тутиб, ҳамда  $[t_0, T]$  сегментнинг иккинчи бўлинишида ихтиёрий  $k$  учун

$$\omega_k(\varphi) < \frac{\varepsilon}{8n}; \quad \omega_k(\psi) < \frac{\varepsilon}{8n}$$

эканлигини эслаб, учинчи бўлинишни (яъни  $S'$  системага мос келувчи бўлинишни) иккинчи бўлиниш нуқталари системаси  $S'$  га биринчи бўлиниш нуқталари системаси  $S_0$  ни бирлаштириш натижа-

шда ҳосил қилинган, деб қараш мумкинлигидан, учинчи бўлинишга оид периметр

$$n \cdot 2 \left( \frac{\varepsilon}{8n} + \frac{\varepsilon}{8n} \right) = \frac{\varepsilon}{2}$$

сондан ортиққа оша олмайди.

Бу демак,

$$p' < p + \frac{\varepsilon}{2}. \quad (4)$$

(2), (3) ва (4) тенгсизликлардан:

$$L - \frac{\varepsilon}{2} < p + \frac{\varepsilon}{2}$$

ёки

$$L - \varepsilon < p. \quad (5)$$

(1) ва (5) тенгсизликлардан:

$$L - \varepsilon < p < L.$$

Шундай қилиб, ҳар қандай  $\varepsilon > 0$  учун шундай  $\delta > 0$  топиладики,

$$|\Delta t_k| < \delta$$

бўлганда

$$|L - p| < \varepsilon,$$

яъни:  $\lim_{\Delta t \rightarrow 0} p = L$ . Бу эса берилган чизиқнинг тўғриланувчи эканлигини кўрсатади. \*

### 53- §. Квадратланувчи ва кубланувчи соҳалар. Тўпламнинг Жордан маъносидagi ўлчови

Текисликда содда ёпиқ контур  $C$  берилган бўлсин.  $A$  билан  $C$  нинг ичида ётган соҳани белгилаймиз. Энди  $g$  билан  $A$  соҳа ичида ётувчи ихтиёрий кўп бурчакли соҳанинг юзини,  $g'$  билан эса  $A$  ни ўз ичига олган ихтиёрий кўп бурчакли соҳанинг юзини белгилаймиз. Бундай кўп бурчакли соҳаларни чексиз кўп усуллар билан тузиш мумкин, шунинг учун  $g$  ва  $g'$  лар чексиз кўп турли қийматларни қабул қилади. Равшанки,  $\{g\}$  тўплам юқоридан чегараланган, шунинг учун бу тўплам аниқ юқори чегара  $Q$  га эга;  $\{g'\}$  тўплам эса қуйидан чегараланган, шунинг учун аниқ қуйин чегара  $Q'$  га эга. Доим  $g \leq g'$  бўлгани учун

$$Q \geq Q'.$$

Агар  $Q$  ва  $Q'$  лар тенг бўлса, уларнинг қиймати

$$p = Q = Q'$$

ни  $A$  соҳанинг юзи дейилади. Бу ҳолда  $A$  соҳани квадратланувчи соҳа дейилади, бу термин билан  $A$  соҳанинг юзи  $P$  га тенг бўлган квадрат билан солиштириш мумкинлиги қайд қилиб ўтилади. Агар  $A$  соҳа учун  $Q < Q'$  тенгсизлик ўринли бўлса,  $A$

соҳанинг юзи тўғрисида гапириш маънога эга эмас. Бу ҳолда  $A$  соҳа баъзи бир маънода  $Q$  ва  $Q'$  сонлар билан аниқланади. Шунинг учун  $Q$  ни  $A$  нинг ички юзи,  $Q'$  ни эса  $A$  нинг ташқи юзи дейилади.

Уч ўлчовли фазодаги соҳаларни ўлчаш масаласи ҳам шунга ўхшаш ҳал қилинади:  $A$  соҳада ётувчи барча кўп ёқли соҳа ҳажмларининг аниқ юқори чегарасига  $A$  соҳанинг ички ҳажми,  $A$  соҳани ўз ичига олувчи барча кўп ёқли соҳа ҳажмларининг аниқ қуйи чегарасига  $A$  соҳанинг ташқи ҳажми дейилади. Агар  $A$  соҳанинг ички ҳажми ташқи ҳажмига тенг бўлса, бу соҳа кублашувчи соҳа дейилади.

Энди тўғри чизиқдаги тўпламлар билан шуғулланамиз.

Тўғри чизиқдаги тўпламларнинг ўлчовини турлича киритиш мумкин. Жордан тўғри чизиқдаги тўпламнинг ўлчовини қуйидагича беради:  $[a, b]$  сегментда бирор  $E$  тўплам берилган бўлсин.  $[a, b]$  сегментни ушбу

$$a_0 = x_0 < x_1 < x_2 < \dots < x_n = b$$

нуқталар билан элементар сегментларга бўламиз:

$$\alpha_k = [x_k, x_{k+1}], \quad (k = 0, 1, \dots, n-1)$$

$s$  билан  $E$  тўпламга тегишли барча  $\alpha_k$  сегментларнинг узунлигини,  $s'$  билан эса  $E$  тўпламнинг камида битта нуқтасини ўз ичига олган барча  $\alpha_k$  сегментларнинг узунлигини белгилаймиз.  $[a, b]$  сегментни чексиз усул билан бўлиш мумкинлигидан  $s$  ва  $s'$  ларнинг чексиз турли қийматлар қабул қилиши келиб чиқади.  $s$  қийматлар тўплами юқоридан чегараланганлиги сабабли аниқ юқори чегарага эга,  $s'$  қийматлар тўплами қуйидан чегараланганлиги сабабли аниқ қуйи чегарага эга. Доимо  $s \leq s'$  бўлишидан  $S$  ларнинг аниқ юқори чегараси,  $s'$  ларнинг аниқ қуйи чегарасидан катта эмас. Агар бу аниқ юқори ва аниқ қуйи чегаралар бир-бирига тенг бўлса,  $E$  тўплам Жордан маъносида ўлчовли дейилади. Агар аниқ юқори ва аниқ қуйи чегаралар тенг бўлмаса,  $E$  нинг ўлчови тўғрисида гапириш маънога эга эмас. Бу ҳолда  $E$  ўлчовлимас ва  $s$  ларнинг аниқ юқори чегарасини  $E$  нинг ички ўлчови ва  $s'$  ларнинг қуйи чегарасини  $E$  нинг ташқи ўлчови дейилади.

Бу таърифлардан илгариги параграфда киритилган юзларни ва ҳажмларни ўлчаш билан Жордан маъносида тўғри чизиқдаги тўпламларни ўлчашнинг моҳиятлари бир хил экани кўринади.

### 59-§. Ҳақиқий сонларни $p$ ли касрларга ёйиш

Кўп масалаларда ҳақиқий сонларни ўнли касрларга, иккили ва учли касрларга, умуман  $p$  ли касрларга ёйишдан фойдаланилади. Тўлалик учун биз бу параграфда шу масала билан шуғулланамиз.



кўринишда ёзамиз. Демак, юқоридаги фаразимиз бажарилганда ҳар қандай ҳақиқий  $x$  сонини чексиз ўнли каср кўринишида ёзишимиз мумкин. Энди ҳақиқий  $x$  сонини  $n + \frac{m}{10^p}$  кўринишида бўлган ҳолни кўрамиз. Бу ҳолда  $x$  ушбу

$$x = n + \frac{i_1}{10} + \frac{i_2}{10^2} + \dots + \frac{i_p}{10^p}.$$

чекли ўнли каср шаклида ёзилади ва бунда:

$$0 \leq i_k \leq 9 \quad (k = 1, 2, \dots, p).$$

Бу ҳол учун юқоридаги амалларни бажарсак,  $x$  ушбу

$$[n, n + 1], \left[ n + \frac{i_1}{10}, n + \frac{i_1 + 1}{10} \right], \left[ n + \frac{i_1}{10} + \frac{i_2}{10^2}, n + \frac{i_1}{10} + \frac{i_2 + 1}{10^2} \right], \dots \\ \dots, \left[ n + \frac{i_1}{10} + \frac{i_2}{10^2} + \dots + \frac{i_{p-1}}{10^{p-1}}, n + \frac{i_1}{10} + \frac{i_2}{10^2} + \dots + \frac{i_{p-1} + 1}{10^{p-1}} \right]$$

сегментларнинг ҳар бири ичида жойлашган бўлади.

Лекин бу сегментлардан сўнггисини яна узунлиги бир-бирига тенг 10 қисмга бўлсак, у ҳолда  $x$  ушбу  $\Delta_{i_1 i_2 \dots i_{p-1} i_p}$  сегментнинг ўнг охири ва  $\Delta_{i_1 i_2 \dots i_{p-1} i_p}$  сегментнинг чап охири бўлиб қолади, яъни  $x$  бўлиниш нуқталардан бири бўлади. Бу ҳолда  $x$  нинг  $p$  ўнли рақами бир қийматга эга эмас, балки икки  $i_{p-1}$  ва  $i_p$  қийматга эга бўлади ва бу ҳол  $p + 1$ ,  $p + 2$  ва ҳоказо ўнли рақамлар учун ҳам ўринли бўлади.

Шунга мувофиқ  $x$  сон  $\Delta_{i_1 \dots i_p - 1}$  сегментнинг ўнг охири бўлса, у

$$x = n, i_1 i_2 \dots i_{p-1} i_p - 1 \ 999 \dots$$

кўринишда ва  $x$  сон  $\Delta_{i_1 \dots i_p}$  сегментнинг чап охири бўлса, у ушбу

$$x = n, i_1 i_2 \dots i_{p-1} i_p \ 000 \dots$$

кўринишда ёзилади. Бу эса арифметикадан маълум бўлган элементар фактдир, яъни ҳар қандай  $n + \frac{m}{10^p}$  кўринишдаги оддий касрнинг икки кўринишда ёзиш мумкин.

(Масалан,  $0,124999 \dots = 0,125000 \dots$ ).

Демак, ҳар қандай ҳақиқий  $x$  ( $\neq n + \frac{m}{10^p}$ ) сон биргина ушбу

$$x = n, i_1 i_2 \dots i_p \dots = n + \frac{i_1}{10} + \frac{i_2}{10^2} + \dots + \frac{i_p}{10^p} + \dots$$

чексиз каср кўринишида ёзилиши мумкин: агар  $x = n + \frac{m}{10^p}$  бўлса,





53- параграфга асосан тўғри чизиқнинг барча қисмларидан тузилган тўпламлар системасининг қуввати  $2^c$  га тенг, бу ерда  $c$  — континуум қуввати. Ўлчовли тўпламлардан тузилган тўпламлар системасининг қувватини ҳисобласак ҳам худди шу натижага келамиз, яъни қуйидаги теорема ўришли.

**60. 1. Теорема.** *Ўлчовли тўпламлардан тузилган тўпламлар системаси  $M$  нинг қуввати  $2^c$  га тенг, яъни:  $M = 2^c$ .*

Исбот. Ўлчовли тўпламлардан тузилган система, тўғри чизиқдаги барча тўпламлардан тузилган системанинг қисми бўлгани учун, унинг қуввати  $2^c$  дан катта эмас, яъни:

$$M \leq 2^c,$$

тескари тенгсизлик  $\overline{M} \geq 2^c$  эса қуйидаги теоремадан келиб чиқади.

**60. 2. Теорема.** *Ўлчови нолга тенг бўлган тўпламлардан тузилган  $S$  системанинг қуввати  $2^c$  га тенг.*

Исбот. Юқоридагига ўхшаш, дастлаб

$$\overline{S} \leq 2^c$$

тенгсизлик олинади. Тескари тенгсизлик ўришлилигини кўрсатиш учун ўлчови нолга ҳамда қуввати  $c$  га тенг бўлган бирор ўлчовли  $E$  тўпламни оламиз (бунинг учун, масалан, Канторнинг мукамал  $p_0$  тўпламини олиш мумкин).  $E$  нинг ҳар қандай қисми (ҳар қандай қисмининг ташқи ўлчови ноль бўлгани учун) ўлчовли тўплам бўлиб, ўлчовли нолга тенг. Демак,  $2^E \subset S$ . Аммо

$$\overline{E} = c \text{ ва } (2^E) = 2^c$$

бўлгани учун

$$\overline{S} \geq 2^c.$$

Бу ва юқоридаги тенгсизликлар 60. 2- теореманинг исботини беради.

Шу билан 60. 1- теорема ҳам исботланди.

60. 1- теорема кўрсатадики, тўғри чизиқда умуман «қанча» тўплам бўлса, ўлчовли тўпламлар ҳам «шунча». Демак, бу йўл билан ўлчовсиз тўпламларнинг мавжудлигини аниқлаб бўлмайди.

Шу сабабли биз ўлчовсиз тўпламларнинг мавжудлигини кўрсатиш учун бевосита мисол келтирамиз.

**60. 3. Теорема.** *Чегараланган ўлчовсиз тўплам мавжуд.*

Исбот. Чегараланган ўлчовсиз тўплам мисоли қуйидагича қурилади. Бунинг учун  $[-\frac{1}{2}, +\frac{1}{2}]$  сегментнинг нуқталари орасида эквивалентлик тушунчасини киритамиз: агар  $x$  ва  $y$  нинг айирмаси  $x - y$  сон рационал бўлса, улар эквивалент дейилади. Бу эквивалентлик 3- § да киритилган эквивалентлик тушунчасининг барча

хоссаларига эга. Шунинг учун ўша параграфга асосан  $\left[-\frac{1}{2}, +\frac{1}{2}\right]$  сегмент ўзаро эквивалент бўлган элементлардан иборат  $K(x)$ ,  $x \in \left[-\frac{1}{2}, \frac{1}{2}\right]$  синфларга ажралади, бунда  $x \in K(x)$  ҳамда турли синфлар кесишмайди. Шундай қилиб,  $\left[-\frac{1}{2}, +\frac{1}{2}\right]$  сегмент ўзаро кесишмайдиган синфларга бўлинади. Энди бу синфларнинг ҳар бирдан биттадан элемент танлаб олиб, бу танлаб олинган элементлар тўпламини  $A$  билан белгилаймиз.

$A$  тўпламининг ўлчовсиз эканлигини исботлаймиз.  $\left[-\frac{1}{2}, +\frac{1}{2}\right]$  сегментдаги баъча рационал сонлар тўпламини номерлаб чиқамиз:

$$r_0 = 0, r_1, r_2, r_3, \dots$$

$A_k$  билан  $A$  тўпламини  $r_k$  сонига силжитишдан ҳосил бўлган тўпламининг белгилаймиз, бунда агар  $x \in A$  бўлса, у ҳолда  $x + r_k \in A_k$  ва агар  $x \in A_k$  бўлса, у ҳолда  $x - r_k \in A$ .

Хусусан,  $A_0 = A$ .  $A_k$  тўплам  $A$  тўпламдан  $r_k$  га силжитиш орқали ҳосил қилингани учун

$$m_* A_k = m_* A = \alpha,$$

$$m^* A_k = m^* A = \beta. \quad (k = 1, 2, \dots)$$

Дастлаб  $\beta > 0$  эканини исботлаймиз. Равшанки,

$$\left[-\frac{1}{2}, +\frac{1}{2}\right] \subset \bigcup_{k=0}^{\infty} A_k.$$

Бундан, 18- § га асосан:

$$1 = m^* \left[-\frac{1}{2}, +\frac{1}{2}\right] \leq m^* \left[\bigcup_{k=0}^{\infty} A_k\right] \leq \sum_{k=0}^{\infty} m^* A_k.$$

яъни

$$1 \leq \beta + \beta + \beta + \dots$$

Бундан:

$$\beta > 0.$$

(1)

Энди  $\alpha = 0$  эканини исботлаймиз. Равшанки,

$$A_n \cap A_m = \emptyset, \quad n \neq m$$

ва

$$A_k \subset \left[-\frac{3}{2}, +\frac{3}{2}\right], \quad k = 0, 1, 2, 3, \dots$$

Бундан:

$$\bigcup_{k=0}^{\infty} A_k \subset \left[-\frac{3}{2}, +\frac{3}{2}\right].$$

Бундан эса 18- § га асосан:

$$3 = m_* \left[-\frac{3}{2}, +\frac{3}{2}\right] \geq m_* \left[\bigcup_{k=0}^{\infty} A_k\right] \geq \sum_{k=0}^{\infty} m_* A_k$$

$$\alpha + \alpha + \alpha + \dots \leq 3.$$

$$\alpha = 0. \tag{2}$$

(1) иа (2) муносабатларни солиштириб

$$m_*A < m^*A$$

тенгсизликни ҳосил қиламиз. Бу  $A$  тўпلامнинг ўлчовсизлигини кўрсатади. \*

Ўлчовсиз тўпلامларнинг мавжудлигини кўрсатдик. Энди ўлчовсиз тўпламлар «қанча» эканини аниқлаймиз.

**60. 4. Теорема. Ҳлчовсиз тўпламлардан тузилган тўпламлар системасининг қуввати  $2^c$  га тенг.**

Исбот. Ушбу

$$\overline{H} \leq 2^c \tag{3}$$

тенгсизлик юқоридаги теоремалардаги тенгсизликлар каби исботланади. Тесқари тенгсизликни исботлашда қуйидаги леммага асосланамиз.

**60. 5. Лемма. Агар  $A$  тўплам ўлчовсиз бўлиб,  $B$  тўплам ўлчовли бўлса, у ҳолда бу тўпламларнинг йиғиндисини  $A \cup B$  ўлчовсиз бўлади.**

Лемманинг исботи. Агар  $A \cup B$  ўлчовли бўлганда эди, у ҳолда 18. 2-теоремага асосан  $(A \cup B) \setminus B = A$  ҳам ўлчовли бўлар эди. Бу эса лемманинг шартига зид. \*

Теореманинг исботига ўтамиз.

60. 1-теоремага асосан ўлчовли тўпламлар системаси  $M$  нинг қуввати  $2^c$  га тенг. 60. 3-теоремада тузилган  $A$  тўпламга  $M$  даги тўпламларнинг ҳар бирини қўшиб, янги  $L$  тўпламлар системасини ҳосил қиламиз. 60. 5-леммага асосан  $L$  даги тўпламларнинг ҳар бири ўлчовсиз. Демак,

$$L \subset H.$$

Бундан:

$$\overline{L} \leq \overline{H}. \tag{4}$$

Аммо, тузилишига кўра,  $L$  система  $M$  га эквивалент бўлгани учун

$$\overline{M} = \overline{L}.$$

Бундан ва 60. 1-теоремадан

$$\overline{L} = 2^c.$$

(1) дан эса

$$2^c \leq \overline{H} \tag{5}$$

муносабатни ҳосил қиламиз. (3) ва (5) лар теоремани исботлайди. \*

## 61-§. Кўп ўзгарувчилар функцияларининг Лебег интегралли. Фубини теоремаси

Соддалик учун Лебег интеграллини икки ўзгарувчининг функцияси учун аниқлаймиз.

Лебег интегралли тушунчасини киритиш учун аввал текисликда ўлчови нолга тенг тўплам тушунчасини киритамиз. Бирор  $D = \{a \leq x \leq b, c \leq y \leq d\}$  тўғри тўртбурчакни ва ундан бирор  $M$  тўпламни оламиз. Агар ихтиёрий  $\varepsilon > 0$  учун юзларининг йиғиндисини  $\varepsilon$  дан кичик бўлган чекли ёки санокли  $D_i = \{a \leq x \leq b, c \leq y \leq d\}$  тўғри тўртбурчаклар билан  $M$  тўпламни қоплаш мумкин бўлса  $M$  нинг ўлчови нолга тенг дейилади.

$D$  тўғри тўртбурчак сони чекли  $D_1, D_2, \dots, D_m$  тўғри тўртбурчакларга бўлинган бўлсин.  $D_i$  ларнинг ҳар бирида ўзгармас сонга тенг бўлган функцияга поғонали функция дейилади. Агар поғонали  $h(x, y)$  функция  $D_j$  да  $h_j$  га тенг бўлса,  $y$  ҳолда бу функция учун Лебег интегралли қуйидагича аниқланади:

$$\int_D h(x, y) dx dy = \sum_{i=1}^m h_i |D_i|,$$

бу ерда  $|D_i|$  сон  $D_i$  тўғри тўртбурчакнинг юзи. Энди ихтиёрий функция учун Лебег интегралли 30-§ даги каби берилади.  $\forall$  бобда бир ўзгарувчи функциясининг Лебег интегралли учун олинган хоссалар икки ўзгарувчининг (ва, умуман  $n$  ўзгарувчининг) функцияларига деярли ўзгаришсиз ўтказилади; булар устида биз тўхтаб ўтирмаймиз.

Аммо бу ҳолда муҳим бир янги масала — такрорий интеграллаш масаласи пайдо бўлади.

Икки ўзгарувчининг узлуксиз функциясини икки қаррала Риман интегралли иккита бир ўзгарувчининг интеграллари орқали қуйидаги формула бўйича берилади:

$$\iint_D f(x, y) dx dy = \int_a^b \left\{ \int_c^d f(x, y) dy \right\} dx.$$

Лебег интегралли учун ҳам шунга ўхшаш формула ўринли.

**Теорема** (Фубини теоремаси).  $\varphi(x, y)$  функция  $D = \{a \leq x \leq b, c \leq y \leq d\}$  тўғри тўртбурчакда жамланувчи бўлсин. У ҳолда: 1) агар бу функцияда у ни танлаб олиб,  $x$  нинг функцияси деб қарасак, деярли ҳар бир  $y$  учун  $\varphi(x, y)$  функция  $x$  нинг жамланувчи функциясидир, 2) ушбу

$$\int_a^b \varphi(x, y) dx$$

интеграл  $c \leq y \leq d$  сегментда у нинг жамланувчи функциясидир, 3) ушбу

$$\iint_D \varphi(x, y) dx dy = \int_c^d \left\{ \int_a^b \varphi(x, y) dx \right\} dy \quad (1)$$

теглик ўринли. Агар  $x$  ва  $y$  ларнинг ўринларини алмаштирсак, ушбу

$$\int_a^b \left\{ \int_c^d \varphi(x, y) dy \right\} dx = \iint_D \varphi(x, y) dx dy$$

формула ўринли бўлади.

Исбот. Теореманинг умумийлигини камайтирмаган ҳолда  $\varphi(x, y)$  функцияни манфий эмас деб олиш мумкин. Бу ҳолда  $\varphi(x, y)$  функцияга монотон ўсиб деярли яқинлашувчи поғонали  $h_n(x, y)$  функциялар кетма-кетлиги мавжуд. Ушбу

$$g_n(y) = \int_a^b h_n(x, y) dx$$

функцияларни киритамиз. Бу функциялар  $h_n(x, y)$  функцияларнинг яқинлашувчи чизиқларига мос келмаган барча  $y$  лар учун аниқланган.  $g_n(y)$  функциялар кетма-кетлиги  $n \rightarrow \infty$  да монотон ўсувчи. Ундан ашқари, поғонали функциялар учун (1) формула ўринли бўлади ва  $g_n(y)$  функцияларнинг интеграллари юқоридан чегараланган:

$$\begin{aligned} \int_c^d g_n(y) dy &= \int_c^d \left\{ \int_a^b h_n(x, y) dx \right\} dy = \iint_D h_n(x, y) dx dy \rightarrow \\ &\rightarrow \iint_D \varphi(x, y) dx dy \end{aligned} \quad (2)$$

34. 13- теоремага асосан  $g_n(y)$  функциялар кетма-кетлиги деярли ҳар бир  $y$  да яқинлашувчи.  $g_n(y)$  функциялар кетма-кетлиги яқинлашадиган бирор  $y = \eta$  ни танлаб оламиз. У ҳолда деярли ҳар бир  $x$  да

$$h_n(x, \eta) \rightarrow \varphi(x, \eta).$$

Демак, 34. 13- теоремага асосан,  $\varphi(x, \eta)$  функция  $x$  га нисбатан жамланувчи ва деярли ҳар бир  $\eta$  да:

$$\int_a^b h_n(x, \eta) dx \rightarrow \int_a^b \varphi(x, \eta) dx. \quad (3)$$

Бундан чиқадики,

$$\int_a^b \varphi(x, y) dx \quad (4)$$

интеграл деярли ҳар бир  $y$  учун маънога эга. (2), (3) ва 34. 13- теоремага асосан (4) интеграл  $x$  нинг ўлчовли функцияси ва

$$\int_c^d \left\{ \int_a^b \varphi(x, y) dx \right\} dy = \iint_D \varphi(x, y) dx dy.$$

МУНДАРИЖА

Сўз боши . . . . .	3	митга ўтиш . . . . .	113
I боб. Тўпламлар назариясидан асосий маълумотлар . . . . .	5	34- §. Чегараланмаган функциянинг Лебег интеграли. Жамланувчи функциялар . . . . .	116
1- §. Тўплам тушунчаси . . . . .	5	Машқ учун масалалар . . . . .	123
2- §. Тўпламларнинг қисмлари ва тўпламлар устида амаллар . . . . .	6	VII боб. Квадрати билан жамланувчи функциялар . . . . .	125
3- §. Тўпламлар системаси. Тўпламни синфларга ажратиш . . . . .	10	25 §. $L_p$ синфлари ва асосий теорияси . . . . .	125
4- §. Тўпламларни бир-бирига акс эттириш . . . . .	13	36- §. Норма. Ўрта маънода яқинлашиш ва суэт яқинлашиш . . . . .	128
5- §. Тўпламнинг қуввати . . . . .	15	38 §. Ортонормал системалар . . . . .	133
6- §. Саноқли тўпламлар . . . . .	19	Машқ учун масалалар . . . . .	139
7- §. Саноқсиз тўпламлар . . . . .	22	VIII боб. Ўзгариши чегараланган функциялар. Стильтъес интеграли . . . . .	139
8- §. Тўпламларнинг қувватларини солиштириш . . . . .	24	38- §. Ўзгариши чегараланган функциялар . . . . .	139
Машқ учун масалалар . . . . .	27	39- §. Стильтъес интеграли . . . . .	148
II боб. Нуқтали тўпламлар . . . . .	29	40- §. Стильтъес интегралнинг асосий ҳоссалари . . . . .	152
9- §. Лимит нуқта . . . . .	29	41- §. Стильтъес интеграли остида лимитга ўтиш . . . . .	157
10- §. Яқинлашувчи тўпламлар ва кетма-кетликлар . . . . .	32	Машқ учун масалалар . . . . .	177
11- §. Ёпиқ ва ҳосила тўпламларнинг ҳоссалари . . . . .	34	IX боб. Лебегнинг аниқмас интеграл. Абсолют узлуксиз функциялар . . . . .	178
12- §. Борель — Лебег теоремаси . . . . .	38	42- §. Монотон функциянинг ҳосиласи . . . . .	186
13- §. Қуюқланиш нуқталари . . . . .	40	43 §. Лебегнинг аниқмас интеграли . . . . .	186
14- §. Ички нуқталар ва очиқ тўпламлар . . . . .	43	44- §. Абсолют узлуксиз функциялар . . . . .	177
15- §. Чегараланган очиқ ва ёпиқ тўпламларнинг тузилиши . . . . .	45	45- §. Бошланган функцияни тиклаш . . . . .	185
16- §. Контор тўпламлари . . . . .	48	Машқ учун масалалар . . . . .	185
Машқ учун масалалар . . . . .	51	X боб. Метрик фазолар . . . . .	186
III боб. Ўлчовли тўпламлар . . . . .	52	46- §. Метрик фазо тушунчаси . . . . .	190
17- §. Тўпламнинг ўлчови . . . . .	52	47- §. Метрик фазода яқинлашиш тушунчаси . . . . .	194
18- §. Ўлчовли тўпламлар ҳақида теоремалар . . . . .	59	48- §. Ёпиқ ва очиқ тўпламлар . . . . .	197
19- §. Ўлчовли тўпламлар синфи . . . . .	67	49- §. Ўўла метрик фазолар . . . . .	200
20- §. Витали теоремалари . . . . .	68	50- §. Сепарабел фазолар . . . . .	204
Машқ учун масалалар . . . . .	72	51- §. Метрик фазода компактлиги . . . . .	211
IV боб. Узлуксиз функциялар . . . . .	73	52- §. Қисқартириб акс эттириш принципи ва унинг татбиқлари . . . . .	215
21- §. Функция тушунчаси ва унинг узлуксизлиги . . . . .	73	Машқ учун масалалар . . . . .	220
22- §. Узлуксиз функцияларнинг асосий ҳоссалари . . . . .	76	XI боб. Қўшимчалар . . . . .	218
23- §. Узлуксиз функциялар кетма-кетлиги . . . . .	79	53- §. Қувватлар устида амаллар. Ихтиёрий катта қувватларнинг мавжудлиги . . . . .	218
24- §. Узлуксиз функциялар ҳосиласи мавжуд бўлган нуқталардан иборат тўпламнинг тузилиши . . . . .	81	54- §. Тўпламнинг Декарт қўшимчаларининг қуввати . . . . .	211
25- §. Бирорта ҳам нуқтада ҳосилага эга бўлмаган узлуксиз функция мисоли . . . . .	83	55- §. Функциянинг тебраниши. Функциянинг узилиш нуқталари тўпламининг тузилиши . . . . .	222
26- §. Функциянинг ҳосила сонлари . . . . .	85	56- §. Узлуксиз чизиқлар. Жордан ва Пеано чизиқлари . . . . .	222
Машқ учун масалалар . . . . .	86	57- §. Ҳўғриланувчи чизиқлар . . . . .	222
V боб. Ўлчовли функциялар . . . . .	87	58- §. Квадратланувчи ва кубланувчи соҳалар. Тўпламнинг Жордан маъносидаги ўлчови . . . . .	223
27- §. Ўлчовли функциянинг таърифи ва унинг ҳоссалари . . . . .	87	59- §. Ҳақиқий сонларни $p$ ли касрларга ёйиш . . . . .	223
28- §. Ўлчовли функциялар кетма-кетлиги. Лебег, Рисс, Егоров теоремалари . . . . .	91	60- §. Ўлчовсиз тўплам мисоли . . . . .	223
29- §. Лузин теоремаси . . . . .	97	61- §. Кўп ўзгаришчан функцияларнинг Лебег интеграл. Фубининг теоремаси . . . . .	223
Машқ учун масалалар . . . . .	100		
VI боб. Лебег интеграл . . . . .	101		
30- §. Чегараланган функциянинг Лебег интеграл . . . . .	101		
31- §. Риман ва Лебег интегралларини солиштириш . . . . .	103		
32- §. Чегараланган функция Лебег интегралнинг асосий ҳоссалари . . . . .	103		
33- §. Лебег интеграл остида ли-			

118870

49 г.

14

УКІТУВЧИ